


AGENDA

vir die agtiende vergadering
(sinodesitting) van die

SINODE HOËVELD


van die

NEDERDUITSE GEREFORMEerde Kerk



BIRCHWOOD KONFERENSIESENTRUM,
BOKSBURG

Donderdag 25 tot Saterdag 27 Oktober 2007.



ERRATA OP AGENDA
EERSTE SITTINGS DAG – 25 OKTOBER 2007

BESKRYWINGSPUNT 7.3 OP BLADSY VAN DIE AGENDA MOET VERANDER WORD OM AS VOLG TE LEES:

7.3. GESAG VAN DIE BYBEL.

**7.3.1. BESKRYWINGSPUNT – GESAG VAN DIE BYBEL
(VOORSTEL: KERKRAAD NG KERK KEMPTON-KRUIN)**

Die kerkraad van die NG Kerk Kempton-Kruin versoek die Sinode Hoëveld om: die Bybel as gesaghebbende Woord van God te bely wat helder en duidelik is en ons rigsgenoer is vir leer en lewe.

ROEPING EN WAARDES VAN DIE NG SINODE HOËVELD

Die Sinode Hoëveld begelei gemeentes:

- (a) om God, mekaar en die wêreld met Christus se liefde te dien.
- (b) sodat die NG Kerk in die Sinode Hoëveld groei na 'n gestuurde kerk vir die samelewing.

Ons handhaaf die volgende waardes:

- (1) Ons basis is die Bybel en ons is oortuig dat die Bybel splinternuwe antwoorde bied.
- (2) Ons word gevoed deur 'n ryke bron van kerklike tradisies, belydenisse en liturgieë.
- (3) Ons is toekomsgerig en bring hoop – want ons toekoms is in Jesus Christus se hande.
- (4) Kreatiwiteit:- Ons bring nuwe perspektiewe op bestaande situasies. Al het ons nie al die antwoorde nie, help ons (lidmate) om nuut te verstaan.
- (5) Ons is bereid om met waagmoed op te tree en ook bereid om foute te maak.
- (6) Ons vier en benut diversiteit
- (7) Ons is sensitief vir konteks (wêreld) waarin ons kerk is.
- (8) Ons lê klem op lidmate en hulle gawes.
- (9) Ons wil hê lidmate moet hulle verhouding met die Here met hulle hele menswees vier.

Ons doel is om:

- (1) Om gemeenteleiers te help om ons omgewing en tydsgees te verstaan en hulle toe te rus vir 'n kerk van die toekoms.
- (2) Om gemeentes te begelei om 'n gestuurde kerk vir die samelewing te word deur (a) uit te reik na die gemeenskappe deur (b) te groei na 'n bediening wat vir diversiteit voorsiening maak.
- (3) Om op 'n omvattende wyse betrokke te wees by die genesing van ons land deur te help om nood in ons samelewing te verlig.
- (4) Om die proses van kerkhereniging in die NG Kerkfamilie te bevorder.
- (5) Om ekumene te bevorder.

VOORWOORD

Die Agtiende Vergadering van die Sinode van Suid-Transvaal, nou bekend as die Sinode Hoëveld, vind vanjaar, in die woorde van dr. Kobus Gerber, Algemene Sekretaris van die NG Kerk, plaas " ' ... soos alle kerkvergaderings' ' ... met die oog op 'n tyd soos hierdie...' (Ester 4:14)."

Sedert die vorige Sinodesitting van die Sinode Hoëveld het baie water in die see geloop. Twee luistersinodes, één Algemene Sinodesitting, verskeie vergaderings met ander kerke met die oog op kerkhereniging, die predikantekonferensie in Bloemfontein, 'n Luisterseisoen en vele ander opwindende sake, het alles bygedra tot 'n baie besige, polsende, dinamiese ervaring van die Kerkgeskiedenis wat geskryf is.

Dit beteken dat ons almal hierdie Sinode benader as mense wat teologies veel ryper is, veel verder op die pad van gestuurheid, veel verder op die pad weg van die modernisme, as wat ons was twee jaar gelede tydens die 2005 Sinodesitting. Baie van die besluite wat ons destyds geneem het, is reeds ten volle uitgevoer terwyl ander amper doodgebore was. Slegs die praktyk kon aan ons die wysheid, of die gebrek daaraan, uitwys.

In die reses was ons doel en fokus om ons roeping uit te leef, in en deur ons 5 strategiese doelwitte. Hierdie vergadering sal ook nie anders wees wat dit betref nie en daarom word u opgeroep om dit te beleef as 'n geleentheid om deel te neem, besluite te neem, gevorm te word en om toegerus te word, om (a) God, mekaar en die wêreld, met Christus se liefde te dien, (b) sodat die NG Kerk in die Sinode Hoëveld, kan groei na 'n gestuurde kerk vir die samelewning.

Bestudeer hierdie Agenda asseblief baie goed sodat u die vergadering as 'n ingeligte persoon kan benader en hanteer. Daar sal belangrike sake en soms ook sensitiewe sake in hierdie sinodesitting ter sprake kom. Dit is ons bede dat ons te alle tye getrou sal bly aan ons roeping, ons geloofsbelofte en ons status as kinders van die Here in die hantering en bespreking hiervan. Sonder gebed en die leiding van die Heilige Gees, kan ons nie hierdie vergadering aanpak nie. Doen daarom asseblief ernstig voorbidding vir hierdie Sinodesitting en vra in besonder dat die Here ons sal lei om ons roeping, visie, doelwitte en die beliggaming daarvan, werklik binne Sý Wil en tot Sý Eer af te handel.

Vergun my om vir een en elkeen wat verslae moes indien vir hierdie Sinode opreg te bedank vir hul moeite. Ja, die tyd was min, veral as mens in ag neem dat daar nog al die reëlings van 'n Algemene Sinode tussen-in plaasgevind het, slegs 'n skrale vier maande gelede. Dit is daarom te verstan dat meeste verslae nie betyds afgehandel en ingehandig kon word nie. Dit maak my dankie net soveel te meer opreg – u het ten spyte van alles gehelp dat ons die agenda steeds 'n geruime tyd voor die aanvang van die Sinode in die hande van die Sinodegangers kon plaas.

'n Besondere woord van dank aan die lede van die Ontwerpspan van Sinode Hoëveld onder leiding van Ds. André Ströh. Strooitjie, jy is 'n yster! Hierdie sinode is in 'n rekord tyd beplan en tot uitvoer gebring. Vir jou en elke ander lid van jou uiters bekwame ontwerpspan – baie dankie! Ook die Notulespan word nou reeds hartlik bedank vir die harde werk wat voorlê tydens die Sinode. Ek sien daarna uit om weer saam met julle skouer te skuur in die proses.

Laastens 'n besondere woord van dank aan ons HUA, Ds. Dawid Venter, ons koördineerde, me. Hannie Harmse en elke ander persoon in die Administratiewe Kantoor van ons Sinode


wat so hard gewerk het om die administratiewe hartklop van die Sinodesitting gesond te hou.

Met groete in Christus!

Dr. Gideon J Kok

Skriba: Sinode Hoëveld.

ROETEKAAART NA BIRCHWOOD KONFERENSIE SENTRUM



LYS VAN AFKORTINGS IN AGENDA GEBRUIK

ABID	Argief en Bestuursinligtingsdienste	NGBDM	NG Barmhartigheidsdiens Mpumalanga
adv.	advokaat	NGK	NG Kerk
AJK	Algemene Jeugkommissie	NGKA	NG Kerk in Afrika
AKG	Algemene Kommissie vir Gemeentebediening	nl.	naamlik
AKMKK	Abraham Kriel Maria Klopper Kinderhuis	NT	Nuwe Testament
AKPB	Algemene Kommissie vir Predikante Bediening	N-Tvl	Noord-Transvaal
AKTO	Algemene Kommissie vir Teologiese Opleiding	NWO	Niewinsgewende Weldaadsorganisasie
ARK	Algemene Regskommissie	o.a.	onder andere
Art.	Artikel	OT	Ou Testament
ASCII	American standard code for information interchange	O-Tvl	Oos-Transvaal
ASK	Algemene Sinodale Kommissie	oudl	ouderling
ATKV	Afrikaanse Taal- en Kultuurvereniging	OVS	Oranje Vrystaat
BA	Baccalaureus Artium	OWO	Openbare Weldaadsorganisasie
Bep.	Bepaling	p	pagina (bladsy)
BD	Baccalaureus Divinitas	par.	paragraaf
br.	broer	PP	Pastor Pastorum
CAD	Christelike Afhanklikheidsdiens	PPF	Predikante Pensioenfonds
CD	Compact Disc	prof	professor
CMR	Christelike Maatskaplike Raad	RAU	Randse Afrikaanse Universiteit
CM Rade	Christelike Maatskaplike Rade	RCA	Reformed Church of Africa
CSV	Christenstudentevereniging	RSA	Republiek van Suid-Afrika
CSV-formaat	Comma Seperated Values-formaat	SA	Suid-Afrika
di.	dominees	SAAWE	Suid-Afrikaanse Assosiasie vir Wêreldevangelisasie
DGroep	Diensgroep	SAB	Suid-Afrikaanse Brouerye
Dipl Teol	Diploma Teologie	SAID	Suid-Afrikaanse Inkomste Diens
DLitt et Phil	Doctor Litterarum et Philosophy	SAP	Suid-Afrikaanse Polisie
ds.	dominee	SARK	Suid-Afrikaanse Raad van Kerke
dr.	doktor	SAVGG	Suid-Afrikaanse Venootskap van Gestuurde Gemeentes
D.Th.	Doctor Theologia	SBO	Sentrum vir Bedieningsontwikkeling
E-pos	Elektroniese pos	SDK	Sinodale Dienstkommissie
FAK	Federasie van Afrikaanse Kultuurverenigings	SEVTO	Sentrum vir Voortgesette Teologiese Opleiding

Faskom	Fasiliteringskommissie	SKA	Sinodale Kommissie vir Administrasie
GKABID	Gesamentlike Kommissie vir Argief en Bestuursinligtingsdienste	SKDB	Sinodale Kommissie vir die Diens van Barmhartigheid
GKF	Gesamentlike Kommissie vir Fondse	SKDV	Sinodale Kommissie vir Diensverhoudinge
GRK	Gautengse Raad van Kerke	SKKK	Sinodale KerkkantoorKommissie
HOD	Hoër Onderwysdiploma	SMS	Short Message Service
IFCC	International Federation of Christian Churches	t.o.v.	ten opsigte van
MA	Magister Artium	UP	Universiteit van Pretoria
m.b.t. MES	met betrekking tot Middestad Evangeliese Sorg	US	Universiteit van Stellenbosch
MIV	Menslike Immuniteitsvirus	VGK	Verenigende Gereformeerde Kerk
NCD	Natural Church Development	VGKSA	Verenigende Gereformeerde van Suid-Afrika
NG	Nederduitse Gereformeerde	VIGS	Verworwe Immuniteitsgebreksindroom
NGBD	NG Barmhartigheidsdiens	VTO	Voortgesette Teologiese Opleiding

INHOUDSOPGawe

1 INLEIDEND	1
1.1 IN MEMORIAM.....	1
1.2 VERSLAG VAN DIE SINODALE ONTWERPSPAN.....	4
1.2.1 SAMESTELLING:.....	4
1.2.2 PLEK VAN VERGADERING:.....	4
1.2.3 VERBLYF.	4
1.2.4 PARKERING.	4
1.2.5 REISKOSTE.	4
1.2.6 REGISTRASIE.....	4
1.2.7 NAAMKAARTJIES.	4
1.2.8 REËLINGS VIR DIE SINODE.....	4
1.2.9 DIENSKOMMISSIES.....	6
1.2.10 MEELEWING VAN LIDMATE	6
1.2.11 NOTULE.....	6
1.2.12 TEMA	6
1.2.13 STRUKTUUR VAN DIE VERGADERING.....	7
1.2.14 GASTE	7
1.2.15 AANBEVELING:	7
2 VERSLAG VAN DIE SINODALE DIENSKOMMISSIE	8
2.1 SDK FUNKSIONERING	8
2.1.1 PERSONEEL VAN DIE SINODALE DIENSKOMMISSIE	8
2.1.2 SAMESTELLING VAN DIE SDK.....	8
2.1.3 VERANDERING VAN PERSONEEL.....	9
2.1.4 AANBEVELINGS: SDK PERSONEEL.....	10
2.1.5 STRUKTUURWYSIGING AAN DIE SINODALE DIENSKOMMISSIE.....	10
2.1.6 BELANGRIKE KONKLUSIE:.....	11
2.1.7 AANBEVELING – PORTEFEULJES VAN DIE SINODE:	11
2.1.8 AANBEVELINGS: LEIERSKAP VAN DIE SINODE (VIR GOEDKEURING).....	11
2.1.9 OPDRAGTE VAN DIE VORIGE SINODESITTING:.....	11
2.1.10 UITGANGSPUNTE	12
2.1.11 SLEUTELPRESTASIE-AREAS.....	12
2.1.12 STRATEGIE.....	12
2.1.13 OPERASIONALISERING VAN DIE VYF STRATEGIESE DOELWITTE.....	13
2.2 VERSLAG VAN DIE AKTUARIUS	14
2.2.1 INLIGTING	14
2.2.2 AKTES VAN BEVESTIGING.....	14
2.2.3 ANDER NUWE LERAARS IN ONS SINODE.....	14
2.2.4 AANBEVELING : AKTUARIUS - NUWE LERAARS IN SINODE.....	15
2.3 VERSLAG: SINODALE REGSKOMMISSIE	16
2.3.1 SAMESTELLING VAN DIE KOMMISSIE.	16
2.3.2 VERGADERINGS.....	16
2.3.3 OPDRAGTE.	16
2.3.4 NUWE KERKORDE EN AANVULLENDE BEPALINGS HOËVELD SINODE.....	16
2.3.5 APPÈLSAKE.....	16
2.3.6 RIGLYNE VIR 'N TUGONDERSOEK.	17

2.3.7	VERDERE WYSIGINGS IN KERKORDE EN AANVULLENDE BEPALINGS 2007.....	17
2.3.8	ANDER SAKE.....	17
2.3.9	BESKRYWINGSPUNTE.....	17
2.3.10	BYLAAG 1: RIGLYNE VIR 'N TUGONDERSOEK	18
2.4	VERSLAG VAN DIE SKRIBA	20
2.4.1	INLIGTING	20
2.4.2	AGENDAS EN NOTULES:.....	20
2.4.3	ANDER SKRIBAATSPLIGTE	20
2.4.4	BEDANKINGS.....	21
2.5	TEN SLOTTE	21
3	<u>OPERASIONALISERING VAN DIE VYF (5) STRATEGIESE DOELWITTE.</u>	22
3.1	OM GEMEENTELEIERS TE HELP OM ONS OMGEWING EN TYDSGEES TE VERSTAAN EN HULLE TOE TE RUS VIR KERK VAN DIE TOEKOMS.	22
3.1.1	DIENSGROEP EIETYDSE BEDIENING.....	22
3.1.2	STUDENTEBEDIENING: STUDENTE-KERK MELVILLE, KRUISGEMEENTE.	25
3.1.3	VERSLAG VAN DIE 2006 LUISTERSinode	37
3.1.4	VERSLAG VAN DIE 2007 LUISTERSinode	41
3.1.5	JEUGSinode 2006 – VERSLAG: HOE VOEL HOËVELD SINODE SE TIENERS OOR DIE KERK AS BRUID VAN JESUS CHRISTUS?.....	46
3.1.6	VERSLAG VAN DIE WERK VAN MES (METRO EVANGELIESE SORG).....	48
3.1.7	VERSLAG VAN DIE DIENSGROEP "SEISOEN VAN LUISTER"	51
3.1.8	BESOEK VAN BRIAN MCLAREN	55
3.2	OM GEMEENTES TE BEGELEI OM 'N GESTUURDE KERK VIR DIE SAMELEWING TE WORD DEUR (A) UIT TE REIK NA DIE GEMEENSKAPPE EN DEUR (B) TE GROEI NA 'n BEDIENING WAT VIR DIVERSITEIT VOORSIENING MAAK.....	56
3.2.1	DIE VENNOOTSKAP VAN GESTUURDE GEMEENTES	56
3.3	OM OP 'N OMVATTENDE WYSE BETROKKE TE WEES BY DIE GENESING VAN ONS LAND DEUR TE HELP OM NOOD IN ONS SAMELEWING TE VERLIG	61
3.3.1	VERSLAG VAN DIE SINODALE KOMMISSIE VIR DIE DIENS VAN BARMHARTIGHEID	61
3.4	OM DIE PROSES VAN KERKHERENIGING IN DIE NG KERK FAMILIE TE BEVORDER.....	84
3.4.1	VERSLAG VAN DIE DIENSGROEP KERKHERENIGING	84
3.4.2	BYLAES TOT KERKHERENIGING.....	84
3.5	STRATEGIESE DOELWIT 5 - OM EKUMENE TE BEVORDER.	107
3.5.1	VERSLAG VAN DIE DIENSGROEP: EKUMENE.	107
4	<u>PORTEFEULJES EN DIENSGROEPE</u>	110
4.1	PORTEFEULJE ADMINISTRASIE.	110
4.1.1	VERSLAG VAN DIE SINODALE KOMMISSIE VIR ADMINISTRASIE (SKA).	110
4.1.2	DIENSGROEP: KOMMUNIKASIE.....	140
4.1.3	VOORLEGGING VAN DIE GESAMENTLIKE KOMMISSIE VIR ARGIEF EN BESTUURSINLIGTINGSDIENSTE VAN DIE NG KERK VAN TRANSVAAL (GKABID)	142
4.2	PORTEFEULJE BEDIENINGSTEUN.....	176
4.2.1	VERSLAG VAN DIE DIENSGROEP BEDIENINGSTEUN	176
4.2.2	BYLAE: BRUGPASTORAAT IN DIE NED GEREFA KERK, SINODE HOËVELD.	183
4.2.3	BYLAE: VORDERINGSVERSLAG TOV DIE BRUGPASTORAAT – OKTOBER 2007.	189
4.2.4	VERSLAG : SINODALE TAAKGROEP TOV AFTREDE.	192
4.2.5	VERSLAG VAN DIE PASTOR PASTORUM.....	194
4.3	PORTEFEULJE: LEIERSKAP EN ONTWIKKELING	195

4.3.1. VERSLAG VAN DIE PORTEFEULJELEIER.....	195
4.4 PORTEFEULJE: NAVORSING	197
4.4.1 VERSLAG VAN DIE PORTEFEULJELEIER:.....	197
4.4.2 LEER- EN AKTUELE SAKE.....	199
4.4.3 NAVORSING: DIENSGROEP EIETYDSE BEDIENING	200
4.5 PORTEFEULJE: NETWERKE	201
4.5.1 SINODALE DIENSGROEP VIR DIE JEUG	201
4.5.2 SINODALE DIENSGROEP VIR VROUELIDMATE	204
4.5.3 SINODALE KOMMISSIE VIR DIE DIENS VAN BARMHARTIGHEID (SKDB)	205
4.5.4 VERSLAG VAN DIE DIENSGROEP GETUIENIS 2007	206
4.5.5 VERSLAG VAN EFFATA VIR DOWES 2007	207
 5 KURATORIA	210
5.1 KURATORIUM EN EKSAMENKOMMISSIE TEOLOGIESE FAKULTET VAN DIE VRYSTAAT	210
5.1.1 PERSONEEL:	210
5.1.2 STUDENTE:	210
5.1.3 AANBEVELINGS RAKENDE DIE TEOLOGIESE FAKULTET, UNIVERSITEIT VAN DIE VRYSTAAT:..	210
5.2 KURATORIUM EN EKSAMENKOMMISSIE TEOLOGIESE FAKULTET VAN PRETORIA	211
5.2.1 VERSLAG VAN DIE KURATORIUM AAN DIE HOËVELD SINODE IN SITTING TE BIRCHWOOD KONFERENSIESENTRUM VANAF 25 TOT 27 OKTOBER 2007	211
5.3 KURATORIUM EN EKSAMENKOMMISSIE TEOLOGIESE FAKULTET VAN STELLENBOSCH.....	214
5.3.1 INLIGTING	214
 6 ANDER	215
6.1 VERSLAG VAN DIE BYBELGENOOTSkap VAN SUID- AFRIKA (BSA) AAN DIE SINODE VAN HOËVELD IN SITTING TE BIRCHWOOD KONFERENSIE SENTRUM VAN 25-27 OKTOBER 2007.....	215
6.1.1 INLEIDEND	215
6.1.2 VERTALINGS	215
6.1.3 NUWE PUBLIKASIES	215
6.1.4 PRODUKSIE	216
6.1.5 VERSPREIDING	216
6.1.6 VOLLEDIGE AFRIKAANSE BYBELS SE VERSPREIDING IN GEDRUKTE FORMAAT:.....	216
6.1.7 BEFONDING.....	217
6.1.8 KONTAK TUSSEN DIE BSA EN DIE NG KERK IN DIE HOËVELD SINODE	217
6.1.9 ANDER SKAKELING	217
6.1.10 AANBEVELINGS - BYBELGENOOTSkap	217
6.1.11 SLOT EN DANKWOORD	218
 7 BESKRYWINGSPUNTE ONTVANG.....	219
7.1 SINODALE BYDRAES.....	219
7.1.1 BESKRYWINGSPUNT – SINODALE BYDRAES, DIE RING VAN BRAKPAN (VOORSTEL: SH PIENAAR; SEKONDANT: J NEL)	219
7.2 LIGGAAMLIKE OPSTANDING VAN JESUS	220
7.2.1 BESKRYWINGSPUNT – LIGGAAMLIKE OPSTANDING VAN JESUS (VOORSTEL: KERKRAAD NG KERK KEMPTON-KRUIN)	220
7.3 GESAG VAN DIE BYBEL	220

7.3.1 BESKRYWINGSPUNT – GESAG VAN DIE BYBEL (VOORSTEL: KERKRAAD NG KERK KEMPTON-KRUIN)	220
7.4 KOMMUNIKASIE OOR EN GELEENTHEID TOT INSETTE ten opsigte van BELANGRIKE SAKE... <td>220</td>	220
7.4.1 BESKRYWINGSPUNT - KOMMUNIKASIE OOR EN GELEENTHEID TOT INSETTE TEN OPSIGTE VAN BELANGRIKE SAKE (VOORSTEL: J NEL, SEKONDANT: JB SPIES)	220
7.5 HOMOSEKSUALITEIT.....	220
7.5.1 BESKRYWINGSPUNT - HOMOSEKSUALITEIT (VOORSTEL: DJ LE ROUX, SEKONDANT: CJ STANDER).....	220
8 INDEKS.....	221

1 INLEIDEND

1.1 IN MEMORIAM.

Tydens die reses is daar twee van ons dienende leraars oorlede. Daar het ook, sover ons weet, twee emeritus-leraars afgesterf wat in hulle laaste gemeentes in die Sinode Hoëveld gearbei het. Dr. Lombaard se laaste gemeente was wel Florida, maar hy was altyd nou by ons sinode betrokke. In hierdie beskrywings het ons ruim gebruik gemaak van die artikels van Dr. Gerdrie van der Merwe, soos in die Jaarboeke van die Ned Geref Kerke van 2006 en 2007. Daar is ook gesprekke gevoer met van die oorledenes se geliefdes. Hierdie verslag handel eers oor die twee dienende leraars en daarna oor die emeriti, en wel in alfabetiese volgorde.

Joseph Adriaan Coetzee (BA, BD)

(*11 November 1957, †24 November 2006)

Attie Coetzee is op die geskiedkundige dorp Graaff-Reinet gebore. Hy ontvang sy skoolopleiding aan die Laerskool Cradock en die Hoëskool Middelburg (KP). Hy ontvang die roeping om predikant te word, reeds vroeg en hy gaan studeer dus direk ná skool aan die Universiteit van Stellenbosch waar hy die BA-graad in 1978 verwerf.

Daarna kom hy na die Noorde en verwerf sy BD aan die Universiteit van Pretoria in 1982. Hy trou in November 1980 met Susan (In onderwyseres). Twee seuns (Riaan – tans 25 en Conrad – tans 21) word uit die huwelik gebore. Attie word aan die einde van 1982 gelegitimeer, waarna hy militêre diens as dienspligkapelaan doen.

In 1985 word hy dan in sy eerste gemeente bevestig (Peacehaven, in Vereeniging). Hier bly hy slegs vir drie jaar, waarna hy In beroep na die dorp waar hy grootgeword het, naamlik Middelburg (KP), aanvaar.

In Middelburg sou Attie vir die grootste deel van sy bediening arbei. Hy help die gemeente om In groot bedrag skuld af te werk en saam met die gemeente rig hy In muur van herinnering op. Die uitstaande kenmerk van Attie se bediening is egter sy prediking. Sy preke word as lewendig en dinamies beskryf. Hy was baie geliefd in Middelburg.

Na agtien jaar in Middelburg, ontvang hy In beroep na die gemeente Charl Cilliers in die gebied van Hoëveld Sinode. Hier word hy op 24 Augustus 2006 bevestig. Ook vir hierdie gemeente is sy dinamiese prediking baie spesiaal. Erediensbywoning styg dramaties en die gemeente blom.

Dit was hom egter nie beskore om lank in Charl Cilliers te werk nie, want op 24 November 2006, presies negentig dae nadat hy daar bevestig is, verwissel Attie die tydelike met die ewige as gevolg van 'n hartaanval. Dit was dertien dae ná sy 49ste verjaardag. Dit is vir die gemeente en vir sy gesin 'n baie groot skok en verlies. Ná sy dood bly sy vrou in die omgewing aan, as onderwyseres op Secunda.

Gerrit Stefanus Louw (BA Hons (Filosofie), MTh)

(*4 Maart 1972, †15 September 2006)

Stefan Louw is in Pretoria gebore as die tweede van vyf kinders. Hy word in 'n baie Christelike huis groot. Sy pa was as sendeling by die Dorothea-sending betrokke. Vroeg in sy lewe het sy

ouers na die destydse Suidwes-Afrika verhuis en hy gaan skool op Walvisbaai en later Windhoek. Hy het tot met sy dood baie van Namibië gehou.

Hy gaan in Stellenbosch studeer waar hy uitblink in sy studies en hy word in 1999 gelegitimeer. As gevolg van 'n tekort aan beroepe word hy nie dadelik beroep nie en hy dien aanvanklik as jeugwerker in die gemeente Sonstraal in die Wes-Kaap. In 2004 word hy uiteindelik in Sonstraal as leraar bevestig. Hier word sy besondere gawes reeds raakgesien terwyl hy hoofsaaklik met die jeug besig bly.

In dieselfde jaar (2004) ontvang hy 'n beroep na Melville, wat hy aanvaar en so loop sy pad na die Hoëveld Sinodale streek. In Melville het hy gou geliefd geword. Mense van daardie omgewing (ook dié wat by die kunste betrokke was) het groot waardering vir die aard van sy spiritualiteit gehad. Hy het inderdaad goed by hierdie gemeente ingepas.

Stefan was lief vir taal en woorde. Hy het verder in die Wysbegeerte studeer, wat, saam met sy liefde vir taal, meegebring het dat hy baie skerp kon redeneer en sy sieninge met groot welsprekendheid kon formuleer. Hy was ongetwyfeld besig om te ontwikkel tot 'n toekomstige leier in die breë NG Kerk.

Op 15 September 2006 word daar by sy huis in Melville ingebreek en hy word koelbloedig deur die rowers in die bors geskiet. Voor sy dood kon hy nog sy vrou skakel en vertel wat gebeur het. Hy sterf in die ouderdom van 34 jaar.

Dit is tragies dat die NG Kerk iemand soos Stefan Louw op so 'n vroeë ouderdom en op so 'n sinnelose manier moes verloor. Die hoë misdaadsyfer in ons land het ongelukkig ook in hierdie geval, sy tol geëis. Die gemeente het egter groot meegevoel met sy vrou (Brenda – met wie hy baie gelukkig getroud was) betoon en haar mooi bygestaan. Die egpaar het geen kinders gehad nie.

Petrus Jacobus du Toit (BA)
(*10 Oktober 1924, †12 September 2005)

Pieter du Toit is op die plaas Libertas in die distrik Senekal in die Vrystaat gebore. Sy ouers het albei die Here in die onderwys gedien, eers op Libertas self, en later op Senekal en Kroonstad.

Pieter matrikuleer in 1941 aan die Hoërskool Senekal. Hy gaan studeer vir onderwyser en behaal die graad BA aan die Universiteit van Pretoria. Hy voel hom al meer geroepe om predikant te word en daarom bestudeer hy ook Grieks en Hebreeus. Uiteindelik gaan hy Stellenbosch toe waar hy teologie studeer en hy word in 1949 gelegitimeer as proponent. In 1950 word hy in sy eerste gemeente bevestig, naamlik Vosburg in die Groot Karoo.

Op Vosburg het Ds. du Toit vier jaar gearbei voor hy in 1954 na die gemeente Klipriviersberg in Johannesburg beroep is. Hier arbei hy vir twee en 'n halwe jare. Hy word weer beroep en bedien nog ses ander gemeentes, te wete Rustenburg-Oos (1956), Worcester (1962), Springs-Oos (1968), Selcourt – ook in Springs (1972), Rietfontein-Noord (1977) en uiteindelik Sundra – naby Springs (1983), waar hy in September 1987 emeritaat aanvaar.

Dwarsdeur sy bediening was Ds. du Toit by sinodale- en ringskommissies betrokke, waar hy sy belangstelling in die sending en jeug kon uitleef. Hy was lief vir huisbesoek en het naby aan die mense geleef. Hy was baie geliefd in elke gemeente waar hy gedien het. Sy saggearde persoonlikheid het baie lidmate se harte geraak.

Ds Pieter du Toit is op 5 April 1950 met Lenie du Toit getroud. Uit die huwelik is vier kinders gebore. Ná 'n ernstige beroerte word hy in die hospitaal opgeneem en hy sterf op 12 September 2005 in die ouderdom van tachtig jaar en elf maande. Sy vrou skryf: "Hy was 'n baie liefdevolle mens met 'n fyn humorsin ... 'n toegegewye werker in diens van sy Meester, nederig en plat op die aarde ... 'n wonderlike pa en oupa."

Carel Jacobus de Wet Lombaard (BA, Dipl Teol, D Litt et Phil)
(*29 Maart 1933, †3 Mei 2004)

Carel Lombaard is in die geskiedkundige dorpie Kestell in die Oos Vrystaat gebore. Beide sy ouers het in die onderwys gedien. Hy was die oudste van vier kinders en hy word in 'n huis groot waar intellektuele opvoeding 'n groot rol gespeel het.

Carel matrikuleer aan die Hoëskool Brandfort. Hy ontvang reeds op skool die roeping om predikant te word. Ten spye van finansiële druk, het hy die BA-graad in 1956 aan Tukkies behaal. In dieselfde jaar trou hy met Joey Linde, 'n onderwyseres. Uit die huwelik is twee dogters gebore.

Hulle vertrek na Stellenbosch waar hy sy teologiese studies in 1961 afhandel en gelegitimeer word. Hy bedien twee gemeentes: Residensia (1962-1964) en Magaliesberg - later Magaliesburg (1964-1973). Hy studeer in hierdie tyd verder en behaal sy MA-graad in Kliniese Sielkunde. Op 1 Augustus word hy kerklike sielkundige van die Sinodes van Suid- en Wes-Transvaal, terwyl hy as pastorale hulp in die NG Gemeente Florida arbei. Hy behaal in 1985 sy doktorsgraad in Sielkunde aan die RAU.

Dr Carel het in sy leeftyd baie beteken vir baie mense. Dit was veral vir hom 'n voorreg om mense wat emosioneel swaargekry het, te help om weer op te staan. Dikwels het hy in die kerk groepe toegespreek, mense gemotiveer en ook oor die Radio en TV het hy sy perspektiewe deurgegee. Hy het ook baie kollegas wat moedeloos geraak het in die bediening, gehelp.

Hy was 'n humoris en ook nederig en plat-op-die-aarde. Hy was baie lief vir plante (hy het 'n trotse versameling broodbome gehad) en klassieke musiek. Ná sy emeritaat in 1993, gaan woon hy en Joey op Melkbosstrand. Hy doen kanker op en op 4 Mei 2004 is hy oorlede in die ouderdom van 71 jaar. Hy is deur sy swaer, Ds. Johan Pretorius, begrawe.

1.1.1 AANBEVELING: IN MEMORIA

1. Die Sinode neem met dank kennis van die werk wat deur bogenoemde leraars in die kerk van die Here, en spesifiek in die Sinode Hoëveld, verrig is. Ons wens hulle naasbestaandes die vertroosting en die seën van die Here toe en spreek ons diep meegevoel met hulle uit.
2. Die Sinode staan vir 'n oomblik as blyk van meegevoel.

1.2 VERSLAG VAN DIE SINODALE ONTWERPSPAN.

1.2.1 SAMESTELLING:

Die 2007 Ontwerpspan het bestaan uit:

Ds. A Ströh (Standerton-Wes, voorsitter);	ds. HC van Niekerk (Weltevreden);
Me Roschen de Villiers (Fasiliteerder);	ds. D Human (Bonaero Park);
Me Hannie Harmse (Koördineerder);	ds B Klut (Melville);
ds. D Venter (HUA);	dr. G Kok (Mondeor);
ds. C Rossouw (Suikerbosrand, skriba);	Me A Viljoen (NGBD);
ds. H Windell (Sonhoogte);	ds. G Young (Verwoerdpark).
ds. K Nel (Brakpan-Oos);	

As mense uitgesonder mag word vir besondere diens, moet Roschen de Villiers uitgesonder word.

1.2.2 PLEK VAN VERGADERING:

Die sinodesitting word by Birchwood Konferensiesentrum te Boksburg gehou.

123 VERBLYF.

Sinodegangers is versoek om sover moontlik te oornag by Birchwood. Om die koste daarvan te help dra, word gemeentes versoek om R200 per persoon per nag by te dra. Indien sinodegangers nie daar wil oornag nie, moet hulle self vir verblyf sorg en die kerkkantoor daarvan verwittig sodat onnodige koste vermy kan word.

124 PARKING.

Veilige parkering is beskikbaar op die terrein naby die vergaderlokaal.

'n Roetekaart na Birchwood Konferensie- sentrum is voor in die agenda.

1.2.5 REISKOSTEN

'n Enkele retoerkoste teen R1.60 per kilometer word aan afgevaardigdes buite 'n radius van 100 km vanaf Birchwood betaal. Afgevaardigdes word versoek om soveel as moontlik saam te ry en so min as moontlik te reis.

Eisvorms is by registrasie verkrybaar en moet op die laaste dag ingehandig word by die administratiewe lokaal.

1.2.6 REGISTRASIE

Afgevaardigdes kan op Donderdag 25 Oktober 2007 vanaf 12:00 tot 14:00 regstreer.

127 NAAMKAARTJIES.

Alle afgevaardigdes word vriendelik versoek om te alle tye hulle naamkaartjies sigbaar te dra – dit bevorder identifikasie deur die veiligheids-personeel en vergemaklik gesprekvoering tydens die sinodesitting.

1.2.8 REËLINGS VIR DIE SINODE.

1.2.8.1 KLEREDRAG.

By kerkvergaderinge (Kerkraad, Ring, Sinode) moet die drag sinvol en waardig wees.

Dit is belangrik dat afgevaardigdes vir dag twee gemaklik moet aantrek. 'n Verdere versoek vir dag twee is dat alle tasse en rekenaars huis gelaat word aangesien dit in die pad gaan wees van die proses wat gevolg gaan word. Diegene wat oorslaap kan dit in die kluis in die Konferensiesentrum se slaapkamers toesluit.

1.2.8.2 KONSTITUERING.

"Die skribaat stel die presensielys op uit die ingekome stukke en lê dit by die aanvang van die sitting ter tafel." (Bepaling 33.1.3)

1.2.8.3 OPENING.

Ds. JAC Badenhorst (Standerton-Suid) die afgevaardigde leraar met die langste diens, wat die oudste in jare is, neem die opening van die vergadering met Skriflesing en gebed waar (Bepaling 35.1.1.1).

1.2.8.4 VERKIESING VAN MODERATUUR.

Volgens besluit van die Sinode word die prosedure waarvolgens stemming plaasvind in die agenda opgeneem:

35.1.1 Verkiesing

35.1.1.2 Die voorsitter van die SDK neem die leiding by die konstituering totdat die moderator gekies is

35.1.1.3 Na die konstituering van die vergadering word die moderatuur op 'n geslotte stemwyse gekies sonder dat 'n nominasielys vooraf gevorm word

35.1.1.4 Onder leiding van die moderator word 'n assessor, aktuaris en skriba gekies wat saam met die moderator die moderatuur vorm

35.1.1.5 'n Moderator en 'n assessor kan vir 'n maksimum van twee, en 'n aktuaris en 'n skriba vir 'n maksimum van vier gewone opeenvolgende vergaderings in dieselfde posisie dien.

Dr. CJP Niemandt, die voorsitter van die (SDK) Moderatuur, neem die leiding by die konstituering totdat die moderator gekies is (Bepaling 35.1.1.2).

Die Steunspan sal as stemtellers optree.

1.2.8.5 RUSPLEKKIE.

Godsdiens rusplekke word deur die Ontwerpspan gereël.

1.2.8.6 BEHANDELING VAN VERSLAE.

Dit word van afgevaardigdes verwag om die Agenda huis te bestudeer. In die vergadering word dit as gelese beskou.

Sake sal sover as moontlik afgehandel word waar dit eerste voorkom.

1.2.8.7 LAAT STUKKE.

As interne reëling by Bepaling 35.5.1, MOET laat stukke elektronies per stoffie/CD by die Notulekommissie ingedien word, anders sal dit nie aanvaar word nie.

1.2.8.8 BESLUITERREGISTER.

'n Besluiteregister sal na afloop van die vergadering deur die Skriba opgestel word.

1.2.8.9 VOORSTELLE.

Alle nuwe voorstelle, amendemente, ensovoorts, moet op die voorstelvorms (verkrygbaar by jou steunspanlid) geskryf word. Alle relevante gedeeltes van die voorstelvorm moet voltooi word. Die voorstelle sal deur jou steunspanlid na die notuletafel geneem word, vanwaar dit die aangewese roete sal volg tot waar dit by die moderatuurstafel aan die orde gestel sal word indien dit ontvanklik is.

Voorstelle word deur die Notulekommissie by ontvangs daarvan:

- van nombmers (Voorstel 1, Voorstel 2 ens.) voorsien,
- in 'n Voorstelregister aangeteken,
- Afskrifte van gemaak; en
- Aan die belanghebbendes versprei.

1.2.8.10 STUKKE VOOR DIE SINODE

Geen stukke, van watter aard ook al, mag aan die vergadering uitgedeel word sonder dat vooraf toestemming daartoe deur die Moderatuur verleen is nie.

1.2.9 DIENSKOMMISSIES**1.2.9.1 SKAKELING MET PERS**

Ds. DAR Venter.

1.2.9.2 VERLOF EN AFKONDIGINGS

Dr. HH van der Linde (Verlof en Inligting) en Ds. CA du Plessis (Afkondigings).

1.2.9.3 PERSONEELWYSIGINGS EN VERLOF

Kontinuïteit is tydens die sinodesitting van wesenlike belang. Afgevaardigdes word versoek om reëlings te tref en seker te maak dat hulle die hele sinodesitting teenwoordig kan wees. Verlofaansoeke en personeelwysigings moet elke oggend vóór teetyd op die toepaslike vorm by die Administrasielokaal ingevul word.

1.2.10 MEELEWING VAN LIDMATE

Die Moderamen versoek lidmate om die Sondag vóór die sinodesitting (21 Oktober 2007) spesifieke voorbidding vir die Sinode te doen.

1.2.11 NOTULE

Die notule van die voorafgaande dag se vergadering, word daagliks aan die vergadering vir goedkeuring voorgelê. Inhoudelike foute word reggestel, maar redaksionele foute word net aan die Skriba gerapporteer.

1.2.12 TEMA

Die ontwerpspan het gesprek gevoer met die SDK en leraars oor die verwagtings vir die sinode. Daar is opnuut besin oor die funksie en werksaamhede van die sinode by sy vergadering en ook in die reses. Hieruit was dit duidelik dat vertroue verloor is in die "ou formaat" van vergader en funksioneer. Die sinode moet in lyn kom met ander temas, bv. Gestuurde Gemeentes, Strategiese Fokusareas, Luisterseisoen ens. Dit beteken dat fokusse gevestig moet word en nie noodwendig net hersien moet word nie. Wat uitgestaan het, is dat die sinode die gemeentes moet help om hulle roeping in die wêreld uit te leef en so hoop te skep en ondersteuning van mekaar bevorder.

Hierdie opname het die Roeping van die Sinode Hoëveld bevestig naamlik:

Die Sinode Hoëveld:

- begelei gemeentes om God, mekaar en die wêreld met Christus se liefde te dien en
- begelei gemeentes sodat die NG Kerk in die Sinode Hoëveld groei na 'n gestuurde kerk vir die samelewing.

Toe het 'n "tema" telkens opgedui, nl. " 'N KERK WAT WERK "

Die nuwe tema wat elke keer sentraal staan, het egter oor die afgelope jare die effek gehad dat daar verskeie fokusse geplaas is op belangrike werk en dat die hooftaak van die kerk vervaag het. Daarom is besluit dat ons weer fokus op die oorspronklike doelstelling van die sinode naamlik: "Vir gemeentes; Uit gemeentes" met 'n duidelike gerigtheid na:

- BO (diens aan God)
- BINNE (diens aan mekaar)
- BUISTE (diens aan die wêreld)

- VORE (diens aan die leiers)

In die ontwerp van Sinode is hierdie uitgangspunte voortdurend in fokus geplaas. Dit het dan ook bepalend bygedra tot die logo wat ons vanjaar gebruik. Dit bestaan uit 'n kombinasie van vorige logo's en die kroon embleem.

1.2.13 STRUKTUUR VAN DIE VERGADERING

In die beplanning van die sinode se vergadering is die verwagtings van leraars en die SDK in ag geneem en het die Ontwerpspan besluit om die sinode in drie "fases" te bestuur.

1.2.13.1 DAG EEN

Die meer formele werksaamhede van die sinode kom aan die orde. Die verslae plaas sake op die tafel waaroer besin en besluit moet word. Vir hierdie deel is die bedoeling dat genoeg tyd vir besinning en debat gegee word sodat sinvolle besluite uit die verslae na vore kan kom.

1.2.13.2 DAG TWEE

Hier volg ons 'n proses waarin ons die wêreld leer ken waarin ons leef en kerk moet wees. Ons gaan ook probeer ontdek wat die uitdagings aan die kerk is. Die Here se roeping vir die kerk is ook belangrik en ons moet weer daarvan bewus word.

Die resultate van hierdie soeké na ons taak en roeping sal voor die aanbreek van die volgende dag verwerk word om die sinode se taak te definieer.

Ons gaan gebruik maak van die sg. World Café – proses. Dit kom neer op gesprekvoering waaraan almal deelneem sodat ons kan leer, verstaan en skeppend ons roeping gehoorsaam.

Dit is belangrik dat daar geen (letterlike of figuurlike) bagasie saamgedra word op dag twee nie. (LAAT ASB. U AKTETAS, REKENAAR EN LOS GOED TUIS OF IN U HOTELKAMER)

1.2.13.3 DAG DRIE

In die voorafgaande (waarskynlik nagtelike) ure sal die leierskorps (SDK) die resultate van die vorige twee dae se werksaamhede vertaal in 'n visie en prioritiseer in aksies om ons roeping uit te leef op sinodalevlak, ringsvlak en gemeentevlak.

Vir die ontwerpspan is dit belangrik dat die kerk se leierskorps (SDK) ons sal lei op hierdie pad van toewyding aan ons roeping.

Dit is ook belangrik dat ons onse samewerking en toewyding aan hierdie prioriteite en die leierskorps sal beloof sodat ons saam op 'n pad van gehoorsaamheid kan loop om 'n verskil in die Hoëveld te maak.

1.2.14 GASTE

Ander kerke, sinodes en emeriti word genooi om ons as gaste te besoek op dag een

1.2.15 AANBEVELING:

- (1) Die sinode besluit dat geen stukke, van watter aard ook al, aan die vergadering uitgedeel mag word sonder dat vooraf toestemming daartoe deur die Moderatuur verleen is nie.
- (2) Die Sinode keur die reëlings vir die vergadering goed.

FAJ Ströh

Voorsitter : Ontwerpspan 2007

2 VERSLAG VAN DIE SINODALE DIENSKOMMISSIE

2.1 SDK FUNKSIONERING

Geagte Voorsitter, die Sinodale Dienskommisie doen graag verslag aan die hand van die volgende momente:-

- Personeel
- Opdragte van die vorige sinode-sitting
- Uitgangspunte
- Strategie
- Strategiese Fokus-areas
- Operasionalisering van die strategiese doelwitte
- Nuwe Predikante
- Aktuarius-verslag
- Verslag van die Skriba

Die SDK bely opnuut dat ons vertrekpunt was die opdrag van Jesus Christus in Joh 20:21 "Soos die Vader My gestuur het, stuur Ek julle ook." (Joh. 20:21) Die Sinodale Dienskommisie erken dat Christus self sy kerk bymekaarmaak en is dankbaar om deel te kan wees van God se sending aan die wêreld. As gestuurdes getuig ons graag oor die werkzaamhede van die afgelope termyn.

Ons is diep bewus dat die golf van veranderinge wat die afgelope tyd oor die wêreld gespoel het, steeds 'n groot invloed uitoefen op die kerk van die Here en dat die omgewing en konteks waarin ons onsself bevind, groot uitdagings stel. Ons is bewus van die belang van 'n deeglike eksegese van die tyd waarin ons onsself bevind.

Ons bevestig ook ons noue verbondenheid aan ons kerkverband en die invloed wat twee groot gebeurtenisse in die NG Kerk op ons sinode het, naamlik die Algemene Sinodesitting van 2004 en die Algemene Predikantebijeenkoms van 2005 in Bloemfontein.

2.1.1 PERSONEEL VAN DIE SINODALE DIENSKOMMISSIE

Die Sinodale Dienskommisie (SDK) het sy take verrig inlyn met die uitgangspunte en roepingsverbintenis van die Sinode, die sinodale opdragte en kerkordelike funksies.

2.1.2 SAMESTELLING VAN DIE SDK

Die personeel van die Sinodale Dienskommisie (SDK) is tydens die Sinodesitting van 2005 verkies en het ingevolge die bepalings van Art 35.2. bestaan uit:

2.1.2.1 DIE LEDE VAN DIE DAGBESTUUR :

Dr. Nelus Niemandt – Moderator;

Dr. Paul du Plessis – Assessor;

Ds. Hannes Windell – Aktuarius;

Dr. Gideon Kok - Skriba

2.1.2.2 DIE PORTEFEULJELEIERS:

Dr. Neels du Randt – Bedieningsteun en -ontwikkeling

Dr. Berni van Zijl – Leierskap en Ontwikkeling

Ds. Elise Klut – Netwerke

Dr. Danie Malan - Navorsing
Ouderling Izak de Villiers – Administrasie

2.1.2.3 OUDERLING-VERTEENWOORDIGERS:

Ouderlinge Piet Klut, Esmé Arnott, Susan Goosen

2.1.2.4 EX OFFICIO LEDE:

Die Hoof Uitvoerende Amtenaar van die NG Kerk Suid-Transvaal, Ds. Dawid Venter, en die Koördineerder, me. Bettie Liebenberg, het ampshalwe op die SDK gedien

2.1.3 VERANDERING VAN PERSONEEL

- (1) Soos in die vorige termyn is Ds. Henning Jacobs, voorsitter van die SKDB, as gevolg van die belangrikheid van Barmhartigheidswerk, op die SDK gekoöpteer. Dr. André Bartlett is ook op die SDK gekoöpteer weens die belangrikheid van ons ekumeniese werkzaamhede. Ds. Nico Mostert, wat in ons sinodale gebied verantwoordelik was vir die Seisoen van Luister, het ook die SDK vergaderings bygewoon.
- (2) Me. Bettie Liebenberg is intussen aangestel as die Ontvangsdame in die Sinodale Kantoor, terwyl me. Adri Cheesman in 2006 aangestel is as Koördineerder. Aangesien sy op haar beurt kort daarna 'n baie aanloklike aanbod vanuit die sakewêreld ontvang en aanvaar het, is me. Hannie Harmse, voorheen die saakgelastigde van NG Aasvoëlkop, in die pos aangestel. Sy het gou goed ingeskakel in die nuwe werkkring en lewer reeds puik werk.
- (3) Me Bettie Liebenberg verlaat die Sinodale Kerkkantoor se diens aan die einde van Desember aangesien haar eggenoot'n betrekking in Kaapstad aanvaar het.
- (4) Dr. Berni van Zijl het vroeg in 2006 'n pos as dosent by Unisa se Skool vir Bestuursleiding aanvaar. Dr. Hugo van der Linde is daarna deur die SDK aangewys as portefeuiljeleier: Leierskap en ontwikkeling.
- (5) Ds. Elise Klut (portefeuiljeleier: Netwerke) het in die reses ook haar portefeuilje ontruim' en die SDK het daarna vir Ds. Nico Mostert aangewys om hierdie portefeuilje te behartig. In hierdie pos het hy skitterende diens gelewer maar het intussen 'n beroep na 'n gemeente in Bloemfontein aanvaar. Die Sinodale Dienskommisie het, in die lig van die veranderde omstandigheid, besluit om voorlopig nie iemand vir dié portefeuilje aan te wys nie. Die Sinodale Kerkkantoor het hierdie portefeuilje se funksies en take oorgeneem.
- (6) Dr. Nelus Niemandt, is in 2007 beroep as dosent in die Departement Godsdienswetenskap. Hy het dit aanvaar en is op 22 Julie 2007 te NG Weltevreden bevestig. Namens Sinode Hoëveld, wens ons hom weereens van harte geluk met hierdie besondere prestasie wat hom te beurt gevall het. Ons is daarvan oortuig dat hy nog diep spore by daardie instelling gaan trap en dat sy invloed in die vorming van voornemende predikante, die Kerk in die breë en Sinode Hoëveld in besonder, tot groot nut gaan wees.
- (7) Twee SDK lede, drr. André Bartlett en Nelus Niemandt, het onlangs hul eerste boeke gepubliseer. Namens die Sinode wil ons hulle ook hiermee van harte gelukwens. Beide hierdie boeke sal waarskynlik te koop wees gedurende ons Sinodesitting.

2.1.4 AANBEVELINGS: SDK PERSONEEL

- (1) Die Sinode bedank Dr. Berni van Zijl vir jare lange getroue diens gelewer in verskeie hoedanighede op die Sinodale Dienskommissie en bid hom sterkte toe in die nuwe betrekking waarin hy hom bevind.
- (2) Die Sinode bedank Ds. Nico Mostert vir die werk wat hy verrig het as lid van die SDK en in besonder as Portefeuiljeleier: Netwerke en bid hom sterkte toe in sy nuwe gemeente;
- (3) Die Sinode bedank Ds. Elise Klut vir die werk wat sy verrig het as Portefeuiljeleier: Netwerke en bid haar sterkte toe in haar nuwe bediening;
- (4) Die Sinode bedank me. Adri Cheesman vir die werk wat sy verrig het as Sinodale Koördineerder en bid haar sterkte toe in haar nuwe betrekking;
- (5) Die Sinode bedank me. Bettie Liebenberg vir die werk wat sy verrig het as Sinodale Koördineerder en bid haar sterkte toe vir die toekoms in die Suide van die land;
- (6) Die Sinode wens me. Hannie Harmse geluk met die aanstelling as Sinodale Koördineerder en bid haar sterkte toe in haar nuwe betrekking;
- (7) Die Sinode wens dr. Nelus Niemandt en dr. André Bartlett geluk met die publisering van hul onderskeie boeke.
- (8) Die Sinode bedank dr. Nelus Niemandt vir sy uitnemende leierskap gedurende die tydperk wat hy gedien het as Moderator en leier van die Sinode Hoëveld. Die sinode wens hom alles van die beste toe in sy nuwe werkkring aan die Teologiese Fakulteit by die Universiteit van Pretoria.

2.1.5 STRUKTUURWYSIGING AAN DIE SINODALE DIENSKOMMISSIE

Tydens die Sinodesitting van 2005 is vyf portefeuuljes vir die SDK goedgekeur, naamlik:

2.1.5.1 NETWERKE

- (1) Die Portefeuilje Netwerke help met die vestiging en instandhouding van netwerke.
Netwerke bestaan uit:
 - (a) Sinodale Kommissie vir die Diens van Barmhartigheid
 - (b) Diensgroep Jeug
 - (c) Diensgroep Vroue
 - (d) Diensgroep Getuienis
 - (e) Ad Hoc Kommissie vir die Bediening van Dowes

2.1.5.2 BEDIENINGSTEUN

- (1) Wat veral aandag gee aan praktiese bedieningsteun van predikante, waarby ingesluit is, sake soos:
 - (a) Bedieningsteun
 - (b) Fasilitering
 - (c) Standplaasverwisseling
 - (d) Pastor Pastorum
 - (e) Bedieningskonsulent

2.1.5.3 NAVORSING

- (1) Wat hoofsaaklik navorsing doen - soos aangevra deur die Sinode, Sinodale Dienskommissie en gemeentes.

2.1.5.4 LEIERSKAP EN ONTWIKKELING

- (1) Wat hoofsaaklik aandag gee aan gemeente- en leierskapsontwikkeling.

2.1.5.5 ADMINISTRASIE.

- (1) Deur middel van goeie effektiewe administrasie word die ander portefeuilles in staat gestel om sorgvry en effektief hulle werk te verrig. Hierby ingesloten is

- (a) Die Diensgroep Kommunikasie
- (b) Sinodale Kommissie vir Diensverhoudinge
- (c) Sinodale Kommissie vir Administrasie
- (d) Sinodale Kommissie vir Fondse

2.1.6 BELANGRIKE KONKLUSIE:

- (1) Alhoewel hierdie vyf portefeuilles verantwoordelik was vir die effektiewe funksionering van die sinodale werksaamhede en die werk getrou en baie goed gedoen het, het die sinodale en strategiese prosesse asook die ontwikkeling daarvan, dikwels nuwe behoeftes uitgewys. Die huidige portefeuilles moes hoofsaaklik fokus op die bogenoemde omskrywings. Die nuwe uitdagings vra egter al hoe meer vir 'n meer soepel aanwending van leierskap, bekwaamheid en gawes.
- (2) Die SDK het tot die gevolgtrekking gekom dat dit prakties sal wees om weg te beweeg van die portefeuille-beginsel en om die sinode te versoek om eerder 8 leiers aan te wys wat dié prioriteit waarop besluit is, vorentoe te neem. Hierdie leiers word dan, saam met die Dagbestuur, aangewend volgens die behoeftes met inagneming van hulle bekwaamhede, gawes en talente. Leiers mag dan ook in die reses, na gelang van omstandighede en nuwe uitdagings nuwe verantwoordelikhede ontvang. Hierdie reëling gee 'n groter soepelheid aan die werksaamhede van die Sinodale Dienskommissie en is eerder behoeft- as struktuurdrewe.

2.1.7 AANBEVELING – PORTEFEULJES VAN DIE SINODE:

- (1) Die Sinode besluit om die vyf bestaande portefeuilles, naamlik Bedieningsteun, Leierskapsontwikkeling, Navorsing, Netwerke en Administrasie, te laat verval.

2.1.8 AANBEVELINGS: LEIERSKAP VAN DIE SINODE (VIR GOEDKEURING)

- (1) Die Sinode besluit die Sinodale Dienskommissie sal voortaan bestaan uit die Dagbestuur (Moderator, Assessor, Skriba en Aktuarius) en 8 leiers – waarvan ten minste 3 kerkraadslede moet wees.
- (2) Die Sinode dra dit aan die nuutverkose Sinodale Dienskommissie op om die hele verkose leierskap aan te wend -soos wat die behoeftes en omstandighede dit mag vereis.
- (3) Die Hoof Uitvoerende Amptenaar en die Koördineerder bly ampshalwe lede van die Sinodale Dienskommissie.

2.1.9 OPDRAGTE VAN DIE VORIGE SINODESITTING:

Die onderskeie Portefeuilleiers en die SDK het in die reses die opdragte van die vorige sinode uitgevoer. Dit word gereflekteer in die onderskeie verslae

2.1.10 UITGANGSPUNTE

Die Sinodale Dienskommissie se werkzaamhede en strategiese prosesse is gerig deur ons:-

2.1.10.1 ROEPING:

(2) Die Sinode Hoëveld begelei gemeentes :

- (a) om God, mekaar en die wêreld met Christus se liefde te dien en
- (b) sodat die NG Kerk in die Sinode Hoëveld groei na 'n gestuurde kerk vir die samelewing.

2.1.10.2 LEUSE:

Uit Gemeentes vir Gemeentes.

2.1.10.3 WAARDES

- (10) Ons basis is die Bybel en ons is oortuig dat die Bybel splinternuwe antwoorde bied.
- (11) Ons word gevoed deur 'n ryke bron van kerklike tradisies, belydenisse en liturgieë.
- (12) Ons is toekomsgerig en bring hoop – want ons toekoms is in Jesus Christus se hande.
- (13) Kreatiwiteit:- Ons bring nuwe perspektiewe op bestaande situasies. Al het ons nie al die antwoorde nie, help ons (lidmate) om nuut te verstaan
- (14) Ons is bereid om met waagmoed op te tree en ook bereid om foute te maak.
- (15) Ons vier en benut diversiteit
- (16) Ons is sensitief vir konteks (wêreld) waarin ons kerk is
- (17) Ons lê klem op lidmate en hulle gawes
- (18) Ons wil hê lidmate moet hulle verhouding met die Here met hulle hele menswees vier

2.1.11 SLEUTELPRESTASIE-AREAS

2.1.11.1 STRATEGIESE FOKUSSE

- (6) Om gemeenteleiers te help om ons omgewing en tydsgees te verstaan en hulle toe te rus vir 'n kerk van die toekoms.
- (7) Om gemeentes te begelei om 'n gestuurde kerk vir die samelewing te word deur (a) uit te reik na die gemeenskappe deur (b) te groei na 'n bediening wat vir diversiteit voorsiening maak.
- (8) Om op 'n omvattende wyse betrokke te wees by die genesing van ons land deur te help om nood in ons samelewing te verlig
- (9) Om die proses van kerkhereniging in die NG Kerkfamilie te bevorder.
- (10) Om ekumene te bevorder.

2.1.11.2 DIE ROEPINGSVERKLARING VAN DIE NG KERK (2002)

2.1.11.3 DIE ROEPINGSVERBINTENIS (2004)

2.1.12 STRATEGIE

In 2006 het die Sinodale Dienskommissie saam met ander rolspelers wat ook by die 5 Strategiese Fokusse betrokke was, 'n bosberaad op Achterbergh gehou. Die doel met die byeenkoms was om die strategiese fokusse prakties en gekoördineerd te implementeer.

2.1.13 OPERASIONALISERING VAN DIE VYF STRATEGIESE DOELWITTE

Die Sinodale Dienskommissie se werksaamhede het hoofsaaklik rondom hierdie strategiese fokusse gedraai. Die Agenda vir hierdie vergadering is dus ook só saamgestel.

2.1.13.1 OM GEMEENTELEEIERS TE HELP OM ONS ONGEWING EN TYDSGEES TE VERSTAAN EN HULLE TOE TE RUS VIR 'N KERK VAN DIE TOEKOMS.

- (1) Ons was weer bevoorreg om deur prof Leonard Sweet besoek te kon word.
- (2) Ons het ook, as deel van 'n groter netwerk, 'n werkinkel met George Barna en later ook met Brian McLaren kon reël.
- (3) Daar is ook 'n visnet vir Eietydse bediening gevestig.
- (4) Ons het ook 'n vennootskap met gemeente Melville gestig om 'nloodsprojek vir Eietydse Bediening op die been te bring.

2.1.13.2 OM GEMEENTES TE BEGELEI OM 'N GESTUURDE KERK VIR DIE SAMELEWING TE WORD DEUR (A) UIT TE REIK NA DIE GEMEENSKAPPE DEUR (B) TE GROEI NA 'N BEDIENING WAT VIR DIVERSITEIT VOORSIENING MAAK.

- (1) Prof Pat Keifert het ons drie keer besoek.
- (2) Verskeie gemeentes in ons sinodale gebied is reeds deel van twee 'clusters'¹ van die Vennootskap vir Gestuurde Gemeentes.
- (3) Ons is ook 'n vennoot saam met die Ring van Linden in die Cosmo City pionierprojek.
- (4) Ons is ook 'n vennoot met MES vir die vestiging en uitbou van nuwe bedieninge in die Johannesburg se middestad.

2.1.13.3 OM OP 'N OMVATTENDE WYSE BETROKKE TE WEES BY DIE GENESING VAN ONS LAND DEUR TE HELP OM NOOD IN ONS SAMELEWING TE VERLIG

- (1) Ons is baie bevoorreg om oor 'n hoogs professionele maatskaplike dienste organisasie te beskik en gemeentes is op grondvlak besig om groot verskille te maak. Gemeentes se bydraes vir eie barmhartigheidswerk is verder byna gelyk aan 40% van hulle sinodale bydraes.

2.1.13.4 OM DIE PROSES VAN KERKHERENIGING IN DIE NG KERKFAMILIE TE BEVORDER.

- (1) Die SDK het by verskeie ringe en gemeentes opgetree en die meeste onduidelikhede oor die herenigingsproses is opgeklaar.

2.1.13.5 OM EKUMENE TE BEVORDER.

- (1) Benewens Dr. André Bartlett, wat voor sitter is van Gauteng Raad van Kerke, is verskeie gemeentes besig om gemaklik saam met ander kerke te werk. Hierdie blootstelling aan die 'ander' is besig om verrykend op almal in te werk.

¹ Groep gemeentes (inter-denominasioneel) wat in vennootskap met mekaar staan, saam toegerus word en die reis van die Vennootskap van Gestuurde Gemeentes saam aanpak.

2.2 VERSLAG VAN DIE AKTUARIUS

Geagte Voorsitter en lede van die Sinode,

Ek lewer hieronder verslag van die werk wat ek sedert die vorige Sinode verrig het.

2.2.1 INLIGTING

Volgens die Bepalings van Sinode Hoëveld is die aktuaris voorsitter van die Sinodale Regskommissie. Ek is lid van die Sinodale Dienskommissie, voorsitter van die Sinodale Kommissie vir Diensverhoudinge en lid van die Algemene Regskommissie. Die vier Aktuarisse (of lede belas met Kerkregsake) van die vier "Transvaalse Sinodes" het ook van tyd tot tyd onder my voorsitterskap vergader.

Ek het in die afgelope twee jaar volgens die Bepalings van Sinode Hoëveld die aktuaris is om advies te gee oor die uitleg en toepassing van die Kerkorde en Bepalings van Sinode Hoëveld. Waar nodig is skriftelike advies gegee en afskrifte aan die Argief verskaf vir bewaring. Op 'n gereelde basis is die Aktuaris van die Algemene Sinode en lede van die Regskommissie (veral die lede met regskennis) geraadpleeg om te verseker dat die advies deurlopend konsekwent is.

Die Sinode en gemeentes was nie in die tydperk betrokke by 'n regsgeding nie. Tog het verskeie sake wat kerklike ondersoeke vereis het, voorgekom en ek het wanneer my advies gevra is, toepaslike inligting gegee. Ek het sover moontlik met die ander kommissies en diensgroepe van die Sinode saamgewerk om kerkregtelike vrae op te klaar.

2.2.2 AKTES VAN BEVESTIGING.

Aktes van bevestiging is uitgereik aan:

Grobbelaar, Nicolaas	Sunwardpark
Lombard, Petrus Lafras	Edenvale
Lourens, Renier Janse	Secunda Oos
Muller, Ghislene	Verwoerdpark
Schroeder, Werner	Randpark
Vermaak, Daniel Benjamin	Lindenpark
Barnard, Johannes Hendrik	Kempton-Oos
Schulz, Arline	Fairland

2.2.3 ANDER NUWE LERAARS IN ONS SINODE.

Die volgende nuwe leraars wat beroep is vanuit ander gemeentes en werkkringe, het die beroep aanvaar en is in ons Sinodale gebied bevestig:

1)	Ds Cornelius Wilhelm Greeff	2006 Brakpan Wes
2)	Claassen, Hendrik Jacobus	2006 Benoni Benjamin
3)	Van Rooyen, André Leon	2006 Delmas
4)	Viljoen, Antonie, Philippus	2007 Cachet
5)	Claassens, Derick Duckitt	2007 Rensburg
6)	Theron, David Francois	2007 Germiston-Suid
7)	Bothma, Stephanus, Barend	2007 Balfour
8)	Heine, Samuel Jacobus	2007 Kinross
9)	Deacon, Josua Francois	2007 Charl Cilliers

2.2.4 AANBEVELING : AKTUARIUS - NUWE LERAARS IN SINODE.

- (1) Die Sinode versoek die nuwe leraars om op te staan en verwelkom hul by hul eerste sinodesitting in die Sinode Hoëveld.

Ek dank die lede van die Regskommissie, veral die skriba, Ds. Theo Danzfuss, vir hulle ondersteuning gedurende die afgelope twee jaar. Ek dank die Sinodale Regsadviseur, adv. Jl du Toit S.C. vir sy hulp en kundige advies.

Ds. JH Windell
AKTUARIUS

2.3 VERSLAG: SINODALE REGSKOMMISSIE.

2.3.1 SAMESTELLING VAN DIE KOMMISSIE.

2.3.1.1 PRIMARII:

Ds J.H. Windell (voorsitter);	Ds. G.J. Koen;
mnr. C.R. Du Plessis;	Dr. P.J.S.G Du Plessis;
mnr. H. Kocks;	Dr. H.H van der Linde;
ds. J.A.C Badenhorst;	Adv. J. Du Toit (regsadviseur);
Ds. H. Horn;	Ds. T. Danzfuss (skriba).
Dr. G.J. Kok;	

2.3.1.2 SEKUNDI:

Ds. H.J. Jacobs;

2.3.2 VERGADERINGS.

Die kommissie het vir sy normale werkzaamhede vergader, en moes ook spesiale vergaderings hou met die oog op die spoedige afhandeling van appëlsake.

2.3.3 OPDRAGTE.

Alle opdragte wat deur die sinode kragtens bepaling 35.3.1 aan die kommissie opgedra is, is uitgevoer.

2.3.4 NUWE KERKORDE EN AANVULLENDE BEPALINGS HOËVELD SINODE.

Al die wysigings wat die Hoëveld Sinode in 2005 goedgekeur het, is na afloop van die sinodale vergadering aangebring. In afwagting op die wysigings van die Algemene Sinode van 2007 het ons besluit om nie die nuwe Kerkordeboek te publiseer voordat die wysigings beskikbaar is nie. Dit is 'n groot uitgawe om die Kerkordeboek te publiseer, en die Regskommissie wil nie geld mors aan 'n uitgawe wat binne enkele maande weer moet verander nie. Teen die tyd wat hierdie verslag opgestel is, was die Algemene Sinode se notule nog nie beskikbaar nie, gevvolglik moes ons hierdie bywerkings en ook die nuwe Kerkordeboek oorstaan.

2.3.5 APPËLSAKE.

Die volgende appëlsake deur die Regskommissie in die tyd wat verloop het sedert die vorige Sinode hanteer:

- (1) Appèl van die Gemeenteraad van Fontainebleau teen die uitspraak van die appèlkommisie van die Ring van Linden oor Ds. SN Burger.
 - (a) Aangesien daar op 19 Januarie 2006 'n skikking bereik is tussen die Gemeenteraad van Fontainebleau en Ds. SN Burger is die appèl teruggetrek.
- (2) Appèl van Ds. HL van der Nest teen die bevindinge en besluite van die Ondersoekkommissie van die Ring van Heidelberg rakende nadelige gerug.
 - (a) Die Regskommissie wat as Sinodale Appèlliggaaam funksioneer het dit volgens Kerkordelike voorskrifte hanteer en in die uitspraak die appèl van die hand gewys.
- (3) Appèl van ouderling PM van Vollenhoven teen 'n uitspraak van die Ring van Delmas rakende Ds. D Adlam.

- (a) Hierdie appèl het verval aangesien die appellant nie betyds die nodige dokumentasie aan die Regskommissie voorsien het nie.
- (4) Appèl van Ds. Barry Janse van Rensburg teen 'n tugmaatreël wat die Ondersoekkommissie van die Ring van Johannesburg teen hom ingestel het.
 - (a) Hierdie saak was nog nie afgehandel by die opstel van die verslag nie.
- (5) Appèl van die Kerkraad van Parkkruin Familiekerk teen 'n tugmaatreël wat die Ondersoekkommissie van die Ring van Johannesburg teen Ds. Barry Janse van Rensburg ingestel het.
 - (a) Hierdie saak was nog nie afgehandel by die opstel van die verslag nie.

2.3.6 RIGLYNE VIR 'N TUGONDERSOEK.

Die riglyne wat die Regskommissie saamgestel het, word weereens as 'n bylaag by hierdie verslag aangeheg. Dit is slegs vir kennisname. Dit vervang geen kerkordelike of gemeenregtelike bepalings nie, maar wil slegs help om die mees algemene foute uit te skakel.

2.3.7 VERDERE WYSIGINGS IN KERKORDE EN AANVULLENDE BEPALINGS 2007..

Indien ons die Algemene Sinode se Notule betyds ontvang mag daar dalk 'n laat verslag ingediend word met enkele verdere voorgestelde wysigings.

2.3.8 ANDER SAKE.

Die Regskommissie het ook aandag gegee aan die volgende sake wat onder ons aandag gekom het.

- (1) Advies aan die Gesamentlike Sinodale Kommissie rakende tussentydse hantering van transaksie van die regspersoon "Die NG Kerk Suid Transvaal" waar spesifieke resolusies benodig word.
- (2) Die voorgestelde A-Z Handleiding aangaande Predikante..
- (3) Die studiestuk oor Kerklike Tribunale wat voor die Algemene Sinode sou dien.
- (4) 'n Konsep Handves vir Godsdiensregte in Suid-Afrika.

2.3.9 BESKRYWINGSPUNTE.

Tot op die datum wat die verslag voorberei is was daar geen beskrywingspunte na die Regskommissie verwys nie. Indien daar wel sulke verwysings kom sal dit in 'n addendum verslag hanteer word.

Hiermee vertrou ons dat ons die opdragte wat die Sinode aan ons toevertrou het na die beste van ons vermoë uitgevoer het. Mag die Here se seën rus op die vergadering en werksaamhede van die Sinode.

Ds. JH Windell (Voorsitter)

Ds. T Danzfuss (skriba)

2.3.10 BYLAAG 1: RIGLYNE VIR 'N TUGONDERSOEK

Let wel: Die Kerkorde is die enigste volledige handleiding vir 'n tugondersoek. Hierdie lys doen nie voor dat dit volledig is nie, maar is 'n hulpmiddel.

1. 'n Tugwaardige oortreding kom onder die aandag van 'n ondersoekliggaam deur middel van
 - 1.1. 'n gerug
 - 1.2. 'n skriftelike klag
 - 1.3. verslag aan 'n kerkvergadering.
2. Die wettigheid van 'n ondersoekliggaam.
 - 2.1. Is die ondersoekliggaam saamgestel deur die Ring/kerkraad (Artikel 63.1.3 of 63.1.4)?
 - 2.2. Kan die ondersoekliggaam die saak ondersoek? (Indien daar beswaar is teen die ondersoekliggaam Artikel 63.1.7) Kerkrade ondersoek sake teen lidmate, ringe sake teen ampsdraers.)
3. Suiwering van die ondersoekliggaam
 - 3.1. Die Ondersoekliggaam moet gesuiwer word, voor besluit word om die saak te ondersoek. (d.w.s die klaer of aangeklaagde kan nie deel wees van die vergadering wanneer die besluit geneem word nie.)
 - 3.2. Die ondersoekliggaam moet ook gesuiwer word tydens die ondersoek. Dit beteken dat indien die klaer of aangeklaagde beswaar teen een of meer van die lede maak die persoon verkieslik verskoon moet word.
 - 3.3. Na die ondersoek, wanneer die ondersoekliggaam die getuenis beoordeel, moet die klaer en aangeklaagde en getuies nie teenwoordig wees nie.
4. Opskrifstelling van die klag of gerug
 - 4.1. Die klaer is verantwoordelik vir die opschrifstelling van die klag. Daarin moet die aard, plek en tyd van die beweerde sonde vermeld word. Die ondersoekliggaam kan die klaer adviseer met die formulering van die klag.
 - 4.2. Die ondersoekliggaam stel 'n gerug op skrif. Dieselfde voorskrif geld soos in 4.1.
5. Besorging van die klag of gerug
 - 5.1. Die geformuleerde klag of gerug moet 'n redelike tyd voor die ondersoek skriftelik aan die aangeklaagde besorg word. (Redelike tyd is 7 dae.)
6. Ondersoek
 - 6.1. Die vergadering word gesuiwer. Sien 3.2 hierbo.
 - 6.2. Die voorsitter verduidelik aan die ondersoekliggaam hulle taak ten opsigte van die ondersoek.
 - 6.3. Die klaer en die aangeklaagde word in die vergadering ingebring en bly daar tydens die hele ondersoek. Die voorsitter maak seker dat die aangeklaagde betyds kennis gekry het van die ondersoek en die klag. Die voorsitter maak ook seker dat die aangeklaagde en klaers genoeg tyd gehad om voor te berei vir die ondersoek.

- 6.4. Die klaer en aangeklaagde kry geleentheid om hulle onderskeie sake te stel en roep getuies soos nodig. Die partye (klaer en aangeklaagde) kry geleentheid om die getuies te ondervra. Die ondersoekliggaam se lede mag ook getuies ondervra. Die ondersoekliggaam kan ook self getuies oproep en getuienis aanbied om tot 'n behoorlike bevinding te kom.
- 6.5. Skriftelike getuienis kan voor die vergadering gebring word, maar die getuie verantwoordelik daarvoor moet by die vergadering teenwoordig wees om vrae oor die getuienis te beantwoord.

7. Bevinding

- 7.1. Die vergadering word weer gesuiwer voor daar tot 'n bevinding gekom oor die klag of gerug..
- 7.2. Die ondersoekliggaam kom tot 'n bevinding. Bevindinge moet met 'n opgaaf van redes geskied.
- 7.3. Die ondersoekliggaam maak die bevinding bekend aan die partye.

8. Indien skuldig:

8.1. Versagting of verswarend

- 8.1.1. Getuienis ter versagting of verswaring kan gelewer word.

9. Bepaling van tugmaatreëls

- 9.1. Die vergadering word weer gesuiwer en die ondersoekliggaam besluit op die tugmaatreëls
- 9.2. Die vergadering maak die tugmaatreëls bekend.
- 9.3. Die vergadering wys die partye op die reg tot appèl.

2.4 VERSLAG VAN DIE SKRIBA

Geagte Voorsitter en lede van die Sinode,

Hiermee rapporteer ek dat ek sedert die vorige Sinodesitting van Sinode Hoëveld die werk wat my opgedra is ingevolge die Kerkorde van die NG Kerk, asook in terme van die aanvullende bepalings van die Sinode van Suid-Transvaal, na die beste van my vermoë verrig het.

2.4.1 INLIGTING

Die volgende hoofmomente is uit te wys:

2.4.2 AGENDAS EN NOTULES:

- (1) Die Agenda en Handelinge van die 2005 Sinodesitting van Sinode Hoëveld is in terme van KO Art 25, deur my opgestel, aangeteken, verwerk, gepubliseer en versprei aan al diegene wat geregtig was om dit te mag ontvang. Die handelinge van die laaste sittingsdag is soos voorgeskryf deur die Sinodale Dienskommissie goedgekeur en deur die Voorsitter en die Skriba onderteken.
 - (a) Vergun my die geleentheid om hier, by wyse van hierdie verslag, hulde te bring aan die Notulespan wat skitterende ondersteunende werk in hierdie verband gelewer het.
 - (b) Hulle was: Ds. Marius Britz, Ds. Elise Klut, Ds. Kobus Sandenberg, Ds. Robert Rotteveel, Ds. Jacques Greyling, Ds. Willem Strauss, Ds. Charl van Rensburg.
- (2) Dit is ook aan die Skriba van NG Sinode Hoëveld en die notulespan opgedra om die registrasie en notulering te doen tydens die pas afgelope Algemene Sinodesitting, wat gehou was te Birchwood Konferensiesentrum, van 04 tot 08 Junie 2007.
 - (a) Die skitterende, professionele manier waarop die notulespan weereens saamgewerk het om hiervan 'n sukses te maak, was 'n riem onder die hart. Saam met so'n span kan mens vér gaan!
 - (b) Die lede van die Notulespan wat by die Algemene Sinodesitting diens gelewer het was: Dr. Hans Visser; Ds. André Ströh, Ds. Jacob Badenhorst, Ds. Dirk Human, Ds. Nati Stander, Ds. Marius Britz, Ds. Elise Klut, Ds. Kobus Sandenberg, Ds. Robert Rotteveel, Dr. ST Potgieter.
- (3) In die tydperk sedert die vorige Sinodesitting, is 12 SDK vergaderings en 9 SDK Dagbestuursvergaderings gehou en die Agendas, Notules en korrespondensie daar rondom heen, is deur die Skriba behartig en uitgevoer.
- (4) In 2006 was die Sinode Hoëveld die sameroeper van die vier moderature in Transvaal en is twee vergaderings in ons gebied gehou waar die Skriba verantwoordelik was vir die sameroeping en notulering daarvan.

2.4.3 ANDER SKRIBAATSPLIGTE

- (1) Al die ander take van die Skribaat, soos spesifiek aangedui in KO Artikels 25, 26.5, 26.6, 33, 35.1.4 en 35.53 asook alle ander relevante Kerkordelike Artikels, is hanteer soos wat van die Skriba verwag was.
- (2) Verder is alle betrokke korrespondensie deur die Skriba hanteer in terme van die ter saaklike Kerkordelike artikels en bepalings.

2.4.4 BEDANKINGS

- (1) Hiermee word vertrou dat ek al die take en verwagtinge van die Skribaat tot tevredenheid van die Sinode verrig het.
- (2) Ek wil graag van die geleentheid gebruik maak om die Sinode van harte te bedank vir die voorreg wat my gegun was om in die afgelope tyd, sedert middel 2005, die taak van Skriba te kon verrig. Dit was voorwaar 'n voorreg en leerskool wat op geen ander wyse sou kon realiseer nie.
- (3) Om in die span van die vorige SDK te kon dien, was 'n onbeskryflike ervaring. Die leierskap van Dr. Nelus Niemandt, tesame met die kreatiwiteit, wysheid en insig van elke ander lid van die SDK, was iets waaruit ek kon drink soos vanuit 'n fontein met vars water. Dit het my gevorm, ontwikkel, laat groei en nuwe drome laat droom, in seker dié beste leerskool in ons kerk.

Met groete in Christus!

Dr. G.J. Kok.

SKRIBA.

2.5 TEN SLOTTE

Geagte kollega's, wanneer mens aan die einde van 'n dienstermy kom, dan het jy die voorreg om daaroorheen terug te kyk en jouself te toets aan die doelwitte wat vir jou gestel is en wat jy aan jouself gestel het.

Doen ons as SDK dit vandag, dan kan ons een ding met absolute oortuiging en eerlikheid voor God bely en dit is dat ons het ons taak en die opdragte wat u aan ons opgedra het, na die beste van ons vermoë uitgevoer. Ons hoogste strewe was voortdurend om God te eer en om u met oorgawe te dien.

Natuurlik het ons foute gemaak, maar net só was daar ook vele suksesverhale.

Hier aan die einde van ons termyn wil ons onself volledig vereenselwig met die uitspraak en filosofie van Prof Pat Keifert wanneer hy bely en sê:

"Innovation is a process of failure. I consider my work as a process of failure: excellent mistakes from which I learned, that in turn led to some positive outcomes, blessed by God."

Ons bid die nuwe SDK en leierskap van die Sinode krag, wysheid, onderskeidingsvermoë en entoesiasme toe vir die uitdagende reis wat vir hulle voorlê in die volgende dienstermy. Ons sal u in ons gebede dra.

Met groete in Christus!

Namens al die lede van die SDK,

Voorsitter : Dr. Nelus Niemandt

Skriba : Dr. Gideon J Kok.

3 OPERASIONALISERING VAN DIE VYF (5) STRATEGIESE DOELWITTE.

3.1 OM GEMEENTELEIERS TE HELP OM ONS OMGEWING EN TYDSGEES TE VERSTAAN EN HULLE TOE TE RUS VIR KERK VAN DIE TOEKOMS.

3.1.1 DIENSGROEP EIETYDSE BEDIENING.

3.1.1.1 ONTSTAAN VAN DIE WERKGROEP:

- (1) Een van die 5 strategiese fokusareas van die Sinode van Suid-Transvaal, is "om gemeenteleiars te help om ons omgewing en tydsgees te verstaan en hulle toe te rus vir 'n kerk van die toekoms."
- (2) Hierdie strategiese doelwit het in 2004 'n behoorlike inspuiting gekry met die besoek van Prof Leonard Sweet aan Suid-Transvaal. Dit is later opgevolg met 'n byeenkoms te NG Weltevreden waar die wat teenwoordig was hul ervaring van Prof Sweet uitgespel het en ook gesê het hoe hulle die toekoms van Eietydse bediening in Suid-Transvaal sien.
- (3) Op 2005-02-02 het dit alles uitgemond in die stigting van 'n diensgroep vir eietydse bediening in die Sinodale Sentrum te Braamfontein onder leiding van Dr. Gideon Kok. Die doel van die byeenroeping van die vergadering was om 'n groep predikante byeen te kry wat bereid sou wees om eienaarskap van hierdie strategiese fokus te neem en dit te laat realiseer in die praktyk op langtermyn basis.
- (4) Tydens die vergadering is Ds. Hettie van Niekerk gekies as voorsitter van hierdie diensgroep en is daar gesels oor die visualisering van die realisering van hierdie doelwit.
- (5) Werksgroepe is saamgestel om aandag te gee aan die volgende aspekte van 'n eietydse bediening:
 - (a) Navorsing en Bronne (Resources) - Dit is baie belangrik om hierdie inligting in te samel om mee te werk. Want dit gaan uiteindelik die gereedskap wees waarmee ons moet werk.
 - (b) Eredienste - Alle kerke se fokus areas is anders, maar daar kan praktiese preke uitwerk word wat orals sal werk. Die model wat toegepas word moet eenvoudig en aanpasbaar wees. Daar kan self met kategese dieselfde gedoen word. Die EPIC beginsel moet egter in alles deurslaggewend wees.
 - (c) Opleiding en Events: Inligting kan bekom word van die Teologiese Fakulteite en kan gepaard gaan met die Taakgroep Excelsus se opleidingsprogram. Wat ook al gedoen word moet gekenmerk word deur praktiese uitvoerbaarheid. By die sogenaamde "events" moet slegs dinamiese sprekers gekry word om op te tree.

- (d) Kultuur Skepping Elke kerk het sy eie kultuur. Ons moet gemeentes méér bewus maak van hierdie ander kulture en die invloed daarvan op die samelewing . Die Sending kultuur kan byvoorbeeld ontvries word. Gemeentes kan hulle eie kultuur herontdek. Die ontdekking en raaksien van die Omgewings- en Tydsgees speel hier'n belangrike rol en moet te alle tye in ag geneem word, ensovoorts.

3.1.1.2 WAAROP GEFOKUS SAL WORD:

- (1) Die tweede vergadering besluit dat:

- (a) Ons die net nie so wyd gaan span soos aanvanklik gedink is nie;
- (b) Die proses sal stap-vir-stap aangevat word;
- (c) Dat vir die volgende jaar gefokus sal word op prediking en eredienste.
- (d) Die motivering hiervoor is, dat die vergadering redeneer dat Prediking en Eredienste die VLAGSKIP van die Kerk is.

3.1.1.3 DAAR IS TOT DIE VOLGENDE BESLUITE GEKOM:

3.1.1.3.1 DOEL:

- (1) In 2005 besluit die vergadering om in die volgende jaar te begin om daartoe mee te werk om 'n bydrae daartoe te lewe dat Prediking en Eredienste in die Sinode dramaties kan verander en verbeter.

- (2) Geformuleer in terme van die strategiese doelwit is dit as volg:

- (a) Die vergadering besluit ons gaan die volgende jaar daarop fokus om predikante te help om hulleself en tydsgees te verstaan deur hulle toe te rus vir relevante Eietydse Eredienste en Prediking in die toekoms.
- (b) Die geïdentifiseerde werkgroepe sal in die uitvoering van hul opdrag fokus op hierdie strategiese doelwit.
- (c) Die vergadering besluit dat die proses stuk-stuk aangepak moet word. Die gevoel word gehandhaaf dat prediking en eredienste die grondslag van vernuwing na eietydse denke behoort te vorm en dat dit ten grondslag lê aan al die ander velde wat geïdentifiseer is.

- (3) Daar word verder ook besluit om:

- (a) Te sinkroniseer met bestaande infrastruktuur soos webtuiste, Kruis en Dwars, ensovoorts.
- (b) Operasie "Break-away":

- (4) Thabazimbi wegbrek na wildplaas vir 4-5dae. Nomineer toepaslike kandidate. Werk 16 EPIC preke uit. Publiseer en stel bekend aan almal nadat toepaslike bemarking gedoen is: Van produk-ontwerp na bemarking van die produk tot "verkoop" van die produk.

- (a) Operasie "Werkstasie":

- (5) Werkswinkels in samewerking met toerustingsportefeuilje van hierdie groep en groter Sinodale Verbande.

- (a) Operasie "Gateway":

- (6) Ontwikkel "data-basis" met toepaslike hulpbronne vir EPIC preke, verhale, liturgiese inkleding, webtuistes en boeke.

(a) Operasie "Mobilisasie":

- (7) Fasilitering by gemeentes met behoefte. Dit behels natuurlik ook die aanvanklike ontwikkeling van kursusmateriaal en die opleiding van fasiliteerders.

3.1.1.4 GEREALISEERDE STAPPE:

3.1.1.4.1 Operasie "break-away" (11-13 April 2006):

Drie (3) dae wegbrekgeleentheid na Thabazimbi. 6 EPIC preke word geskep. Daar word ook deeglik besin oor die pad vorentoe. Beplanning rondom die bemarking van die "produk" word gedoen. Nadat die bemarking gedoen is sal die produk bekend gestel word en Operasie Werkstasie bemark word.

3.1.1.5 KORTTERMYN STAPPE:

3.1.1.5.1 Operasie Werkstasie:

Predikante sal genooi word om 'n werkswinkel op die Thabazimbi Wildsplaas by te woon waartydens EPIC konsepte, eietydse tendense en relevante preke saam bespreek word. Die visie is dat dominees geënergeerd sal teruggaan gemeente toe, toegerus vir relevante eietydse prediking.

3.1.1.6 MEDIUMTERMYN STAPPE

3.1.1.6.1 Operasie "Gateway":

Ontwikkeling van databasis met toepaslike hulpbronne vir EPIC preke, verhale, liturgiese inkleding, webtuistes en boeke.

3.1.1.6.2 Operasie Mobilisasie:

Ontwikkeling van kursusmateriaal en die opleiding van fasiliteerders. Daarna kan fisiese fasilitering by gemeentes gedoen word.

3.1.1.6.3 Langtermyn Stappe

Beweeg wyer as prediking na die ander geïdentifiseerde fokus-areas soos navorsing, kultuurskepping, musiek en dies meer.

3.1.1.7 AANBEVELINGS DIENSGROEP EIETYDSE BEDIENING

- (1) Dit word aanbeveel dat die Sinode die bestaan en werk van die Diensgroep formeel goedkeur en bekratig;
- (2) Dit word aanbeveel dat begroot word vir die werksaamhede van die werkgroep (Vervoerkoste, Administrasie, subsidie van werkswinkels, Aankoop van boeke en studiemateriaal, Betaling van Sprekers, kommunikasiekostes ensovoorts).
- (3) Dit word aanbeveel dat'n leier en spanlede vir hierdie werkgroep aangewys word.

Ds Kobus Kok (Skriba)

Ds Hettie van Niekerk (Voorsitter).

3.1.2 STUDENTEBEDIENING: STUDENTE-KERK MELVILLE, KRUISGEMEENTE.

3.1.2.1 DIE STUDENTE-KERK SE ROEPING

- (1) Wanneer jy die studentewêreld betree kom jy op die tydvak waarin die 3 belangrikste vrae van jou lewe heel moontlik gaan beantwoord word: "Wie is ek, wie wil ek wees en met wie wil ek trou?" Dit is ook die tyd wanneer 'n mens belangrike besluite oor jou toekoms neem, en reflekteer oor jou verlede. Die Studente-Kerk ag dit nodig om die studente by te staan in hierdie kritieke tyd van hulle lewe. 'n Groot gedeelte van die Studente-Kerk se bediening is die ontwikkeling van lidmate se vaardighede in die verskillende terreine van hulle lewens.
- (2) Ons visie is om jongmense holisties te ontwikkel, nie net in terme van hul geloofslewe nie, maar ook om hulle te help heel word van seerkry in die verlede, en as leiers en meningsvormers toe te rus vir die wêreld waar hulle as volwassenes hul plek gaan volstaan. Ons streef daarna om lidmate toe te rus met kennis en vaardighede wat hulle na afloop van hul studentedae by ander gemeentes kan gebruik.
- (3) By die Studente-Kerk word tans 'n bedieningsmodel ontwikkel waar daar 'n baie nouer wisselwerking tussen die studente en die plaaslike gemeente (Melville Kruis Gemeente) plaasvind.
- (4) Die vestiging van 'n *eietydse bediening* by Melville Kruis Gemeente is in sy kinderskoene. Hierdie bediening fokus op die groep jong werkendes en hoop om 'n leemte in die NG Kerk aan te spreek om huis aan dié groep wat nie werklik 'n tuiste vind in die tradisionele kerk nie, 'n geestelike tuiste te verskaf.
- (5) In die verlede het studentebiediening bestaan uit bediening aan die Aucklandpark Kampus, maar met die verwikkelinge wat by UJ plaasgevind het die afgelope 2 jaar, en gemeentes wat saamgesmelt het om Melville Kruis Gemeente te vorm, besef ons dat die bediening aan die studente in die omgewing nie langer so sterk geografies kan funksioneer nie, maar 'n wyer roeping het. Daarom word die moontlikhede ondersoek om 'n meer generatiewe bediening daar te stel, wat nie gekoppel is net aan studente by 'n spesifieke universiteitskampus nie, maar fokus op 'n generasie jongmense wat in die omgewing woon en leef. Hierdie bedieningsmoontlikheid het dan die moontlikheid en die uitdaging om oor die tradisionele taal- en kultuurgrense te strek, en al die kampusse in die omgewing te teiken. So 'n bediening *sal egter ook finansiële implikasies inhou, bv. die aanstelling van 'n swart leraar en 'n bedieningskoördineerder.*
- (6) In terme van die bediening van NG Kerk lidmate is ons hooffokus steeds die Kingsway kampus (ou RAU). Van die 1915 ingeskreve NG lidmate is daar +/- 500 woonagtig in die koshuise wat die gedagte verder ondersteun dat ons bediening skuif van 'n lokale na generatiewe bediening. Op hierdie wyse gaan dit vir ons die bediening meer moontlik maak om die ander studente wat wel in die omgewing woon te betrek.
- (7) Die volgende tabel sit die getalle van NG studente by UJ uiteen:

Kampus	Geloof	Student getalle
APB Auckland Park Bunting	NG Kerk	40

APK Auckland Park Kingsway	NG Kerk	1915
DFC Doornfontein Campus	NG Kerk	54
ERC East Rand Campus	NG Kerk	7
SWC Soweto Campus	NG Kerk	5

- (8) Wat in gedagte gehou moet word is dat die studente afkomstig is van oral in ons land. Die Studente-Kerk bedien dus die NG Kerk in die breë sin van die woord en dit daarom onbillik is om van 'n plaaslike gemeente te verwag om finansieel hierdie verantwoordelikheid op haarself te neem.
- (9) Die Studente-Kerk se finansies is van so aard dat dit tans nie in staat is om 'n pos te kan bekostig nie en alle fondse wat verkry word, word aangewend vir die bediening. 'n Volledige verslag is verkrybaar by Ds. Dawid Venter se kantoor.

3.1.2.2 STRUKTUUR:

- (1) Die Studente-Kerk het sy eie funksioneerende Bedieningsraad,. Die portefeuilles van die Bedieningsraad is onder andere Finansies, Weeksuitreike, Vakansieuitreike, Leier Diakens, IT, Kunste en Músiek. Die strukture stel die studente bloot aan die administrasie van kerkwees, asook die procedures en strukture van die kerk. Daar is tans 19 studente op die Bedieningsraad. Die Bedieningsraad is die Uitvoerende Kerkraad wat byna soos 'n dagbestuur op 'n weeklikse basis saamkom en die werkzaamhede van die gemeente bestuur.
- (2) Die Studente-Kerk het ook tans 74 kerkraadslede wat in elke koshuis op die Aucklandparkkampus van die UJ die NG Kerk lidmate in die koshuis bedien en geestelik ondersteun. Elke koshuis het 'n leieriaken wat ook deel van die Bedieningsraad uitmaak.
- (3) Ons bied ook verskeie toerustingsgeleenthede aan ten opbou van die studente se geestelike en praktiese kennis. Kursusse wat ons al aangebied het sluit in: "Love, Sex and Lasting Relationships" van Chip Ingram, "Becoming a Contagious Christian", "Purpose Driven Life", die Alpha kursus, Tswana klasse en Evangelisasie opleiding in samewerking met Athletes in Action.

3.1.2.3 UITREIK NA ONS WÉRELD

- (1) Die Studente-Kerk is betrokke by verskeie uitrekgeleenthede. Die uitreike word eksklusief deur studente geadministreer en georganiseer. Aspekte soos begrotings, finansiële verslae, kontak met die oorde en logistieke reëlings moet alles deur die uitrekbesture hanteer word. Kosbare ondervinding in die hantering van finansies, logistiek, en mense en groepe word dus deur die besture opgedoen. Die studente wat op die uitreike gaan, doen ook ervaring op in sending en evangelisasie, asook meer praktiese vaardighede soos beplanning, bemarking en organisasie.
- (2) Jaarliks stuur die Studente-Kerk ongeveer vyf uitrekspanne na verskillende vakansie oorde in Suid-Afrika. Hier bedien hulle die vakansiegangers met God se Woord en liefde deur middel van strandspele, poppekaste, kinder- en tienerbybelstudies, aandprogramme soos talentkompetisies en konserte, en vele ander aktiwiteite. Die uitreike na Badplaas, TO Strand en Natalia is nou al elkeen vir meer as 15 jaar aan die gang.
- (3) Daarmee saam gaan ons drie keer 'n jaar na 'n dorpie met die naam Inalegolo in Botswana, waar ons die San- en Tswanagemeenskap bedien. Die kerk in die dorp is

onder leiding van Ds. Johan Krige in sy termyn as studenteleraar deur die studentewyk gebou, en die bediening word nou deur die Studente-Kerk voortgesit. Daar word daagliks vir tussen 80 en 220 kinders twee geestelike programme aangebied, en in die middae kos gegee. In samewerking met Tswanasprekende tolke, meestal verbonde aan MES, gaan doen ons ook hutbesoek en kerkdienste, waarmee ons die meer volwasse mense van die gemeenskap bedien.

- (4) Die studente kry op die uitreik kans om buite hul kultuur, God se liefde te deel, en ook om heeltemal buite hul gemaksone (daar is geen lopende water of elektrisiteit nie), te leef. Water moet by 'n kraan 'n kilometer van die kerk gehaal word, hout moet gaan haal word vir vuur wat lig, hitte en warm water verskaf, en saans word daar op die sand, onder die sterre geslaap.
- (5) Dit is ook op ons hart gedruk dat ons betrokkenheid by die Sangemeenskap nie beperk kan bly tot drie weeklange besoeke 'n jaar nie. Ons het begin om saam met Ds. Johannes Ramaifo, 'n afgetrede VGK predikant van Benoni, wat reeds sending werk in die omgewing doen, te werk. Met die ondersteuning van oudstudente, borge en moontlike hulp vanuit die Benoni ring, hoop ons om sy bediening te befonds. Die uiteindelike doel is om die selfstandigheid en volhoubaarheid van die dorpie, asook die dorpies in die omgewing, as Christelike gemeenskap te bevorder.
- (6) Die Studente-Kerk is betrokke by Maria Kloppers en Abraham Kriel kinderhuise, waar ons weekliks na die kinderhuise gaan en deelneem aan enige aksies of programme wat deur die kinderhuis gereël word. Ons raak ook al hoe meer betrokke by MES in die middestad van Johannesburg, waar ons jaarliks in die wintervakansie uitreik, asook deelneem aan programme deur MES gereël. Die weeklikse sopkombuis gereël deur Melville Kruisgemeente word ook deur die studente ondersteun. Die Studente-Kerk was ook gereeld betrokke by gemeentes wat hulp en ondersteuning met hulle jeug verlang, bv. by Waterval gemeente, asook gemeentes in Alberton. Die Studente-Kerk is jaarliks die energie en die gees van die Jeugsinode wanneer hulle daar as groepleiers optree.
- (7) Ons poog ook om die studentegemeenskap op kampus so effektief as moontlik te bedien. Ons jaarlikse Afskopkamp (eerstejaarskamp) wat tussen 120 en 250 studente jaarliks trek, is gemik daarop om eerstejaarstudente 'n goeie grondslag te gee waarop hulle hul geestelike lewens op kampus kan begin. Geestelike sowel as praktiese kwessies word in lesings en kleingroepe bespreek, en aktiwiteite soos volleyball en suikerkaskenades word aangebied om die studente 'n kans te gee om mekaar beter te leer ken. Seniorstudente dien as groepleiers, en kry op hierdie wyse 'n kans om in die eerstejaars se lewens in te bou. Ook die kamp word volledig deur die studente gereël onder begeleiding van di Klut.
- (8) 'n Groot deel van die Studente-Kerk se visie is om studente op te lei om in hul tuisgemeentes te gaan dien. 'n Student bly vir gemiddeld 3 jaar in die Studente-Kerk, waarna hy of terugkeer na sy tuis gemeente, of skuif na 'n gemeente naby aan waar hy werk of bly. Ons sien telkens dat studente van die Studente-Kerk dien in leiersposisies in hul nuwe gemeentes. Die feit dat ons geen teologiese studente het nie, beteken dat ons gewone lidmate oplei om in die kerk te dien.
- (9) Die Studente-Kerk funksioneer op 'n kampus waar daar nie 'n NG Teologiese Fakulteit is nie, die Studente-Kerk is dus die NG Kerk se gesig op die kampus van UJ.

3.1.2.4 ONS OMGEWING:

- (1) Op die UJ kampus kry die studente met 'n verskeidenheid van kerke, teologieë en ideologieë te doen, en die Studente-Kerk werk gereeld saam met ander denominasies in spesiale geleenthede en aktiwiteite. Ons is aktief betrokke by Wings, die interkerklike organisasie wat die verskillende denominasies en koshuise saamtrek om God se woord en liefde op kampus te versprei. Daarmee saam word een van ons vakansieuitreike in samewerking met die AGS se Teologiese Kollege in Aucklandpark georganiseer. Ons uitreike, kampe en aktiwiteite lok ook talle kerk-los studente en lidmate van die AGS, die susterkerke en talle gemeenskapskerke.
- (2) Universiteitskampusse word deur verskeie Christelike organisasies geteiken, wat dit nodig maak op kampus vir samewerking tussen die verskillende organisasies. Die Studente-Kerk werk gereeld saam met organisasies soos Athletes in Action en Campus Crusade, met wedersydse ondersteuning van aktiwiteite en uitreike.

3.1.2.5 EREDIENSTE

- (1) Soos enige gemeente het die Studente-Kerk sondae eredienste waar studente met God se woord bedien word. Dit is ook 'n geleentheid vir verskeie studente om hul gawes te gebruik om die gemeente te bedien. Normale funksies soos die opneem van kollekte, nagmaal en koffie en koekies na die erediens vind plaas, sowel as aktiwiteite soos klankversorging en die lei van die gemeente in lof en aanbidding.
- (2) Daar vind op 'n unieke, studentemanier, lof en aanbidding tydens die diens plaas, met orkeste wat strek van een persoon met 'n kitaar tot orkeste met 9 lede. Daar word aan studente die geleentheid gegee om hul musiektalente tot eer van God te gebruik, en instrumente soos kitare, klavier, keyboard, viool en dromme word gereeld gebruik. In die afgelope jaar het daar al 22 mense in die orkeste van die Studente-Kerk gespeel.
- (3) Ons Musiekorganiseerde, Ferreira Marais was self 'n student aan die UJ, en is tans besig om sy musiekstudies te voltooi. Sy pos word deur oudstudente befonds. Deel van sy werksomskrywing is om soveel as moontlik studente blootstelling te gee aan lof en aanbidding lei in 'n kerk, sowel as om die studente musikaal op te lei.

3.1.2.6 KUNSTE & IT

- (1) Baie studente het die behoefte om God met hul gawes te dien, gawes wat nie noodwendig in die tradisionele persepsie van kerk inpas nie.
- (2) Alhoewel ons geen formele opleiding vir sulke studente bied nie, gee ons hulle wel die kans om die gemeente met die gawes te bedien.
- (3) Deur by te dra by die ontwerp en aanbieding van die preke, put die hele gemeente voordeel uit die kunstigheid en vaardigheid van die studente.
- (4) Die Studente-Kerk, sowel as die Melville Kruisgemeente se webwerwe word deur studente bedryf, asook meeste van die tegniese aspekte soos klankversorging en die opneem en beskikbaarstel van preke.

**3.1.2.7 AANBEVELINGS – STUDENTE-KERK MELLVILLE
KRUISGEMEENTE:**

- (1) Die sinode keur die werkswyse van die Studente-Kerk goed, en verklaar hulle steun tot die studentebediening

- (2) Die sinode onderneem om steeds die pos van die Studenteleraar te dra ten einde die bediening aan studente moontlik te maak.
- (3) Die sinode moedig die uitbreiding van studentebiediening aan.
- (4) Die sinode keur die pos van 'n bedieningskoördineerder teen R3500p/m goed vir hierdie uitbreidingsmoontlikheid en verdere instandhouding.
- (5) Die sinode ondersteun die gedagte om te kyk na 'n 2^{de} leraarspos met die oog op die missionêre werk op al die kampusse van UJ en omgewing. Die sinode gee opdrag aan die SDK om saam met SKA en die Studente-Kerk die moontlikheid te ondersoek.



3.1.2.8 BYLAE TOT DIE VERSLAG VAN DIE STUDENTE-KERK, MELVILLE KRUISGEMEENTE

Die NG Studente-Kerk Johannesburg is 'n unieke studente organisasie wat 'n groot impak op die wêreld daar buite het, maar ongelukkig vir die Studente-Kerk het alle projekte en uitreike wat ons het en doen, fondse nodig. Die Here het ons ryklik geseen met min of meer 11 uitreike per jaar, asook die afskopkamp wat elke jaar in die begin van die jaar gehou word om die eerstejaars bewus te maak van die Studente-Kerk en wat elke jaar 'n reuse sukses is. Al hierdie uitreike word befonds deur borge wat elke student moet insamel asook die bestuur vir elke uitreik moet addisionele fondse insamel om die kostes vir die uitreike te dek, wat kos, petrol en slaapplek insluit.

Die Studente-Kerk dra minimaal finansieel by tot die uitreike.


Die Studente-Kerk se inkomste is hoofsaaklik afkomstig vanaf die sondagkollekte wat opsigself baie wisselvallig is as weens die vakansies wat vier keer 'n jaar plaasvind. Die inkomste is ook nie baie groot bedrae nie omdat die studente afkomstig is van ouers se maandelikse sakgeld en die ouers nie meer kan gee nie, want soos u seker weet jaag dit die ouers baie uit die sak uit om hul kinders universiteit toe te stuur. So ook wissel ons lidmate per Sondag geweldig, veral as dit by eksamens of toets tydperke kom.

Daar word jaarliks brieve na studente se ouers toe gestuur om donasies vanaf die ouers te vra en daar word baie vrygewig vanaf die ouers gegee en ons is baie dankbaar dat die ouers so vrygewig is.


NETTO INKOMSTE 2005 TOT 2007**NETTO INKOMSTE 2005 TOT 2007**

Soos u in die boonste grafieke kan sien oorskry ons netto inkomste nie die R10,000 merk nie en wissel die inkomste baie, veral rondom die vakansies. Daar kan ook gesien word dat ons 'n afname het in ons netto inkomste vir elke jaar as mens 2007 met die twee vorige jare vergelyk. 2007 is wel die mees konstante jaar van die drie jare wat vergelyk word en kan ons nog steeds 'n wins toon in al drie die jare.

DANKOFFERS, KOLLEKTE EN OUERBYDRAES



DANKOFFERS, KOLLEKTE EN OUERBYDRAES



As ons na die twee boonste grafieke kyk is dit 'n aanduiding van die inkomste wat die grootste gedeelte van ons inkomste aandui.

Die boonste grafiek verwys na die maandelikse inkomste en daar kan weer gesien word dat daar 'n afname in inkomste is vanaf 2005 en dat ons inkomste vir 2007 nie R16000 oorskry nie.

Daar kan verder gesien word dat ons inkomste baie wisselvallig is en dat daar veral 'n afplatting is in die maande wat daar vakansies is.

Die uitgawes van die Studente-Kerk is hoofsaaklik vir algemene uitgawes soos vir versekering, telefoonkostes, asook administrasie onkostes.

Die Studente-Kerk is ook geseënd dan ons 'n baie goeie en geseënde musiekbediening het en dat dit een van ons groot wyses is waarop ons die Here dien.

Ons het 'n musiekleier wat 'n salaris ontvang wat ons nie self fisies betaal nie, maar daar is persone wat ons befonds en ons dus in staat stel om sy salaris te betaal.

Hieronder is 'n begroting vir die 2008 finansiële jaar wat ons begrote inkomstes en uitgawes soos begroot aandui; asook uitreike se begrottings vir elke uitreik.

BEGROTING VIR DIE TYDPERK GEËINDIG 28 FEBRUARIE 2008

NOTA:

- Maart tot Junie 2007 is werklike bedrae soos tot op 30 Junie 2007 in die boeke van die Studente-Kerk.
- Begroting is gebaseer op syfers vir die jaar geëindig 28 Februarie 2007 omdat die 2007 jaar 'n konstante jaar was.

INKOMSTE - STUDENTE	Mrt.	April	Mei	Junie	Julie	Aug	Sep	Okt.	Nov.	Des	Jan	Feb.	Totaal
Erediens-kollektes	4012.2	3586.35	3243.25	2347.6	4005.3	4005.3	4005.3	4005.3	4005.3	4005.26	4005.26	4005.3	45231
Maandelikse Bydraes	2855.5	3610	4810	4005	2512.8	2512.8	2512.8	2512.8	2512.8	2512.75	2512.75	2512.8	35383
Ouerbydraes	0	0	0	0	984.17	984.17	984.17	984.17	984.17	984.17	984.17	984.17	7873.4
Fondsinsameling	0	0	0	0	0	0	0	0	0	0	0	0	0
Diverse	1200	1236.6	236.6	936.6	2076.3	2076.3	2076.3	2076.3	2076.3	2076.34	2076.34	2076.3	20221
Totaal	8067.7	8432.95	8289.85	7289.2	9578.5	9578.5	9578.5	9578.5	9578.5	9578.52	9578.52	9578.5	108708

UITGawe -	Mrt.	April	Mei	Junie	Julie	Aug	Sep	Okt.	Nov.	Des	Jan	Feb.	Totaal
Motor	403.25	982.6	443.73	594.71	955.08	955.08	955.08	955.08	955.08	955.08	955.08	955.08	10065
Administrasie	531.11	608.76	3531.11	531.11	1871	1871	1871	1871	1871	1870.96	1870.96	1871	20170
Versekerings	2791.9	1520.57	0	2938.21	1310.2	1310.2	1310.2	1310.2	1310.2	1310.2	1310.2	1310.2	17732
Telefoon	0	4359.13	0	1442.82	0	0	0	0	0	0	0	0	5802
Oase	253	194.55	398	72.75	141.31	141.31	141.31	141.31	141.31	141.31	141.31	141.31	2048.8
Diverse	2300	11105.48	5666	2265	4172.4	4172.4	4172.4	4172.4	4172.4	4172.44	4172.44	4172.4	54716
Totaal	6279.26	18771.09	10038.84	7844.6	8450	8450	8450	8450	8450	8449.99	8449.99	8450	110534

Totale inkomste	108707.86
Totale uitgawes	110533.71
Netto wins vir die jaar	-1825.85

Bykomend by die uitgawes is die salaris van ons studente organiseerde wat min of meer R3500 per maand beloop en is nie ingerekken by die wins nie. Indien ons dit by sit sal die wins soos volg lyk:

Totale inkomste	108707.9
Totale uitgawes	110533.71
Salaris	42000
Netto wins vir die jaar	-43825.81

Ds B Klut se salaris is nie hierby ingereken nie en daar is ook nie daarvoor begroot op hierdie verslag nie, omdat die pos deur die sinode gedra word.

Dit sluit ook sy pastorie en die instandhouding daarvan in.

UITREIKE

Inalegolo Julie 2007 Inkomstes en Uitgawes			
Inkomstes		Uitgawes	
Begin Saldo	R 4,261.32	Vervoer	R 3,025.33
Spangelde	R 7,800.00	Tolgeld	R 408.00
Borge	R 4,633.10	Kos	R 6,156.19
Span Klere	R 880.00	Boesmankos	R 1,100.00
		Grenskostes	R 264.00
		Spanborg	R 900.00
		Balle & Bandjies	R 780.00
		Admin	R 300.00
		Gas	R 150.00
		Ander	R 214.05
		Byle	R 294.00
		Spanklere	R 1,768.71
		Eindsaldo	
	R 17,574.42		R 15,360.28

Middestad 2007 Inkomstes en Uitgawes			
Inkomstes		Uitgawes	
Begin Saldo	R 900.00	Aand & Oggendetes	R 2,697.57
Spangelde	R 3,150.00	Verblyf	R 1,260.00
Borge	R 1,700.00	Middagetes	R 1,425.00
Potch - Etes & Verblyf	R 1,470.00	Span Geskenke	R 376.95
Baadjes	R 800.00	Span Treat	R 142.00
		Spandrag	R 1,307.80
		Petrol	R 175.20
		Weekprogram	R 68.45
		Admin	R 215.55
		Ander	R 39.00
		Eindsaldo	R 312.48
	R 8,020.00		R 7,707.52

Natalia Julie 2007 Inkomstes en Uitgawes			
Inkomstes		Uitgawes	
Spangelde	R 12,250.00	Admin	R 1,460.48
Borge:		Kos	R 10,159.92
Ng gemeente Wilgespruit	R 6,000.00	Klere	R 1,950.74
Ng gemeente Dalpark	R 500.00	Brandstof	R 4,195.87
P Uys	R 1,000.00	Tolgelde	R 1,107.00
Barrie Enslin	R 1,000.00	Span treat	R 6,856.10
Bertus van Brake	R 500.00	Programme	R 374.45
Johan	R 500.00		
Wanda	R 500.00		
Blikskud 1	R 3,413.00		
Blikskud 2	R 3,436.00		
		Eindsaldo	R 2,994.44
	R 29,099.00		R 29,099.00

TO Julie 2007 Inkomstes en Uitgawes			
Inkomstes		Uitgawes	
Begin Saldo	R 1,191.00	Vervoer	R 7,881.67
Spangelde	R 15,200.00	Kos	R 8,211.54
Borge:		Kinderbybelstudie	R 127.95
Kilokor	R 500.00	Strandspiele	
Engen Empire	R 100.00	Tops	R 2,800.00
Milky Lane	R 100.00	T-Shirts	R 500.00
TO: Kollekte + vakansiegangers	R 1,142.00	Konsert & Talentaant	R 88.25
Kollekte (Melville Kerk)	R 2,000.00	Kruistog	R 42.35
Privaat	R 3,000.00	Ouens & Meisies Treat	R 200.00
CUM Boeke (ander)		Bestuur Treat Span	R 110.00
Kinderbybelstudie-materiaal		Aandprogram	
Nola (Beskuit+Mayo)		Donasies (Siyaya)	R 1,000.00
Clover (Melk en Vla)		Afsluitings Funksie	
		Admin	
		Pryse vir Aktiwiteite	
		Ander	R 236.00
		Eindsaldo	R 251.07
	R 23,233.00		R 1,784.17
			R 23,233.00

Net uit hierdie vier uitreike kan gesien word wat dit die Studente-Kerk kos, of nie, wat dit die studente kos om die woord reg oor die land en in ander lande te gaan verkondig. Die Studente-Kerk beskik eenvoudig nie oor die fondse om hierdie uitreike te kan befonds nie, en desnieteenstaande het die Here ons telkens so ryklik geseen dat elke uitreik nie net

aangepak kon word nie, maar ook baie suksesvol afgehandel kon word met genoeg fondse om die uitreike te kan laat gebeur.

Soos u ook uit hierdie verslae kan sien is ons ook baie afhanklik van borgskappe vanaf die gemeenskap en ons was ook daar baie geseen.

Die Sinode was nog net goed vir ons deurdat hul ons al vir so lank ondersteun, nie net geestelik deur hul gebede nie, maar ook finansieel deurdat hul onder andere Ds. Ben Klut se salaris vir ons betaal en ook tot en met hierdie huidige jaar ons studente organiseerde se salaris betaal het en ons is dankbaar daarvoor en ons dank u en die Here so baie vir die wonderlike manier waardeur u ons ondersteun. Ons moes egter ons studente organiseerde se salaris oorneem nadat die kontrak tussen ons en die sinode verval het en dit neem egter 'n nog groter hap uit ons inkomste uit.

Soos u seker uit die infliting kan sien, is ons glad nie in staat om enigsins enige groot verpligtinge aan te gaan nie, alhoewel ons geseend genoeg is om tog 'n bydrae aan die gemeenskap te maak al is dit nie in 'n finansiële manier nie. Ons is ook van mening dat die Studente-Kerk van kardinale belang is in die bou van die studente se menswees en geloof en groei, en watter groter belegging as in die toekoms van die kerk? 'n Groot langtermyn belegging ja, vissers vir Jesus

3.1.3 VERSLAG VAN DIE 2006 LUISTERSINODE

3.1.3.1 EVALUERING

- (1) Die evaluering was uiters positief. Van al die vorms (219) wat ontvang is, was 11 negatief (punt onder 5), en van die 11 het net 3 niks positief gesê in terme van wat hulle geleer het, of wat die dag vir hulle beteken het nie.
- (2) Dit was 'n uiters suksesvolle geleentheid wat gelei het tot baie positiewe denke oor die kerk en haar prosesse.
- (3) Ons moet wel kennis neem dat 1/3 van die gemeentes in ons Sinodestreek nie daar was nie. Dit sal goed wees om vas te stel waarom, en wat hul redes was.
- (4) Die samestelling van die Luistersinode is regtig baie positief ontvang. Die feit dat dit 'n Saterdag was, het ook meer positiewe as negatiewe implikasies gehad. Ek dink dit sal dom wees as die SDK hierdie faktore nie in die toekoms in ag neem nie.

3.1.3.2 INSIGTE SPESIFIEK VAN TOEPASSING OP DIE GEMEENTES WAS DIE VOLGENDE:

- (1) Ons gemeente se probleme is nie uniek nie.
- (2) Luister meer na mekaar en ons wêreld.
- (3) Soek na God se stem vir die gemeente.
- (4) Jeug is baie belangrik – moet in die gemeente aandag kry – moet groter verantwoordelikheid dra.
- (5) Jeug moet gesien word as volwaardige lidmate.
- (6) Mentors vir kinders en jong lidmate is belangrik.
- (7) Gaan doen, hou op praat.
- (8) Dien die gemeenskap.
- (9) As ons swak is, is ons sterk!
- (10) Die kerk het nog altyd swaar gekry; God hou die kerk in stand.
- (11) Moenie vasstaar teen die probleme/vrese nie, maar die einddoel raaksien.
- (12) Aanvaar dat in veranderde tye, die vrae meer as die antwoorde sal wees.
- (13) Luister na die nood van die tyd.
- (14) Ou strukture moet vervang word met nuwe werkbare strukture.
- (15) Maak ruimte vir diversiteit in die gemeente.
- (16) Word multi-kultureel.
- (17) "Not the people to the church, but the church to the people."
- (18) Ons moet ophou om die akwarium blink te vryf, gaan visvang.
- (19) Kies wat is die beste vir die Evangelie, nie vir myself nie.
- (20) Kyk waar is God besig, en raak daar betrokke.
- (21) Neem die kerk na jou bestaande verhoudinge: "Friends, relatives, neighbours, co-workers."
- (22) Ons moet die stigma aan die kerk "doodleef."
- (23) En die grense tussen kerke afbreek.

3.1.3.3 DINGE WAT GEMEENTES ANDERS SAL DOEN IN DIE VERVOLG:

- (1) Gee jeug medeverantwoordelikheid.
- (2) Maak seker of ons aksies inlyn is met ons doel.
- (3) Maak ruimte vir diversiteit.
- (4) Skep meer gespreksforums om almal se behoeftes te bepaal.

- (5) Skep luistergeleenthede.
- (6) Kry meer jeugaksies in plek.
- (7) Rig kerkraadsvergaderings meer geestelik.
- (8) Kommuniikeer beter oor kerkraadsbesluite na die gemeente.
- (9) Begin 'boiler room' vir tieners.
- (10) Lé meer klem op Selgemeente – die visie van die gemeente moet die visie van elke selgroep word.
- (11) Fokus meer op hulle wat buite die kerk is.
- (12) Bewerkstellig samewerking tussen plaaslike gemeentes.
- (13) Bevestig opnuut Bybelse opdragte en gee deur na lidmate.
- (14) Hersien sekere "ou" tradisies om aan te pas.
- (15) Lewe en doen positiewe gesindheid.
- (16) Begin nuwe liedere sing.
- (17) Nooi mense aktief na die kerk.
- (18) Ondersteun prediking deur moderne hulpmiddels.
- (19) Deel die stories met mekaar.
- (20) Stel 'n bedieningskoördineerdeerder.
- (21) Skakel anderstaliges in by die erediens, bv Engelse erediens?
- (22) Maak tyd om op God te fokus en te hoor wat Hy sê.

3.1.3.4 SPESifieKE SAKE WAT NA DIE SDK VERWYS IS, IS:

- (1) Hoe hanteer ons die "Consumerist" post-moderne houding van ons mense?
- (2) Ons wil graag 'n herenigde kerk hê. Doen ons genoeg om die kerk voor te berei hiervoor?
- (3) Kyk na kleiner gemeentes wat nie die kapasiteit het om die veranderinge te bestuur nie.
- (4) Aanpassing van die Kerkorde om verandering van strukture soos bv samestellings van die kerkraad moontlik te maak.
- (5) Dankie vir riglyne en ruimte om dit toe te pas.
- (6) Hoekom kan ons nie meer uitgesproke wees teenoor wêrelmse dinge en doen en late vanaf gemeente grondslag, asook van die NG Kerk in geheel? Bv vloekery in flikeks, TV, advertensies wat aanstootlik is.
- (7) Die tipe van byeenkoms soos vandag, meer laat plaasvind.
- (8) Kan ander kerkgroepe ook betrek word?
- (9) Sinode kan meer betrokke raak in die aanbieding van gesamentlike Jeug-byeenkomste.
- (10) Luister ook na kundiges in Suid-Afrika m.b.t. die toekoms van die kerk en moenie dink as iemand van oorsee iets sê moet ons meer luister nie.
- (11) Lidmate het belang wat by sinode gebeur en besluit word, wil dit nie in die koerant lees nie.
- (12) "Christen-gemeenskap ontwikkeling deur selgroepe te mobiliseer."
- (13) 'n Aksie-navorsingsprojek deur Bonaeroparkgemeente.
 - (a) Resultate en terugvoering na Sinode.
 - (b) 'n Moontlike prototipe.
- (14) Hoe oortuig jy konserwatiewe leiers om saam te werk om die kerk te verander sonder om hulle en hul volgelinge af te skrik?
- (15) Die jeug aanvaar nie altyd die leiding wat beskikbaar is nie, maar dit lyk nie of hulle self presies weet wat hulle verwagtings van die kerk is nie. Hoe doen ons dit? Hoe

- bring ons die 2 generasies bymekaar sodat almal verstaan dit gaan oor die koninkryk van God?
- (16) Die jeug uiter 'n noodroep. Hoe gaan ons hulle effektief hoor om hulle te akkommodeer?
- (17) Hoekom help die Sinode nie gemeentes wat kwyn daadwerklik op die volgende terreine nie?
- (a) Geestelik
 - (b) Fisies
 - (c) Finansieel
- (18) Sinode moet 'n beradingsentrum stig om beraders op te lei om mense in nood te help.
- (19) Hoe betrek ons onbetrokke lidmate?
- (20) Gaan voort om ons uit ons kassies te roer. Baie dankie vir 'n Positiewe "Luister" dag.
- (21) Hoe help ons mense om met groter vrymoedigheid deel te neem aan die gemeente se visie en pad vorentoe?
- (22) Die Sinode moet ook na die gemeentes luister.
- (23) Die sinode kan hom meer toelê op die jeug.
- (24) Jeug van al die gemeentes moet meer interaksie hê.
- (25) Skep klimaat van herbesinning/opening van ruimtes, dus "keep on stirring."
- (26) Hoe kan ons die vlaag van misdaad en geweld op "makro-vlak" duideliker en dringender aanspreek?
- (27) Ons het onlangs 'n groot strategiese proses deurloop. Sou ons iemand soos Nelus kon nooi om te evalueer wat ons op die tafel het en as buitestander dalk probleme/denkfoute uit te wys?
- (28) Gesamentlike gebed as sinodegangers om na God se wil te soek. Ons kan net vir God se wil vra "deur gebed."
- (29) Hou op draai op die issues, ons wil die kerk van die toekoms gaan leef! Kry die wiel aan die draai.
- (30) Hoe gaan kerkeenheid die funksionering van die gemeente op grondvlak raak? Die besluit oor kerkhereniging moet van grondvlak af na bestuur beweeg en nie van bo na onder nie.
- (31) Wil graag oor 'n jaar terugvoer van ander gemeentes kry.
- (32) Meer leiding tov mentorskap (Jeug/nuwe lidmate).
- (33) Aanpassing en variasie van liturgie in ons eredienste.
- (34) Kommunikeer met ons per SMS en e-pos.
- (35) Kom praat op die preekstoel.
- (36) Deel julle inligting met ons.
- (37) Hoe gaan ons behoeftes aanspreek bv daar is behoefte vir kuier/fellowship en as mens iets reël daag niemand op nie?
- (38) Hoe maak mens lidmate betrokke/committed?
- (39) Hoe verander jy ingesteldheid van mense van VAT na GEE?
- (40) Ouers se verantwoordelikheid vs Kerk se taak. Hoe trou ons dié twee?
- (41) Bly ons help om die skuiwe van mag na diens te maak. Geestelike leierskap is nou 'n prioriteit.
- (42) Die Sinode moet meer intergemeentelike byeenkomste fasiliteer.
- (43) Hoe kan sukkel-gemeentes en floreer-gemeentes nouer saamwerk om die toekoms aan te pak?

- (44) Wat sal in ons gemeentes moet gebeur om dieselfde "rejoicing" (lewensveranderende) effek te kry soos wat daar gesê word van die jeugsinode?
- (45) Kampe vir jeug. Meer kontak met gemeentes soos by die Luistersinode. Kommunikasie met gemeentelede in die vorm van byeenkomste.
- (46) Definieer "Missionér"
- (47) Ons is dankbaar oor die openheid by 'n Sinode Sitting(!) om ook Engelse liedere (buite die amptelike bundel) te sing!
- (48) Hoe kan gewone lidmate, sinode besluite ontvang en ingelig wees oor wat op vergaderings gebeur het?
- (49) Meer motivering van bo en ondersteuning.

3.1.3.5 AKSIES:

Elke gemeente ontvang 'n persoonlike brief met 'n antwoord of 'n voorgestelde aksie rakende hul vrae.

3.1.3.6 AANBEVELINGS - LUISTERSINODE 2006:

- (1) Die sake wat regtig belangrik is, behoort spoedig deur die SDK hanteer te word. Dit kan tussen die portefeuilles verdeel word.
- (2) Dit sal belangrik wees om, veral rakende die sake wat na die SDK verwys is, persoonlik terugvoer te gee.
- (3) Dit is belangrik om later in die proses terugvoer en suksesverhale van gemeentes te ontvang om weer saam te gesels oor hoe die prosesse verloop het en waar aandag gegee kan word aan die belangrikste sake soos:
 - * Kerkhereniging
 - * Veranderingsbestuur
 - * Misdaad/geweld
 - * Mentorskap
 - * Jeug
 - * Finansiële bestuur
 - * Kreatiewe bedieningstyle en metodes
 - * Geestelike leierskap
- (4) Dit kan oorweeg word om by die eerskomende sinode voorsiening te maak vir 'wegbreek-sessies' en/of terugvoergeleenthede rondom hierdie belangrike sake. (Verwys na ontwerpspan).
- (5) Kommunikasie bly een van die grootste behoeftes. Die SDK moet daadwerklik soek na 'n metode om oop gesprek te faciliteer tussen lidmate en leierskap. Dis 'n yslike uitdaging met baie potensiaal.
- (6) Die voortgesette deurlopende proses sal deur die kantoor en die portefeuilje netwerke, in samewerking met die res van die portefeuilles hanteer word met gereelde terugvoer aan die SDK.

Ds Elise Klut

3.1.4 VERSLAG VAN DIE 2007 LUISTERSINODE

Die Luistersinode te Kempton-Kruin op Saterdag 15 Augustus 2007 was, volgens al die evaluasievorms, 'n groot sukses. Al drie sprekers, proff. Niemandt, Lotter en Joubert, se optredes is uiterst positief beoordeel en beleef.

Die doel was om te vra hoe ons die evangelie vandag relevant en aktueel kan verkondig en mense kan intrek in die koninkryk van God.

Daar was wonderlike lofprysing en aanbidding, geleei deur di. Etienne Schoeman en Richter Grimbeeck. Daarna het ons saam gewandel deur die Woord na aanleiding van Hand. 10-11:18. Die verhaal van die Romeinse soldaat en gebedsman Kornelius het ons almal geraak. En veral Petrus se gesindheid van nederigheid en bereidwilligheid om te leer via sy ontmoeting met mense buite die kring van die Christelike geloof. Die Heilige Gees het die kerk geleei om deur die grense van sosiale gebruikte, heiligheidsvoorskrifte en eeu-eoue tradisie te breek en te ervaar dat die Gees nuwe werklikhede oopbreek.

Dr. Nelus Niemandt se aanbieding het gefokus op die verhouding tussen die Gees en die tydsgees. Hy het die voordele van die era na die modernisme uitgewys as 'n tydvak waarin daar nuwe deure oopgaan vir die kerk om te praat oor God en sy asemrowende grootheid.

Prof. Hennie Lötter het namens die lidmate vrae gevra wat die kerkleiers en lidmate geleentheid gee vir gesprek. Dit het o.a. gegaan oor die vraag hoe belangrik ons emosie is, of die Woord werkelik sentraal in die Woordverkondiging is, hoe verhoudinge binne en buiten die kerk bevorder kan word.

Dr. Stephan Joubert het oor evangelisasie as verhouding gepraat. Skokkende statistiek het almal regop laat sit, bv oor studentebediening. Ou metodes van evangelisasie werk eenvoudig nie, maar nogtans het mense die behoeftte om te praat oor die vraag na die sin van die lewe, oor God en om 'n nuwe verhouding met God te bou.

Die konferensie is afgesluit met gebed na geleentheid vir vrae aan al drie sprekers en bespreking. Di. Kobus Kok en Dirk Human het die besprekings geleei.

Dankie aan me. Hannie Harmse en Ds. Dawid Venter en NG Kempton-Kruin vir die organisasie en almal wat gekom en deelgeneem het. Die CD van die dag is by me. Marelief Theron te kry by 083 226 1886.

Danie Malan.

Portefeuljeleier.

3.1.4.1 BYLAE TOT DIE VERSLAG VAN DIE 2007 LUISTERSINODE

Tydens die Luistersinode van 25 Augustus 2007, het Prof Hennie Lötter die volgende stel vrae aan die sinodegangers gestel. Dit word hier aangebring vir u kennisse. Hy het gepraat oor die tema: "Spanningsveld en Ongemakkones tussen Gees en Tydsgees?" en toe op tipiese post-moderne wyse, 'n reeks vrae oor kwelpunte / knelpunte onder die aandag gebring wat tans op diverse maniere hanteer word

(1) Vooraf

- (a) Ek het vrae, nie antwoord nie
- (b) Ondersoekend, nie beskuldigend, beterweterig nie
- (c) Vier beelde diep ingeprent:

- (i) Moreleta
- (ii) Roodepoort-Oos [VL]
- (iii) Mosaïek
- (iv) Stellenbosch-Sentraal

(2) Oorsig

- (a) Drie algemene vrae
 - (i) Die erediens en emosie wat uit die erediens voortvloeи
 - (ii) Die kerk en breër kwessies
 - (iii) Vrae oor spanninge wat bly pla
- (b) Drie algemene vrae:
 - (i) Is daar 'n krisis in die koers wat die Kerk tans inslaan? Of het die kerk rigting of word alle windrigtings nou beproef?
 - (ii) Is die kerk besig om in te plof? Of is groot strukture besig om te swig voor nuwe lewensvorme?
 - (iii) Het 'n sekere styl van leierskap verdwyn wat die kerk deur 'n moeilike tyd sou kon dra? Of is die kerk besig om te vernuwe aan die hand van 'n duisend gedesentraliseerde punte waar individue begin leierskap uitoefen?

(3) DIE EREDIENS EN EMOSIE

- (a) 'n Nuwe verstaan van emosies
 - (i) Noue wisselwerking met verstand, rede
 - (a) Is jy geregverdig om so te voel?"
 - (b) Wegwysers, rigtinggewers
 - (c) Medelye
 - (ii) Aanduiders van wat belangrik is, wat tel!
 - (a) Liefde
 - (iii) Bewusmakers van reg en verkeerd
 - (a) Skaamte
- (b) Die erediens as emosionele gebeurtenis
 - (i) Van die diepste menslike emosies is ter sprake
 - (ii) Watter emosies moet ons oproep en hoe?
 - (iii) Hoe ekspressief moet ons wees?
 - (iv) Hoe hanteer ons 'n diversiteit van emosionele style?
- (c) Emosie as vervleugeling van rede, gevoel, geloof, etiek
 - (i) Emosie as deel van aanbidding
 - (a) Lofprysing, verootmoediging, belydenis, verbintenis, vernuwing, nadanke, reoriëntasie.
 - (ii) Watter is positiewe / negatiewe emosies?
 - (iii) Kan hier emosionele 'mishandeling' wees?
 - (iv) Hoe word die eredienselemente hiervoor gebruik?
 - (a) Watter word nog gebruik en hoe?

- (d) Hoe vorm die prediking emosies wat uitmond in die regte lewenstyl en etiese optrede, soos liefde, medelye, blydskap?
 - (i) Is die kerk nog gemaklik om die Bybel te preek? Of is populêre sielkunde en Christelik verwerkte lewensafrigting beter?
 - (a) Hoekom is idees uit die VSA so gewild?
 - (ii) Is dit so moeilik om die eise van ons konteks te lees & te hoor wat die Bybel daaroor sê?
 - (iii) Wie lei die erediens en hoe?
 - (a) Dominees as domineerders?
 - (b) Dominees / lidmate as begeleiers, faciliteerders, bestuurders, afrigters, gids van emosie?
- (e) Die kommunikasie van emosie?
 - (i) Oordrag van mens-tot-mens, mens-tot-God
 - (ii) Watter kommunikasiemedia?
 - (iii) Die erediensleier(s) [liturg(e)]
 - (a) Tradisie en ritueel?
 - (b) Vry en kreatief?
 - (c) Los en ongebonde?
 - (iv) Sang & musiek as opwekkers, skeppers van emosie
 - (a) Sjoe!
 - (b) Diversiteit van style en smoke
 - (c) Spanning tussen tradisie en vernuwing
 - (v) Liggaamstaal
 - (a) Ordelik, stigtelik, plegtig?
 - (b) Vry, ekspressief, meegevoer?
 - (vi) Tegnologie
 - (a) Werk dit elke keer?
 - (b) Tegnologie vs. persoonlike 'ontmoeting'
 - (vii) Die gebou?
 - (a) Aard & grootte
 - (b) Hoe tuis / gemaklik voel mense?
 - (c) Hoe reageer mense op kerklike simboliek?
 - (viii) Die 'trek', 'wegloop' uit die kerk?
 - (a) Is vandag se mense tuis en gemaklik in die kerk as 'hulle wêreld'?
 - (b) Die groot, gevaarlike ommeswaai: die regte doen is meer NB as die regte leer
 - (c) Mense loop maklik weg – sonder skuldgevoel – om elders tuis te voel
- (f) Wat uit die erediens voortvloeи
 - (i) Hoe sterk reageer gelowiges en gemeentes op die ernstige nood oral om ons?

- (ii) SA as 'n diep emosionele maalstroom
 - (a) Wat word as nood gesien? Wat word misgekyk?
 - (b) Voorkeur vir sekere soorte, groepe?
 - (iii) Op watter nood is daar reaksie?
 - (a) Is die kerk 'n noodsentrum?
 - (iv) Hoe hoog is menslike nood van nie-lidmate op die kerk se werklike lys van prioriteite?
 - (v) Is die kerk 'n middelklasgroep wat die nood van die armes ignoreer?
 - (vi) Hoe sterk is die getuienis van die kerk?
 - (a) Praat lidmate se lewens soos sterre in 'n donker hemel?
 - (b) Sê lidmate se optrede dat elke mens Jesus van Matt. 25 sou kon wees?
 - (c) Die kerk se openbare 'doen' op plaaslikevlak: 'n sentrum waar egte menslikheid gedien word?
 - (d) Waaroor gee die kerk as geheel opinies in die openbaar?
 - (vii) Wie se belang word gesien en gedien?
 - (viii) Hoe lyk verhoudinge tussen gemeentes binne en buite die kerk?
 - (a) Hoeveel steun & samewerking is daar tussen gemeentes, kerkrade en dominees binne die kerk?
 - (b) En verhoudinge met ander kerke?
 - (ix) Hoeveel legitimiteit verloor die NG Kerk as gevolg van die sukkelende eenwordingsproses?
 - (x) Hoeveel sin maak ringe en sinodes?
 - (a) Hoeveel lidmate identifiseer met die nood waarheen projekte hul geld stuur?
 - (xi) Waarom vashou aan vreemde geografiese indelings?
 - (a) Hoekom nie meer funksionele groeperings nie?
- (4) Die Kerk en breër kwessies
- (a) Ongemak met die wetenskap?
 - (i) Kan die kerk die resultate van die wetenskap wat met die Bybel te doen het beoordeel en verwerk?
 - (ii) Kan die kerk praat met teoloë? Kan die teoloë praat met die kerk?
 - (iii) Kan die kerk in gesprek gaan met die wetenskap & wetenskaplikes wat dinge sê wat die kern van die kerk se taak of boodskap raak?
 - (b) Ongemak met die politiek? Kon die kerk die volle impak van 1994 verwerk?
 - (i) Kon die kerk lidmate help om die verlies van mag en bevoorregting te hanteer?
 - (ii) Kon die kerk lidmate help om hul eie aandeel aan die onreg en bevoorregting van die verlede te erken en reg te maak?
 - (iii) Het die kerk sy eie mislukking in die politieke sfeer en die impak daarvan op lidmate diepgaande deurgewerk?

- (iv) Het die kerk lidmate geleid om die reg en verkeerd van die nuwe bedeling raak te sien en betrokke te raak by die herstel van onreg?
 - (v) Verstaan die kerk wat die nuwe SA aan sy eie lidmate gedoen het, hoe hulle verander is deur demokrasie en menseregte?
 - (vi) Verstaan die kerk dat mense nie meer wil deel wees van 'meesterverhale' nie?
 - (c) Dat hul eie verhale ingeweef is in verhale van mense wat betekenis in hul lewe het?
- (5) Vrae oor spanninge wat bly pla
- (a) Die kerk se hantering van allerlei vorme van diversiteit en andersheid soos ras, taal, geslag, klas, musiek, emosie teenoor die eendersheid van mense as God se beeld
 - (b) Hoe die kerk luister na lyding & daarop reageer met verligtende en transformerende diens teenoor die beveiliging van eie materiële belang
 - (c) Die spanning tussen die andersheid van die sg. 'postmoderne' mens teenoor die sterk blywende ooreenkomste met die mens van Bybelse tye
 - (d) Die beste? Eietydse 'beste praktyk' van oorsee teenoor inheemse oplossings uit eie konteks?
 - (e) Geloof in God met die eenvoud van 'n kind teenoor die skeptiese twyfel van gesofistikeerde wetenskaplike denkers?
- (6) Slotvraag
- (a) Hoe gaan jy leierskap uitoefen om hierdie vrae te beantwoord of uit die weg te kry?

3.1.5 JEUGSINODE 2006 – VERSLAG: HOE VOEL HOËVELD SINODE SE TIENERS OOR DIE KERK AS BRUID VAN JESUS CHRISTUS?

Hierdie verslag word hoofsaaklik in die vorm van stellings aangebied wat woordeliks uit die werkboekie van die tieners gehaal. Dit verhoed 'n eie en eensydige interpretasie van die Jeugsinode. Let op dat die kritiek heelwat minder is as die positiewe voorstelle wat gemaak word! Dit dui op die gewilligheid van tieners om bydraes in die NG Kerk te maak.

3.1.5.1 HOE LYK DIE NG KERK (DIE BRUID) OP DIE OOMBLIK?

- (1) Die bruid is nie gesond nie.
- (2) Die bruid lyk kaal, leeg, morbied, sonder wit rok en koud.
- (3) Die bruid loop baie stadig!
- (4) 'n Tradisievaste NG Kerk keer jongmense om die bruid van Jesus te wees.
- (5) Daar is te veel onenigheid in die NG Kerk.
- (6) Kinders het twee "images" - Sondae is hulle anders as by die skool.
- (7) Ouers leer nie hul kinders om standvastig te wees nie.
- (8) Elkeen loop sy eie paadjie en wil nie met ander iets te doen hê nie.
- (9) Van klein goedjies, tradisies en reëls word "issues" gemaak.
- (10) Die NG Kerk wil vernuwe, maar weet nie regtig hoe nie.

3.1.5.2 WAT MOET DIE NG KERK DOEN?

- (1) Moenie negatief oor die NG Kerk wees nie, doen liewer iets om 'n verskil te maak.
- (2) Kyk eerder na God se almag as na jou eie probleme.
- (3) Fokus op die Here se genade en nie op die slechte dinge nie.
- (4) Die bruid moenie op haarself fokus nie, maar op die Bruidegom.
- (5) Moenie "cheat" nie, moenie skynheilig wees nie, moenie oordeel nie, moenie "judgemental" wees nie, maar laat almal welkom voel in die kerk.
- (6) Wees getrou, opreg, jouself en iemand om op trots te wees.
- (7) Doen moeite met verhoudings.
- (8) "Back to basics" met die fokus op Jesus.
- (9) Begin by jouself deur jou eie lewe eers reg te kry voor jy ander wil help.
- (10) Haal die balk uit jou eie oog en begin by jouself.
- (11) Wees nederig in jou diens aan God en vergeet die eie-ek.
- (12) Daar moet vir almal 'n plek in die kerk ingeruim word.
- (13) Fokus op mense wat nog nie Christene is nie en betrek hulle in die kerk.
- (14) Christenskap moet meer dinamies aan die wêreld uitgedra word.
- (15) Christene moet saamstaan en mekaar vertrou.
- (16) Die kerk moet opofferings maak.
- (17) Aksies praat harder as woorde, praat minder en doen meer.
- (18) "You have to get out of your way to let God work through you!"
- (19) Luiheid in die kerk moet gestaak word.
- (20) Die bruid moet haar "make-up" afhaal – ons het 'n "xtreme make-over" nodig.
- (21) Kom uit jou "comfort zone."
- (22) Buig die boompie terwyl hy nog jonk is.
- (23) Beklemtoon gebed.
- (24) Jou verhouding met God, jouself, ander mense en dinge is belangrik.
- (25) Stel ander se belangte bo jou eie.
- (26) Die jeug moet saamstaan om die NG Kerk te laat groei.
- (27) Leer gedurig meer van die Bruidegom sodat jou verhouding met Hom kan groei.

- (28) Moenie skaam wees om oor Jesus te praat nie.
- (29) Hoe "treat" jy die Bruidegom deur wat jy doen aan die wat stukkend is?

3.1.5.3 BOILERROOM:

- (1) 'n Opvallende en bemoedigende gebeure by die Jeugsinode was die groot aantal tieners wat die gebedskamer ("Boiler Room") benut het. Aan die begin van die Jeugsinode is gevra hoeveel van die "Boiler Room" konsep bewus is, slegs 5 of 6 hande het opgegaan.
- (2) Gedurende die naweek is besluit om na die laaste sessie Saterdagaand, wat ongeveer 11:00 geëindig het, deurnag te bid. 'n Aflos is gereël met onderwerpe vir voorbidding en dit het voortgeduur tot dagbreek toe.

3.1.5.4 GESTUURDHEID VAN DIE JEUG:

- (1) Om die gestuurdheid van ons jeug te beklemtoon, is Posduwe net na die nagmaalviering losgelaat. Dit was vir almal 'n aandoenlike afsluiting van die Jeugsinode. Elke afgevaardigde het ook 'n DVD (Tool Kit) ontvang as hulpmiddel vir jeugwerk in elkeen se gemeente. Die DVD dek onder andere skoolverwisselingskampe, uitreik na noodlydendes, die inrig van 'n Boiler Room, die begin van kleingroepe, ensovoorts.

3.1.5.5 JEUGSINODE 2007:

- (1) Die Diensgroep Jeug gaan 'n besliste poging by die Jeugsinode van 2007 aanwend om meer klem op geloofsdade te lê. Die afgelope Jeugsinode en ook die Jeugsinode van 2005 het genoegsame inligting gebied oor die huidige situasie binne die NG Kerk en daarom moet daar voortaan aandag geskenk word aan die toekoms van die NG Kerk en die behoud van die jeug vir die NG Kerk.

Ds. Henry Meyer

Voorsitter: Diensgroep Jeug

3.1.6 VERSLAG VAN DIE WERK VAN MES (METRO EVANGELIESE SORG).

MES doen hiermee verslag aan die Sinode van sy werkzaamhede:

3.1.6.1 GESPREK TUSSEN MES EN SDK.

- (1) MES het oor 'n tydperk van vier jaar op 'n gereelde basis met die SDK gesprek gevoer oor sy werkzaamhede in die stad. 'n Informele vennootskap het spontaan ontwikkel. Daar was instemming oor die wyse waarop MES die bediening in die middestad beplan en die strategieë wat in plek gestel word.
- (2) Die strategieë wat nie in die tradisionele raamwerk van kerkwees inpas nie, sou uiteindelik ook as modelle aan ander stedelike gebiede beskikbaar gestel word vir toekomstige ontwikkeling.
- (3) Na die aftrede van Ds. Piet Smith in die gemeente Johannesburg, het die SDK sedert Maart 2007 'n bedrag van R 18 000-00 aan MES beskikbaar gestel om die ooreenkoms wat gesluit is met die gemeente Johannesburg gestand te doen.
- (4) MES het sy Bediening begin herstruktureer en Ds. Nicodemus Setshedi aangestel as die Hoofbestuurder: Bediening. Ds. Dawid Venter en Ds. Hannes Windell was betrokke by die onderhoudvoering en aanstelling.

3.1.6.2 INLIGTING OOR MES

- (1) MES is 21 jaar gelede gestig deur die NG Gemeente Johannesburg - Oos in Doornfontein wat die behoeftes van die omliggende gemeenskap raak gesien het. Dit het begin as 'n voedingskema met die uitdeel van kospakkies aan die straatmense en die werkloses in Hillbrow. MES het 'n Artikel 21 Maatskappy geword in 1989 met 'n Raad van Direkteure. Volledige verslag oor die werkzaamhede van MES is beskikbaar by MES. MES het baie gegroei die afgelope paar jaar.
- (2) Die huidige begroting per jaar is R16 miljoen, waarvan die kerke 6% bydra, die regering 37%, indiwidue 12%, korporatief 23% en buiteland 10%, gemeenskap en diverse 12%.
- (3) MES het vyf fokuspunte waarvoor daar strategieë ontwikkel is, naamlik: Basiese Sorg en welsynsdienste, Behuisung, Onderwys, opleiding en werkskepping, Mediese sorg en Bediening. Die werk vind plaas in 7 ontwikkelingsprogramme.
- (4) MES het in 2005 Madulamoho as aparte behuisingsmaatskappy begin ontwikkel. Hulle het reeds saam met regerings en ander instansies vier geboue as lae koste behuisung ontwikkel en is besig met nog twee. Die koste van die restourasie van die jongste projek die B.G. Alexander beloop bv. R 36 miljoen. Die mikpunt is 1 500 eenhede waarin mense kan woon.
- (5) MES het reeds 15 geboue waaruit die ontwikkelingswerk gedoen word. Saam met die geboue van Madulamoho is daar 21 geboue met mense in. Daar is ongeveer 160 voltydse personeel in diens.
- (6) Die Direksie het goedkeuring gegee dat daar na ander stede onder andere Bloemfontein, uitgebrei kan word.
- (7) MES is die afgelope jaar genomineer vir die Premier se toekenning vir uitstaande diens.

3.1.6.3 ONTWIKKELING VAN DIE BEDIENING

- (1) Die visie van die bediening is om die hart van mense deur die Evangelie van Jesus Christus te verander. Die bediening fokus op die volgende sake

- (a) Geestelike leierskapontwikkeling deur middel van 'n Teologiese Kollege en 'n Bybelskool.
- (b) Geestelike versorging van personeel deur emosionele en teologiese leiding, asook pastorale versorging en berading aan personeel.
- (c) Ontwikkeling van geloofsgemeenskappe in geboue deur die plasing van geestelike werkers in geboue wat verhoudings bou met die inwoners. Die geloofsgemeenskappe bou uiteindelik brug terug na die kerk.
- (d) Geestelike versorging van programme deur die geleentheid om te evangeliseer te benut en mense pastoraal te versorg.
- (e) Bou van vennootskappe met kerke deur gereelde gesprekvoering en gesamentlike benutting van MES se infrastruktuur.
- (f) Die aansprek van die groeiende sekularisasie en morele verval in die stad deur seminare en gesprekke met kerkleiers en gemeenskappe, asook 'n gesamentlike strategie met die polisie en rolspelers om misdaad te verminder

3.1.6.4 AKTIWITEITE VAN DIE BEDIENING

Die volgende aktiwiteite vind plaas om die strategiese doelwitte te behaal:

3.1.6.4.1 Uitreike na die Johannesburg gemeenskap

- (1) Middestadse uitreik
- (2) Sketsbordevangelisasie

3.1.6.4.2 Uitreik na die kliënte van MES

- (1) Bybelstudie- en dissipelskapgroepes by die verskillende programme en geboue van MES/Madulamoho.
- (2) Weeklikse eredienste in Afrikaans/Engels, Zulu en Frans.
- (3) Omgeegroepe vir die pasiënte van MES Impilo Gesondheidsprogram.
- (4) Beradingsgeleenthede vir die pasiënte van MES Impilo Gesondheidsprogram.
- (5) Uitreike na skole soos I.H. Harris Laerskool.
- (6) Bybelklubs vir kinders en jongmense.
- (7) Spesiale geleenthede soos Vakansieprogramme en vakansiekampe asook staptoere vir die jongmense.
- (8) 'n Driejaar teologiese diploma kursus wat voornemende kerkleiers kan bywoon om hulself toe te rus.

3.1.6.4.3 Uitreik na MES Personeellede

- (1) Weeklikse Bybelskool – Onderwerpe soos Intersessie, "Love Talk" en Afrika spiritualiteit word bespreek.
- (2) Weeklikse Omgeegroepe.
- (3) Die opening van die weeklikse MES vergadering.

3.1.6.5 UITDAGING AAN GEMEENTES

- (1) Gemeentes se primêre verantwoordelikheid lê in hulle eie gemeenskappe, maar gemeentes word ook uitgedaag om betrokke te raak by MES en op grond van die Hand 1:8 riglyn 'n tweede myl saam met MES te loop.
- (2) Gemeentes word ook uitgedaag om MES te help om nuwe geloofsgemeenskappe in die middestad te vestig deur finansiële ondersteuning te verleen vir spesifieke geestelike werkers in spesifieke geboue.
- (3) MES is afhanklik van gemeentes en individuele gelowiges om die bedieningsbeen te finansier. Die uitdaging is om in pas te bly met die geweldige groei van die ontwikkelingsprogramme. Daar is baie gemeentes wat MES reeds ondersteun en ons is baie dankbaar daaroor. Gemeentes wat reeds betrokke is by die ontwikkeling van geloofsgemeenskappe is, NG Parkkruin, NG Weltevreden en Bonaeropark.

3.1.6.6 DANKWOORD

- (1) MES wil aan die Sinode en gemeentes baie dankie sê vir hulle positiewe betrokkenheid by MES oor baie jare. Baie dankie ook vir die finansiële ondersteuning wat MES in staat stel om 'n verskil in die stad te maak. Sonder die ondersteuning sal die impak op die bediening baie kleiner wees.

3.1.6.7 AANBEVELINGS – MES:

- (1) Die Sinode erken MES as 'n waardevolle rolspeler en vennoot in die toekomstige bediening van die evangelie in die middestede.
- (2) Die Sinode besluit om sy betrokkenheid by MES voort te sit deur die finansiële subsidiëring van MES met minstens R 18 000-00 per maand.
- (3) Die Sinode gee opdrag dat 'n skriftelike ooreenkoms tussen die Sinode en MES opstel word wat die vennootskap struktureer.

Opgestel deur Ds. Johan Krige
Hoof Uitvoerende Beampete

3.1.7 VERSLAG VAN DIE DIENSGROEP "SEISOEN VAN LUISTER"

3.1.7.1 GESKIEDENIS

- (1) Met die roepingsverklaring van die Algemene Sinode in 2002 was dit reeds duidelik dat benewens 'n verbintenis aan God, aan Afrika en aan kerkeenhed, gemeentes 'n sentrale plek sal inneem in die uitvoering daarvan.
- (2) Die oproep aan gemeentes om by die genesing van ons land betrokke te raak, sou net sin hê as daar saam geluister word na God, na mekaar en na die nood in dié wêreld.
- (3) Die besef is versterk met die besluite van die Algemene Sinode in 2004 oor Skrifgebruik waarin bely is dat: "... God deur die Heilige Gees die kerk deur die eeu in die waarheid van hierdie Woord lei. Dit beteken vir ons dat ons die Skrif as die lewende Woord van God hoor in gemeenskap met die Heilige Gees en met mekaar."
- (4) Met die bosberaad van al die diensgroepe van die Algemene Sinode einde 2004 is daarom besluit om 'n Seisoen van Luister in die hele NG Kerk aan te kondig. Ons was oortuig dat dit nodig is, omdat:
 - (a) ons leef in veranderende tye;
 - (b) ons het nodig om telkens weer opnuut te luister (Jes. 50:4);
 - (c) God die hele gemeenskap van gelowiges deur sy Woord en Gees lei.
- (5) Daarom is 'n Taakspan vir die Seisoen van Luister in 2005 uit elke sinode saamgestel wat die proses kon begelei. By die groot algemene Predikante konferensie in Junie 2005 is die Seisoen van Luister bekend gestel met die visie : 'n Luisterende kerk wat voor God lewe (Sag 8:23).
- (6) As slagspreuk is gekies: God praat – leef luisterryk!
- (7) Ons glo dat dié Seisoen 'n ruimte is waar mense:
 - (a) vreugde in die Woord van God vind (Ps. 1:2-3);
 - (b) in liefde na mekaar luister (Kol 3:12-16);
 - (c) met deernis luister na die wêreld (Fil. 1:9);
 - (d) met begrip doelgerig diensbaar leef in 'n veranderende wêreld. (Luk 4:18-19).
- (8) Die Taakspan het die volgende 4 waardes geïdentifiseer wat die Seisoen van Luister kan begelei en ook as uitkomste daarvan gesien kan word:

(a) Leerbaarheid	(b) Vertroue	(c) Deernis	(d) Openheid
------------------	--------------	-------------	--------------
- (9) Die belangrikste fokus was die ontwikkeling van 'n basiese luistersiklus wat as basis vir die luisterproses in gemeentes gebruik sou kon word, vir individue en groepe.
 - (a) Die eerste produk was 'n luistersiklus vir groepe met 'n begeleiersgids. Die eerste uitgawe is in 'n baie breë proses getoets in meer as 'n 100 "Loodsgemeentes", in al 10 sinodes van die NG Kerk, waaraan meer as 6000 lidmate deelgeneem het. Die eindproduk is beskikbaar vir alle gemeentes van die NG Kerk en kan bestel word by Bybel-Media. Die titel is God praat – Leef Luisterryk vir groepe en vir begeleiers (albei deur Chris van Wyk en Nico Simpson).
- (10) Die luistersiklus is 'n hulpmiddel om mense te help om na God en na mekaar te luister. Dit bestaan uit drie groot bewegings – rus, hoor en leef.
 - (a) Die rus-beweging help mense om in ons gejaagde lewe tyd te maak om voor God tot rus te kom.

- (b) Die hoor-beweging help gelowiges om uit verskillende hoeke te luister na wat God vir ons in die Bybel sê.
 - (c) Die leef-beweging help gelowiges om met hulle lewe te antwoord.
- (11) Hierdie drie bewegings is in 'n siklus geplaas, om daarmee te kenne te gee dat om te luister nie net by een geleentheid afgehandel word nie. Ons moet telkens tot rus kom, wéér luister na wat God sê om verder saam met Hom te leef (Jes. 50:4: "Elke môre laat Hy my opnuut weer luister...").
- (12) Die luistersiklus is ook in agt stasies onderverdeel. Dié stasies help mense om dieper in die luistersiklus in te beweeg.
- (a) Ingenooi deur God – By die eerste stasie raak ons bewus van ons diepste behoeftes, vrae en vrese, en gee ons aan God oor.
 - (b) Ingaan in God se tyd – By die tweede stasie betree ons God se wêrelد, en gaan in God se vrede in.
 - (c) Luister na God se Woord – By die derde stasié luister ons diep na die Woord, en ontmoet God.
 - (d) Luister na mekaar – By die vierde stasie maak God ons 'n luisterende gemeenskap, en Hy praat deur ander mense met ons.
 - (e) Luister na ander en die tye – By die vyfde stasie stel ons onsself oop om God van onverwagse kante af te hoor.
 - (f) Luister weer na God se Woord – By die sesde stasie fokus ons op die beweging van die Gees in ons hart en gedagtes.
 - (g) Fokus op wat God nou doen – By die sewende stasie gee ons aandag aan wat God op hierdie oomblik aan die doen is en waarheen God ons lewe rig.
 - (h) Antwoord met ons lewe – By die agtste stasie besluit ons op 'n gepaste reaksie op wat God gegee/gedoen/gesê het.
- (13) Dié luistersiklus is uitnemend geskik om te gebruik óf op sy eie óf saam met ander materiaal. Die Begeleiersgids het vele kreatiewe wenke vir die gebruik in:
- (a) Kleingroepe, (b) Stiltetyd, (c) Vergaderings, (d) Eredienswerkgroepes,
 - (e) Kategese, (f) Fasilitering, (g) Retraites.
- (14) Op 3 Februarie 2007 word te NGK Bethal 'n Luister- geleentheid aangebied. Die fokus by hierdie geleentheid is op die hoe van stiltetyd. Ons fokus op die drie bewegings (8 stasies) van die luistersiklus met Joh 15: 1- 8 as teks. Die vrug van die byeenkoms is dat die luistersiklus voortaan in kleingroepe gebruik word waar lidmate wat die geleentheid bygewoon het, leiding neem. 'n Selgroep van 'n oord vir bejaardes (Palmoord, Bethal) begin om daarna met groot vrug die luistersiklus in hulle byeenkomste te gebruik.
- (15) Op 23 April 2007 word te NGK Whitfield 'n Luister – geleentheid aangebied. Dit is bygewoon deur die 2 leraars en die kerkraad. Tydens Week van Gebed is die luistersiklus reeds deur Ds. Dirkie Enderstein volledig met die gemeente hanteer. My invalshoek met hierdie blootstellingsgeleentheid was om God se stem opnuut te kan hoor vanuit die Bybel.
- (16) Terugvoer van Ds. Dirkie Enderstein: Dit het ons werklik gehelp om weer stil te word en na God se stem wat met jou persoonlik praat, te luister. Vir my was Joh 15: 6 die fokus waarna ek moes luister op daardie stadium. As ek nie in Jesus bly nie is ek nutteloos vir Sy koninkryk...

- (17) Terugvoer van kerkraadslid, Martie Jacobs: Tydens die Week van Gebed toe ons, as gemeente, Seisoen van Luister behandel het, het dit vir my meer gegaan oor luister van buite, maw luister na mense om my. Luister na mede-gemeentelede, mense in my omgewing, en dan ook mense van ander kerke of gemeenskappe buite my gemeente.
- (18) Hierdie tweede aanbieding van Seisoen van Luister het my bewus gemaak van hoe ek luister. Moet ek nie meer na binne luister nie? Na wat God aan my openbaar deur die Heilige Gees nie? Ek moet meer gebruik maak van innerlike denke, maw luister met my gees en nie net met my ore nie! Deur stil te word en Johannes 15 te lees word ek duidelik bewus van die stem in my binneste (Die Heilige Gees?). Hier was geen geluide (woorde) van buite af nie, net ek en dit wat in die Woord staan. My gedagtes was duidelik'n stem om na te luister!
- (19) Op 7 en 8 Mei word die 2de werkswinkel aangebied deur John Ackermann te Stellenbosch bygewoon. Dit handel oor "The Grace to Receive – Rest in deep change." John Ackermann werk met die konsepte van stop – let op – luister. Om daarop ingestel te wees om dit wat God vir jou en die gemeente wil gee, deur Sy genade te ontvang. John Ackermann werk ook baie sterk met die verskillende spiritualiteitstipes wat in gemeentes voorkom en dat daar ruimte vir almal moet wees om deel van die luisterproses te wees. Dit is ook baie belangrik dat dit wat jy hoor, bevestig word deur die res van die geloofsgemeenskap.

3.1.7.2 KONTEKSTUALISERING

- (1) Dit is baie duidelik dat die roepingsverklaring van die Algemene Sinode in 2002 asook die bevestiging daarvan in 2004 uiteindelik op grondvlak deur die gemeentes uitgeleef moet word.
- (2) Dit is belangrik vir gemeentes om aan te sluit by die groter visie van die NG Kerk soos voorgestel deur die taakspan van die Seisoen van Luister. Dit werk ook baie goed om hierdie visie wat visueel uitgebeeld is op baniere, sigbaar in die kerkgebou aan te bring.
- (3) Ek is verder van mening dat dit net so belangrik is dat elke gemeente 'n eie visie binne eie konteks ontwikkel wat ingebed is binne die breër kerklike visie. Hiervan kan dan ook 'n visuele voorstelling gemaak word en saam met die Seisoen van Luister – visie sigbaar in die gemeente uitgebeeld word. Hierdie twee visies vloei dan saam as 'n eenheid wat maak dat die gemeente die belewenis het dat hulle saam met die res van die kerk diensbaar word in God se koninkryk.

3.1.7.3 VISIOENERING

- (1) Ek droom oor die volgende:
 - (a) gemeentes wat weer glo dat Christus as die Hoof van Sy Kerk Sy wil duidelik aan hulle wil kommunikeer
 - (b) gemeentes wat weer opgewonde raak oor hul roeping wat hulle van God ontvang het
 - (c) gemeentes wat Woordervarings het
 - (d) gemeentes wat beleef dat God se Gees in beweging kom in hulle harte en dat hulle met vertroue na mekaar kan luister
 - (e) gemeentes wat 'n Geesgedrewe sensitiwiteit ontwikkel vir die nood van die wêreld rondom hulle; en
 - (f) gemeentes wat deur effektiewe strategiese en operasionele bestuur meewerk aan praktiese uitkomste waardeur die wêreld getransformeer word

- (2) In hierdie proses sal gemeentes opnuut weer ja moet sê vir die dissipline van luister met al die verskillende fasette daarvan.
- (3) Dominees en lidmate van gemeentes sal hulself eerlik moet afvra of die dissipline van luister regtig deel is van hulle bediening.
- (4) Ons kan nie maar net aanvaar dat mense maklik tot luister sal kom nie. In my eie lewe moet ek erken dat ek nog altyd gesukkel het om te luister. Dit is asof daar net nooit regtig iemand was wat my in hierdie proses kon begelei nie, iemand wat my hand kon vat en help om te leer wat dit beteken om God se stem van alle ander stemme te onderskei nie.
- (5) Ek glo dat die Seisoen van Luister hierdie leerproses opnuut in die NG Kerk aan die gang wil sit. 'n Leerproses wat nooit kan ophou nie. Hoe kan ons ooit ophou op na God, mekaar en die wêreld te luister as ons relevant kerk wil wees. In hierdie oopsig is die begrip van Seisoen wat aan die luisterproses gekoppel is, 'n ongelukkige keuse. 'n Seisoen gaan na 'n tyd verby. Luister kan nooit verbygaan nie... Ek sal dit eerder wil vervang met: 'n Lewe van Luister...
- (6) Ek glo dat hierdie Luister-inisiatief baie meer is as net die luistersiklus. Die luistersiklus is slegs 'n hulpmiddel om 'n proses wat baie groter is te ondersteun nl. om as gemeentes weer vir God vars binne ons lewensomstandighede te hoor en werklik 'n verskil te maak in God se wêreld.
- (7) Hierdie Luister- inisiatief wil dus nie 'n grootheid op sigself wees nie, maar eerder 'n luisterryke grondhouding help skep om missionêre prosesse in die gemeentes(s) in lyn met God se spesifieke wil te bring.
- (8) Dit is juis in hierdie verband wat dit baie sinvol kan wees as gemeentes begin netwerk om mekaar se luister- en roepingsverhale te waardeer.
- (9) Ek sal dit baie waardeer indien die gemeentes hul luisterverhale met die res van die sinode wil deel deur dit in Kruis- en Dwars te plaas.
- (10) Skakel my gerus by 082 806 6115 indien u voorstelle het of bepaalde behoeftes wil deurgee of sommer net deel wil wees van hierdie inisiatief wat nie net 'n seisoen lank is nie. Ek word tans deur die sinode befonds om kosteloos die luisterproses in gemeentes aan te bied. Skakel my gerus met 'n datum.

3.1.7.4 AANBEVELINGS – SEISOEN VAN LUISTER:

- (1) Die Sinode neem kennis van die werkzaamhede van die Seisoen van Luister.
- (2) Die Sinode moedig gemeentes aan om voort te gaan met die luisterproses.
- (3) Die Sinode moedig gemeentes aan om te begin netwerk om mekaar se luister- en roepingsverhale te waardeer.
- (4) Die Sinode moedig gemeentes aan om hul luisterverhale met die res van die sinode wil deel deur dit in Kruis- en Dwars te plaas.
- (5) Die Sinode moedig gemeentes wat nog nie by die Luister Seisoen ingeskakel het nie, aan, om betrokke te raak en Ds. Evert Bergh uit te nooi om die proses in hul gemeentes aan te bied.

Ds. Evert Bergh
Seisoen van Luister Sinode Hoëveld

3.1.8 BESOEK VAN BRIAN MCLAREN

1. VIR KENNISNAME:

- 1.1. Die SDK het binne die raamwerk van die strategiese fokus waarbinne gemeenteleiers gehelp word en toegerus word om ons omgewing en tydsgees te verstaan besluit om die wêreldbekende teoloog en skrywer Brian McLaren te nooi om ons streek te besoek. Hierdie bekende skrywer van meer as 'n tiental boeke is bekend vir sy insigte in die postmoderne tydsgees en die relevansie daarvan vir 'n postkoloniale Afrika.
- 1.2. Die geleentheid is in samewerking met ander kerke, die Noordelike Sinode en ook gemeentes binne ons sinode gereël en het van 3 tot 7 Mei 2007 plaasgevind.
- 1.3. Brian McLaren se besoek het die vorm aangeneem van 'n Retraite by Achterberg vir 3 dae saam met gemeenteleiers, asook 3 openbare lesings. 'n Groot aantal leraars, studente en lidmate van ons sinode het die onderskeie geleenthede bygewoon en getuig dat hulle baie baat daarby gevind het.

3.2 OM GEMEENTES TE BEGELEI OM 'N GESTUURDE KERK VIR DIE SAMELEWING TE WORD DEUR (A) UIT TE REIK NA DIE GEMEENSKAPPE EN DEUR (B) TE GROEI NA 'N BEDIENING WAT VIR DIVERSITEIT VOORSIENING MAAK.

3.2.1 DIE VENNOOTSKAP VAN GESTUURDE GEMEENTES

3.2.1.1 AGTERGROND:

In die lig van die tweede strategiese fokus van die Sinode Hoëveld, is tydens die vorige Sinodesitting in 2006, besluit dat die Sinode Hoëveld 'n amptelike vennoot sal word van die Venootskap van Gestuurde Gemeentes.

Dit beteken in effek dat besluit is dat ons besluit het om 'n gestuurde Sinode te wees en dat ons voortaan al minder aandag sal gee aan instandhouding en selfhandhawing en al meer sal fokus daarop om aan ons gestuurde roeping en sending te beantwoord.

Per definisie beteken dit dat ons daarvan werk om diepgaande kulturele verskille te bewerkstellig wat daarop gerig is om die Sinode te lei en te begelei om te beantwoord aan God se roeping vir ons in die konteks en tyd waarin ons onsself bevind. Ons wil met ander woorde dat God die hoofrolspeler sal wees in die Sinode en die Sinodale werksaamhede.


Om by diepgaande kulturele verandering te kom is dit uiters noodsaaklik dat ons voortdurend bewustelik en diepgaande sal nadink oor

- ons eie kultuur
- die kulture in ons onmiddellike omgewing;
- die geestelike vrae en denkpatrone onderliggend aan die ongemaklikheid en ontevredenheid met die huidige stand van sake.


Dit beteken ook dat ons gereeld sal vra en luister na "Wat wil God hê moet ons doen?"; gereeld sal vra - "Waarmee is God besig in ons gemeenskap?"; "Wat kan ons vanuit ons verlede leer met die oog op die toekoms?" Dit vra ook dat ons sal "luister" na die "nuwe" kulture wat rondom ons intrek, en na wat hulle van die kerk verwag. Laastens beteken dit dat ons in en deur 'n proses van gebed en vas, deur gesprek en konfrontasie, of deur navorsing en nadenke sal worstel met die vraag: "Op watter manier roep God ons om deel te hê aan sy werk hier in ons sinodale gemeenskap?"

3.2.1.2 DIE VENNOOTSKAPSREIS

3.2.1.2.1 Kultuurverandering deur middel van geloofsonderskeiding.




Die reis na gestuurheid is 'n proses van kultuurverandering waar die fokus verskuif van 'n kultuur van instandhouding (links) na 'n kultuur van gestuurheid (regs).



Ons is besig om al hoe meer te leer dat hierdie transformasie nie 'n proses van die aanleer en toepassing van tegniese bedienings vaardighede is nie, maar 'n proses van geloofsonderskeiding waarin ons leer om ons oop te stel sodat die Here ons verander deur Sy Woord en Gees. Dit beteken eenvoudig dat ons leer om sensitiief te raak vir dit waarmee

IV - Gestuurde Gemeente



God besig is in ons gemeenskap en dat ons taak is om by Hom aan te sluit. Om dit te kan doen het ons geleer dat ons minder besig moet wees en as leiers voor Hom stil moet raak om sy leiding te soek en te volg.


Wanneer dit onder leiers in die gemeente begin gebeur, gebeur daar verrassende dinge.

In die afgelope vier jaar het ons baie geleer van die gemeentes wat die reis meegemaak het en is die proses

nog verder verfyn. Kleiner en groter aanpassings is gemaak om die gemeentes beter te kan begelei in die proses.

Ons doen voortdurend navorsing oor die proses en die teologie van gestuurdheid. 'n Navorsingsgroep is in die lewe geroep en bedien die ontwerpspan van inligting om die proses te verbeter. Ons het ook die voordeel dat die herontwerp van die proses gedoen word saam met Church Innovations (CI) van St Paul in die VSA gedoen. Prof Pat Keifert besoek ons gereeld en daar het ook persone uit die Hoëveld streek die geleentheid gehad om CI tydens konferensies in St Paul te besoek.

3.2.1.2.2 Die 4 fases en die 5 kapasiteite van die Reis na Gestuurdheid:
Die Reis na gestuurdheid bestaan uit vier fases. In elk van die fases word daar aan 'n spesifieke kapasiteit gebou soos wat die diagram hiernaas vir ons aantoon.



3.2.1.2.3 Patrone van gestuurde gehoorsaamheid

Navorsing wat oor hierdie transformasie gedoen is, het gewys dat dit konkreet beteken dat daar verskillende patronen van gestuurdheid sigbaar word in die lewe van die gemeente. In *Treasures in Clay Jars* (Eerdmans, 2004) het 'n span navorsers gaan kyk hoe lyk gemeentes wat hulle missional (ons vertaal dit met "gestuurde") roeping uitleef. Lois Barrett wat ook die redakteur van die boek was het die volgende opsomming aan ons voorsien. Dit is deur die SAVGG span vertaal.

3.2.1.3 GEMEENTES AS GEBREEKTE KLEIPOTTE MET DIE SKAT WAT VAN GOD AF KOM (2 KOR. 4)

Tydens die navorsing is ontdek dat gestuurde gemeentes eienskappe vertoon van die gebreekte kleipotte van 2 Kor.4. God het Hom oor ons ontferm en hierdie bediening aan ons

opgedra. Daarom word ons nie moedeloos nie. Ons vermy praktyke wat nie die lig kan verdra nie en waарoor ons onself sou moes skaam. Ons gaan nie met bedrog te werk nie en ons vervals nie die Woord van God nie. Inteendeel, ons maak die waarheid openlik bekend en beveel onself so aan by elkeen wat voor God 'n eerlike gewete het.

Ons wat hierdie skat in ons het, is maar kleipotte wat maklik breek; die krag wat alles oortref, kom dus van God, nie van ons nie. In alles word ons verdruk, maar ons is nie terneergedruk nie; ons is oor raad verleë, maar nie radeloos nie; ons word vervolg, maar nie deur God verlaat nie, op die grond neergegooi, maar nie vernietig nie. Die sterwe van Jesus dra ons altyd saam in ons liggaam, sodat ook die lewe van Jesus sigbaar kan word in ons liggaam. Voortdurend word ons wat lewe, ter wille van Jesus uitgelever aan die dood, sodat ook in ons sterlike bestaan die lewe van Jesus sigbaar kan word. Dit beteken dat in ons die dood aan die werk is, maar in julle die lewe.

Om hierdie rede word ons nie moedeloos nie. Al is ons uiterlik besig om te vergaan, innerlik word ons van dag tot dag vernuwe. Ons swaarkry in hierdie lewe is maar gering en gaan verby, maar dit loop vir ons uit op 'n heerlikheid wat alles verreweg oortref en wat ewig bly. Ons oog is nie op die sigbare dinge gerig nie, maar op die onsigbare; want die sigbare dinge is tydelik, maar die onsigbare ewig.

3.2.1.4 DIE VOLGENDE PATRONE VAN GESTUURDE GEHOORSAAMHEID IS BY DIE GEMEENTES ONTDEK:

3.2.1.4.1 Patroon 1: Gestuurde roeping

Die gemeente ontdek saam as gemeente dat God hulle roep en stuur na die gemeenskap. Daarom word "sukses" en "vitaliteit" ge-definieer in terme van getrouwheid aan God se roeping en sending en nie aan die kriteria van die instandhoudingsvisie van die kerk nie. Die gemeente onderskei in die geloof om God se spesifieke gestuurde roeping ("charism") vir hulle te ontdek.

"God het Hom oor ons ontferm en hierdie bediening aan ons opgedra." (2 Kor 4:1)

3.2.1.4.2 Patroon 2: Bybelse vorming en dissipelskap

Die gestuurde gemeente is 'n geloofsgemeenskap waarvan lidmate gevorm word tot dissipels. Die Bybel is normatief en ook formatief in die gemeente se lewe en haar lidmate. Lidmate word nie gesien as lede van die gemeente wat primêr aangewend moet word vir die gemeente se voortbestaan nie, maar dissipels wat vanuit die gemeente in die wêreld hulle roeping uitleef.

"Ons het dieselfde Gees wat die geloof wek . . . innerlik word ons van dag tot dag vernuwe" (2 Kor 4:13, 16)

3.2.1.4.3 Patroon 3: Neem risiko's as 'n kontras gemeenskap

Die gestuurde gemeente leer om risiko's te neem ter wille van die evangelie. Sy verstaan haarself as anders as die wêreld, as gevolg van haar deelname in die lewe, sterwe en opstanding van Christus. Hierdie patroon lei tot die ontdekking van die gemeente se kerklike, kulturele en sosiale gevangenskap en worstelinge tov die etiese en strukturele implikasies van haar gestuurde roeping. In die worsteling hiermee leer die gemeente om interne en eksterne weerstand te hanteer.

"Hulle is die ongelowiges wie se verstand deur die god van hierdie wêreld verblind is . . . In alles word ons verdruk . . . maar nie vernietig nie." (2 Kor 4:3-4, 8-9.)

3.2.1.4.4 Patroon 4: Praktyke wat God se bedoeling vir die wêreld demonstreer

Hierdie patroon daag die gemeente uit om in die gemeente se lewe as geloofsgemeenskap 'n demonstrasie te wees van wat God vir die lewe van die hele wêreld beplan. Die gemeente word so 'n voorsmaak van die Koninkryk. Die praktyke van die gemeente soos wedersydse sorg, versoening, liefdevolle verantwoordelikheid en gasvryheid is voorbeeld hiervan. 'n Gestuurde gemeente word so ge-identifiseer deur die manier waarop Christene teenoor mekaar optree veral in tye wat hulle in konflik is met mekaar.

"Ons vermy praktyke wat nie die lig kan verdra nie . . . ons maak die waarheid openlik bekend en beveel ons so aan by elkeen . . ." (2 Kor 4:2).

3.2.1.4.5 Patroon 5: Aanbidding as openbare getuienis

Aanbidding is die sentrale handeling waardeur die gemeenskap met vreugde en dankbaarheid God se teenwoordigheid en beloofde toekoms vier. Voortvloeiend uit dié aanbidding, het die gemeenskap 'n kragtige/deurslaggewende/essensiële openbare getuienis. Gestuurde gemeentes sien aanbiddingsgeleenthede as openbare byeenkomste wat nie in die eerste plek daar is vir die gemeentelede nie, maar om 'n verwelkomende getuienis te wees teenoor hulle wat buite die geloofsgemeenskap leef.

"Ons verkondig nie onsself nie, maar Jesus Christus as die Here . . . God wat gesê het: 'Laat daar lig skyn uit die duisternis,' het ook in ons harte 'n lig laat skyn om ons te verlig met die kennis van die heerlikheid van God, wat van Jesus Christus uitstraal." (2 Kor 4:5-6).

3.2.1.4.6 Patroon 6: Afhanklikheid van die Heilige Gees

Die gestuurde gemeentes bely hulle afhanklikheid van die Heilige Gees in alles wat hulle doen. Hulle is bewus daarvan dat hulle onafhanklikheid binne die kragveld van die Gees leef en nie moet staatmaak op hulle eie vermoë om energie te skep nie. Die manier waarop hulle dit leef is deur die houding en praktyk van geloofsafhanklikheid. Gestuurde gemeentes ervaar dikwels dat dinge gebeur wat net toegeskryf kan word aan die kragtige werk van die Heilige Gees.

"Die krag wat alles oortref, kom dus van God, nie van ons nie." (2 Kor. 4:7b.)

3.2.1.4.7 Patroon 7: Die gemeente wys heen na God se heerskappy

Die gestuurde gemeentes verstaan haar roeping as 'getuie van die evangelie van die inbreking of deurbraak van die heerskappy van God en wil 'n instrument, agent en teken van daardie heerskappy wees. Soos die gemeente 'n getuie is deur haar identiteit, aktiwiteit en kommunikasie, is sy baie bewus van die voorlopige karakter van alles wat sy is en doen. Die gemeente wys na die heerskappy van God wat Hy definitief sal laat plaasvind, maar weet dat haar eie respons onvolledig is en dat haar eie bekering 'n aanhoudende noodsaklikheid is. Gestuurde gemeentes is daarom pelgrims wat onderweg is en nooit gearriveer is nie. So word die gemeente voortdurend opgeroep tot vernuwing vanuit die wete dat die heerskappy van God 'n werklikheid is wat elke dag deurbreek in ons werklikheid.

"Ons swaarkry in hierdie lewe is maar gering en gaan verby, maar dit loop vir ons uit op 'n heerlikheid wat alles verreweg oortref . . ." (2 Kor 4:17-18).

3.2.1.4.8 Patroon 8: Gestuurde gesag

Die Heilige Gees gee aan die gestuurde gemeente 'n gemeenskap van leiers wat - op verskeie maniere - saam ondergeskik is aan die gesag van die gestuurde roeping wat van die Here ontvang is. Leierskap is nie geleë in posisies nie maar in die roeping van die gemeente. Die

sentrale funksie van leiers is daarom nie om te bestuur nie maar om in die geloof te onderskei oor hoe die roeping uitgeleef kan word. Gestuurdheid het daarom betrekking om alles wat die gemeente doen en nie net om bepaalde uitreike nie.

"Ons verkondig nie onself nie, maar Jesus Christus as die Here, en onself as julle dienaars ter wille van Jesus." (2 Kor. 4:5.)

3.2.1.5 BOU VAN KAPASITEIT IN DIE SINODE VAN DIE HOËVELD:

Die Venootskap het geleer dat ons in SA verkieslik moet werk met 'n gesentraliseerde struktuur. Ons is daarom tans gefokus op die bou van kapasiteit in die verskillende streke. Dit beteken dat ons konsultante vir die proses oplei onder lidmate en predikante van die gemeentes wat die reis onderneem het, sodat hulle weer ander gemeentes in die streek deur hierdie proses kan begelei. Gemeentes wat belangstel om deel te neem aan die reis kan gerus vir Dr. Gideon Kok kontak by gikok@telkomsa.net of telefonies by 082 894 7278.

Ons is baie dankbaar vir die wyse waarop die Venootskap aan die groei is in Suider Afrika en vertrou dat dit ook in hierdie Sinodale streek so sal wees in die volgende termyn sodat nog meer gemeentes hulle roeping van gestuurheid kan begin leef en beliggaam.

3.2.1.6 AANBEVELING:

Die Sinode besluit om die opdrag wat gegee is aan die SDK, tydens die vorige Sinodesitting van Sinode Hoëveld te herhaal, naamlik :

- (1) Om gemeentes te begelei om
 - (a) 'n gestuurde kerk vir die samelewing te word deur
 - (b) uit te reik na die gemeenskappe; en deur
 - (c) te groei na 'n bediening wat vir diversiteit voorsiening maak.
- En brei dit verder uit met die volgende:
- (2) Om gemeentes aan te moedig om:
 - (a) Die voorbeeld van die Sinode te volg en in eie reg vennote te word van die Venootskap van Gestuurde Gemeentes;
 - (b) Die leraars in die Gemeente toe te rus in die beginsels van Gestuurdheid;
 - (c) Om te begroot vir die verdere ontwikkeling en implementering van die strategiese beginsel en roeping tot gestuurdheid.
- (4) Verder, om die moontlikheid te ondersoek en te ontwikkel om op Sinodale Vlak (rakende die Venootskap van Gestuurde Gemeentes), 'n Hub te vorm van BUVTON.
- (5) Laastens, om die moontlikheid te ondersoek na die daarstelling van nouer bande en 'n groter direkte samewerkingsooreenkoms met CII (Church Innovations Institute).

3.2.1.7 LEESSTOF:

Gemeentes wat meer oor die gestuurdheid van gemeentes wil lees kan die volgende boeke oorweeg:

Keifert, Pat. Ons is nou hier! Bybelmedia 2007

Barrett, Lois (red). A Treasures in Clay Jars. Eerdmans, 2004

Marais, Frederick. God praat leef luisterryk in vergaderings. Bybelmedia, 2007

Niemandt, Nelus. Nuwe Drome vir nuwe werklikhede. Lux Verbi, 2007

September 2007.

Dr. Frederick Marais en Dr. Gideon Kok.

3.3 OM OP 'N OMVATTENDE WYSE BETROKKE TE WEES BY DIE GENESING VAN ONS LAND DEUR TE HELP OM NOOD IN ONS SAMELEWING TE VERLIG

3.3.1 VERSLAG VAN DIE SINODALE KOMMISSIE VIR DIE DIENS VAN BARMHARTIGHEID

3.3.1.1 INLEIDING

Die verslag aan die Sinode Hoëveld bied 'n oorsig van die werkzaamhede en finansiële stand van die SKDB, die NGBD, sy Diensvertakkinge en Sub-kommissies sedert die vorige sinode (2005). Die verslag bied ook 'n vooruitskouing van die uitdagings vir die Sinodale Kommissie vir die Diens van Barmhartigheid in die volgende twee jaar.

Die Sinode Hoëveld het haar aanvanklik verbind tot die roepingsverklaring van die Algemene Sinode, 2002, naamlik "... *verbind ons onself tot ons kontinent, in besonder Suider-Afrika. Die tragiese verhale van die aller verskriklike vorms van geweld, die geweldige omvang van armoede en gevolglike hongersnood, die konsekwensies van die vigs pandemie, die gebrek aan respek vir die mens, dier en die omgewing en ook ons aandeel daaraan, het ons ontstel. Ons wil 'n verskil maak, daarom verbind ons onself om mee te werk aan oplossings vir ons samelewing. Ons stel ons Kerk beskikbaar om op elkevlak waar ons kan help, betrokke te raak.*"

Hierdie roepingsverklaring is deur die Algemene Sinode gedurende Junie 2007 gewysig en goedgekeur. Die roepingsverklaring duif vier (4) hoofpunte aan waaraan die NG Kerk haar toewy. Die volgende twee (2) hoofpunte verwys spesifiek na die barmhartigheidstaak van die NG Kerk:

3.3.1.2 OM IN DEERNIS MET ANDER SAAM TE LEEF.

"Ons word deur God geroep as deel van sy liggaam in Afrika. Ons is dankbaar vir alle positiewe ontwikkelinge op ons kontinent, waaronder die snelle groei van die Christelike geloof.

Daar is ook vele tragiese verhale van geweld, misdaad, armoede, hongersnood en die gevolge van MIV/vigs. Ons betuig ons meegevoel aan talle slagoffers hiervan en wil meewerk aan genesing vir mens, dier en omgewing. God roep en stuur sy kerk om 'n verskil te maak."

3.3.1.3 OM MET OPENHEID ONVOORWAARDELIK DIENSBAAR TE WEES IN DIE WÉRELD.

"Ons wil graag met alle ander Christene hande vat om ons samelewing op te bou en pynlike omstandighede te verlig. Ons wil mekaar as gemeentes en leiers met liefde aanspoor, begelei en toerus om by die genesing van ons lande betrokke te raak. Ons is beskikbaar en is verbind tot diens aan gemeenskappe."

Hoewel die Sinode Hoëveld reeds in 2005 fokusareas geïdentifiseer het in ooreenstemming met die roepingsverklaring van die Algemene Sinode van 2002, staan dit in noue verband met die roepingsverklaring soos gewysig en goedgekeur tydens die Algemene Sinode van 2007.

Die Kommissie vir die Diens van Barmhartigheid (SKDB) sluit as medewerker aan by die NG Kerk in Suid-Transvaal en die Algemene Sinode se visie tot die betrokkenheid by die genesing van ons land:

Om op 'n omvattende wyse betrokke te wees by die genesing van ons land deur te help om die nood in ons samelewning te verlig.

Die SKDB en sy diensvertakkinge is verbind tot sorg aan die individue, gesinne, groepe en gemeenskappe wat "geen helper" het nie (Ps. 72:12).

As deel van die NG Kerk verstaan die SKDB en sy diensvertakkinge dat daar 'n verskeidenheid van bedieninge in die Sinode Hoëveld is wat meewerk om nood in die gemeentes en gemeenskappe aan te spreek en dat die SKDB en sy diensvertakkinge as georganiseerde barmhartigheidsbediening dienste lewer waar die gemeente of ring nie spesifieke nood kan aanspreek nie.

Die SKDB en sy diensvertakkinge is dus 'n verlengstuk van die NG Kerk Suid-Transvaal se barmhartigheidsbedieninge aan mense in nood.

Deur middel van die lewering van barmhartigheidsdienste aan alle mense in nood, verkry die NG Kerk 'n gesig van omgee en sorg by ook diegene wat nie noodwendig lidmate van die NG Kerk is nie.

3.3.1.4 BENADERING TOT BARMHARTIGHEIDSBEDIENINGE

Van die begin af het die Here Jesus mense geroep om sy werk op aarde voort te sit en het hy ook deur sy Heilige Gees gawes aan lidmate gegee met die doel om die gemeente as liggaam van Christus op te bou (Ef.4:12). Hierdie taak is opgedra aan die diakonale amp wat die versorgingsverantwoordelikheid van 'n gemeente in die verlede aanvaar het.

Hierdie benadering het egter met die veranderinge in kerkwees uitgebrei tot elke betrokke lidmaat in 'n gemeente hetsy deur 'n selgroep, Bybelstudiegroep, omgeegroepe en/of diens van barmhartigheidskomitees.

Die gemeentelike versorging sluit in fisiese, emosionele en geestelike nood. Daar is egter problematiek en nood wat spesialis insette benodig en dit is op hierdie terrein waar die SKDB en sy diensvertakkinge aanvullende dienste vir gemeentes en ringe lewer.

Die Sinode Hoëveld se visie om betrokke te raak by die genesing van die land impliseer 'n wyer betrokkenheid as slegs 'n diens aan lidmate en daar word gevvolglik toegetree tot die nood van mense ongeag kerkverband, taal, kultuur en ras.


Hierdie verbintenis bring mee dat die kerk gekonfronteer word met 'n ongekende omvang van nood veral met betrekking tot armoede en verwante problematiek wat daaruit voortspruit. Die NG Kerk het deur jare 'n goed gevestigde hulpverleningsnetwerk ontwikkel om 'n effektiewe bydrae te lewer in die aanspreek van nood.

Hierdie goed gevestigde maatskaplike diens (nie-residensiële en residensiële sorg) geniet erkenning in die gemeenskappe wat bedien word sowel as van die staat as 'n betroubare en effektiewe hulpverleningsdiens.

Hierdie diens kan as een van die NG Kerk se grootste bates beskou word in die medewerking tot die genesing van die land.

3.3.1.5 OPERASIONALISERING VAN BARMHARTIGHEIDSBEDIENINGE

Buiten gemeentelike barmhartigheidsinisiatiwe kan die Sinode Hoëveld se formele barmhartigheidsbedieninge skematisies soos volg uiteengesit word:



= Kommunikasielyn tot formele barmhartigheidsbedieninge

3.3.1.6 BESTUUR

Die SKDB se dienslewering is gefokus op die bedryf van 'n Dinamiese, Bybelgefundeerde Organisasie wat 'n omvattende Barmhartigheidsdiens lewer aan die totale gemeenskap.

Die kerndoelstelling is gevvolglik om die Barmhartigheidsdienste van die NG Kerk, Suid-Transvaal, te organiseer, te inspireer en te koördineer ten einde die materiële-, maatskaplike- en geestelike nood van individue, gesinne, groepe en gemeenskappe aan te spreek. Hierdie werksaamhede geskied op grondvlak deur middel van die insette van die NG Barmhartigheidsdiens, CM Rade, Tuistes vir Bejaardes, Kindergerigte fasiliteite en bedieninge. (12.9.3.1 *Sinodeverslag 2005: Prioriteit - organisering van Formele Kerklike Welsynsdiens volgens geïdentifiseerde strukture*).

Ten einde erkenning van die staat te geniet, voortgesette finansiële ondersteuning van die staat te verseker en aan statutêre wetgewing te voldoen het die formele barmhartigheidsbedieninge (buiten Abraham Kriel Kindersorg voorheen Abraham Kriel Maria Kloppers Kinderhuis) gedurende 2002 afsonderlik as Organisasie sonder Winsoogmerk geregistreer. Abraham Kriel Kindersorg is as Artikel 21 Maatskappy geregistreer. 'n

Uitbreiding van hierdie bestuursbesluit het in 2005 gevolg met die vestiging van die NG Barmhartigheidsdiens, Mpumalanga op aandrang van die Mpumalanga Provinse se Departement van Welsyn en Maatskaplike Dienste.

Hierdie bestuursbesluit het verseker dat die NG Kerk Suid-Transvaal se formele barmhartigheidsbediening R19,729,774 (2005/06) en R23,521,263 (2006/07) van die staat ('n verhoging van 19%) kon beding vir die bereiking van die NG Kerk se visie, naamlik "*om mee te werk aan die genesing van die land.*"

Die befondsing van die NG Kerk Suid-Transvaal se formele barmhartigheidsbedieninge kan soos volg uiteengesit word:

INSTANSIE	2007	%	2006	%
Kerk	4,235,437	5	4,515,143	6
Staat	23,521,263	28	19,729,774	25
Ander	55,645,700	67	55,561,150	69
TOTAAL	83,402,400	100	79,806,067	100

Volgehoue onderhandelinge op alle vlakke van die NG Kerk se barmhartigheidsbedieninge, in samewerking met ander rolspelers op die terrein van welsyn, het verseker dat daar tans wye erkenning aan Geloofsgebaseerde Organisasies(FBO's) (soos die NGBD/CM Rade/Tuistes vir Bejaardes) in die Staat se beleidsdokumente verleen word. (*12.9.3.2.2 Sinode 2005 prioriteit - skakeling en netwerking*)

Die bestuur van formele barmhartigheidsbedieninge as 'n Geloofsgebaseerde Organisasie (synde 'n Organisasie sonder Winsoogmerk of as 'n Artikel 21 Maatskappy) is 'n dinamiese proses wat 'n ingesteldheid tot deurlopende nuwe denkprosesse en vinnige transformasie vereis.

3.3.1.7 DIE UITDAGINGS VIR BESTURE OOR DIE AFGELOPE TWEE (2) JAAR WAS VERAL GESETEL IN DIE VOLGENDE:

3.3.1.7.1 Werwing van individue wat bereidwillig is om te help met die bestuur van diensvertakkinge

As voorwaarde tot voortgesette finansiering van dienste het die staat in die Diensvlakooreenkoms vereistes gestel vir die van transformasie van die samestelling van bestuursliggame en diensverbruikers (kliënte). Besture van diensvertakkinge is grootliks getransformeer ten einde insette van die verbruikers van dienste te verseker. Dienste aan verbruikers is reeds ten volle getransformeer.

Diensvertakkinge word onder andere bestuur deur afgevaardigdes van die NG Kerk (Ring), verteenwoordigers van die VGKSA, RCA en NGKA (indien van toepassing), verteenwoordigers van ander kerkgenootskappe, verbruikers van dienste en kundiges.

Betrokkenheid word egter dikwels beperk tot bywoning van vergaderings. Hierdie beperkte betrokkenheid impliseer ook 'n beperkte aanvaarding van die volle bestuursverantwoordelikheid en laat dikwels die druk van besluitneming ten opsigte van operasionele bestuur aan een of twee lede oor. Laasgenoemde verhoog

aanspreeklikheidsrisiko's vir diensvertakkinge. Die NG Barmhartigheidsdiens vervul gevolglik 'n belangrike veiligheidsnet funksie vir hierdie diensvertakkinge deur middel van die insette van sy personeel en die verskaffing van bestuursleiding.

Vrae met betrekking tot die effektiwiteit en uitvoerbaarheid van die huidige organisasiestructuur is die afgelope twee jaar deur sommige diensvertakkinge gevra en versoek is gerig dat 'n meer eenvoudige lynstruktuur daargestel word ten einde die bestuur van diensvertakkinge te vergemaklik. Die Sinodale Dienskommissie het sodanige ondersoek na die organisasiestruktuur aangevra. Hierdie ondersoek word deur die SKDB ondersteun.

3.3.1.7.2 Toerusting van bestuurslede om hul verantwoordelikheid en aanspreeklikheid met die bestuur van 'n Organisasie sonder Winsoogmerk te aanvaar en uit te voer.

Literatuurstudie met betrekking tot die bestuur van nie-regeringsorganisasies of te wel organisasie wat deur vrywilligers bestuur word is, afgehandel.

'n Konsep Bestuurshandleiding is opgestel.

3.3.1.7.3 Bedinging vir volgehoue staatsfinansiering.

Die aksie was suksesvol. Die staat verbind hom in die algemeen as venoot in die finansiering van die NG Kerk Suid-Transvaal se formele barmhartigheidsbedieninge.

'n Ongemak bestaan egter nog ten opsigte van die Dienstvlakooreenkomste wat die staat vereis om onderteken te word vir finansiering. Hierdie ooreenkomste plaas sekere beperkinge op die organisasies se onafhanklike reg tot bestuur. Die staat vereis inspraak in die algemene operasionalisering van dienste en tree ook by tye voorskriftelik op met die samestelling van besture en die lewering van bepaalde dienste. Die dienstvlakooreenkomste is na NAWONGO gestuur vir die nodige regsadvies met die hantering van die dokument.

3.3.1.7.4 Bedinging vir verhoging van staatsfinansiering.

Die aksie was gedeeltelik suksesvol. 'n Gemiddelde verhoging van 51 % in subsidie is deur die staat in 2005/2006 vir maatskaplike werk poste ontvang. Hierdie verhoging in subsidie wis egter nie die agterstande ten opsigte van die salaris van maatskaplike werkers en maatskaplike hulpwerkers uit nie. Dit is die opinie van die staat dat nie-regeringsorganisasies hul finansiële posisie sodanig moet bestuur dat hul toenemend groei na 'n onafhanklikheid van die staat.

Huidige subsidies beloop:

POSVLAK	TOTALE SUBSIDIE (PER JAAR)
Maatskaplike Hulpwerker (2 jaar opleiding)	87 568
Maatskaplike werker (4 jaar graad)	98 312
Assistent-direkteur (supervisor)	131 744
Direkteur	158 705

Die totale subsidie sluit 'n administratiewe komponent van R22 200² per pos in. Berekening van salaris is dus totale subsidie – administratiewe komponent = salaris. Die verskil tussen die subsidie en die salarispakket van personeel word aangevul uit fondse soos bekom van die kerk en fondswerwing.

² Gauteng subsidie

3.3.1.7.5 Bedinging vir die uitbreiding van staatsfinansiering ten einde kapasiteit uit te bou en werksdruk van huidige personeel te verminder.

Die aksie was suksesvol. Die staat het subsidies van 16 addisionele poste in die afgelope twee (2) jaar by diensvertakkinge goedgekeur.

3.3.1.7.6 Beplanning van dienste volgens die prioriteite van die Sinode Hoëveld en die staat (laasgenoemde as primêre eksterne befondser).

Die aksie was gedeeltelik suksesvol. Die resultate van die ondersoek na nood soos gedoen deur Dr. Gideon Kok is na CM Rade versprei met die versoek dat hul doelwitte daarvolgens beplan. Daar is gevind dat daar 'n oorvleueling in die prioriteite van die kerk en die staat (as primêre befondser) is wat beplanning van dienste vergemaklik. Indringende pogings moet egter aangewend word om dienste in samewerking met Ringe en gemeentes te beplan.

(punt 12.9.3.1 van Sinode Besluite 2005)

3.3.1.7.7 Bevestiging van diensvertakking se posisie met betrekking tot kerklike strukture.

Die aksie is in 'n implementeringsproses. Verskeie gesprekke is met diensvertakkinge en kerklike strukture gevoer ten einde die posisie van diensvertakking (CM Rade) te herbevestig. Gesprekke om CM Rade weer as Ringsprojekte erken te kry, met die gepaardgaande verantwoordelikhede en aanspreeklikhede van Ringe en CM Rade is gevoer.

3.3.1.7.8 Wysiging van die proses van Sinodale befondsing van diensvertakkinge.

Verskeie gesprekke met betrekking tot die wysiging van die proses van Sinodale befondsing aan diensvertakkinge (CM Rade) is gevoer. Positiewe vordering met die afwenteling van Sinodale befondsing na Ringsvlak kan gerapporteer word.

3.3.1.8 OMSET VAN PERSONEEL:

3.3.1.8.1 Werwing en behoud van personeel om dienste te lewer.

Die SKDB en sy diensvertakkinge toon 'n kommerwekkende omset van gemiddeld 44% ten opsigte van personeel, veral op die vlak van professionele personele soos maatskaplike werkers en verpleegkundige personeel. Redes vir die hoë omset soos verkry deur onderhoude is onder andere lae vergoedingspakkette en onhanteerbare werkladings.

Die hoë omset het 'n direkte impak op die bereiking van doelwitte. Dit veroorsaak ook dat daar dikwels nie volledig aan die verwagting van aanmelders van nood voldoen word nie wat gevvolglik 'n negatiewe beeld van die diensvertakkinge vestig. Die hoë personeelomset het ook 'n negatiewe impak op die moraal van personeel aangesien die personeel wat die organisasie behou, dikwels die ekstra lading van vakante poste moet dra totdat 'n aanstelling gemaak kan word.

3.3.1.8.2 Ondersoek na Vergoedingspakkette:

1. Die vergoedingspakkette van maatskaplike werkers vergelyk soos volg met dié van die staat:

Tabel 1: Vergelyking van vergoedingskaal tussen die Staat en die NGBD/CM Rade (basiese salaris op intreevlak)

POSVLAK	STAAT(basies)	NGBD/CM RADE	VERSKIL(pj)
Maatskaplike Hulpwerker (2 jaar opleiding)	Onbekend	55 769	
Maatskaplike werker (4 jaar graad)	106 335	80 070	26 265
Assistent-direkteur (supervisor)	196 815	126 748	70 067

Die huidige netto inkomste van bestaande posvlakke (intreevlak) van personeel in diens van CM Rade en die NGBD is soos volg:

POSVLAK	NETTO INKOMSTE (per maand)
Maatskaplike Hulpwerker(2 jaar opleiding)	3 645
Maatskaplike werker(4 jaar graad)	4 972
Assistent-Direkteure	7 521

In die lig van die huidige ekonomiese klimaat vind maatskaplike werkers dit uiters moeilik om met genoemde netto inkomste hul verpligtinge na te kom en is staatsposte met hoër pakkette gevoleklik aantreklik.

2. Die vergoedingspakkette van verpleegkundige personeel vergelyk soos volg met die staat:

POSVLAK	STAAT	TUISTES VIR BEJAARDERS (gemiddeld)	VERSKIL
Verpleegkundige	140,600	110,000	30,600
Senior Verpleegkundige	172 900	130,000	42,900

Tabel 2. Vergelyking van vergoedingspakkette van verpleegkundige personeel

3.3.1.8.3 Werwing van personeel:

Kommer bestaan oor die beskikbaarheid van gekwalificeerde personeel om vakante poste te vul. Diensvertakkinge kry oor die algemeen min aansoeke van voornemende kandidate vir vakante poste. Baie kostes word gevoleklik aangegaan om poste te adverteer. Platteelandse poste is tans vir maande vakant sonder enige navrae.

Min Afrikaanssprekende kandidate doen aansoek vir vakante poste.

Daar is gevind dat 80% van die aansoekers slegs die diensvertakkinge van die SKDB benut as "treeplank" totdat 'n betrekking met beter vergoedingspakkette verkry word. Die periode van diens (nuwe aanstellings) is een (1) maand tot een (1) jaar. Wisseling vind dikwels plaas nadat 'n formele oriénteringsprogram deurloop is. Buite instansies meld dat hul graag werknemers van byvoorbeeld CM Rade aanstel aangesien kandidate goeie indiensopleiding ontvang het. Daar word tans 'n retensie strategie ten opsigte van Maatskaplike Werkers

saamgestel ten einde personeel na die CM Rade te lok en ook te behou. Hierdie Retensie Strategie verwys onder ander na die daadwerklike aanspreek van vergoedingspakkette.

Indien die SKDB en sy diensvertakkinge onsuksesvol sou wees om personeel te werf en te behou word die formele barmhartigheidsbedieninge van die Sinode Hoëveld op risiko geplaas en sal daar herbesin moet word oor die standaard en omvang van dienste.

3.3.1.8.4 Vestiging van vennootskappe met ander instansies wat dieselfde doelstellings nastreef

(12.9.3.2.1; 12.9.3.2.2 – *Sinode 2005 prioriteit: hulpbron benutting en netwerking*)

Die aksie is gedeeltelik bereik.

Daar word tans met MES onderhandel vir samewerking met betrekking tot die lewering en monitering van maatskaplike werkdiens in die middestad van Johannesburg. Hierdie samewerking impliseer die leidinggewing, fasilitering en vestiging van die nodige strukture en procedures ten einde 'n effektiewe diens aan die kliëntsisteem te lewer. CMR Johannesburg lewer reeds supervisiedienste aan die maatskaplike werkers en maatskaplike hulpwerkers van MES.

Die SKDB het verskeie gesprekke met die VGKSA gevoer met betrekking tot samewerking op die gebied van barmhartigheidsbedieninge. Diensvertakkinge van die SKDB het reeds lede van die VGKSA op van die besture verkies en lewer reeds uitgebreide dienste aan VGKSA lidmate in verskeie gemeenskappe.

Die SKDB kon nog nie daarin slaag om soortgelyke gesprekke met die RCA en NGKA te voer nie.

Die SKDB het aan verskeie gesprekke met die oog op die vestiging van "Sentrums van Hoop" deelgeneem. Die konsep is reeds skriftelik gekonseptualiseer en verdere ontwikkeling berus tans by plaaslike gemeentes en formele barmhartigheidsbedieninge.

3.3.1.8.5 Toerusting van gemeentes en lidmate betrokke by barmhartigheidsbediening. (12.9.3.2.6 – *Sinode 2005 prioriteit*)

Die doelwit is bereik gegewe die beskikbare kapasiteit. Die volgende toerustingsgeleenthede is geïnisieer:

- Vrywilligerskonferensie – September 2005 (NG Kerk Kemptonkruin)
- Opleiding van siekesorg beraders – Bediening Siekesorg en Berading (deurlopend)
- Opleiding van beraders gerig op persone geïnfekteer met MIV/Vigs – Sub-Kommissie vir Vigsangeleenthede (deurlopend)
- Opleiding van beraders (traumaberaad) - Assesseringseenheid (op versoek van gemeentes)
- Diakonale konferensie – September 2005 en September 2006.

Die NG Barmhartigheidsdien het ook 4 senior personeeldele van diensvertakkinge laat oplei om geakkrediteerde kursusse aan te bied in mentorskap, diversiteit en veranderingsbestuur. Hierdie kursusse word in samewerking met lede van die Portefeuille: Leierskap en Ontwikkeling aangebied. Die kursusse is reeds by diensvertakkinge aangebied en daar word beplan om dit ook vir gemeentes en lidmate aan te bied.

3.3.1.9 FORMELE DIENSLEWERING


(12.9.3 Sinode 2005 opdrag – *instandhouding en die uitbou van bestaande bedieninge*)

Die Sinode Hoëveld se formele barmhartigheidsdienste word behartig deur personeel en vrywilligers wat as volg voorgestel kan word:

	2005	2006	2007
Personnel	861	963	908
Vrijwilligers	1 944	845	845
TOTAAL	2 805	1808	1653

Tabel 3: Personel en vrijwilliger getalle

Voorafgaande getalle word soos volg in Figuur 1 uiteengesit:



Figuur 1: Voorstelling van die dienslewerende groepe.

Ten spyte van die uitbreiding van poste is dit duidelik dat diensvertakkinge se personeel getalle afneem as gevolg van vakante poste.

Die formele barmhartigheidsbedieninge het aan die volgende prioriteitie aandag verleen:

- Beskerming van gesinne en kinders;
- Armoede;
- Vigs;
- Senior persone;
- Godsdienssorg aan gevangenes.

Die SKDB, die NGBD, NGBD-M, diensvertakkinge en sub-kommissies het gedurende die afgeloepen termyn besondere aandag verleen aan die geïdentifiseerde teikengroepe in 144 gemeenskappe, deur middel van geïntegreerde programme wat die volgende insluit:

- Armoedeverligtingsprogramme (individue, groepe, gesinne en gemeenskappe)
- Terapeutiese voorkomingsprogramme (individue, groepe en gesinne)
- Beskerming, versorging en ontwikkeling van kinders (0-18 jaar oud)
- Beskerming, stimulering en versorging van senior persone (individue en groepe)
- MIV/Vigs voorkomingsprogramme (individue, groepe, gesinne en gemeenskappe)

- Uitbreiding van die Bediening, Godsdienssorg aan Gevangenes.

Daarbenewens is voortgegaan met bestaande dienste, naamlik Siekesorg en berading, CAD en die organisering van 'n jaarlikse Diakonale Konferensie.

Deur die implementering van bestaande programme en dienslewering is daarin geslaag om 'n omvattende diens aan individue in nood te lewer. Persone bereik word soog volg uiteengesit:

FOKUS VAN DIENS	2006	2007
Kinder- en Gesinsorgdienste	12 357	14 930
Abraham Kriel Kindersorg	367	274
Uitkomstehuis	66	69
Tuistes vir bejaardes	1 286	1 503
Gemeenskapsontwikkelingsprogramme	29 543	21 536
Gemeenskapsuitreikaksies van Tuistes vir Bejaardes	1 484	933
Seniorbediening	2 400	2 248
Vigskommissie	42	15
CAD	336	335
Siekesorg en berading	15	26
Diakonale Konferensie	136	59
Godsdienssorg aan Gevangenes	324	2 400
TOTAAL	48 356	44 328

Tabel 1 : Aantal persone bereik deur georganiseerde Barmhartigheidsbedieninge

3.3.1.10 BESPREKING VAN DIENSTE

3.3.1.10.1 GESINSORGDIENSTE

Die SKDB, NGBD/M , sy diensvertakkinge en Subkommissies het ten doel om families en individue wat in nood verkeer te versterk en begelei tot onafhanklike funksionering. Deur die vervulling van die rol as instaatsteller het die SKDB families en individue in staat gestel om sinvolle bydraes in die uitgebreide gesin, gemeenskap en omgewing te lewer. Hierdie diens het hoofsaaklik sy neerslag gevind in:

- Individuele en gesins terapeutiese dienste;
- Terapeutiese en stimuleringsgroepe;
- Die beskerming van hoë risiko kinders;
- 'n Diakonale Konferensie gefokus op werkskepping en die versterking van families;
- Opleiding van beraders;
- CAD ondersteuningsgroepe.

Tipiese tendense waarmee die formele gesinsorgdienste van die Sinode Hoëveld deurlopend gekonfronteer is, sluit in:

- Kinderverwaarlozing;
- Kindermishandeling;
- Seksuele molestering van kinders;
- Verlate kinders;
- Weeskinders (MIV/Vigs verwant);

- Gesinsgeweld;
- Substansafhanklikheid (alkohol en dwelms);
- Onbeheerbare kinders;
- Psigiese patologie by ouers en kinders (depressie, angsversteurings, ens);
- Behuisingsnood van seniors.

Dienste aan persone in nood word gelewer vanuit 'n Ontwikkelingsgerigte benadering wat impliseer dat die sterktes van individue, gesin, groep of gemeenskap geïdentifiseer word en benut word as die basis van die hulpverleningsproses. Die identifisering van sterktes vind in samewerking met die individue, gesin, groep of gemeenskap plaas. Die beginsels van selfbeskikkingsreg van 'n kliënt in die proses van hulpverlening word deurlopend gerespekteer.

3.3.1.11 UITDAGINGS EN RESULTATE

3.3.1.11.1 VOORSIENING IN DIE TOENEMENDE VRAAG NA MAATSKAPLIKE DIENSTE.

55 Maatskaplike werkers en 9 maatskaplike hulpwerkers het aan 15,461 individue geïntegreerde maatskaplike werk dienste verleen.

Voorkomingsprogramme ten einde hoë risiko kinders binne die bestaande gesinseenheid te behou.

CM Rade:

Voorskoolse kinders van onder 6 jaar is in 23 crèches en speelgroepe versorg. Dikwels is dit die enigste plek waar hierdie kinders 'n maaltyd in 'n dag ontvang.

15 Programme gerig op lewens-vaardigheidsontwikkeling, bewusmaking en kapasiteitsbou (bv. ouerleiding) van kinders, jeugdiges en volwassenes is geïnisieer. 4 875 Individue is by hierdie programme betrek.

Die volgende Tuistes vir Bejaardes ondersteun CM Rade deur betrokkenheid by crèches en skole in die gemeenskap:

- Rus-'n-Bietjie (Gemeenskap crèche in Everest se informele nedersetting)
- Solheim (Itembughele Skool- hulp met die verkryging van kindertoelaes en bied terapie aan kinders in nood)

3.3.1.11.2 BESKERMING VAN HOË RISIKO KINDERS

930 x Hoë risiko kinders is deur middel van statutêre intervensie beskerm. Hierdie aksie is die laaste opsie wat uitgeoefen word in 'n hulpverleningsproses en geskied alleenlik nadat voorkomingsdienste gelewer is en/of indien 'n kind se lewe in gevaar verkeer. Substituutsorg van kinders in nood vind slegs plaas indien herstel in ouerlike sorg nie kan realiseer nie. Ingeval van laasgenoemde word die volgende opsies in volgorde ondersoek:

- (i) Pleegplasing by gekeurde verwante (familie).
- (ii) Pleegplasing van gekeurde nie-verwante (ouerparye in die gemeenskap wat hulself beskikbaarstel om as pleegouers gekeur te word.)
- (iii) Kinderhuisplasing
- (iv) Kindersorgskool plasing (Nywerheidskool)
- (v) Verbeteringskool plasing

Substituutplasing van hoë risiko kinders geskied altyd met die voorwaarde dat gesinsherenigingsdienste aan die betrokke gesin gelewer moet word. Permanensie in terme van substituutsorg mag alleenlik in werking tree indien die ouers se prognose tot selfstandige maatskaplike funksionering laag is en/of die kind oor geen ouer/voog beskik nie en/of die ouer onopspoerbaar is.

3.3.1.11.3 TOENAME IN AANSOEKE OM PLEEGSORG DEUR VERWANTE NA DIE AFSTERWE VAN BIOLOGIESE OUERS AS GEVOLG VAN MIV/VIGS VERWANTE SIEKTE.

Ongeveer 566 kinders is gedurende die afgelope twee jaar in pleegsorg geplaas na die afsterwe van biologiese ouers.

Die toename in aansoeke plaas groot druk op maatskaplike werkers ten einde die keuring en wettige plasingsproses van kinders af te handel. Kantore in Soweto en Kwa-Thema ervaar frustrasie om, vanweë die hoë personeelomset, agterstande in die ondersoeke met die oog op pleegsorg af te handel. Soweto kantoor (CMR Johannesburg) alleen werk met 'n lading van gemiddeld 500 x pleegouers en Kwa-Thema (CMR Springs) met 'n lading van gemiddeld 360 x pleegouers.

Pleegouers en pleegkinders word hoofsaaklik in groepe hanteer ten einde die werkloading beter te bestuur.

3.3.1.11.4 VERSTERKING VAN GESINSVERHOUDINGE

Gedurende Februarie 2006 het die NG Barmhartigheidsdiens 'n stap in die geloof geneem en 'n Assesserings-eenheid tot stand gebring met die fokus op die identifisering van bindingsversteurings tussen ouers en kinders, forensiese ondersoeke by die vermoede van seksuele molestering van kinders asook terapie aan kinders en volwassenes met die oog op die herstel van verhoudinge.

Met slegs 1 gekwalifieerde spesialis maatskaplike werker (Dr Christelle Blunden) is 307 x kinders en 266 x volwassenes deur die eenheid in 13 maande bedien.

Die resultate van hierdie eenheid het bygedra tot die positiewe evaluering van 'n aansoek deur die staat en die goedkeuring van die finansiering van 'n addisionele pos finansiering vanaf 1 April 2007. Dienste van hierdie eenheid is in aanvraag by CM Rade, Departemente kantore, ander welsynsorganisasies, skole en gevengenis.

Dr Blunden verskaf ook opleiding aan maatskaplike werkers in bindingsterapie, rus ouerpary toe in leierskapvaardighede en rus beraders toe in traumaberaad en ander ondersteuningstegnieke. Dr. Blunden het 15 opleidingskursusse in 13 maande aangebied.

Die aanvanklik ongesubsidieerde eenheid het 'n inkomste van R117 286 vir 13 maande gegenereer. Pos finansiering ten bedrae van R126 677 is ten opsigte van Dr. Blunden se pos deur die staat goedgekeur vir die 2007/2008 finansiële jaar.

3.3.1.11.5 HERSTEL VAN KINDERS IN OUERLIKE SORG

13 x CM Rade van die Sinode Hoëveld het die afgelope twee (2) jaar 131 kinders, na intervensie, in ouerlike sorg herstel.

3.3.1.11.6 ABRAHAM KRIEL KINDERSORG (Artikel 21 Maatskappy)


Die hoofbesigheid van Abraham Kriel Kindersorg is om 'n kinderhuis met gemeenskapsgebaseerde programme te bedryf. Die hoofdoelstellings van die maatskappy egter naas die beskerming, versorging, ontwikkeling, opleiding, behandeling en herintegrasié

van die kinders in residensiële sorg is ook die lewering van voorkomings- en ontwikkelingsdienste aan kinders en gesinne in die gemeenskap.

Die inrigting het deur middel van 'n herposisioneringsprogram wat oor drie (3) jaar strek, 'n groot rigtingsverandering in dienslewering te weeg gebring. Hierdie verandering spruit vanuit die inrigting se poging om tred te hou met die jongste tendense in die veld van kindersorg wat insluit die voorspelling dat duisende weeskinders as gevolg van MIV/Vigs, versorging op een of ander wyse sal benodig. Hierdie verandering in dienste plaas die fokus op spesialisdienste en tuissorgprogramme.

Hierdie rigtingsveranderinge het meegebring dat die raad na beraadslaging en konsultasie die naam van Abraham Kriel Maria Kloppers Kinderhuis op 27 Maart 2007 amptelik na Abraham Kriel Kindersorg verander het.

Abraham Kriel Kindersorg kan skematisies soos volg uiteengesit word:



Abraham Kriel Kindersorg se dienste word soos volg uiteengesit:

RESIDENSIËLE SORG	GEMEENSKAPSDIENS
	Tuisversorging vir Vigs Wesies
Abraham Kriel Kampus (Langlaagte) 13 Huise – 145 kinders	"Steinhoff Extended Family programme" Sorg vir ongeveer 200 geaffekteerde kinders en ongeveer 81 volwassenes in Soweto. Geborg deur Steinhoff Afrika
Maria Kloppers Kampus (Observatory)	Abraham Kriel Familie sorg
4 Huise – 40 Kinders Baba eenheid – 20 Kinders	Sorg vir ongeveer 50 geaffekteerde kinders en ongeveer 30 volwassenes.
Emdeni Kampus (Soweto) 3 Huise – 55 Kinders	Hoofborg: KFC
Satelliet Huise (+-10 kinders per huis) te: Mouton, Fontainebleau, Benoni, Kempton-Oos, Aasvoelkop, Cronje, Youth Space (Mayfair)	

Abraham Kriel Kindersorg het gedurende die afgelope twee jaar versorging aan 367 kinders gebied en die fasilitet se gemeenskapsgebaseerde programme het ongeveer 700 behoeftige kinders in verskillende gemeenskappe bereik.

3.3.1.11.7 UITKOMSTEHUIS VIR GETRAUMATISEERDE DOGTTERS

Uitkomstehuis is 'n geregistreerde kinderhuis vir die versorging van 24 getraumatiseerde dogters en swanger tienerdogters. Dit is die enigste fasilitet in Gauteng wat swanger dogters akkommodeer. Doelstellings van die fasilitet sluit onder andere in:

- Om akkommodasie en 'n versorgingsdiens daar te stel om in die fisiese-, emosionele- en pastorale behoeftes van swanger dogters en sorgbehoewende tieners in 'n behuisingskompleks te voorsien, ten einde hulle in staat te stel om by die samelewing in te skakel en aan te pas.
- Om bekostigbare dagsorg aan 25 voorskoolse kinders uit die omliggende minder bevoorregte gemeenskap te voorsien.


Die fasilitet sluit ook vennootskappe met hulpbronne in die gemeenskap ten einde die betrokke dogters te begelei na selfstandige funksionering.

3.3.1.11.8 ARMOEDE VERLIGTING

Die NGBD is betrokke by die fasilitering, koördinering en monitering van armoedeverligtingsprogramme wat deur die CM Rade geïnisieer word. Die programme word ook ondersteun deur die inisiatiewe van Tuistes vir Bejaardes en kindergerigte inrigtings deur die loodsing van gemeenskapsuitreikaksies.

Gemeenskapsuitreikaksies sluit onder ander in sopkombuise, die ontwikkeling van groentetuine, naaldwerkgroepes, bakprojekte, ensovoorts. Armoede verligting is gerig op die aansprek van bestaansbehoeftes van mense soos voedsel, kleding asook die vaardighede en geleenthede om 'n inkomste vir 'n gesin te genereer en daardeur onafhanklikheid te verkry.

Die NG Barmhartigheidsdiens en diensvertakkinge het daarin geslaag om deur middel van 50 projekte oor die twee jaar aan 'n gemiddeld van 8 766 individue in fisiese nood dienste te lewer. Voedsel en klere is aan 9 979 individue voorsien. Die rand waarde van bydraes wat CM Rade aan laasgenoemde individue voorsien het, kan soos volg weergegee word:



Figuur 2: Rand waarde van noodleniging aan gesinne in fisiese nood

Die volgende Tuistes vir Bejaardes is ook betrokke by voedingsprogramme in omliggende gemeenskappe:

- Rus-'n -Bietjie (Springs);
- Solheim (Germiston);
- Ekklesiapark (Randburg); en
- Alberton Tuiste vir Bejaardes.

3.3.1.11.9 MIV/VIGS PROGRAMME

Die Sub-kommissie vir Vigsangeleenthede, bestaande uit leraars, vrywilligers uit die gemeenskap en verteenwoordigers van ander forums (bv. CABSA), is betrokke by die koördinering van die MIV/Vigsprogramme in die Sinode Hoëveld. Die betrokke kommissie bied gereelde opleidingskursusse vir beraders aan, ondersteun persone met MIV/Vigs, lig gemeentes in oor MIV/Vigs en is ook betrokke by die ontwikkeling en verspreiding van "Life Meal" wat in die Sinodale gebied bemark word. Daar is 2 128 "Life Meal" pakkies verkoop. Hierdie produk bestaan uit gemaalde gaar mielies en bone, aangevul deur die nodige minerale en vitamines. Dit word maklik voorberei deur slegs warm water by te voeg. Die produk word met sukses aangewend deur persone wat reeds verswak is.

Die Kommissie het gedurende die afgelope twee jaar 42 persone as beraders opgelei en is tans besig met opleiding in MIV/Vigs berading by MES se Teologie Kollege. Die CM Rade het ook projekte gerig op persone geïnfekteer en geaffekteer deur MIV/Vigs. Hierdie projekte was veral gerig op bewusmakingsprogramme in skole en in die gemeenskap. Daar is ook aan 74 Volwassenes en 105 kinders berading verleen wat MIV positief is.

Abraham Kriel Kindersorg bied ook 'n huisversorgingsdiens aan gesinne/kinders geïnfekteer of geaffekteer deur MIV/Vigs. Die program bereik 350 kinders in die Emdeni, Zola, Dobsonville, Jabulani, Protea Glen en Green Village woongebiede.

Ekklesiapark Tehuis vir Bejaardes is ook betrokke by "Mother Theresa" tuiste vir babas en volwassenes met MIV/Vigs.

3.3.1.12 DIENSTE AAN SENIOR PERSONE

3.3.1.12.1 TUISTES VIR BEJAARDES

Sedert die ontstaan van die sewe (7) Tuistes vir Bejaardes in die Sinode Hoëveld, 50 jaar gelede, het daar groot veranderinge in die land plaasgevind. Die veranderende Staatsbestel het strenger voorwaardes neergelê vir subsidies en eise gestel ten opsigte van onder andere gemeenskapsgerigte dienste. Een van die voorwaardes het ook tot gevolg gehad dat opnames in tuistes beperk word tot meestal verswakte seniors. Die huidige inwonerprofiel van die betrokke tuistes dui op 'n gemiddeld van 90% verswakte senior inwoners. Die tuistes vir bejaardes is in werklikheid sorgsentrums en in feitlik elke tuiste is daar 'n afdeling vir persone met Alzheimer se siekte.

Hierdie tuistes vir bejaardes bied tans versorging aan 'n gemiddeld van 1 395 seniors. Tuistes van Bejaardes ervaar 'n deurlopende navraag vir opnames en daar is tans in die Sinode Hoëveld (tussen die sewe tuistes) 'n waglys van 1000 seniors. Behuisingsnood vir verswakte en ander seniors begin kritiese afmetings aanneem en ondersoek word ingestel na die verantwoordelikheid en vermoë van die NG Kerk om in hierdie spesifieke teikengroep se nood te voorsien.

Daar is ook met die Pro-Ekklesia Nuts-Behuisingsmaatskappy in gesprek getree ten einde die rol en verantwoordelikheid van die NG Kerk in die vervulling van hierdie groeiende nood te bepaal. Tydens hierdie gespreksgeleentheid is daar konsensus verkry ten opsigte van:

- Die NG Kerk bedien seniors uit alle gemeenskappe wat versorging en behuising benodig;
- Ondersoek moet ingestel word na die bevordering van die verhouding tussen die tuistes en die staat en kruis-subsidiëring;
- Venootskappe ondersoek te word met privaat ontwikkelaars;
- Huidige fasilitete moet tot hul volle kapasiteit benut word;
- Ondersoek moet ingestel word na die vestiging van tuissorgdienste ten einde seniors so lank as moontlik in hul eie behuising te hou;
- Gemeentes moet geaktiveer word om betrokke te raak by tuistes ten einde hul te help met hierdie reuse taak;
- Ondersoek moet ingestel word na die vestiging van 'n "vriendskapsbehuising" stelsel.

Hierdie ondersoeke is verwys na die tuistes met betrekking tot maksimale benutting van fasilitete, Kommissie vir Seniorbediening met betrekking tot die NG Kerk se rol en taak in die

voorsiening van behuising vir seniors in nood en Pro-Eklessia Nuts-behuisingmaatskappy met betrekking tot die sluiting van vennootskappe met privaat ontwikkelaars.

3.3.1.12.2 SENIORBEDIENING

Die Kommissie vir Seniorbediening bestaan uit vrywilligers en verteenwoordigers van al die komponente in die Sinode Hoëveld wat dienste aan die bejaardes lewer. Die Kommissie inisieer, koördineer en begelei Diensgroepe vir Afgetredenes in gemeentes. Daar is tans 77 diensgroepe in die Sinode Hoëveld waarby ongeveer 2248 seniors aktief inskakel.

Die Diensgroepe bestaan reeds 33 jaar en voorsien in 'n groot behoeftes van senior persone. Deur middel van hierdie groepe word gepoog om aandag te gee aan die totale behoeftes van die ouer persoon. Deur groepsaktiwiteite word eensaamheid bestry en depressie afgeweer. Seniors se vaardighede word ontwikkel en hulle kreatiwiteit word gestimuleer. Die diensmotief word aangemoedig en ouer persone kry geleenthede om hulle eie gemeentes sowel as die breë gemeenskap te dien. Hierdie diensgroepe is 'n waardevolle hulpbron vir gemeentes deurdat hul:

- Siekebesoek aan seniors doen;
- Vervoer na kerk, inkopiesentrums, hospitale en kliniek verskaf;
- Ondersteuning verleen aan verswakte seniors;
- Praktiese dienslewering aan seniors in die gemeente.

Hoewel die projekte van diensgroepe suksesvol funksioneer is daar opgemerk dat twee groepe seniors geïdentifiseer kan word, naamlik die nuwe geslag seniors wat minder neig tot aktiewe betrokkenheid en deelname, asook die 80 – 100 jariges wat verswak en aangewese raak op tuissorgdienste. Die Kommissie vir Seniorbediening besef dat effektiewe pogings aangewend sal moet word om hierdie spesifieke groepe te betrek en/of in hul spesifieke behoeftes te akkommodeer.

Die nuwe geslag seniors ("Baby Boomers") toon 'n nuwe ingesteldheid teenoor "bejaardheid" en aftrede. Tegnologie speel 'n belangrike rol wat verandering in die kommunikasiestyl van die Kommissie vir Seniorbediening vereis. Hierdie afgetredenes is geneig om nie voldoende voorsiening vir aftrede te maak nie en begin daarom spoedig finansiële druk na aftrede beleef.

Die groep 80 – 100 jarige lidmate verswak en benodig sorgsame en omgee-sorg. Hierdie diens kan deur middel van tuissorgdienste verskaf word. Die geestelike versorging van hierdie groep is van kardinale belang. Daar word beplan om die Diensgroepe te motiveer om spesifieke persone aan te wys om spesiale aandag aan besoeke aan eensame verswakte seniors te gee.

3.3.1.12.3 DIE VOLGENDE PROJEKTE IS DEUR DIE KOMMISSIE VIR SENIORBEDIENING GEÏNISIEER:

3.3.1.12.3.1 INTERGROEPDAG

Twee (2) intergroepdae is in die verslaggewingsperiode in die Noord-, Oos- en Suidstreek gehou. Die beoordelaars in die handwerkafdeling het weer met groot waardering melding gemaak van die gehalte van die artikels wat ingeskryf is. Ongeveer 1200 artikels word per jaar ingeskryf waarvoor sertifikate uitgereik is.

3.3.1.12.3.2 TRUIEPROJEK

Dit het aanvanklik begin met die brei/hekel van truie vir die Abraham Kriel Maria Kloppers Kinderhuise. Die behoeftes het egter so 'n omvang aangeneem dat die projek nie meer tot die brei van truie beperk is nie.

Tans voorsien die groepe in die volgende:

- Truie en babaklere vir Abraham Kriel Maria Kloppers Emdeni-kinderhuise.
- Truie vir vigsxesies.
- Breiwerk vir behoeftige skoliere – truie, musse, serpe.
- Sweetpakkies en ander tweedehandse warm klere.
- Sagte speelgoed vir getraumatiseerde kinders.

3.3.1.12.3.3 PRETDAG

Twee (2) Pretdae het die afgelope verslaggewingsperiode by die Universiteit van Johannesburg plaasgevind. Soos in die verlede is die Pretdae georganiseer in samewerking met die dosente en studente van die Departement Sport- en Beweegkunde by die Universiteit van Johannesburg. Ook die Joolkomitee het geld geskenk om die kostes te dek. Die geleentheid word ook benut om intergenerasie deelname en verhoudings oor kultuurgrense te bevorder.

3.3.1.12.3.4 SANGFEES

Op 4 September 2006 het die diensgroep van die Suidstreek 'n sangfees vir die drie streke in Sinode Hoëveld georganiseer.

3.3.1.12.3.5 ABRAHAM KRIEL MAKIETIE

Die Senior groepe is jaarliks betrokke by die Kermis van Abraham Kriel Kinderhuis in Langlaagte. Seniorgroepe het in groot maat lekkers vir die lekkergoedstalletjie voorsien.

3.3.1.12.3.6 KERSKAARTE VIR GEVANGENES

Die diensgroepe het hui ook beywer vir die maak en verspreiding van Kerskaarte aan gevangenes.

3.3.1.12.3.7 SAGTE SPEELGOED VIR GETRAUMATISEERDE KINDERS

Hierdie is 'n projek waaraan diensgroeplede met oorgawe deelneem. Speelgoed word in groot maat aan die maatskaplike werkers van die CM Rade voorsien wat dit dan uitdeel aan getraumatiseerde kinders.

Die Kommissie vir Seniorbediening is ook betrokke by die ondersoek na die behuisingsbehoeftes van Seniors wat geïnisieer is na die identifisering van 'n gebrek aan bekostigbare behuising vir 'n groeiende ouerwordende bevolking. Die rol van die NG Kerk en moontlike wyses waarop daar in hierdie behoeftte voorsien kan word, word tans ondersoek.

Die Kommissie skenk ook aandag aan:

- Inskakeling van senior groepe van CM Rade by die werkzaamhede van die Kommissie;
- Benutting van die media om die gemeentes en gemeenskap bewus te maak van seniors se behoeftes en bydraes wat hul in die gemeentes en gemeenskap kan lewer;
- Deurgee van riglyne vir die samestelling van 'n program vir die Internasionale dag en week van bejaardes (1 – 7 Oktober 2007).

3.3.1.13 GODSDIENSSORG AAN GEVANGENES

Die SKDB het gedurende November 2003 bygedra tot die konstituering van 'n bediening, Godsdienssorg aan Gevangenes. Die bediening beywer hom:

- Om gemeentes te motiveer tot 'n effektiewe, totale bediening (in samewerking met ander instansies) aan gevangenes, ontslane gevangenes en hul families – om hulle met Jesus te versoen en te begelei na nuwe morele waardes.
- Om gemeentes en vrywillige geestelike werkers toe te rus om hul Godgegewe verantwoordelikheid ten opsigte van die bediening aan gevangenes na te kom deur behulpsaam te wees met die koördinering van dienste en toerustingsgeleenthede.

Die Diensgroep het reeds 'n handleiding vir die opleiding van vrywillige geestelike werkers saamgestel. Hierdie handleiding is elektronies by die SKDB (skdbstvl@mweb.co.za) beskikbaar.

3.3.1.13.1 DIE DIENSGROEP WAS BETROKKE BY DIE VOLGENDE PROJEKTE:
Herlewingsdienste is, in samewerking met die plaaslike gemeente leraar, by ses (6) gevangenisse aangebied. Die dienste is deur Mn Wessel Jordaan en sy span van die Waterval Christelike Sentrum, wat die 2B "Gospel Band" insluit, gereël. Ongeveer 600 gevangenes het by die dienste aangedui dat hulle begerig is om hulle harte vir die Here Jesus oop te stel of met Bybelstudies te begin. Gemeentes, ook van ander kerke, is vir die opvolgwerk verantwoordelik, dit sluit die aanbied van kursusse soos EE3, Alpha, Bybelkor en "Breaking the Chains", in.

Mnr Graham Fletcher van die organisasie "Lotcha" is ook betrokke by die opleiding van vrywillige geestelike werkers. Die kursus wat deur hom aangebied word, is "Ukuphula Iketanga" wat beteken "breaking the chains." "Lotcha" is betrokke by twee Werksverskaffingsagentskappe met wie kontak gemaak kan word om werk aan vrygelate gevangenes te verskaf.

Netwerking met ander persone en instansies wat in die gevangenisse werk is uiters belangrik en word aangemoedig aangesien die werk in gevangenisse te groot is om in isolasie deur die NG Kerk alleen hanteer te word.

SKDB se Diensgroep vir Seniorbediening is betrokke by die verspreiding van kerskaartjies aan gevangenes.

Godsdienssorg aan gevangenes gee aan die gemeentes van die Hoëveld Sinode 'n unieke geleentheid om daadwerklik by die genesing van Suid-Afrika betrokke te wees. Daar is wonderlike goeie stories, ten spye van al die negatiewe oor hoe God die harte van enkelinge in gevangenisse omkeer en hul gebruik om radikale veranderinge in tronke tot gevolg te hê.

Die geleenthede vir die Kerk van die Here Jesus om in gevangenisse Sy opdrag tot uitvoer te bring wag om benut te word.

3.3.1.14 ANDER DIENSTE GELEWER

3.3.1.14.1 BEDIENING SIEKESORG EN BERADING

Die Bediening beplan, organiseer en koördineer siekesorg en beradingsbediening in die Sinodale gebied en beywer hom om gemeentes te motiveer met betrekking tot die werwing en opleiding van vrywilligers vir eie siekesorgbedieninge.

Die Bediening het hom beywer vir

3.3.1.14.2 UITBREIDING VAN DIE SIEKESORG EN BERADINGS-HANDLEIDING

Die Handleidings vir Vrywilligers (Studente) en Opleiers bestaan tans uit die volgende modules:

- MODULE 1 : DIE STORIE VAN SIEK-WEES EN VERSORGING
- MODULE 2 : DIE SELF VAN DIE VERSORGER
- MODULE 3 : WIE IS DIE SIEK PERSOON?
- MODULE 4 : FISIOLOGIESE AGTERGROND
- MODULE 5 : DIE BETROKKENHEID VAN DIE SIEKESORGER BY DIE SIEK PERSOON
- MODULE 6 : HOE WORD 'n SIEKESORGBEDIENING IN 'n GEMEENTE BEGIN?
- MODULE 7 : STERWENS- EN ROUBEGELEIDING
- Module 8 : VERSTERKING EN BEGELEIDING UIT DIE WOORD OP WEG NA GELOOFSEKERHEID
- MODULE 9 : LEWE NA DIE DOOD
- MODULE 10 : TRAUMA
- MODULE 11 : SIEKTE, SONDE EN GENESING
- MODULE 12 : PASTORAAT AAN PASIËNTÉ MET 'n SPESIFIËKE SIEKTE
- MODULE 13 : FUNKSIONERING VAN DIE WOORD BY DIE SIEKBED

3.3.1.14.3 OPLEIDING:

Die Bediening het oor die afgelope twee (2) jaar 61 vrywilligers en opleiers opgelei.

3.3.1.14.3.1 ONDERSOEK NA DIE AKKREDITERING VAN KURSUSSE EN VERDIEN VAN PUNTE DEUR LERAARS

Nadat daar met Prof Malan Nel geskakel is oor die kursusse is besluit om voort te gaan om self kursusse te ontwikkel ter wille van die aanbied van bekostigbare kursusse vir leraars in die Hoëveld Sinode.

3.3.1.14.3.2 DRINGENDHEID VAN DIE BEDIENING

Die Bediening vir Siekesorg en Berading is van mening dat die werk wat die bediening doen, die dringende aandag van elke leraar en kerkraad vra. In elke gemeente is daar mense wat siek is of behoefté aan berading het. Leraars is nie altyd so goed ingegrawe op elke terrein nie en kan dikwels weens 'n gelade program nie aan alles en almal die nodige aandag gee nie. Die bediening beywer hom om 'n bekostigbare en op-die-man af, daar-en-dan kursus vir leraars en lidmate daar te stel om by die mense met hul seer uit te kom.

3.3.1.14.3.3 WAT BEREIK ONS MET DIE KURSUSSE?

Toegeruste leraars en lidmate wat 'n verskil maak in die lewe van 'n medemens op 'n stadium / moment toe hy/sy hul die nodigste gehad het.

3.3.1.15 CHRISTELIKE AFHANKLIKHEIDSDIENS (CAD)

CAD (Christelike Afhanklikheidsdiens) is selfhelp- en ondersteuningsgroepe vir persone, sowel as hul gesinne, met substans-afhanklikheid. CAD groepe be-ywer hulle vir die

bevordering van 'n sober leefwyse in die gemeenskap. Die CAD lewer 'n unieke ondersteuningsdiens aan die substansafhanklike, sy werkewer, gesinssisteem en die gemeenskap in samewerking met alle Christelike kerke deur gereelde byeenkomste, ontwikkelingsgeleenthede, voorkomingsdienste, -projekte en persoonlike uitreiking.

CAD is 'n Nasionale Organisasie met 9 Streke wat ongeveer 50 takke regoor Suid Afrika verteenwoordig. CAD Hoëveld het tans 5 aktiewe takke. CAD lede bestaan uit mans en vrouens van enige ouderdom, ras en geloof. Sommige persone het laaste waarskuwings by hul werkplekke, ander met hangende hofsake oor huishoudelike geweld en bestuur onder die invloed. Sommige is werkloos. Van die lede is reeds lankal sober en vorm 'n ondersteuningsnetwerk vir nuwe lede. Ouers bring soms hul volwasse kinders as laaste hoop vir rehabilitasie na terugvalle. Laasgenoemde blyk veral as tendens voor te kom.

Die doel van CAD is om, in noue samewerking met alle Christelike kerke, deur weeklikse byeenkomste geestelike sorg, leiding, ondersteuning en motivering aan substans-afhanklike persone en hul gesinne te bied.

3.3.1.15.1 Die volgende suksesse is deur die CAD bereik:

Doelwit	Resultate	Aantal persone bereik
Vestig en stig CAD na kamp (Delmas)	Baie goed	9
Bemarking in gemeentes	NG gemeentes & ander	5 gemeentes
Motivering / Deurgee van inligting	Beskikbaarheid van brosjures is beperk	131
Skakeling met ander CAD-takke	Redelik	-
Skakeling van CAD Alberton met CAD Edenpark	Goed. Hulp verleen met praktiese reëlings en spreker oor konflikhantering.	Tak-lede
Sosiale geleenthede en jaarlikse kamp	Baie goed	60 lede
Weeklikse byeenkomste met interessante onderwerpe	Bestaande lede getrou met bywoning	136

3.3.1.15.2 DIE CAD HET DIE VOLGENDE UITDAGINGS GEÏDENTIFISEER WAT INNOVERENDE EN KREATIEWE OPLOSSINGS VEREIS:

- (1) Onvoldoende fondse en werksdruk van CAD-lede;
- (2) Tekort aan of geen voorligtingspamflette nie;
- (3) Verouderde voorligtingspamflette;
- (4) Apatie van publiek en predikante teenoor CAD;
- (5) Onkunde by publiek oor werklike omvang van gebruik van substans afhankelikhedsmiddels;
- (6) Ouers is onbewus wat by inkopiesentrum, in die strate en by sosiale geleenthede van die jeug plaasvind;
- (7) Die publiek is onbewus van tekens en simptome wat dui op substans misbruik.
- (8) Die CAD het gereelde skakeling met die Nasionale Komitee. Gesprekvoering is tans onderweg ten opsigte van die omskakeling van die Komitee na 'n geregistreerde Organisasie sonder Winsoogmerk.

3.3.1.16 VOORTSETTINGSKOMMISSIE VIR DIAKONALE KONFERENSIES

Twee Sinodale Diakonale Konferensie is gedurende die afgelope verslaggewingsperiode gehou:

'n Sinodale Diakonale Konferensie is op 10 September 2005 gehou met die tema: "*Projekontwikkeling met die oog op die daarstelling van werkskeppingsprojekte.*" Die konferensie is deur mnr Unre Visagie gefasiliteer. Die uitkomste van die konferensie was gerig op:

- Deurgee van inligting ten opsigte van die huidige situasie in die Sinodale gebied;
- Gesamentlike ondersoek na maniere om werkloosheid aan te spreek;
- Bekendstelling van 'n wyse waarop besigheid en die kerk kan saamwerk om werkloosheid aan te spreek; en
- Die bekendstelling van hulpbronne.

Die konferensie is bygewoon deur 116 lidmate van NG Gemeentes en 11 predikante, 6 maatskaplike werkers en 3 Assistent-Direkteure van die NGBD.

'n Sinodale Diakonale Konferensie is op 9 September 2006 by die NG Gemeente Crosby-Wes gehou met die tema: "*Gestuurde gesinne in 'n gestuurde kerk.*" Die konferensie is deur Dr. Willem Pretorius gefasiliteer. Dr. Pretorius het klem gelê op die familie, die inagneming van die invloed van huidige samestelling van families, generasieverskille en die wyse waarop elke generasie kommunikeer. Lidmate is bewus gemaak dat die Kerk anders in 'n veranderende wêreld moet kommunikeer ten einde betrokkenheid te verseker en die nodige ondersteuning aan families te bied.

Die konferensie is bygewoon deur 50 lidmate van NG Gemeentes en 3 predikante, 3 maatskaplike werkers en 3 lidmate van die VGKSA.

3.3.1.17 AANBEVELINGS: SKDB

- (1) Die Sinode keur die verslag van die SKDB goed.
- (2) Die Sinode gee aan die SKDB opdrag om die volgende twee jaar prioriteit te verleen aan die volgende uitdagings:
 - (a) Die evaluering van die huidige formele barmhartigheidsbediening se struktuur en die aanbring van veranderinge (indien nodig) ten einde die bestuur van diensvertakkinge te vereenvoudig (indien nodig, volgens die ondersoek).
- (3) Om aan gemeentes se verwagtinge met betrekking tot ondersteuning deur sinodale strukture te voldoen deur die volgende:
 - (a) Daarstelling van 'n databasis van gemeente- en formele barmhartigheidsbedieninge;
 - (b) Toerusting van gemeentes en gemeenskappe as ondersteuningsisteme in die proses van hulpverlening aan mense in nood.
 - (c) Om die formele welsynsdienste sodanig te organiseer dat die groeiende fisiese, emosionele en geestelike nood van hulpbehoewendes so effektief moontlik hanteer word met die fokus op die ontwikkeling van individue, gesinne en gemeenskappe se volle potensiaal tot selfstandige funksionering.
 - (d) Om geleenthede te skep en te bemiddel sodat die NG Kerk se formele barmhartigheidsbedieninge, in vennootskap met gemeentes, ander kerke en

- ander instansies wat dieselfde doelstellings nastreef, effektief kan bydra tot die genesing van ons land.
- (e) Die bevordering van gesondfunksionerende families (gesinne) as basis vir 'n gesondfunksionerende gemeenskap.
 - (f) Die fasilitering van programme ten einde armoede, voedsel- en behuisingsnood ens, te bekamp.
 - (g) Die bevordering en uitbouing van 'n MIV/Vigs-strategie.
 - (h) Die mobilisering, toerusting en ondersteuning van vrywilligers (gemeentelede) om hul opdrag en roeping met betrekking tot barmhartigheid en onderlinge sorg aan hul naaste (in die volle omvang van Christus se opdrag) optimaal tot uitvoering te bring.
 - (i) Die voortgesette motivering en ondersteuning aan gemeentes met betrekking tot die ontwikkeling en/of uitbreiding van 'n omvattende bediening aan senior persone in elke gemeente.
 - (j) Voortgesette en verskerpte pogings om gemeentes en lidmate te motiveer om in elke gemeente 'n Bediening vir Siekesorg en Berading te vestig om leraars te ondersteun sodat lidmate en ander (tuis en in hospitale) geestelik versorg word.
- (4) Die motivering van en ondersteuning aan gemeentes om 'n bediening vir Godsdienssorg aan Gevangenes in elke gemeente tot stand te bring.
- (5) Om die rol wat die Sinode Hoëveld behoort te vervul te bepaal met betrekking tot die daarstel van bekostigbare behuising vir haar snel groeiende getal senior lidmate.

3.3.1.18 DANKWOORD

Die SKDB en sy diensvertakkinge het in die afgelope verslaggewingsperiode, te midde van groot finansiële onsekerheid en 'n hoë personeel omset, die nabyheid van die Here ervaar. Daar is waargeneem hoe die Here mense gebruik het om sy hande en voete te wees om die wat deur die lewe en omstandighede in die steek gelaat is, te dien. Toegewye en bekwame personeel het (dikwels in moeilike omstandighede en onder groot druk), 'n hoë professionele standaard van dienslewering gehandhaaf en gepoog om, vir sover dit moontlik was, aan mense se behoeftes te voldoen. Met so 'n toegewye span personeel en vrywilligers asook natuurlik die belangrikste, God se liefde, genade en trou, kan die SKDB met groot vertroue die uitdagings vir die volgende termyn nader.

Die SKDB bedank ook graag die Sinode vir die ontvang en hantering van sy verslag en die finansiële, morele en geestelike ondersteuning van al sy werksaamhede.

Ds. HJ Jacobs : VOORSITTER

Ds. PM Strydom : ONDER-VOORSITTER

Mnr. FA Swanepoel : HOOF-UITVOERENDE AMPTENAAR

Me. AM Viljoen : DIREKTEUR MAATSKAPLIKEWERKDienste

3.4 OM DIE PROSES VAN KERKHERENIGING IN DIE NG KERK FAMILIE TE BEVORDER.

3.4.1 VERSLAG VAN DIE DIENSGROEP KERKHERENIGING

3.4.1.1 TER INLIGATION:

- (1) Die afgelope twee jaar was die SDK ten nouste betrokke by die kerkherenigingsproses. Lede van die SDK het die byeenkomste te Esselenpark (Junie 2006), Achterbergh I (November 2006) en II (April 2007) bygewoon (Sien bylaes van verklarings hierby aangeheg).
- (2) Die Voorsitter, was as lid van die Dagbestuur van die ASM, by Bloemfontein (Augustus 2006) en talle ander geleenthede (Sien verklaring as bylaag hierby aangeheg).
- (3) Die Ondervoorsitter is lid van die Taakspan Belydenisgrondslag.
- (4) 'n Byeenkoms is ook tussen al die sinodes in 2006 by die Bybelhuis te Kempton Park bygewoon om 'n inligtingsbrochure op te stel. Gemeentes en Ringe is versoek om op voetsoolvlek kontak en samewerking met lede van die NG Kerkfamilie te bewerkstellig. Die Voorsitter en SDK-lede het in 2006 ringsleraars op informele vlak ontmoet om oor die saak te praat. In 2007 het die Voorsitter en Ondervoorsitter alle Ringe besoek om inligting te gee en geleentheid vir gesprek te bied.
- (5) Daar word weer geprobeer om 'n gespreksgeleentheid tussen die Dagbesture van die NG Sinodes Hoëveld en Wes-Transvaal en dié van die VGK Suid-Transvaal, asook afgevaardigdes van die RCA en NGKA te bewerk. 'n Voorlopige datum is in Oktober 2007 gereël.
- (6) Kosbare werk is ook deur die Diensgroep Ekumene o.l.v. dr. André Bartlett en die SKDB onder die vaandel van "Caring Together" gedoen.
- (7) Na die Algemene Sinode 2007 is 'n konsultasiegesprek oor Kerkhereniging in Augustus geloods. Stukke is reeds aan alle leraars en kerkrade versprei met die versoek om vóór of op 15 November 2007 die terugvoervorm aan die Kantoor te besorg. Alle Kerkrade se samewerking oor die belangrike sake is van kardinale belang om Sinode Hoëveld se mening en kommentaar in die gesprek tussen die vier kerke op die tafel te kry.

3.4.1.2 AANBEVELING: DIENSGROEP KERKHERENIGING.

- (1) Die Sinode versoek die Kerkrade van Gemeentes om die terugvoervorms oor Kerkhereniging voor of op 15 November 2007 te voltooi en aan die Sinodale Kantoor te Braamfontein terug te besorg.

3.4.2 BYLAES TOT KERKHERENIGING

3.4.2.1 20-22 JUNIE 2006 ESSELENPARK : VERBONDSVERBINTENIS TOT HERENIGING VAN DIE FAMILIE VAN NG KERKE

- (1) Die Algemene Sinodale Kommissie van die VGKSA en die Moderamen van die NG Kerk (die uitgebreide uitvoerende komitees) het die afgelope drie dae (20-22 Junie 2006)

saam vergader om te praat oor die herenigingsproses van die Familie van NG Kerke. Dit was 'n historiese byeenkoms – die eerste keer dat so 'n groot groep uit die leierskap van die twee kerke saam vergader het.

- (2) Ons het by die vergadering gou bewus geraak van 'n nuwe gees van versoeniging, samehorigheid en 'n bereidheid om uit te reik na mekaar. Ons het ervaar dat ons almal nederiger is, meer bereid is om na mekaar te luister en gretig is om mekaar te help op die pad van hereniging. Ons het ook 'n nuwe dringendheid bespeur dat ons nie langer met die saak van hereniging kan sloer nie.
- (3) Tydens die eerste sessie van die byeenkoms het die leierskap van die NG Kerk weereens om verskoning gevra vir die pyn en hartseer wat hulle die VGKSA en sy lidmate in die verlede aangedoen het. Hierdie belydenis is met groot ontroering deur die VGK leierskap aanvaar – 'n daad wat die toon vir die verdere verloop van die vergadering aangegee het. Op die laaste dag het die VGK leierskap op hulle beurt om verskoning gevra vir die pyn wat hulle die NG Kerk aangedoen het. Die NGK leierskap was hierdeur diepgeraak het en het die verskoning in nederigheid aanvaar. Hierdie gees van versoeniging en openheid teenoor mekaar is bevestig in 'n viering van die Nagmaal aan die einde van die vergadering.
- (4) Ons is die Here diep dankbaar vir hierdie nuwe gees onder ons. Ons weet dit kom van Hom.
- (5) Ons het aan die einde van die vergadering onsself as leiersgroep eenparig verbind om – inlyn met die wens wat ons onderskeie kerke by verskillende geleenthede uitgespreek het – ons kerke daadwerklik te begelei in 'n proses van eenwording. Ons beoog om die proses binne drie jaar te voltooi.
- (6) Ons gebruik die woord verbondsverbintenis met huiwering - wetende dat verbond 'n grootwoord in die Skrif is. Ons doen dit omdat ons onsself en die proses van eenwording, onder die gesag van die woord van God en die wil van Christus wil bring. Ons maak die verbintenis nie uit onsself nie en ook nie onder die druk van politieke en sosiale prosesse nie, maar doen dit omdat ons glo dat die Here wat Homself in genade aan ons verbind het dit van ons vra.
- (7) Ons stel in die vooruitsig 'n nuwe, organies-verenigde, gereformeerde kerk, georganiseer volgens sinodaal-presbiterale beginsels, wat missionêr leef en verbind is aan die Bybelse opdragte van liefde, versoeniging, geregtigheid en vrede. Ons is tegelykertyd verbind aan nie-rassigheid en inklusiwiteit en aan die aanvaarding en viering van ons multikulturele samestelling. Die verskillende tale wat in ons kerke gepraat word, sal gekoester word.
- (8) Vanuit ons gesamentlike geloof in die Drie-enige God van die Bybel wil onsself opnuut verbind aan die kontinent waar die Here ons geplaas het – Afrika, en in besonder Suider-Afrika. Ons wil ons roeping hier saam opneem en 'n verskil probeer maak aan die lewensbedreigende probleme wat ons lande in die gesig staar. Ons verbind onsself om as deel van ons verkondiging van die evangelië ook saam te werk aan:
 - (a) die bestryding van armoede
 - (b) bystand en steun aan weerloses en siekes (soos MIV en Vigslyers),
 - (c) die vestiging en uitbouing van die morele waardes van die Woord,
 - (d) die bevordering van geregtigheid teenoor alle mense

- (e) versoening wat meer is as blote toleransie van mekaar
 - (f) en aan die beëindiging van alle soorte geweld in ons samelewing.
- (9) In die gees van versoening en ondersteuning van mekaar op die weg na hereniging het die ASK van die VGKSA die oortuiging uitgespreek dat die hantering van die Belharbelydenis nie 'n struikelblok in weg van hereniging moet wees nie. Hulle volledige besluit lui as volg: *Ons aanvaar die uitdaging om binne drie jaar een verenigde kerk te wees. In die verband mag die Belhar Belydenis nie as voorwaarde vir eenheid geld nie. Die boodskap van Belhar sal steeds vir ons die inspirasie en gids wees vir beide die proses tot en die formasie van die nuwe kerk. Inlyn met die besluite van beide die kerke sal die Belydenis van Belhar 'n volwaardige belydenisskrif van die nuwe kerk wees en sal ons saamwerk om die kerk te help om te groei tot 'n volledige aanvaarding van die belydenis. Ons sal die besluit vir volledige goedkeuring na ons volgende sinode neem.*
- (10) In hulle reaksie op die verklaring van die VGKSA het die leierskap van die NG Kerk hulle diepe waardering en dankbaarheid vir die dapper besluit uitgespreek en die VGK verseker van hulle vaste verbintenis aan die Bybelse opdragte van eenheid, geregtigheid en versoening, die drie groot temas van die Belydenis van Belhar. Die NGK se leierskap is van mening dat hierdie verklaring van die ASK van die VGK die standpunte van die twee kerke oor die Belhar Belydenis feitlik in lyn met mekaar bring.
- (11) In die proses van eenwording verbind ons onsself om daadwerklik aan die volgende sake aandag en uitvoering te gee:
- (a) die daarstelling van eenheidsbedienings op grondvlak waar gemeentes die begeerte het en gereed is daarvoor;
 - (b) dit moontlik maak vir gemeentes, ringe en sinodes wat gereed is daarvoor om te verenig;
 - (c) die aanpak van gesamentlike projekte waardeur ons uitvoering gee aan ons roeping soos bo geformuleer;
 - (d) die skep van geleenthede vir ons lidmate om mekaar beter te leer ken, mekaar se vrese en drome te hoor, mekaar se geloof en hoop te deel en ook oor ons verskille te praat en ons vooroordele te oorkom;
 - (e) dringend aandag te gee aan die hofsake in die Vrystaat, Phororo en elders en alles moontlik te doen om die groepe tot versoening te bring buite die hof deur middel van 'n gestructureerde versoeningsproses;
 - (f) te werk aan aanvaarbare wyses waarop sake wat te doen het met die Belydenisbasis, kerkorde en administrasie van die nuwe kerk hanteer kan word;
 - (g) 'n behoorlike proses uit te werk waardeur gemeentes en lidmate ingelig kan word oor die eenheidsproses en al sy implikasies en die geleentheid kry om daarop te reageer.
- (12) Die leierskap verbind hulself om gereeld saam te vergader, sover moontlik saam besluite te neem en saam op te tree - as 'n konkrete uitdrukking en simbool van ons verbintenis aan mekaar en aan die eenwordingsproses.
- (13) Hierdie verbondsverbintenis het gegroei uit bilaterale ontmoetings van die leierskap van die VGKSA en die NGK. Ons begeer en bid dat die twee ander kerke van die familie van NG Kerke so gou as moontlik deel sal word van die proses. Die familie sal nie heel wees sonder hulle nie. Ons sal sou gou moontlik met hulle in verbinding tree hieroor.

- (14) Ons wil ook die hoop uitspreek dat ons eenwording 'n tree kan wees in die rigting van 'n die vorming van 'n groter verenigde gereformeerde- presbiteriaanse kerk in Suider-Afrika.

Namens die Moderamens / Algemene Sinodale Kommissies van die VGKSA en NGKSA
Thias Kgatla, Coenie Burger, Allan Boesak, Kobus Gerber, Collin Goeiman en Nelus Niemandt

3.4.2.2 16 AUGUSTUS 2006 – BLOEMFONTEIN : VERKLARING DEUR DIE MODERATURE VAN DIE NEDERDUITSE GEREFORMEERDE KERK IN AFRIKA, DIE VERENIGENDE GEREFORMEERDE KERK IN SUIDER-AFRIKA, DIE REFORMED CHURCH IN AFRICA EN DIE NEDERDUITSE GEREFORMEERDE KERK

- (1) Die Moderature van die Nederduitse Gereformeerde Kerk in Afrika, die Verenigende Gereformeerde Kerk in Suider-Afrika, die Reformed Church in Africa en die Nederduitse Gereformeerde Kerk het op 16 Augustus 2006 in Bloemfontein ontmoet om te praat oor kerkhereniging en die vier kerke se pad vorentoe. In ons gesprekke het ons reguit en openlik gepraat oor ons pad saam met mekaar tot hertoe, en ook oor die weg vorentoe.
- (2) In 'n gees van Christelike liefde het die partye mekaar om verskoning gevra vir die baie onregte wat hulle mekaar in die verlede aangedoen het. Al die partye het hierdie verskonings onvoorwaardelik aanvaar.
- (3) Die vier Moderature het eenparig 'n verbondsverbintenis aangegaan ten opsigte van die hereniging van die NG Kerk-familie. Versoening sal 'n onontbeerlike faset van die proses van hereniging tussen ons wees. Ons gebruik dié woord "verbondsverbintenis" omdat ons onself en die proses van eenwording onder die gesag van die woord van God en die wil van Christus wil bring. Ons maak die verbintenis nie uit onself nie en ook nie onder die druk van politieke en sosiale prosesse nie, maar doen dit omdat ons glo dat die Here wat Hom in genade aan ons verbind het dit van ons vra.
- (4) Met betrekking tot die sake op die tafel het ons onself verbind om nederig en geduldig met mekaar te wees, en die band wat die Here in ons familie geskep het, te koester. 'n Deel van hierdie proses is dat ons gemeentes en alle ander kerklike strukture oproep om aan te hou om versoening, onderlinge gemeenskap, onderlinge ondersteuning en samewerking te soek.
- (5) 'n Eerste tree in die proses is 'n vergadering van ons uitgebreide leierskappe op 6-8 November 2006. Die Moderamens / Algemene Sinodale Kommissies van die vier kerke asook die Moderature van die verskillende streeksinodes sal dan vergader. 'n Interimkomitee is gevorm wat bestaan uit die vier Moderators en die vier Skribas van die kerke. Die Interimkomitee sal al die voorbereidings doen vir die historiese vergadering in November.
- (6) Die Moderature het ook besluit om 'n Trustfonds vir Kerkhereniging te stig. 'n Oproep sal gedoen word na al ons strukture en lidmate asook ons vriende in Suider-Afrika en oorsee om tot hierdie fonds by te dra en om ons so te help om ons droom te realiseer.
- (7) Ons verbly ons in die Here! Ons gee Hom al die eer! Weereens het Hy ons verras met sy liefde en genade vir hierdie familie van Kerke.
- (a) NGKA: Ds. M Lebone, Ds. J Ramolahlehi, Dr. S Corrie en Dr. A Hoffman

- (b) VGKSA: Prof T Kgatla, Dr. A Boesak, Ds. P Makoko, Ds. C Goeiman, Ds. D Malete en Ds. P Moloi
- (c) RCA: Ds. V Pillay, Ds. B Shunmugam en Ds. M Sukdaven
- (d) NGK: Dr. C Burger, prof P Strauss, Dr. N Niemandt, Ds. E Büchner, Dr. K Gerber en Dr. H Koornhof

Bloemfontein: 16 Augustus 2006

3.4.2.3 KERKHERENIGINGSPROSES NG KERK-FAMILIE (UITTREKSEL VANUIT DIE AANVULLENDE VERSLAE VAN DIE ALGEMENE SINODE 2007)

Die vier sake in hierdie dokument is tydens die Achterbergh II-byeenkoms, 23-25 April 2007, hanteer deur die verteenwoordigers van die VGKSA, NG Kerk, NGKA en die RCA. Vier taakspanne, bestaande uit twee lede van elke kerk per taakspan, het 31 Januarie tot 1 Februarie 2007 vergader om die eerste voorbereidingwerk te doen. Die Taakspanne het daarna ook telefonies vergader met die oog op die afronding van hulle werk vir die Achterbergh II-byeenkoms. Tydens die Achterbergh II-byeenkoms is die sake verder bespreek in uitgebreide taakspanne waarin al vier die kerke verteenwoordig was. Die vergadering het konsensus oor die eerste drie sake bereik. Die verslag oor *versoening* is na die Interimkomitee vir Kerkhereniging verwys.

3.4.2.3.1 KONFESSIONELE BASIS

Die volgende is aanvaar as die eerste punte van konsensus tussen die vier kerke:

1. Belhar moet nie 'n voorwaarde vir kerkeenheid wees nie.
2. Gesprek tussen die vier kerke word voortgesit met die oog daarop om ooreenkoms te bereik oor die Bybelse inhoud van Belhar en om 'n gesamentlike kommentaar daarop te skryf. Dit sal dit moontlik maak dat die Bybelse inhoud van Belhar in 'n nuwe kerkverband gepreek, onderrig en in die bediening gebruik kan word.
3. In die vorming van 'n nuwe kerkverband moet die belydenisgrondslag al vier kerke, sinodes en gemeentes akkommodeer sonder om enigiemand te forseer om Belhar te aanvaar of daarvan afstand te doen.
4. Die waarde wat Belhar as 'n belydenis vir die VGKSA het, word respekteer.

Die volgende punte gee konsensus tussen die VGKSA en die NG Kerk weer. Die RCA en die NGKA is gewillig om dit te oorweeg nadat deelgeneem is aan die proses in pt 2 hierbo ooreengekom:

5. In 'n nuwe kerkverband word Belhar as vierde belydenisskrif in die belydenisgrondslag ingesluit, maar dit sal nie van leraars of lidmate wat nie gereed of gewillig is verwag word om dit te onderskryf (aanvaar) as 'n belydenisskrif nie.
6. Die groei na 'n volle aanvaarding van Belhar is 'n integrale deel van die prosesse van die nuwe kerkverband.

3.4.2.3.2 MODEL

Konsensus is bereik tov die volgende voorlegging:

1. As 'n Bybelse kerk van Jesus Christus verstaan ons dat die plaaslike kerk ten volle kerk van God is maar dat dit nooit as kerk in isolasie bestaan nie. In ons gereformeerde

tradisie word hierdie beginsel uitgedruk in die eenheid en gemeenskap (kerkverband) met mekaar. Dit is iets wat altyd 'n prioriteit vir plaaslike gemeentes moet wees. Ons bely dat ons mekaar nodig het om ook op plaaslikevlak ten volle kerk van God te wees, en dat dit gereflekteer moet word in die model van 'n nuwe kerkverband.

2. Soos dit 'n gereformeerde kerk hoort, is gemeentes regspersone in sigself en behou hulle verantwoordelikheid met betrekking tot besluitneming en bediening. 'n Algemene Sinode skryf nie aan gemeentes voor hoe hulle hul bediening uitvoer nie.
3. Gemeentes sal aangemoedig en gehelp word om op plaaslikevlak in eenheid na mekaar te groei, en waar hulle dit so verkies, selfs een struktuur te vorm. Hulle sal nie in een struktuur forseer word nie. Daar sal 'n spesifieke en voortgaande program in die nuwe kerkverband wees om gemeentes in die verband by te staan.
4. Ons is dit met mekaar eens dat ons een nuwe Algemene Sinode moet vorm. Die bevoegdhede van die Algemene Sinode sal onder anderewees om besluite te neem oor moontlik die volgende sake:
 - * Leerstellige sake (Dit verwys na belydenismatige en etiese sake. Die wyse waarop die Algemene Sinode met hierdie sake handel, moet deur die Algemene Sinode self besluit word)
 - * Teologiese opleiding
 - * Bybelvertaling
 - * Liedboeke
 - * Beleid aangaande (bv MIV/Vigs, ens)
 - * Kerkorde
 - * Ekumeniese verhoudings
 - * Kerk en Staat
 - * Kommunikasie en Media

(Die spesifieke lys moet gefinaliseer word voordat na gemeentes gegaan word soos voorgestel word in pt 7)

5. Hierdie een Algemene Sinode moet deel wees van 'n organiese model van eenheid waar werklike eenheid reflekter word in alle strukture, dus ook op dievlak van streeksinodes, ringe en uiteraard ook gemeentes op die basis van punte 2 en 3 hierbo. Ons verstaan dat die beste regsgeldige manier om een kerkverband te vorm, is dat as 'n begin een nuwe Algemene Sinode deur die bestaande Algemene Sinodes gevorm word. Wat dan moet volg, as 'n noodsaaklike deel van die proses, is 'n organiese en vrywillige proses waarin streeksinodes en ringe nuwe streekstrukture vorm op 'n manier soos voorgestel deur die nuwe Kerkorde van die nuwe Algemene Sinode. Streeksinodes en ringe word aangemoedig om, selfs voor die nuwe Algemene Sinode konstitueer, gesprek en onderhandeling te begin oor hoe nuwe streekstrukture gevorm kan word.
6. Dit staan streeksinodes en ringe wat gereed en bereid is vry om nou reeds een sinode of ring te vorm alhoewel hulle voor die konstituering van 'n nuwe kerkverband elkeen ook steeds aan hulle eie kerkverbande behoort. Die bestaande Bepalings in die onderskeie Kerkordes word gebruik vir die vorming van hierdie eenheidstrukture.

7. Al vier die kerke begin 'n proses om die toestemming van al die gemeentes van die kerk te verkry (op die presiese manier soos voorgeskryf in die Kerkorde van die spesifieke kerk) vir die volgende:
 - 7.1 die vorming van 'n nuwe Algemene Sinode as uitdrukking van 'n nuwe kerkverband;
 - 7.2 die formulering van die belydenisgrondslag vir die nuwe kerkverband (omdat die nuwe Algemene Sinode 'n belydenisgrondslag moet hê);
 - 7.3 om wysiginge aan die bestaande Kerkordes goed te keur wat benodig word vir die vorming van 'n nuwe kerkverband;
 - 7.4 om goed te keur dat, na die vorming van 'n nuwe Algemene Sinode, daar 'n proses volg waarin die streeksinodes en ringe betrokke raak in vrywillige prosesse wat uitdrukking gee aan die een kerkverband op hulle onderskeie terreine;
 - 7.5 die naam van die nuwe kerkverband;
 - 7.6 die posisie van gemeentes met betrekking tot die bediening, eiendom, ens (vgl punte 1-3 hierbo);
 - 7.7 dat daar ruimte behoort te wees vir assosiaat-lidmaatskap (*Moet nog verder bespreek word.*)
8. Die vier aktuarisse van die vier Algemene Sinodes vorm 'n Taakspan om die bestaande Kerkordes te evalueer en 'n proses te begin om hulle op die korrekte wyse te wysig ten einde so 'n proses moontlik te maak.
9. Ons is eens dat ons die moontlikheid van assosiasie-lidmaatskap verder moet bespreek. Die rede hiervoor is dat ons glo eenheid moet nie eksklusief wees nie maar so inklusief as moontlik. Hierdie is 'n praktyk wat ook in ander gereformeerde kerke gevolg is, bv onlangs in die *Protestantse Kerk in Nederland*. Ons moet nog die detail en praktiese implikasie hiervan navors. Hierdie kategorie wil ruimte skep vir kerke wat wil deel word van die herenigde kerk maar om verskeie redes nie gereed is om ten volle deel te wees van die nuwe kerkverband nie. Indien ons so 'n kategorie skep, is dit vanselfsprekend met die hoop dat assosiasie-lede met verloop van tyd sal groei tot volle eenheid.
10. Daar is ander kerke wat aangedui het dat hulle geïnteresseerd is in ons eenwordingsproses. Ons beveel aan dat die Interimkomitee hulle ontmoet en hulle inlig oor waar ons op die oomblik in ons proses is.
11. Duidelikheid moet verkry word oor hoe die sake wat in punte 5, 6 en 7.4 behandel is in die praktyk sal werk.

3.4.2.3.3 GESAMENTLIKE PROJEKTE

Konsensus is bereik ten opsigte van die volgende:

1. EERSTE VERSLAG:
2. Die volgende beginsels/waardes wat moontlike gesamentlike projekte rig, is deur die werkgroep aanvaar en dien as aanbevelings :
 - 1) Kerkhereniging is 'n PROSES!
 - 2) Dit neem tyd – laat ons geduldig wees.
 - 3) Ons werk beide van "onder na bo" en "bo na onder."
 - 4) Gebed is die bousteen regdeur die proses.
 - 5) Alle take moet ook die plaaslike gemeentes bevoordeel.

3. Die volgende konkrete aksiestappe dien as aanbevelings

- 1) Die totstandkoming van 'n Sekretariaat wat vanaf 'n sentrale kantoor funksioneer en die vier kerke verteenwoordig
 - a) Om enigsins iets substansieel van die grond te kry, word kapasiteit benodig. Die oprigting van die bogenoemde kantoor is dus van die uiterste belang. As gevolg van groot verskille in ekonomiese kapasiteit kan sommige vennote dalk nie in staat wees om finansieel by te dra soos ander nie. Ons erken dat die verskillende vennote verskillende bydraes tot die proses lewer. Die werkgroep voel baie sterk oor dié punt en moedig die Interimkomitee aan om voort te gaan met die implementering van hierdie voorstel as 'n saak van groot dringendheid.
 - b) Dit moet duidelik verstaan word dat ons nie vir 'n aparte kantoor vra nie, maar vir 'n enkele kantoor wat die verskillende aktiwiteite van die kerk se herenigingsproses kan hanteer, insluitende dié van die Interimkomitee.
- 2) Oprigting van gesentraliseerde, effektiewe kommunikasie-kanale
 - a) Daar is 'n behoefté aan 'n massiewe befondsde kommunikasiestrategie wat op kreatiewe wyse die herenigingsproses aan die wyer kerk en selfs die publiek sal verduidelik. Een van die belangrikste také van so 'n sekretariaat sal wees om gesinkroniseerde en duidelike kommunikasie rakende elke aspek van die kerkherenigingsproses van 'n sentrale kantoor te laat vloei tot by die kleinste gemeente op die mees landelike gedeelte van die platteland en na elke gemeente van die vier verskillende kerke.
- 3) Die totstandkoming van nuwe loodsgemeentes wat ons diversiteit reflekter
- a) Dit is die droom van die werkgroep dat ten minste tien klein loodsgemeentes (geloofsgemeenskappe) gevestig word in tien verskillende streke van die land. Hierdie geloofsgemeenskappe moet ons intensies modelleer vir 'n werklik nierassige kerk van die toekoms.
- 4) Die totstandkoming van gespreksgroepe waar lede van die kerke kan ontmoet en mekaar leer ken
 - a) Die werkgroep verstaan ten volle dat nie al die lidmate van die verskillende kerke gereed is vir so 'n uitdaging nie en stel dus voor dat 'n aantal gespreksgroepe tot stand kom, ook in die tien verskillende streke van die land. Die idee is dat gespreksgroepe 'n veilige ruimte skep waar lidmate van die kerke kan ontmoet en mekaar leer ken, en ook geleenthede kan skep waar ons ander se geskiedenis en agtergrond kan aanhoor.
- 5) Die publikasie van gemeenskaplike liturgiese materiaal, insluitende 'n gemeenskaplike liederebundel
 - a) Ons glo opreg dat baie mure afgebreek word as ons saam sing en saam bid. Ons versoek dus die verskillende kommissies van die verskillende kerke om by die vroegste moontlike geleentheid bymekaar te kom om aan hierdie materiaal te werk.
- 6) Die totstandkoming van 'n gesamentlike werkgroep wat kan nadink oor sosiale en ekonomiese sake (bv die Accra-Verklaring)

- 7) Die totstandkoming van 'n werkgroep wat besin oor die teologiese begronding vir kerkhereniging, insluitend fundamentele gesprekke oor geregtigheid en versoening
- 8) Die totstandkoming van gesamentlike streeksinodes
 - a) Die werkgroep verstaan ten volle dat die proses van kerkhereniging op verskillende vlakke en verskillende stadiums van vordering in die verskillende streke van die land is. Die vraag ontstaan hoe ons die momentum behou in gedeeltes waar streeksinodes gereed is vir kerkhereniging sonder om die proses in die res van die land te benadeel. Die werkgroep vra dus die werkgroep wat nadink oor modelle om riglyne te formuleer oor hoe sulke sinodes in die interimperiode kan herenig. Dit is belangrik om dit so te doen om te verseker dat moontlike samesmeltings in goeie orde en op gekoördineerde wyse plaasvind.
- 9) In die tussentyd vra ons ook sinodes om die opsies te ondersoek om werkgroeppe te herenig en kommissies (bv Diens en Getuienis, Teologiese Opleiding, KGA) waar moontlik gesamentlike sinodale werk te laat doen.

4. AANBEVELINGS : KERKHERENIGINGSPROSES.

- (1) Die sinode besluit om die opsies te ondersoek om werkgroeppe te herenig en kommissies (bv Diens en Getuienis, Teologiese Opleiding, KGA) waar moontlik gesamentlike sinodale werk te laat doen.
- (2) Die sinode moedig die Diensgroep Kerkhereniging aan om gespreksgroepe oor kerkhereniging tot stand te bring
- (3) Die sinode besluit om alle kommunikasie rakende elke aspek van die kerkherenigingsproses op gesinkroniseerde en duidelik verstaanbare vorm, te versprei onder alle gemeentes van die sinode.
- (4) Die sinode besluit om die ander kerke betrokke by die kerkherenigingsproses in ons streek aan te moedig om alle kommunikasie rakende elke aspek van die kerkherenigingsproses op gesinkroniseerde en duidelik verstaanbare vorm, te versprei onder alle gemeentes van die betrokke kerke.
- (5) Die sinode moedig gemeentes en ringe aan om gesamentlike eredienste onder die betrokke kerke te begin hou om só baie mure af te breek terwyl ons saam sing en saam bid.
- (6) Die sinode versoek die verskillende kommissies van die verskillende kerke om by die vroegste moontlike geleentheid bymekaar te kom om aan materiaal vir sulke geleenthede te begin werk.

5. FINALE VERSLAG:

Die groep herbevestig die eerste verslag (soos genotuleer op 24.4.2007) maar voeg onderstaande by tot die verslag.

- 1) Die groep bevestig die noodsaaklikheid vir kapasiteit op algemene sinodale vlak om aktiwiteite te sinkroniseer en te faciliteer, maar is ook oortuig dat daar 'n aantal aksies is wat op 'n gedesentraliseerde wyse deur die streeksinodes hanteer moet word. Dit moet so ver as moontlik gedoen word. Streke, as gevog

van kontekstuele verskille, sal sommige praktiese sake verskillend hanteer. Dit is ook belangrik om voortdurend in gedagte te hou dat hierdie proses 'n internasionale proses is wat ander buurstate betrek.

- 2) Ons vra die Interimkomitee om so gou moontlik ondersoek in te stel na die verkryging van vertalingstoerusting.
- 3) Die groep bevestig die geleentheid wat die totstandkoming van loodsgemeentes kan bied, maar vra dat :
 - a) Dit gedoen word in oorleg met die model-werkgroep.
 - b) Die verskillende streeksinodes ook gekonsulteer moet word in die proses.
 - c) Die verskillende sinodes moet so spoedig moontlik gekonsulteer word rakende die moontlike hereniging van sommige streeksinodes aangesien alle streke nie by dieselfde vorderingspunt in die proses is nie.
6. Die totstandkoming van 'n werkgroep om te werk aan 'n teologiese basis vir die hele voortgaande proses. Dit sal 'n studie van Bybelse metafore vir hereniging insluit. Ook belangrik is dat daar duidelikheid verkry word oor 'n *holistiese (praktiese) ekklesiologie* vir 'n nuwe kerk. Dit moet leerstellig suiwer en kontekstueel relevant wees. Deel van die visie en missie van 'n nuwe verenigde kerk moet wees om, as 'n verenigde geloofsgemeenskap, 'n positiewe impak op die samelewning as 'n geheel te maak.
 - 1) Al die bogenoemde het implikasies vir kerkleierskap en bedieninge. Ons voel dus dat dit belangrik is om lede van ons teologiese fakulteite in die proses te betrek om te verseker dat hulle in die opleiding van nuwe leiers sensitief sal wees vir bogenoemde uitdagings en behoeftes.
 - 2) Die totstandkoming van 'n onafhanklike trustfonds om bogenoemde te finansier moet daargestel word deur die Interimkomitee en die sekretariaat.
 - 3) Laastens stel ons voor dat al die deelnemende sinodes verseker dat hul Kerkorde aangepas word om die bogenoemde voorstelle te faciliteer.
7. In 'n ideëberaad het die volgende gedagtes na vore gekom:
 - 1) Jeug: informele byeenkomste van verskillende kerke, oorslaap, ens.
 - 2) Preekwerkgroepe op ringsvlak
 - 3) Saam gee ons om en forums (Noordelike Konvent)
 - 4) Gekombineerde aanddienste
 - 5) Gesamentlike bedieninge: weeskinders, MIV/Vigs
 - 6) Multikulturele gemeentes
 - 7) Gesamentlike projekte: optogte, geweld
 - 8) Forum vir werkloosheid
 - 9) Vaardighedsontwikkeling
 - 10) Bemagtig vroue om vorentoe te beweeg
 - 11) Ons benodig natuurlike, spontane prosesse – doen praktiese dinge saam: kampe met die jeug, vroue-aksies
 - 12) Uitreikforums
 - 13) Gebedsbyeenkomste
 - 14) Waarheid en liefde moet seëvier in gesamentlike projekte

- 15) Naburige gemeentes kan mekaar help – deelname kan ongelyk wees; versteekte griewe kan na oppervlak gebring word; werk aan ons gesindhede
- 16) Gesamentlike kerkraadsvergaderings
- 17) Wonderlike dinge gebeur op grondvlak – vragmotorbediening in Harrismith, ook aan prostitute
- 18) Leer mekaar ken – begin met een projek en kyk wat gebeur!
- 19) Leef ons eenheid – dit is 'n voertuig tot groter eenheid!
- 20) Gesamentlike fondsinsamelings (basaar)

8. VERSOENING

Die volgende verslag is voorgelê en na die Interimkomitee verwys:

- 1) Die aangehegte dokument oor 'n voorgestelde versoeningsproses is hersien om onlangse ontwikkelings in die herenigingsproses en nuwe insigte oor hoe om die sittings te verbeter en die koste te verminder te weerspieël. Die nuwe weergawe word aangeheg vir goedkeuring deur die vergadering.
- 2) Die proses sal afskop met 'n korttermyn-loodsprojek om die geloofwaardigheid van die versoeningskommissie te bepaal en die formaat van die kommissie se handelinge te verfyn.
- 3) Die kommissie sal prioriteit verleen aan plekke waar hofgedinge oor eiendom ingestel is.
- 4) Die kommissie kan 'n navorser (of 'n span) kontrakteer om 'n gesamentlike geskiedenis oor die vervreemding tussen die kerke te skryf (die groter prentjie).
- 5) Die kommissie kan ook 'n konsultant(e) kontrakteer om met die proses behulpsaam te wees.
- 6) Al vier kerke van die NG Kerk-familie sal by die versoeningsproses betrokke wees, maar primêr die NGK, NGKA en VGKSA.
- 7) Al drie kerkrade op 'n plek sal voorleggings maak aan die versoeningskommissie wat hulle in staat sal stel om na maniere vir versoening in daardie plaaslike konteks te soek.
- 8) Die doel van die kommissie is om 'n mediërende rol te speel, magstryde te ontlont en om te poog om 'n verdere spanningsopbou te voorkom.
- 9) Korttermynndoelwitte: a) om 'n responsspan daar te stel (moderators van al vier kerke, met sekundi) om brandpunte te besoek indien nodig; b) om goedkeuring vir die proses van al vier kerke te verkry.
- 10) Mediumtermynndoelwit: om die loadsprojek teen September 2007 te voltooi.
- 11) Langtermynndoelwitte: a) om sittings op alle plekke te voltooi waar daar spanning is tussen die VGKSA, NGK en die NGKA; b) om 'n omvattende verslag oor die proses teen die einde van 2008 (met 'n verlengingstydperk indien nodig) te produseer.
- 12) Die Gesamentlike Herenigingskommissie (Achterberg) sal verantwoordelikheid neem vir die werk van die kommissie en sy uitvoerende komitee sal gereelde verslae van die kommissie ontvang.

- 13) Die voortgaande versoeningsproses moet breed genoeg wees om 'n gesamentlike benadering tot kwessies soos grondhervorming, misdaad, armoede en sosio-ekonomiese geregtigheid te bevorder.
- 14) Met spesiale verwysing na die kwessie wat met die eiendomme in die Vrystaat en Phororo verband hou:
 - a) Die NG Kerk in Afrika sal 'n dokument opstel gerig aan die VGKSA oor die kwessie van waarheid en geregtigheid. Dit sal ook aan die ander twee kerke beskikbaar gestel word.
 - b) 'n Respons uit hierdie dokument sal tot mediasie aanleiding gee sodat die huidige konflik oor eiendomme bygelê kan word op 'n regverdige manier.
 - c) Die proses van eenheid en versoening, asook waarheid en geregtigheid moet gelyklopend wees met die oorhoofse herenigingsproses.
 - d) 'n Beroep word op elke lid van die familie gedoen om 'n vennoot te word op die pad van hereniging.

3.4.2.4 VOORGESTELDE VERSOENINGSPROSES VIR DIE NG KERK-FAMILIE

Status: Dit is 'n konsensusdokument waarop op 1 Februarie 2007 by 'n vergadering op Achterberg ooreengekom is deur die versoeningstaakspan van die NG Kerk-familie. 'n Vroeëre weergawe van hierdie dokument is in Junie 2006 deur die Algemene Sinodale Kommissie van die VGKSA goedgekeur in uitvoering van 'n besluit van die Algemene Sinode van die VGKSA in September 2005. Dit word nou aan die gesamentlike sessie van die herenigingsproses van die NG Kerk-familie voorgelê vir goedkeuring en implementering.

1. INLEIDING

Die bedoeling van hierdie voorstel is om deur 'n narratiewe proses 'n proses van stapel te stuur wat gerig is op die versoening tussen vervreemde lidmate, gemeentes of ander liggeme van die NG Kerk-familie. Wanneer mense wat vervreem geraak het hulle stories vir mekaar vertel, word ruimte geskep vir versoening om plaas te vind, met as voorwaarde dat hulle mekaar nader:

- met wedersydse respek
- in eerlikheid en weerloosheid
- as gelykes, gelyk gemaak deur die genade van God
- met 'n gedeelde Christelike verbondenheid tot eenheid
- met die ferm begeerte om versoening te bereik, nie om punte te verdien of argumente te wen nie

2. BEGINPUNTE VAN DIE PROSES

Doe!

Die beoogde uitkomste is om 'n versoeningsproses in alle areas binne die NG Kerk-familie te koester. 'n Spesifieke fokus is al die dispute wat ontstaan het tussen die NGKA en VGKSA primêr in die Vrystaat en Phororo, en die persepsies van moontlike NG Kerk-betrokkenheid.

Aangesien die vervreemding in die Vrystaat en Phororo so kompleks is, is dit belangrik om nie onrealistiese verwagtinge van hierdie versoeningsproses te koester nie. Daar is egter 'n vaste geloof dat die versoenende krag van die verrese Christus aan die werk is onder ons en

dat konflik opgelos kan word deur eerlike en nederige ontmoeting onder leiding van die Heilige Gees. Indien die NG Kerk-familie dit nie glo nie, verloor ons – en die evangelie self – geloofwaardigheid. Ons skuld aan Suider-Afrika 'n voorbeeld van die krag van die evangelie in die vind van 'n weg om versoen en verenig te raak.

Bybelse basis

Hierdie proses gaan uit van die teologiese verstaan van die kerk as een Liggaam van Christus, wat bestaan uit verskillende lede maar verenig is in 'n gemeenskaplike doel en 'n etos van respekkolle samewerking, waarin die swakker dele van die liggaam groter eer en aandag ontvang (1 Kor 12:24). Houdings van minderwaardigheid en onttrekking (1 Kor 12:14ff) of meerderwaardigheid en disrespek (1 Kor 12:21ff) verloën die ware aard van die Liggaam. Hierdie kern Bybelse beeld vir die lewe van die kerk, waarin die dimensies van eenheid, gelykheid, diversiteit en geregtigheid geïntegreer is, verskaf die basis vir die proses wat hier voorgestel word.

Die apostel Paulus het die lidmate van die gemeente van Korinte berispe wat mekaar na die openbare howe geneem het deur daarop te wys dat God aan Christene ("die heiliges") die gesag en verantwoordelikheid gegee het om die wêreld (1 Kor 6:2) en selfs die engele (1 Kor 6:3) te oordeel, maar hulle was oënskynlik nie in staat om die (redelike klein) konflikte in eie geledere op te los nie. Deur ons dispute oor te gee aan regprosesse waarin die logika van die evangelie dikwels nie geld nie, erken ons dat ons misluk het (kyk 1 Kor 6:7) en maak ons die evangelie kragteloos.

In Johannes 17 het Jesus *gebid* vir die eenheid van sy dissipels. In vv. 9-19 het Jesus gebid dat die Vader hulle moet beskerm van die Bose (v.11, 12, 15), aan hulle moet blydschap gee (v.13), dat hulle aan Hom toegewy moet wees deur die waarheid (v.17), hulle een moet maak (v.11, 21, 22), hulle met Hom moet wees in heerlikheid (v.24), en die liefde wat aan Hom bewys is ook in hulle kan wees (v.26). Wanneer hierdie seëninge 'n werklikheid word in die lewens van die dissipels, sal hulle 'n invloed hê op die gemeenskap waarin hulle leef omdat God 'n God is wat mense uitstuur (v.8, 18, 23, 25), wat graag wil hê dat mense tot geloof sal kom deur die getuienis (in woord en daad) van Jesus se dissipels (v.20; 21, 23). Die verkryging van eenheid en versoening onder Christene is daarom 'n onontbeerlike dimensie van die kerk se getuienis in die gemeenskap. Voortdurende verdeeldheid is dus afbrekend vir die getuienis van die kerk. Ons in die NG Kerk-familie moet onsself verbind tot aanhoudende gebed vir eenheid en versoening om hierdie visie te laat realiseer. Ps. 127:1-2 herinner ons daaraan dat dit God is wat die kerk bou en dat ons mees intense boupogings tevergeefs is tensy hulle deel vorm van God se werk op aarde en in ooreenstemming is met God se agenda van genade (v.2).

In die Bybel word versoening primêr gesien as God se werk wat voortvloeit uit God se liefde vir die wêreld. In Christus het God die inisiatief geneem en aan ons gewys hoe vervreemding oorkom kan word deur lyding en opofferende liefde (2 Kor 5:16-21). God betrek ons en sluit ons in, in die missie van versoening, en maak 'n appèl deur ons op almal wat wil luister. Versoening beteken daarom dat ons verantwoordelikheid neem deur gewilliglik deel te word van God se versoenende werk op aarde. Dit behels die herstel van verhoudings en om ander nie langer te bejeën "volgens 'n menslike maatstaf" nie (2 Kor 5:16), maar om hulle te aanvaar as broeders en susters, as volwaardige lede van die huisgesin van God en mede-erfgename van die belofte van redding, nie langer as vreemdelinge of bywoners (Ef. 2:19) nie. Sulke herstelde verhoudings word in die Ou Testament *shalom* genoem wat harmonie,

heelheid en geregtigheid vir almal beteken. Versoening sluit daarom die herstel van die verhouding tussen mense en God, tussen elke mens en hom/haar self, tussen mense en tussen mense en die natuur in.

Sonder die waarheid en geregtigheid is versoening nie moontlik nie. Dit kan slegs in 'n gees van nederigheid bereik word wanneer ons nie ander blameer nie, maar die waarheid aan hulle in liefde bring (Ef. 4:15). Tensy ons mekaar nader as "bedelaars", met leë hande, sal ons nie uit God se genade optree nie, maar bloot kom om met almal af te reken en 'n argument (of 'n hofsaak) te wen. Indien ons na mekaar toe kom uit 'n mag sposisie en op ander neersien, vernietig ons die moontlikheid van versoening. God se genade stel ons almal gelyk aan die voet van die kruis om saam deur die Gees van God verhoog te word tot 'n lewe van gedeelde gehoorsaamheid en vreugde.

Ons kry in die Bybel ten minste drie direkte versoeningsrolle wat ons van tyd tot tyd moet vervul, afhangende van die situasie waarin ons onself bevind. Daar is eerstens die *Saggeus*-opsie, wat verwys na die rol van 'n bewerker van ongeregtigheid of onregverdigheid wat sy of haar oortredings bely, daarvoor verskoning aanteken en konkrete stappe neem om restitusie uit te oefen teenoor dié wat hy of sy benadeel het (Kl 19:1-10). Daar is ook die *Ananias*-opsie, die pynlike reis van die (potensiële) slagoffer om vergiffenis en heling te bied aan 'n oortreder wat haar/hom of sy/haar geliefdes te na gekom het (Hand 9:10-19). Derdens is daar die *Barnabas*-opsie, waar 'n derde persoon wat nie betrokke is in die vervreemding tussen twee ander mense nie, die inisiatief neem en hulle saam bring (Hand 9:26-30).

Dit is duidelik dat versoening geensins eenvoudig is of 'n kitsoplossing het nie. Soos ons uit Matt 18:15-20 sien, kan dit lank neem om harmonie in 'n gemeenskap te herstel. Versoening is 'n lang reis (Luk 24:13-35) waarin dit vir ons belangrik is om: a) ons verhale van teleurstelling en verlies, woede en frustrasie te deel; b) ons aan die lewende Christus en sy woord bloot te stel; c) saam te eet (of ander rituele te beoefen) voor die aangesig van die Here.

Hierdie poging om versoening tussen ons drie kerke te bewerkstellig is gebaseer op 'n gesamentlike aanvaarding dat dit 'n skande is, en 'n verloëning van Christus, om voort te gaan met ons kerke wat verdeel is, veral wanneer ons mekaar begin hof toe neem oor eiendomme. Dit is 'n simptoom van hoe wêreld ons is (Grieks: *sarkikos*) (1 Kor 3:3): betrokke by "jaloesie en twis"; en hoe ons aan hierdie sondige wêreld (Rom 12:1-2) met sy besitlike verstaan van eiendom-eienaarskap gelyk geword het. Ons bly in gebreke om op te tree as getroue rentmeesters (*oikonomoi*: opsieners en bestuurders) van God se eiendom wat God bloot aan ons toevertrou het. Ons loop die risiko om beheer te word deur gierigheid en selfsugtigheid sodat ons God nie verheerlik of goeie nuus bring aan die samelewing rondom ons nie. Ons sout het sy smaak verloor (Matt 5:13) omdat ons nie in staat is om ons verskille by te lê in die naam van Jesus nie en God se hulpbronne (soos grond en geboue) met medelidmate van die een Liggaam van Christus te deel nie.

HISTORIESE FAKTORE

Die proses van versoening binne die Nederduitse Gereformeerde Kerk-familie het te kampe met die gevolge van ons Suider-Afrikaanse ekonomiese en politieke geskiedenis. Niemand kan ontken dat die veranderende politieke omstandighede oor die afgelope 150 – 350 jaar die NG Kerk-familie op 'n fundamentele wyse beïnvloed het nie. In werklikheid was die NG Kerk-familie sleutelrolspelers in daardie geskiedenis, soms aan teenoorgestelde kante van die politieke skeidslyn. Dit het natuurlik groot skade veroorsaak aan verhoudings en

magsverskille ingebed regoor die NG Kerk-familie. Verdeling, wantroue en manipulasie het wyd voorgekom. In die onlangse verlede het baie ten goede verander, maar daar bestaan steeds spanning, veral rakende kwessies van armoede, gemeenskapsfasilitate, misdaad, plekname en taal.

Die totstandkoming van die VGKSA in 1994 het daartoe gelei dat die verdeling in die NG Kerk-familie gedeeltelik oorkom kon word, maar het ook die onbedoelde gevolg gehad dat 'n nuwe verdeling veroorsaak is. Die aanvaarding van die Belhar Belydenis en die procedures wat gevolg is in die vereniging van die NGKA en NGSK het veroorsaak dat sommige gemeentes in die Vrystaat en Phororo onttrek het van die VGKSA ten einde die NGKA te laat voortbestaan. Dit het wydverspreide spanning oor kerkeiendom veroorsaak en aanleiding gegee tot verskeie hofsake. Die periode 1994-2006 kan beskou word as een van groter-wordende vervreemding, met opvolgende golwe van pyn, woede en gekrenktheid wat oor die NG Kerk-familie gespoel het. Die Konvent-vergaderings van die streeksinodes in die Kaap en Suid-/Noord-Transvaal het tydelik positiewe momentum vir eenheid in daardie streke teweeg gebring, maar die skadu van die spanning in Vrystaat en Phororo het voortdurend oor hierdie prosesse bly val. Dit is nou vir almal wat betrokke is duidelik dat 'n bevredigende oplossing van hierdie eiendomsdispute en 'n versagtende houding van alle kante wat by die konflik betrokke is, 'n voorvereiste is vir die hereniging van die NG Kerk-familie. Versoening is 'n voorvereiste vir – en 'n essensiële dimensie van, hereniging.

Mense in arm en landelike gemeenskappe heg dikwels groot waarde aan grond as gevolg van die feit dat hulle mank gaan aan so baie ander vorme van sekuriteit in die lewe. Dit is verstaanbaar dat die kerkgebou en pastorie van 'n arm gemeente sleutelsimbole is van sy identiteit, wat vir mense pynlik is om te verloor, en waarvoor hulle bykans enigets sal doen om te behou indien hulle gevaar loop om dit te verloor. Hierdie verknogtheid aan kerkeiendom is dus nie in wese sleg nie, maar dit kan te ver gevoer word.

Ons neem dit verseker te ver wanneer ons groot bedrae van die swaarverdiende tiendes en offers van God se mense neem om prokureurs en advokate te betaal en in die proses die kosbare hulpbronne vermors wat mense van ons kerk gegee het om God se koninkrykswerk te laat voortgaan in die gemeenskappe. Dit kan as "steel" beskou word om fondse weg te neem van die dringende projekte van evangelisasie, MIV/vigs-voorkoming, armoedeverligting, werkskepping, ensovoorts wat ons aan ons lydende gemeenskappe skuld. Dit is nie net 'n fout nie - dit is 'n totale ongehoorsame en onverantwoordelike gebruik van God se hulpbronne. Paulus se streng woorde in Gal 5:15 is op ons van toepassing: "Maar julle byt en verskeur mekaar; pas op dat julle mekaar nie later heeltemal verslind nie."

SLOT

Hierdie proses het dus die volgende vertrekpunte:

- (1) Ons doen die naam van God oneer aan deur ons verdeeldheid en ons geveg oor eiendomme, veral as ons hierdie geveg na die howe toe neem.
- (2) Ons misluk as God se beelddraers – toesighouers, opsieners en bestuurders van God se eiendom – as ons nie daarin slaag om ons konflik in terme van die evangelie op te los nie.
- (3) Elk van ons drie kerke het op die een of ander wyse bygedra tot die verdeling en die hofsake. Hierdie proses gaan nie daaroor dat een of twee onskuldige kerk(e) die ander

kerk(e) skuldig bewys nie. Ons kom almal in nederigheid en berou om saam na 'n nuwe begin te soek voor die aangesig van God.

- (4) Daar is 'n beter manier om konflik onder Christene op te los en dit is die weg van die liefde (1 Kor 12:31). Liefde laat ons die waarheid praat met mekaar (Ef. 4:15), versoening najaag as 'n essensiële deel van ons aanbidding van God (Matt 5:23-24), en oproeg vir mekaar in woord en daad om te gee (1 Joh 3:18).
- (5) Hierdie proses is 'n oproep tot die bekering van ons drie kerke: weg van die pad van konfrontasie en negatiwiteit wat ons begin loop het; terug na die pad van liefde en eenheid, vergiffenis en versoening, medelye en geregtigheid, wat die Here van die kerk vir ons in die Bybel uiteengesit het:
- *dat God aan sy kerk die boodskap van versoening in en deur Jesus Christus toevertrou het; dat die kerk geroep is om die sout van die aarde en die lig van die wêreld te wees; dat die kerk salig genoem word omdat hulle vredemakers is; dat die kerk deur woord en daad getuies is van die nuwe hemel en die nuwe aarde waarop geregtigheid woon;*
 - *dat God deur sy leweskeppende Woord en Gees die magte van sonde en dood, en daarom ook van onversoendheid en haat, bitterheid en vyandskap, oorwin het; dat God deur sy leweskeppende Woord en Gees sy volk in staat stel om te leef in 'n nuwe gehoorsaamheid wat ook in die samelewing en wêreld nuwe lewensmoontlikhede kan bring. (Soos in die Belhar Belydenis geformuleer).*

3.4.2.5 DIE VERSOENINGSPROSSES

"NEEM EIENAARSKAP" VAN DIE PROSES

Dit is van kardinale belang dat die hele NG Kerk-familie gesamentlike verantwoordelikheid neem vir hierdie versoeningsproses. Vir die proses om te slaag, moet die Algemene Sinodale Kommissies van al vier kerke, asook die streeksinodes van Vrystaat en Phororo/Noord-Kaap van die NGK, NGKA en VGKSA hierdie dokument onderskryf. Die direkte toesig oor en verantwoordelikheid vir die proses sal in die hande wees van die "Achterbergh" Gesamentlike Herenigingskommissie (GHK).

Die vier deelnemende kerke sal 'n ooreenkoms onderteken (op elke nuwe stadium of "vlak" van die proses), deur hulself plegtig te verbind tot die proses as 'n geloofshandeling, in gehoorsaamheid aan die God van die kerk. Die bewoording van hierdie verbintenis (gesamentlike verbondsverbintenis) moet die theologiese insigte wat in hierdie dokument ontwikkel is, weerspieël (2.1 hierbo). Hierdie verbintenis sal gemaak word deur elke Algemene Sinode, streeksinode en deelnemende plaaslike gemeente. Dit sal 'n onderneming deur elke kerk bevat om alle hofsake op te skort, ten minste vir die duur van die kommissie se werkzaamhede, sodat die drie partye werklik "aan vrede 'n kans kan gee."

GESKIEDENIS VAN DIE VERVREEMDING

Die gebeure rondom die vervreemding wat in elke plaaslike situasie ontvou het, is grondiglik beïnvloed deur die grotere gebeure rondom die totstandkoming van die VGKSA in 1994. Die taakspan beskou dit as essensieel dat die hele storie van die verenigingsproses tussen die NGSK en NGKA, gevolg deur die latere onttrekking van sommige gemeentes om die NGKA weer te herstel, neergeskryf moet word as een van die eerste stappe in die versoeningsproses. Hierdie verslag sal elke plaaslike proses help deur vooraf die "groter

prentjie" te skilder sodat al daardie detail nie in elke gebied herhaal hoef te word nie, maar aanvaar kan word as bekend aan almal.

Ten einde aanvaarbaar te wees vir alle partye, moet so 'n historiese relaas waarskynlik geskryf word deur 'n span outeurs wat verteenwoordigend is van alle standpunte oor die gebeure. Indien dit deur een persoon geskryf word, sal dit bespreek en geredigeer moet word deur 'n span wat die NGK, NGKA en VGKSA verteenwoordig sodat almal van hulle daarmee kan identifiseer. Die GHK sal die persoon/persone wat hiervoor verantwoordelikheid neem, aanstel of kontrakteer.

DIE PROSEDURES BY DIE SITTINGS

Samestelling van die kommissie

Die taakspan stel voor dat die kommissie moet bestaan uit sewe (7) persone: a) 'n voorsitter wat 'n gerespekteerde versoenende figuur van 'n ander kerk is; b) twee lede wat deur elk van die deelnemende kerke genomineer is (moontlik afgetrede leraars) en wat gerespekteer word as versoenende figure. Geen kerklidmaat wat 'n voorlegging aan die kommissie wil maak mag op die kommissie dien nie. Die voorsitter moet vir al drie kerke aanvaarbaar wees.

Dit kan nuttig wees om 'n groep waarnemers te betrek wat genooi word uit die ekumeniese vennote van die drie kerke, om die proses mee te maak in 'n adviserende en ondersteunende hoedanigheid. Hulle moet ook vir al drie kerke aanvaarbaar wees ten einde hulle geloofwaardigheid te verseker en hulle bydrae tot die proses uit te bou.

Loodsprojek

Om die geloofwaardigheid van die kommissie te toets en die formaat van die sittings en verslagdoening te bepaal, sal die kommissie eers 'n "loodsprojek" vir 'n maand lank bedryf. Dit sal 'n eerste groep van vier of vyf dorpe omvat waar die narratiewe versoeningsproses getoets en verfyn word. Na hierdie loadsprojek sal die kommissie 'n interimverslag aan die GHK voorlê vir evaluasie en 'n daaropvolgende verslag aan die uitvoerende komitees van die vier Algemene Sinodes. Die verslag sal aanbevelings oor die weg vorentoe bevat. Indien die evaluasie positief is, sal die proses na ander gebiede uitgebrei word. Indien die kommissie enige veranderinge tot sy samestelling of funksionering voorstel, sal dit deur die GHK bespreek en aanvaar word. Indien die kommissie van mening is dat die proses nie werk nie, moet dit aan die GHK voorstel dat die projek beëindig word.

Die voortgaande projek

Indien die loadsprojek suksesvol is, sal die kommissie met sy werk voortgaan deur een gebied op 'n slag te besoek en, ideaal gesproke, die "sitting" in daardie area binne twee of drie dae ('n maksimum van een week) te voltooi. Die plaaslike kerkrade van die NGK, NGKA en VGKSA sal twee weke voor die sitting elk 'n geskrewe voorlegging maak aan die kommissie (met al die nodige dokumentasie soos brieve en kerkradsnotules om hulle siening te motiveer) waarin elke kerk "sy kant van die storie" verduidelik: wat gebeur het, wanneer dit gebeur het, waarom dit gebeur het, in wie se naam die kerkeindomme geregistreer is, hoe die partye op die optrede van die ander partye gereageer het, ensovoorts. Gevoelens van woede, pyn en teleurstelling sal almal in hierdie voorleggings uitgedruk word, maar van kerkrade word ook verwag om konstruktiewe voorstelle te maak oor hoe versoening bereik kan word.

Nadat al die voorleggings aangehoor is, sal daar 'n geleentheid wees vir die kommissielede (en deelnemers) om vrae te vra aan die ander deelnemers ten einde duidelikheid te kry indien enige onduidelikheid nog bestaan. Die kommissie behoort ook verskille van opinie of interpretasie te identifiseer. Die kommissie sal geen spreker toelaat om 'n ander deelnemer aan te val of te beledig nie (duidelike "grondreëls" vir interaksie sal deur die kommissie opgestel word), maar dit sal aan die deelnemers die geleentheid gee om in interaksie met ander deelnemers te gaan deur vrae te vra of standpunte te bevraagteken ten einde die kommissie te help om die ware "feite" van die situasie te bepaal.

Die kommissie sal die reg hê om spesifieke persone uit te nooi om hulle stories te vertel indien die kommissie van mening is dat die bydrae van hierdie persone meer lig op sekere vrae kan werp. Mense wat hulle stories vertel sal nie onder eed "getuig" nie aangesien die kommissie geen statutêre of regsfunksie het nie, maar elke deelnemer sal gevra word om 'n plegtige verklaring in die naam van die Drie-enige God af te lê om die waarheid in liefde te praat.

Kommissieverslae

Na elke sitting sal die kommissie uit die openbaar onttrek om 'n interimverslag te skryf. In hierdie verslag sal die kommissie drie dinge doen: a) 'n gedetailleerde storie vertel van wat gebeur het en wat saamgestel is uit die drie geskrewe voorleggings en die interaksies gedurende die sitting; b) die faktore identifiseer en analyseer wat die verdeling en konflik veroorsaak het; c) konkrete voorstelle maak oor die pad na versoening in daardie spesifieke stad/dorp.

Een keer per maand sal die kommissie 'n gekonsolideerde verslag aan die Interimkomitee van die GHK bied oor die sittings in die gebiede wat dit besoek het. Indien enige dringende optrede in 'n plaaslike situasie deur die kommissie voorgestel word, word dit aan die plaaslike kerkrade deur die Interimkomitee van die GHK oorgedra. Alle ander aanbevelings van die kommissie word in volle sessies van die GHK bespreek.

KORT-, MEDIUM- EN LANGTERMYNBEPLANNING

Die taakspan het die volgende tydramwerk vir die versoeningsproses wat hierbo uiteengesit is, geïdentifiseer: Die loodsprojek is 'n mediumtermynndoelwit wat teen Desember 2007 voltooi behoort te wees. Die volle uitvoering van die versoeningsproses is die langtermynndoelwit wat teen die einde van 2008 voltooi moet wees.

Die taakspan het gevoel dat voorsiening op die kort termyn gemaak moet word vir dringende situasies wat kan opduik. Wanneer spanning in 'n spesifieke gebied tussen gemeentes van die drie kerke ontwikkel, moet 'n nood-versoeningspan beskikbaar wees om die gebied op kort kennisgewing te besoek. Die taakspan stel voor dat die noodspan moet bestaan uit die moderators van die Algemene Sinodes van die vier NGK-kerke, wat elk 'n lys van sekundi het om in sy/haar plek te gaan indien hy/sy nie beskikbaar is nie. As "sigbare kerkleierskap" stem dit ooreen met die idee van "sigbare polisiëring" in misdaadvoorkoming met die doel om dringende situasies te ontlont en verdere vervreemding tussen ons kerke, indien moontlik, te voorkom.

FINANSIËLE OORWEGINGS

Die kommissie sal geld kos aangesien 'n aantal mense hulle ander verantwoordelikhede eenkant moet skuif en tyd aan die sittings moet toewy. 'n Aantal sleutelbesluite sal die begroting beïnvloed: Neem al die sittings op 'n sentrale plek plaas (bv Bloemfontein), of

beweeg die kommissie fisies van dorp na dorp? Miskien kan die loodsprojek in Bloemfontein gedoen word om die veranderlikes in die vroeë stadiums van die kommissie se werk te beperk.

Die volgende items behoort op die begroting vir die loodsprojek te verskyn:

Reiskoste van kommissielede na en van 'n sentrale plek 2 X 7 X R1 000	R14 000
Huur van vervoer (kombi?) in Bloemfontein gedurende sittings	R10 000
Verblyfkoste 7 X 30 X R300	R63 000
Vergoeding vir voorsitter (@ R500 per dag) 1 X 30 X R50	R15 000
Administrasie (fotokopiëring, ens.)	R 5 000
Die skryf van die geskiedenis van die groter proses – kontraknavorser(s) (?)	R10 000
Onvoorsiene uitgawes	R10 000
Sub-totaal	R127 000
Kompensasie aan kerkrade vir leraars op kommissie (?) 6 X 30 X R250	R45 000
TOTAAL	R172 000

'n Benaderde bedrag van R130,000 op rekening van Algemene Sinode behoort toereikend te wees om 'n maandelange loodsprojek van die kommissie te befonds.

3.4.2.6 APPROBASIE BY KERKEENHEID

(Vgl Agenda van die Algemene Sinode 2007, Deel I bl 384 pt 14 en bl 398 pt 2.8)

Approbasie is 'n baie ou gebruik in kerklike reg en beteken dat 'n betrokke kerklike liggaam/groep mense, bv die lidmate van 'n gemeente hulle goedkeuring/instemming verleen aan die besluit of optrede van 'n ander kerklike liggaam. Die gemeente keur die verkose kerkraadslede se name goed en verleen sodoende hulle instemming dat die name wat aan hulle voorgehou is in die amp bevestig mag word. In die vroeër jare van Gereformeerde kerkregering het dit ook gebeur dat die owerheid byvoorbeeld die kerkorde van 'n kerk moes goedkeur/approveer. So was daar ook die approbasie van kandidate vir die bediening asook van beroepe predikante. In laasgenoemde twee gevalle sou die approbasie ook instemming met die leer en lewe van die betrokke behels anders sou approbasie geweier kon word. (Jansen, Korte verklaring van de Kerkenordening, 1937, p 96-97).

Soortgelyke vorme van approbasie as wat in die geskiedenis van gereformeerde kerkregering voor kom, vind ons ook in die orde van die NG Kerk.

Die kerklike orde van die NG Kerk (2004) maak in Reglement 6 voorsiening vir approbasie by die vermeerdering, kombinering, eenwording en samesmelting van gemeentes (Kerkorde, 2004, Regl 6, pp 45 – 51. Die volgende reëlings geld in elke betrokke geval

(1) Vermeerdering van gemeentes:

- (a) "Slegs indien 'n meerderheid van die betrokke ongesensureerde belydende lidmate die versoekskrif ten gunste van afstigting onderteken het en die waarborglys in orde is , stuur die kerkraad die versoekskrif en die waarborglys kragtens art 31.4saam met aanbevelings oor die volgende sake aan die skriba van die ringskommissie: -----." (Kerkorde, 2004, Regl 6:1.1.3.2)

(2) Kombinering van gemeentes

- (a) "In alle gevalle van kombinasie word 'n geskrewe ooreenkoms opgestel en aan die betrokke kerkrade vir goedkeuring voorgelê. Indien van toepassing moet Artikel 13 van *Die Kerkorde* in ag geneem word. *Ten minste 66% van die*

kerkraadslede van elke betrokke kerkraad moet die ooreenkoms goedkeur.” (Kerkorde, 2004, Regl 6:2.1.2).

- (b) “Nadat die kerkrade die kombinasie-ooreenkoms goedgekeur het, word die ooreenkoms op twee agtereenvolgende Sondae tydens die erediens aan elkeen van die betrokke gemeentes vir approbasie bekend gemaak, met vermelding dat besware daarteen binne sewe dae na die laaste bekendmaking skriftelik by die skriba ingedien moet word.” (Kerkorde, 2004, Regl 6:2.1.3)
 - (c) *Nadat die gemeente approbasie verleen het, word die kombinasie –ooreenkoms aan die betrokke Ring/Ringskommissie vir goedkeuring en bekratiging voorgelê.* Nadat die Ring die ooreenkoms bekratig het, word dié ooreenkoms van krag of op ‘n datum wat in die ooreenkoms bepaal word.” (Kerkorde, 2004, Regl 6:2.1.4).
- (3) Eenwording van gemeentes
- (a) Die kerkraad van die gemeente wat wil ontbind, moet ‘n besluit tot ontbinding neem en die kerkraad(e) van die gemeente(s) waarby die betrokke lidmate ingelyf word, moet toestemming tot inlywing gee. *Ten minste 66% van die dienende kerkraadslede van elke betrokke kerkraad moet ten gunste van eenwording besluit.*” (Kerkorde 2004, Regl 6:3.1.1).
 - (b) Die ooreenkoms waartoe die kerkrade gekom het, moet vir approbasie op twee agtereenvolgende Sondae by al die openbare erediens van die betrokke gemeentes bekend gemaak word, met vermelding dat besware daarteen binne sewe dae na die laaste bekendmaking skriftelik by dié skriba ingedien moet word.” (Kerkorde 2004, Regl 6:3.1.3).
- (4) Samesmelting van gemeentes
- (a) “Samesmelting beteken dat twee of meer gemeentes, wat nie langer selfstandig wil of kan voorbestaan nie, afsonderlik ontbind om saam een totaal nuwe gemeente te stig binne dieselfde geografiese gebied as waarbinne die onderskeie samestellende gemeentes aanvanklik voor ontbinding bestaan het” (Kerkorde 200, Regl 6:4).
 - (b) “Die kerkrade van die onderskeie samesmeltende gemeentes neem afsonderlik ‘n besluit tot samesmelting” Kerkorde 2004, Regl 6:4.1.1)
 - (c) *“Aan alle ongesensureerde belydende lidmate van die onderskeie samesmeltende gemeentes word aan die hand van ‘n vraelys-stembrief geleentheid gebied om skriftelik aan te dui of hulle ten gunste van die samesmelting is al dan nie.”* (Kerkorde 2004, Regl 6:4.1.2.)
 - (d) “Die genoemde vraelys stembrief word persoonlik en sonder enige stemwerwing deur die onderskeie kerkrade van die samesmeltende gemeentes aan elke ongesensureerde belydende lidmaat binne die bepaalde gemeente beskikbaar gestel.” (Kerkorde, 2004, Regl, 6:4.1.2.1)
 - (e) “Dit is elke lidmaat se eie verantwoordelikheid om toe te sien dat sy/haar voltooide vraelys-stembrief die kerkkantoor van sy/haar gemeente bereik voor/op die sperdatum wat deur die kerkraad bepaal is” (Kerkorde 2004, Regl 6:4.1.2.2).

- (f) *Goedkeuring moet van 'n meerderheid van die lidmate wat vreelys-stembriewe ingehandig het, verkry word alvorens met die proses van samesmelting voortgegaan kan word." (Kerkorde 2004, Regl 6:4.1.2.3).*
- (5) By die vereniging van kerkverbande met mekaar is die betrokke Kerkorde artikels vir die verandering van die belydenis-identiteit van 'n kerk ook baie belangrik. In die geval van die NG Kerk is KO (2004) arts 44.1, die nuwe 44.1 en 44.2 ter sprake: die betrokke artikels lees:
- (a) "KO (2004) art 44.1 "Die wysiging van die Belydenis kan alleen geskied nadat elke sinode afsonderlik met 'n tweederdemeerderheid ten gunste daarvan besluit het"
 - (b) "KO (2004) Nuwe 44.1 "Die wysiging van die Belydenis kan alleen geskied nadat elke sinode afsonderlik met 'n tweederdemeerderheid én twee derdes van alle kerkrade elk met 'n tweederdemeerderheid ten gunste daarvan besluit het. (Die nuwe 44.1 word van krag nadat al die sinodes hierdie wysiging met 'n tweederdemeerderheid goedgekeur het en die Algemene Sinode daarna met 'n tweederdemeerderheidstem ten gunste daarvan besluit het.)"
 - (c) "KO (2004) Art 44.2 Artikel 44.1 en 44.2 word gewysig nadat elke sinode afsonderlik met 'n tweederdemeerderheidstem ten gunste daarvan besluit het en die Algemene Sinode daarna met 'n tweederdemeerderheidstem ten gunste daarvan besluit."
- (6) In die verlede, ook die jongste verlede, het die howe van die land kerke se interne reëlings met betrekking tot die wysiging van belydenis ernstig geneem en toegesien dat daar nougeset aan die reëls vir wysiging van belydenis uitvoering gegee word.
- (a) Dit is egter ook waar dat in gevalle van kerkseuring of wanneer lidmate daarop aanspraak gemaak het dat hulle die wettige voortsetting van 'n kerkverband is, die howe nog altyd die lidmate wat by as NG Kerk bly voortbestaan het, die reg op die eiendomme van die oorspronklike gegee het – selfs al was dit 'n minderheid lidmate wat agter gebly het. Hierdie beregtiging is nog deurgaans gedoen met verwysing na die verenigingsreg. Die kerk is dus as 'n vrywillige vereniging gesien en ook in dié sin bereg.
 - (b) Dit laat uiteraard die vraag onstaan wat sal gebeur indien by dié lidmate wat beswaar gemaak het teen die samesmelting van hulle gemeente met 'n ander NG gemeente verklaar dat hulle die wettige voortsetting is van die oorspronklike NG Gemeente. Daar sou heelwaarskynlik geargumenteer kon word dat die howe sal aanvaar dat daar besluite is wat tans vervat is in Reglement 6 van die Algemene Sinode - maw as 66 persent van die lidmate wat stembriewe ingelewer het ten gunste van die samesmelting is, kan dit deurgaan en moet die lidmate wat beswaar het die besluit aanvaar of ander reëlings tref maar hulle sal nie aanspraak hê op enige bates van die gemeente nie.
- (7) 'n Volgende vraag is egter wat die houding van die howe sal wees indien dit gaan om gemeentes uit verskillende kerkverbande wat saamsmelt en wat gebeur wanneer die verenigings gesprekke tussen die Familie van NG Kerke sou deurgaan en 'n nuwe kerkverband gevorm word. Tot dusver was die houding van die howe dat die kerke aan die vereistes van hulle eie Kerkordes moet voldoen (KO 2004, art 44). Op die oomblik sou beteken dat daar letterlik aan die vereistes van art 44 voldoen moet word. Daar is tans geen voorsiening in die Kerkorde (2004) van die NG Kerk vir die approbasie

deur lidmate vir 'n kerkeenheidsproses tussen kerkverbande nie. Daar is wel voorsiening vir die situasies in 3 hierbo genoem.

- (8) Verder egter is daar besluite, deur die Algemene Sinode van 2004 geneem, wat dit het oor "raadpleging" en "toetsing" van gemeentes in die proses van kerkeenheid tussen kerke van verskillende verbande. Die besluite lui ondermeer soos volg:

(a) "Raadpleging van gemeentes:

- (i) Hoewel die Algemene Sinode en sy kommissies 'n taak het om leiding te neem, onderhandelings te voer en voorstelle te maak ten opsigte van hierdie proses, bevestig ons weer eens dat ons verbind is om ons gemeentes te raadpleeg en te toets sodat ons saam hierdie pad kan loop." (Besluiteregister, Algemene Sinode 2004, Handelinge 2004, bl 428, pt12.)
- (ii) "Hierdie aanbevelings word in 'n konsultasieproses deurgegee na die sinodes, kerkrade en gemeentes vir kommentaar en verdere aanbevelings." (Besluiteregister, Algemene Sinode 2004, Handelinge 2004, bl 429, pt 13.2). Opmerking: Die verwysing na gemeentes in hierdie konteks kan nie iets anders beteken as die lidmate nie. Dit moet dus myns insiens deeglik in ag geneem word dat dit die lidmate is wat ook gekonsulteer moet word en nie net die kerkvergaderinge nie.

(b) Die toetsing van kerkrade en sinodes

- (i) Die toetsing van kerkrade en sinodes oor "finale" of eindvoorstelle vir die herstel van hierdie verband word gelaat tot 'n behoorlike proses van konsultasie en saampraat met sinodes en gemeentes na die oordeel van die Algemene Sinode of die ADL plaasgevind het." (Besluiteregister AS 2004, Handelinge AS 2004, bl 429, pt 13.4).
- (ii) Die kerkrade maak hulle konsensus-mening, of hulle gedebateerde besluit met tweederdemeerderheid aan die gemeente op twee Sondae bekend vir approbasie. Indien die besware uitloop op 'n besluit tot toetsing van die gemeente, word dit gedoen. Uiteindelik maak die kerkrade hulle geapprobeerde besluit aan die sinode bekend." (Besluiteregister AS 2004, Handelinge AS 2004, p 429, 14.4).

- (9) Persoonlik dink ek dat die nuwe Grondwetlike bedeling met die gewaarborgde godsdiensvryheid dit vir kerke moontlik maak:

- (a) om hulle eie interne orde te reël en dat dit nie meer so hoef te wees dat kerke bereg word in terme van die verenigingsreg nie – wat tot gevolg het dat 'n minderheid lidmate met al die bates kan agterbly nie. Ek dink kerke kan met vrymoedigheid eie reëlings tref wat bepaal dat nie net in die geval van die samesmelting van NG gemeentes 'n meerderheid van die belydende lidmate wat die vraelysstembrieve ingehandig het die samesmelting van NG gemeentes moet goedkeur nie maar dat bv. 66% (of watter persentasie ookal) van belydende NG Kerk lidmate wat "vrae-lys" stembrieve ingehandig het die voorstelle tot kerkeenheid kan approeber met dien verstande dat die huidige voorgestelde reëlings van KO art 44 ook nagekom moet word.
- (b) Ten einde sodanige reëling te kan tref, sal dit egter vir die NG Kerk, en ook ander kerke wat aan die proses deelneem, nodig wees om dusdanige reëlings in hulle Kerkorde (dit sou seker ook in 'n reglement kon wees) in te skryf sodat alle

lidmate kan weet dit is die kerkregtelike reëling wat getref word en sodat daar geleentheid vir appèl kan wees. Dit sal heelwaarskynlik baie wys wees om 'n reëling soos hierdie in die Kerkorde in te skryf wat sal beteken dat dit deur 'n tweederdemeerdeerdheid van die Algemene Sinode goedgekeur moet word.

3.4.2.7 OM SAAM TE VAT.

- (1) Die NG Kerk het tans reëlings wat die eenwording, samesmelting ens van NG gemeentes reël. In hierdie reëlings word sekere regte aan lidmate gegee en dit moet eerbiedig word.
- (2) Die NG Kerk het tans géén Kerkordelike reëlings wat die eenwording of samesmelting van kerkverbande reël nie behalwe dit wat in art 44 staan.
- (3) Die besluite van die AS 2004 bepaal duidelik dat lidmate geraadpleeg en getoets sal word – hierdie ondernemings moet ter wille van goeie trou nagekom word.
- (4) Dit sal m.i. wys wees om, volgens die neergelegde reëlings, 'n artikel in die Kerkorde te plaas wat dit duidelik sal stel hoeveel lidmate 'n eenheidproses tussen kerkverbande moet goedkeur voordat dit kan deurgaan.
- (5) Ek dink kerke het die volste reg hiertoe in terme van die Grondwet art 15. Dit sal verhoed dat kerkverbande wat een wil word in terme van die verenigingsreg bereg word en dit sal kerke se reg om hulle eie orde te reël bevestig.

P Coertzen

Stellenbosch

Januarie 2007

3.4.2.7.1 AANBEVELINGS: APPROBASIE BY KERKEENHEID

- (1) Die Sinode neem kennis van die verslag oor approbasie by kerkeenheid.
- (2) Die Sinode neem kennis van die wysiging van Reglement 6 soos voorgestel deur die Algemene Sinode, naamlik:
 - (a) Voeg in by die opskrif van Reglement 6 na "samesmelting van 'gemeentes'" die woorde "uitbreiding van die kerkverband."
 - (b) Voeg die volgende nuwe punt 6 in by Reglement 6 :

"2.1 *Uitbreiding van die kerkverband beteken dat die NG Kerk met ander kerkverband(e) saamgevoeg word.*"

"2.2 *Hierdie uitbreiding van die kerkverband is afhanklik van die goedkeuring deur ten minste 'n twee-derde meerderheid van twee-derdes van die kerkrade, van elke sinode en die Algemene Sinode.*"

"2.3 *Die goedkeuring deur die kerkrade is afhanklik van die approbasie van die meerderheid van die belydende lidmate van elke gemeente"*

3.5 STRATEGIESE DOELWIT 5 - OM EKUMENE TE BEVORDER.

Die SDK plaas 'n hoë premie op die bevordering van Ekumene en Ekumeniese verhoudinge. Die Sinode is lid van die Gauteng Raad van Kerke waar dr. André Bartlett optree as die voorsitter van die Gauteng Raad van Kerke.

Die Sinode organiseer ook ekumeniese werkzaamhede onder die leiding van 'n diensgroep vir ekumene.

3.5.1 VERSLAG VAN DIE DIENSGROEP: EKUMENE.

3.5.1.1 PERSONEEL

Die volgende persone het as lede van die Diensgroep gedien: Dr. André Bartlett (voorsitter), me. Zerilda Nel (ondervoorsitter), Dr. Howard du Toit (skryba), drr Paul du Plessis en Hugo van der Linde, Ds. Stefan Louw, mnr Mike Hendricks en me. Alet Viljoen.

Die Dagbestuur van die Diensgroep het so ver as moontlik gesamentlik met die Dagbestuur van die VGKSA (Suid-Transvaal) se kommissie vir Ekumene vergader, terwyl die volle Diensgroep by twee geleenthede saam met die volle kommissie van die VGKSA vergader het.

3.5.1.2 PRIORITEITE

Die Diensgroep het die volgende prioriteit geformuleer en het op 'n deurlopende basis daaraan uitvoering gegee:

3.5.1.2.1 BEVORDERING VAN KERKHERENIGING IN DIE NGK-FAMILIE

(1) Publikasie:

'n Publikasie "Ons Pelgrimstog na Eenheid/Our Pilgrimage to Unity" het in Mei 2007 onder die gesamentlike redakteurskap van Reggie Nel (VGKSA) en Howard du Toit (NGK) verskyn. Dit bevat bydraes van verskeie persone in die vier kerke van die NG Kerkfamilie onder die volgende temas:

- (a) Bybelse en teologiese motivering
- (b) Gister: Historiese aspekte: Verhale van die vier Kerke
- (c) Sleutelkwessies
- (d) Vandag: Verhale van eenheid
- (e) Môre: Besprekingsvrae
- (f) Kopieë van die boek sal tydens die sinodesitting beskikbaar wees.

(2) Werkswinkel oor kerkhereniging

'n Werkswinkel oor die bevordering van die proses van kerkhereniging binne ons sinodale gebied is aanvanklik beplan vir Maart 2007, maar moes vanweë praktiese omstandighede uitgestel word. Dit word nou beplan om op 23 Februarie 2008 gehou te word. Inligting sal betyds aan gemeentes en Ringe beskikbaar gestel word.

(3) Betrokkenheid van die RCA en die NGKA by die Diensgroep Ekumene

Uitnodigings is aan die sinodale kommissies van dié twee kerke gestuur om verteenwoordigers aan te wys om die vergaderings van die Diensgroep by te woon. Tot op datum was daar geen reaksie nie.

(4) Oor-en-weer bywoning van Sinodesittings

Daar is by die ontwerpspan aanbeveel dat 'n uitnodiging aan die VGK (S.Tvl.) gerig word om 'n afvaardiging aan te wys om 'n gedeelte van die sitting van die Sinode Hoëveld mee te maak.

3.5.1.2.2 BEVORDERING VAN PLAASLIKE EKUMENE

(1) "Inventaris" van plaaslike ekumeniese aktiwiteite

(a) 'n Inventaris oor ekumeniese aktiwiteite van gemeentes en Ringe in die sinodale gebied wat in 2004 saamgestel is, is op die sinode se webblad beskikbaar.

(2) Bevordering van inskakeling by/stigting van plaaslike "fraternals"

(a) Predikante word aangemoedig om so ver as moontlik in te skakel by die werksaamhede by plaaslike ekumeniese "fraternals" en om die inisiatief te neem om sulke "fraternals" te stig waar dit nie bestaan nie.

(3) Bevordering van oor-en-weer bywoning van Ringsettings (NGK-familie)

(a) Brieve is aan elke Ringskommissie gestuur, waarin daar aanbeveel is om inisiatief te neem met betrekking tot die oor-en-weer bywoning van Ringsettings deur gemeentes/verteenwoordigers van die NG Kerk-familie.

(4) Bevordering van die totstandkoming van plaaslike ekumeniese samewerkingstrukture

(a) In die brieve wat aan elke Ringskommissie gestuur is, is aanbeveel dat Ringe inisiatief moet neem om die totstandkoming van plaaslike ekumeniese samewerkingstrukture te bevorder. Opvolgbrieve sal vroeg volgende jaar geskryf word.

(5) Bevordering van Rings- en kerkraddskommissies vir ekumene

(a) In die brieve wat aan elke Ringskommissie gestuur is, is daar aanbeveel dat Ringe en kerkrade kommissies vir ekumene tot stand bring.

(6) Aanmoediging van CMR'e om betrokke te raak by plaaslike ekumeniese strukture

(a) Die Diensgroep het kennis geneem dat die SKDB/NGBD deurlopend besig is om CMR'e aan te moedig om ekumeniese samewerking op plaaslike vlak te bevorder.

(7) Sinodale Werkswinkel oor plaaslike Ekumene

(a) 'n Geslaagde werkswinkel oor die bevordering van plaaslike ekumene is 17 September 2005 in Johannesburg gehou en is bygewoon deur verteenwoordigers van die NGK en die VGKSA. Enkele ovolgkontakgeleenthede het reeds uit hierdie byeenkoms voortgevloeи.

3.5.1.2.3 BETROKKENHEID BY EKUMENIESE LIGGAME

(1) Dr André Bartlett dien sedert 2005 as voorsitter van die Suid-Afrikaanse Raad van Kerke (SARK) (Gauteng Provincie) en me. Zerilda Nel sedert 2006 as nasionale voorsitter van The Evangelical Alliance of South Africa (TEASA).

3.5.1.2.4 GESAMENTLIKE BYEENKOMSTE

(1) Jaarlikse byeenkoms van die Ring van Johannesburg

-
- (a) Die Diensgroep het inligting aan gemeentes en Ringe gestuur oor die jaarlikse gesamentlike byeenkoms wat deur die Ringe van die NG Kerk en die VGKSA in Johannesburg en Soweto gereël word. Die Diensgroep het met dank kennis geneem van 'n geslaagde byeenkomste wat op 18 Junie 2006 gehou is, en van voorlopige beplanning vir 'n soortgelyke byeenkoms op 29 Oktober vanjaar.
 - (2) Jaarlikse National Day of Prayer-byeenkomste
 - (a) Die Diensgroep het die byeenkomste wat op verskillende plekke in die sinodale gebied gehou is, deurlopend gemonitor en plaaslike gemeentes aangemoedig om by die byeenkomste in te skakel. Inligting oor volgende jaar se beplanning sal sodra dit beskikbaar is, aan gemeentes deurgegee word.

Dr. André Bartlett.

Voorsitter.

4 PORTEFEULJES EN DIENSGROEPE

4.1 PORTEFEULJE ADMINISTRASIE.

4.1.1 VERSLAG VAN DIE SINODALE KOMMISSIE VIR ADMINISTRASIE (SKA).

Voorsitter.

Die Sinodale Kommissie vir Administrasie doen graag verslag van sy werksaamhede aan die hand van die volgende momente -

1. Samestelling van die Kommissie	Vir Kennisname
2. Kantoorpersoneel	Vir Kennisname
3. Gemeentesake	Vir Kennisname
4. Hulp aan gemeentes	Vir Kennisname
5. Gradering van gemeentes	Vir Kennisname
6. Kompilasieverslag	Vir Kennisname
7. Bydraevlakke – Predikante Pensioenfonds	Vir Goedkeuring
8. Sinodale Eiendomme	Vir Goedkeuring
9. Herberekening van siriodele bydraes	Vir Goedkeuring
10. Begroting 2007/2008	Vir Goedkeuring
11. Gekompileerde Balansstaat 2001 tot 2007	Vir Goedkeuring
12. Verkoop en aankoop van gemeente eiendomme	Vir Goedkeuring
13. Sake deur die vorige sinode verwys	Vir Goedkeuring

4.1.1.1 SAMESTELLING VAN DIE KOMMISSIE:

ds Wim Muller (Alberton),
 ds Dawid Venter (Benoni),
 dr Paul du Plessis (Birchleigh),
 oudl ZZZ Nel (Boksburg),
 ds Hennie Pienaar (Brakpan),
 ds Marius Joubert (Delmas),
 dr Anton Knoetze (Evander),
 ds Jannie McDulling (Germiston),
 ds Danie le Roux (Heidelberg),
 dr Hans Visser (Johannesburg),
 oudl Flip Froneman (Kemptonpark),
 ds Philip Venter (Linden),
 ds André Ströh (Standerton) en
 ds Marius Oosthuizen (Turffontein).

4.1.1.1.1 KUNDIGE LEDE:

ds Braam van Wyk, Ouderling Izak de Villiers (Portefeuile-leier Administrasie) en ouderling Eric Poalzes

4.1.1.1.2 DAGBESTUUR:

Voorsitter	ds. Danie le Roux
Onder-voorsitter	ds. Braam van Wyk
Skriba	ds. André Ströh
Portefeuile-leier Administrasie	oudl. Izak de Villiers
Hoof Uitvoerende Amptenaar	ds. Dawid Venter

4.1.1.1.3 KANTOORPERSONEEL:

Die volgende persone is werksaam by die Sinodale Kerkkantoor:
 Ontvangsdame me Bettie Liebenberg

Sinodale Koördineerder	me Hannie Harmse
Sekretaresse	me Seloma Palmer
Rekenmeester	mnr Mike du Bruyn
Veiligheidswag	mnr Johannes Koqo
Skoonmaakdame	me Margaret Khumalo
Hoof Uitvoerende Amptenaar	ds Dawid Venter

4.1.1.2 GEMEENTESAKE:

Verskeie gemeentes het in die reses met die SKA geskakel en ook andersom. Die skakeling het hoofsaaklik verband gehou met adviese, agterstallige sinodale bydraes en finansiële nood. Die SKA se beleid is om nie direk met gemeentes te werk nie, maar wel via die RFK's of Ringskommissies.

In verskeie gevalle is die rentes op agterstallige sinodale skuld afgeskryf en ander gemeentes se agterstallige sinodale bydraes is omgeskakel in lenings.

4.1.1.2.1 HULP AAN GEMEENTES:

Verskeie gemeentes het om finansiële hulp aansoek gedoen. Alle versoek is, na ontvangs van Vorm 15, met empatie hanteer. Die SKA-dagbestuur het besluit om die versoek terug te verwys na die eerste linie hulpverlening, naamlik die ringe.

Gemeentes is versoek om eerstens hulle nood met hulle Ringskommissies en die RFK's op te neem. Gemeentes wat uit die Bedieningsfonds gehelp is, het ook onderneem om in 'n strategiese vennootskap met die sinode te tree en van die gemeentes word deur die diensgroep Bedieningsteun begelei.

4.1.1.2.2 GRADERING VAN GEMEENTES :

Die SKA het vanjaar 'n likiditeitsanalise van alle gemeentes gedoen. Gemeentes met potensieel ernstige finansiële probleme is geïdentifiseer. Die hoogste telling is 243.65% en die laagste is minus -27.76%. RFK's en Ringskommissies behoort vroegtydig by sulke gemeentes betrokke te raak.

Die onderstaande formule is gebruik om die onderskeie gemeentes se likiditeit te bereken.

A.	Die totaal van:- Geld op belegging. Kontant op hande of in die bank. Geld aan die gemeente verskuldig.	VOORBEELD: A R125 000	
B.	Minus	B MINUS	
C.	Die totaal van:- Oortrokke rekening PLUS Geld deur die gemeente verskuldig.	C R100 000	
D.	Die netto-effek (positief of negatief) word bereken.	D <u>R 25 000-00 (Netto)</u>	
E.	Die netto-effek word dan uitgedruk as 'n % van die gemiddeld van die vorige jaar se inkomstes en uitgawes.	E Netto Effek gedeel deur (gemiddeld van R350,000 + R300,000 = R325 000) = 7.69%	$\frac{25,000}{325,000} \times 100\% = 7.69\%$
F.	Die % word dan vermenigvuldig met 365 dae.	F <u>7.69 \times 365 dae = dae se finansiering beskikbaar</u>	<u>28.07</u>

Voorbeeld:

- A. R100,000
- B. Minus

- C. R100,000 = R25,000
- D. R 25,000 (Netto)
- E. Gedeel deur (gemiddeld van R350,000 + R300,000 = R325,000) = 7.69%
- F. = 28.07 dae se finansiering beskikbaar.

Dit beteken dat die gemeente, gebaseer op die vorige jaar se inkomste- en uitgawe patronen, 7.69% likielik is oftewel dat die gemeente in staat is om op eie reserwes vir 28.07 dae finansieel kan oorleef.

In die geval waar 'n gemeente negatief toets beteken dit dat hulle reeds in die verslagjaar van die volgende jaar se geld begin gebruik het.

Die verspreiding is as volg:

- 100% en hoér	14
- tussen 50% en 99.99%	26
- tussen 25% en 49.99%	21
- tussen 1 en 24.99%	42
- 0% en laer	27
TOTAAL	130 gemeentes

Ringe behoort kennis te neem van dié gemeentes in hulle resort wie negatief toets. Dit laat reeds oranje ligte flikker.

4.1.1.3 KOMPILASIEVERSLAG:

4.1.1.3.1 GEMEENTES:

Jaar	Gemeentes	Verlies	Gemeentes
1993/1994	142		
1994/1995	142		
1995/1996	142		
1996/1997	138	4	Doornkop, Karee, Langlaagte en Parkhurst
1997/1998	136	2	Johannesburg-Oos en Suidrand
1998/1999	136		
1999/2000	133	2	Elandspoort en Leondale
2000/2001	132		
2001/2002	131	1	Edenvale-Noord
2002/2003	130	2	Crosby-Wes en Evander-Wes
2003/2004	129	1	Esselenpark
2004/2005	130	+1	Andrew Murray Edenvale word gestig
2005/2006	130		
2006/2007	130		
Totale Verlies	12		

Die meeste gemeentes het in die ring van Johannesburg (voorheen die ringe van Johannesburg-Wes en Johannesburg) verdwyn. Malvern, Jeppetown, Mayfair, Fordsburg, Cottesloe en Johannesburg-Wes het reeds voor 1993 by ander gemeentes ingeskakel. Dit kan hoofsaaklik toegeskryf word aan demografiese verskuiwings. Dié gemeentes is opgeneem in Johannesburg, Kensington en Vergesig wat self ook op hulle beurt met kwynende lidmaattalle sit.

4.1.1.3.2 LIDMATE

Jaar	Getal	Styging	%-Styging
1993/1994	104 969		
1994/1995	104 026	-943	-0.90%
1995/1996	104 299	273	0.26%
1996/1997	100 825	-3 474	-3.33%
1997/1998	101 100	275	0.27%
1998/1999	98 585	-2 515	-2.49%
1999/2000	97 221	-1 364	-1.38%
2000/2001	95 663	-1 558	-1.60%
2001/2002	94 997	-666	-0.70%
2002/2003	94 294	-703	-0.74%
2003/2004	94 790	496	0.53%
2004/2005	95 168	378	0.40%
2005/2006	93 905	-1 263	-1.33%
2006/2007	95 062	1 157	1.23%
afname	-9 907	-9.43%	

Belydende lidmaattalle neem oor 'n periode van 13 jaar af met 9 907 oftewel -9.43%. In die afgelope jaar styg die lidmaattale egter met 1 157.

In die ringsgebiede van Benoni (1 167), Birchleigh (128), Evander (483), Kemptonpark (446) en Linden (2 607) was daar 'n styging van 4 831. In die res van die sinodale gebied was daar 'n afname van 14 759.

Die grootste daling (-9 329) het plaasgevind in sentrale, westelike en suidelike gebiede van Johannesburg en die aangrensende ringsgebiede van Alberton en Germiston. Daar was ook 'n merkbare daling van 1 737 in die ringsgebied van Heidelberg (Nigel, Heidelberg, Grootvlei en Greylingsstad).

Aan die mees oostelike gedeelte (platteland) van die sinodale gebied (Standerton, Bethal en Charl Cilliers) is daar 'n afname van 1 000 lidmate.

4.1.1.3.3 GEMEENTES WIE SE LIDMAATGETAL 'n GROEI GETOON HET:

In die periode 1994 tot 2007 het die onderstaande gemeentes se lidmaattalle met meer as 150 toegeneem. Die totale styging by hierdie gemeentes was 11,492 teenoor 'n algehele verlies van 8,964.

Gemeente	Getal toename	Gemeente	Getal toename	Gemeente	Getal toename
Andrew Murray	512	Elsburg-Suid	418	Rynfield	189
Alberton-Suid	283	Fontainebleau	833	Secunda Goedehoop	437
Alberton-Wes	243	Kempton-Hoogland	1396	Secunda-Oos	176
Bonaeropark	618	Kempton-Kruin	952	Springs-Oos	262
Bryanston	486	Kemptonpark-Oos	712	Strubenvale	158
Dalview	187	Lindenpark	295	Sunwardpark	460
Delmas-Wes	236	Melville – waarby die ou Aucklandpark ingelyf is.	636	Weltevreden	1522
Edenvale- waarby die gemeente Edenvale-Noord ingelyf is.			322	Primrose-Oos	159

4.1.1.3.4 Belydenis van Geloof afgelê

669 (oftewel 36.56%) uit 'n totaal van 1 830 persone het in die afgelope jaar in die genoemde gemeentes belydenis van geloof afgelê.

4.1.1.3.5 Die volgende gemeentes het minder as 250 belydende lidmate:-

Alberton	Crosby	Igreja Reformada	Selcourt
Boksburg	Effata	Kemptonpark-Suid	Westdene
Charl Cilliers	Germiston-Suid	Kiblerpark	

Sommige van hierdie gemeentes is finansieel selfonderhoudend terwyl van die ander sukkel om kop bo water te hou. Volgens godsdienssosioloë lê die toekoms van die kerk toenemend by die 'klein gemeentes' en kan daar gerus by van hierdie gemeentes geleer word hoe om selfstandig te funksioneer.

4.1.1.3.6 Lidmaatverandering in die afgelope jaar

Doop lidmate		Belydende lidmate
1515	Gedoop : Belydenis van Geloof afgelê	1 830
1483	Oorgekom uit ander NG gemeentes	4 629
186	Oorgekom uit ander kerke	711
1310	Vertrek na ander NG gemeentes	3 861
214	Vertrek na ander kerke	602

4.1.1.3.7 Groeipunte

Die noordwestelike dele van Johannesburg (Linden), Kemptonpark, Benoni en Secunda is volgens die statistieke die huidige groeipunte.

4.1.1.3.8 Inkomstes, Uitgawes en Surplusse

Jaar	Inkomstes	%-Stygging	Uitgawes	%-Stygging	Surplus
1993/1994	R51 839 892		R50 449 533		R1 390 359
1994/1995	R54 824 036	5.76%	R54 419 991	7.87%	R404 045
1995/1996	R59 265 958	8.10%	R58 912 356	8.25%	R353 602
1996/1997	R63 727 383	7.53%	R63 414 816	7.64%	R312 567
1997/1998	R70 098 993	10.00%	R67 740 433	6.82%	R2 358 560
1998/1999	R73 266 833	4.52%	R72 695 356	7.31%	R571 477
1999/2000	R79 488 783	8.49%	R78 381 896	7.28%	R1 106 887
2000/2001	R85 009 402	6.95%	R85 446 664	9.01%	-R437 262
2001/2002	R90 476 892	6.43%	R90 235 286	5.60%	R241 606
2002/2003	R97 531 165	7.80%	R95 882 592	6.26%	R1 648 573
2003/2004	R104 001 672	6.63%	R101 595 813	8.83%	R2 405 859
2004/2005	R111 383 125	7.10%	R107 704 006	6.01%	R3 679 119
2005/2006	R119 438 125	7.23%	R115 621 666	7.35%	R3 816 459
2006/2007	R133 152 026	11.23%	R123 522 008	6.83%	R9 630 018
Kumulatief		156.85%		144.84%	R27 481 870

Die inkomstes het oor 'n periode van 13 jaar R81 312 134 oftewel 156.85% gestyg. Die uitgawes aan die ander kant styg met slegs R73 072 475 (144.84%). Die inkomste styg met meer as die inflasiekous. Die kumulatiewe surpluses oor hierdie periode beloop R27 481 870. Dit word ook gereflekteer in die toename van beleggings en die afname van langtermynskuld.

4.1.1.3.9 Salarisse en Administrasie

Ring	Leraars	Personnel	Administrasie	TOTAAL	%
Alberton	R 4,442,489	R 2,077,111	R 877,349	R 7,396,949	69.59
Benoni	R 2,804,232	R 1,441,557	R 572,143	R 4,817,932	64.93
Birchleigh	R 3,587,711	R 1,486,598	R 564,741	R 5,639,050	65.08
Boksburg	R 3,751,126	R 1,719,947	R 489,481	R 5,960,554	65.39
Brakpan	R 1,995,604	R 833,069	R 278,477	R 3,107,150	57.44
Delmas	R 2,875,905	R 1,771,875	R 649,520	R 5,297,300	60.85
Evander	R 4,127,863	R 1,681,229	R 591,445	R 6,400,537	62.31
Germiston	R 3,135,158	R 1,910,600	R 628,968	R 5,674,726	62.49
Heidelberg	R 3,567,753	R 1,287,095	R 443,013	R 5,297,861	71.01
Johannesburg	R 1,532,317	R 1,107,475	R 316,343	R 2,956,135	46.06
Kemptonpark	R 2,494,759	R 1,662,428	R 489,420	R 4,646,607	59.60
Linden	R 8,046,107	R 4,217,182	R 1,344,786	R 13,608,075	61.30
Standerton	R 1,931,552	R 1,236,585	R 359,463	R 3,527,600	66.50
Turffontein	R 2,301,707	R 694,982	R 374,341	R 3,371,030	66.80
Totaal	R 46,594,283	R 23,127,733	R 7,979,490	R 77,701,506	62.90

60% vir salaris en administrasie is 'n goeie norm in die dienste-sektor en die kerk kan hier geplaas word. Dit kan gemeentes loon om elkeen afsonderlik hulle berekening te gaan maak.

4.1.1.3.10 Spesiale bydraes – Barmhartigheid en Getuienis (Sending)

Ring	Barmhartigheid	%	Getuienis	%
Alberton	R 118,515	1.11%	R 17,033	0.16%
Benoni	R 224,748	3.03%	R 291,216	3.92%
Birchleigh	R 187,408	2.16%	R 477,736	5.51%
Boksburg	R 325,664	3.57%	R 205,884	2.26%
Brakpan	R 113,755	2.10%	R 174,591	3.23%
Delmas	R 375,957	4.32%	R 90,409	1.04%
Evander	R 164,643	1.60%	R 1,221,029	11.89%
Germiston	R 298,003	3.28%	R 136,110	1.50%
Heidelberg	R 193,538	2.59%	R 346,530	4.64%
Johannesburg	R 166,677	2.60%	R 78,294	1.22%
Kemptonpark	R 236,981	3.04%	R 300,495	3.85%
Linden	R 566,550	2.55%	R 1,169,130	5.27%
Standerton	R 182,642	3.44%	R 191,266	3.61%
Turffontein	R 63,374	1.26%	R 153,560	3.04%
Totaal	R 3,218,455	2.61%	R 4,853,283	3.93%

Gemeentes raak toenemend betrokke by barmhartigheidswerk en spandeer bykans 3 keer meer aan eie barmhartigheidswerk as wat hulle via hulle ringe vir CM Rade bydra.

3.93% van gemeentes se uitgawes word spandeer aan getuienis-werksaamhede teenoor 6.5% vir alle sinodale werksaamhede. Indien die ander werksaamhede (barmhartigheid, jeugwerk en bedieninge) bygetel word, het gemeentes verlede jaar R2,8 miljoen (39.07%) meer daarvoor bygedra as vir sinodale werksaamhede.

Daar was by etlike mense 'n vrees dat die sinode se besluit om sekere werksaamhede af te skaal, sou lei tot 'n benadeling van hierdie tipe werksaamhede. Die statistieke bewys die teendeel en bevestig die feit dat gemeentes gewoonlik 'n goeie vinger op die pols het vir nood en uitdagings.

4.1.1.3.11 Spesiale bydraes Jeug en Bediening

Die bedrag wat tot hierdie 2 werksaamhede bygedra is, is meer as die sinode se administrasie-begroting.

Ring	Jeugwerk	%	Bediening	%
Alberton	R 21,626	0.20%	R 255,524	2.40%
Benoni	R 17,396	0.23%	R 22,442	0.30%
Birchleigh	R 118,250	1.36%	R 143,080	1.65%
Boksburg	R 66,822	0.73%	R 27,125	0.30%
Brakpan	R 15,764	0.29%	R 11,937	0.22%
Delmas	R 165,398	1.90%	R 315,570	3.63%
Evander	R 56,286	0.55%	R 94,602	0.92%
Germiston	R 23,831	0.26%	R 90,083	0.99%
Heidelberg	R 35,616	0.48%	R 267	0.00%
Johannesburg	R 26,962	0.42%	R 1,434	0.02%
Kemptonpark	R 17,828	0.23%	R 29,438	0.38%
Linden	R 56,202	0.25%	R 302,302	1.36%
Standerton	R 8,683	0.16%	R 43,562	0.82%
Turffontein	R 812	0.02%	R 7,581	0.15%
Totaal	R 631,476	0.51%	R 1,344,947	1.09%

4.1.1.3.12 Spesiale bydraes – Sinode en Ring

Dit is kommerwekkend dat ringsbydraes slegs 1% beloop – veral in die lig van die feit dat die meeste geld wat deur ringe oorbetaal is, vir CMR-werksaamhede bestem is.

Ring	Sinodaal	%	RING	%
Alberton	R 643,561	6.05%	R 89,858	0.85%
Benoni	R 473,986	6.39%	R 167,017	2.25%
Birchleigh	R 529,946	6.12%	R 19,826	0.23%
Boksburg	R 558,275	6.12%	R 25,197	0.28%
Brakpan	R 282,166	5.22%	R 37,292	0.69%
Delmas	R 487,246	5.60%	R 60,897	0.70%
Evander	R 560,325	5.46%	R 147,999	1.44%
Germiston	R 514,302	5.66%	R 53,898	0.59%
Heidelberg	R 427,321	5.73%	R 45,001	0.60%
Johannesburg	R 302,182	4.71%	R 58,783	0.92%
Kemptonpark	R 424,068	5.44%	R 17,000	0.22%
Linden	R 1,390,603	6.26%	R 414,436	1.87%
Standerton	R 329,276	6.21%	R 58,501	1.10%
Turffontein	R 302,214	5.99%	R 40,766	0.81%
Totaal	R 7,225,471	5.85%	R 1,236,471	1.00%

4.1.1.3.13 Instandhouding

Dit is verblydend dat daar in die afgelope kerkjaar so 'n hoë bedrag aan die instandhouding van geboue spandeer is. Vir etlike jare was dit tot die minimum beperk. Dit kan aan veral 2 faktore toegeskryf word, naamlik (1) die algemeen goeie inkomste-groei en (2) gemeentes se vermoë om sulke projekte uit eie fondse te finansier. Indien instandhouding nie vroegtydig aandag kry nie, kan dit moontlik later 'baie duur instandhouding' word.

Ring	Instandhouding	%-
Alberton	R 748,885	7.05%
Benoni	R 541,220	7.29%
Birchleigh	R 588,221	6.79%
Boksburg	R 713,638	7.83%
Brakpan	R 520,924	9.63%
Delmas	R 627,537	7.21%
Evander	R 651,293	6.34%
Germiston	R 838,960	9.24%
Heidelberg	R 406,694	5.45%
Johannesburg	R 320,692	5.00%
Kemptonpark	R 680,164	8.72%
Linden	R 1,009,689	4.55%
Standerton	R 436,792	8.23%
Turffontein	R 343,358	6.80%
Totaal	R 8,428,067	6.82%

4.1.1.3.14 Per capita Inkomstes en Uitgawes

Jaar	Per Capita Inkomste	%-Styging	Per Capita Uitgawes	%-Styging
1993/1994	R519.46		R505.53	
1994/1995	R527.02		R523.14	
1995/1996	R568.23		R564.84	
1996/1997	R632.06		R628.96	
1997/1998	R693.36		R670.03	
1998/1999	R743.18		R737.39	
1999/2000	R817.61		R806.22	
2000/2001	R888.63		R899.49	
2001/2002	R952.42		R949.88	
2002/2003	R1 034.33		R1 016.85	
2003/2004+	R1 09.18		R1 071.80	
2004/2005	R1 170.38		R1 131.73	
2005/2006	R1 271.61		R1 230.97	
2006/2007	R1 397.73		R1 298.69	
Kumulatief	R870.70	165.21%	R775.55	148.26%

Die styging in per capita inkomstes en uitgawes was effe hoër as die gemiddelde inkomste- en uitgawe-stygings. Dit kan toegeskryf word aan die feit dat minder (9 907) bereid was om groter verantwoordelikheid te aanvaar.

4.1.1.3.15 SINODALE EN PER CAPITA SINODALE BYDRAES

Jaar	Sinodaal	%-Styging	Per Capita	Per Capita % Styging
1995/1996	R5 355 010	-4.14%	R53.66	-8.04%
1996/1997	R5 133 202	-0.21%	R49.11	-0.47%
1997/1998	R5 122 249	1.31%	R51.57	4.81%
1998/1999	R5 189 584	-15.05%	R43.60	-15.28%

1999/2000	R4 408 420	-8.41%	R40.96	-6.07%
2000/2001	R4 037 730	12.23%	R46.61	13.81%
2001/2002	R4 705 665	3.84%	R49.19	5.53%
2002/2003	R5 734 002	21.85%	R60.36	22.71%
2003/2004	R6 818 586	18.91%	R72.31	19.80%
2004/2005	R6 240 100	-8.48%	R65.83	-8.96%
2005/2006	R7 239 903	16.02%	R76.07	15.56%
2006/2007	R7 763 478	7.23%	R82.65	8.65%
2007/2008	R8 634 680	11.22%	R90.85	9.92%
Stygging	R3 279 670	61.24%	R37.19	69.31%

Die sinodale bydraes styg oor 'n periode van 12 jaar met R3 279 670 en dit is 'n stygging van 61.24%. Die per capita sinodale bydrae styg oor dieselfde periode met R37.19 (69.31%). Vergelyk aan die ander kant die Inkomste-stygging (142.30%). Die stygging kon hoofsaaklik onder beheer gehou word met die stabilisering uit eie reserwes, rentes en selfgegenereerde inkomste. Let daarop dat die vorige jaar se lidmaattalle gebruik is om die per capita sinodale bydraes te bereken.

4.1.1.3.16 BELEGGINGS, KONTANT IN LOPENDE REKENING EN LANGTERMYNLENINGS

Jaar	Beleggings	Kontant in lopende rekening	Langtermynlenings
2004/2005	R34 025 005	R5 391 448	
2005/2006	R39 273 300	R6 512 326	R12 302 243
2006/2007	R45 908 287	R9 006 273	R9 313 750

4.1.1.4 BYDRAEVLAKKE - PREDIKANTE PENSIOENFONDS - VIR GOEDKEURING

4.1.1.4.1 Agtergrond:

Kerkrade behoort weereens daarop te let dat die kollektiewe subsidie vir mediese premies na aftrede besig is om uitfaseer te word. Kerkrade sal dus verantwoordelik wees vir eie reëlings rondom die subsidie na aftrede.

Daar is weer 'n opname gemaak oor die bydraevlakte van leraars tot die pensioenfonds met die oog op voorsiening vir mediese fonds premies na aftrede. Verskeie kerkrade het positief reageer, maar vir sommige kerkrade is dit nie haalbaar nie of van hulle meen dat dit nie nodig is nie.

Wat afgetredenes betref, blyk dit uit die statistieke dat daar in die afgelope 2 jaar meer afsterwes as toetredes was.

Die volgende persone ontvang op 1 September 2007 subsidies en die bedrag beloop die aardige bedrag van R144 343 per maand.

1	Aggenbag	G	ds	35	de Villiers	VLK	me
2	Alberts	A	me	36	de Vos	ECM	me
3	Alberts	SM	me	37	de Wet	AJM	me
4	Badenhorst	TW	ds	38	Driescher	A	ds
5	Bekker	J	ds	39	Driescher	JJ	mnr
6	Berner	D	ds	40	du Plessis	CP	ds
7	Beukes	DC	me	41	du Plessis	WJJ	ds

8	Bezuidenhout	A	me	42	du Preez	JT	ds
9	Booysen	JJ	me	43	du Toit	GJJ	mnr
10	Bornman	BH	ds	44	du Toit	JHH	dr
11	Botha	AH	dr	45	du Toit	MM	me
12	Botha	AJ	me	46	du Toit	PJ	ds
13	Botha	GA	ds	47	du Toit	SP	ds
14	Botha	HC	me	48	Eksteen	MHWS	me
15	Bothma	AC	ds	49	Erasmus	GJ	ds
16	Bothma	MP	ds	50	Fourie	DCG	dr
17	Brand	C van H	ds	51	Fourie	JP	ds
18	Branders	LL	ds	52	Fourie	MC	ds
19	Bruwer	C	me	53	Froneman	EM	me
20	Buitendag	E	me	54	Gericke	JE	me
21	Burger	AS	me	55	Gildenhuys	JJ	ds
22	Christiani	E	me	56	Goosen	WC	ds
23	Cilliers	A	me	57	Gouws	HJS	ds
24	Cloete	PJ	ds	58	Grabe	JG	ds
25	Cloete	WJB	ds	59	Griesel	JM	me
26	Coetzee	JL	ds	60	Griesel	AJ	ds
27	Conradie	WT	ds	61	Grobbelaar	JM	mnr
28	Cronje	CL	me	62	Grobler	FA	mnr
29	Cronje	FJS	ds	63	Groenewald	JP	ds
30	Crous	JJ	ds	64	Hattingh	GC	ds
31	Cruywagen	JP	me	65	Hill	Y	me
32	de Beer	RJ	dr	66	Hofmeyr	JM	ds
33	de Jager	LNJ	ds	67	Holmes	MA	me
34	de Villiers	PPH	ds	68	Horn	HJ	ds
69	Hough	JA	ds	117	Prinsloo	PJ	me
70	Jacobs	JJ	ds	118	Putter	MEM	me
71	Janse van Rensburg	BJ	ds	119	Raats	HJ	me
72	Janse van Rensburg	C	dr	120	Ray	LJ	me
73	Jansen van Vuuren	HL	me	121	Ries	CA	me
74	Jansen van Vuuren	MM	me	122	Rothman	SC	me
75	Jansen	JM	me	123	Roux	LAD	ds
76	Jordaan	JA	ds	124	Shopane	SM	me
77	Kellerman	IS	ds	125	Snyman	FH	ds
78	Kendall	CB	me	126	Söhnge	L	me
79	Keyter	WH	ds	127	Spies	J	me
80	Klerck	MM	me	128	Swart	CAJ	me
81	Kotze	GD	ds	129	Terblanche	I	me
82	Kriek	CA	me	130	Terblanche	SS	dr
83	Kriel	EC	ds	131	Theron	GH	ds
84	Kruger	HGS	ds	132	Theron	P	ds
85	Kunneke	MH	dr	133	van Aswegen	WH	ds
86	Latsky	JS	me	134	van Collier	CLW	ds
87	le Roux	PPP	ds	135	van den Berg	JM	me

88	Lombaard	AJ	me	136	van der Colf	EMS	me
89	Louw	FvZ	ds	137	van der Linde	PJ	me
90	Lubbe	EMC	me	138	van der Merwe	PR	ds
91	Malan	HP	ds	139	van der Rijst	M	mnr
92	Malan	JdT	ds	140	van der Westhuizen	ME	me
93	Malan	JdP	dr	141	van Niekerk	D	me
94	Marais	JL	ds	142	van Niekerk	M	me
95	Marais van Vuuren	JJ	ds	143	van Rooyen	EM	me
96	Maré	HJ	ds	144	van Rooyen	J	me
97	Mellet	PDV	ds	145	van Vuuren	SM	dr
98	Meyer	SM	me	146	van Wyk	A	ds
99	Mostert	EC	me	147	van Wyk	AM	ds
100	Mostert	GS	ds	148	van Wyk	HJC	ds
101	Muller	FJ	mnr	149	van Wyk	HS	me
102	Myburgh	CC	ds	150	Vermaak	MS	me
103	Myburgh	DP	ds	151	Verster	JJ	ds
104	Nel	GP	mnr	152	Viljoen	JJ	ds
105	Nell	JA	ds	153	Visser	AS	me
106	O'Connell	HE	me	154	Visser	CJ	ds
107	Olivier	EMB	me	155	Voigt	PB	ds
108	Olivier	GC	ds	156	van Moltke	CF	me
109	Oosthuizen	RJ	me	157	Vosloo	AM	me
110	Painter	GW	ds	158	Vosloo	MAE	me
111	Pentz	NW	ds	159	Wehncke	AL	ds
112	Pienaar	JH	me	160	Weinmann	CF	ds
113	Potgieter	JL	ds	161	Winter	L	me
114	Potgieter	LM	me	162	Wolmarans	DJ	ds
115	Pretorius	MG	me	163	Zeeman	GH	ds
116	Prinsloo	MJJ	ds				

Die volgende persone sal nog, volgens sinode besluite, geregtig wees op mediese subsidie na aftrede:

ds. D Burgers		ds. HJ Cronje	1946		
ds. AZ Keyzer	1944	ds. CJ Oberholzer	1946	ds. JD Louw	1948
me. JE van der Berg	1944	mnr. FA Swanepoel	1946	ds. PM Strydom	1948
ds. JAC Badenhorst	1945	dr. JJ Gerber	1947	ds. DSM Bredenkamp	1949
me. WMS Rossouw	1945	dr. DC de Wet	1947		

In die lig van die klein getal persone (hierbo genoem)oordeel die SKA dit sal die moeite werd wees om die genoemde persone se subsidies aktuarieel afsonderlik te laat bereken om te bepaal of dit nie moontlik die moeite werd kan wees om 'n eenmalige bedrag vir elkeen by aftrede beskikbaar te stel nie. Dit kan ook help om die hele uitfaseringproses te bespoedig.

4.1.1.4.2 AANBEVELINGS - SKA:

- (1) Die sinode herhaal sy besluite (13.4) van die vorige sinode:
- (2) Kerkrade word herinner aan die sinodale besluite (2001) rakende die mediese subsidie na aftrede. (13.4.3.1)

- (3) Kerkrade word versoek om die verhoogde bydraevlakke by die Predikante Pensioenfonds as roete vir die voorsiening te volg. (13.4.3.2)
- (4) Kerkrade word aangemoedig om, wanneer die bydraevlakke na 150% verhoog word, die volle koste (lid- en werkgewersgedeelte) te betaal. (13.4.3.3)
- (5) Die sinode gee volmag aan die SKA om dié persone wat nog geregtig is op mediese subsidie na aftrede, se subsidies afsonderlik te laat bereken.
- (6) Die sinode gee volmag aan die SKA om, nadat die inligting bekom is, die aangeleentheid af te handel.

4.1.1.5 SINODALE EIENDOMME - VIR GOEDKEURING

4.1.1.5.1 Eiendomstrategie

Uit die onderstaande uiteensetting is dit duidelik dat die NG Kerk oor 'n diverse eiendomsportefeuilje beskik. Hoewel die besit en bestuur van eiendomme nie die kerk se kernbesigheid behoort te wees nie, kan dit nietemin 'n waardevolle item in ons beleggingsportefeuilje wees.

Dit behoort:-

- doelmatig te wees vir eie sinodale werksaamhede.
- ekonomies in stand gehou kan word.
- indien nodig, sonder moeite verhuur kan word.
- die potensiaal vir goeie kapitaalgroei te hê.
- indien nodig, geredelik maklik vervreem kan word.
- nie die Sinodale Kommissie vir Administrasie se grootste verantwoordelikheid te word nie.

4.1.1.5.2 Die NG Kerk Suid-Transvaal beskik oor die volgende eiendomme.

- | | |
|---|-------------------------------|
| (1) Sinodale Kerkkantoor-gebou Braamfontein. | Waardasie 2006 – R3,4 miljoen |
| (a) Ons het die drie ander Transvaalse sinodes se belang oorgeneem teen 'n bedrag van R115 000 en beslaan meer as 1 000 meter meter ² se kantoorruimtes met 'n saal en kelderruimtes van 'n verdere 450 meter ² . | |
| (2) Kerkgebou Braamfontein | Waardasie 2006 – R4,4 miljoen |
| (a) Die kerkgebou is aan ons geskenk met die hersamestelling van die Johannesburg en Melville-gemeentes. | |
| (3) Kerkgebou Sterrewag | Waardasie 2006 - R2,2 miljoen |
| (a) Hiérdie gebou in Observatory is etlike jare gelede aan die Vrouuediens geskenk. | |
| (4) Pastorie Aucklandpark | Waardasie 2006 – R1,5 miljoen |
| (a) Die pastorie is met die hersamestelling van die Johannesburg en Melville-gemeentes aan ons oorgedra met die versoek dat dit vir studentebediening beskikbaar gestel sal word. Die sinode het egter oor baie jare effekief vir die pastorie betaal by wyse van 'n behuisingssubsidie aan die destydse gemeente Aucklandpark. | |
| (5) Pastorie Aucklandpark | Waardasie 2006 – R1,3 miljoen |

- (a) Die pastorie is met die hersamestelling van die Johannesburg en Melville-gemeentes aan ons oorgedra. Die sinode het egter oor baie jare effektief vir pastorie betaal by wyse van 'n behuisingsubsidie aan die destydse gemeente Aucklandpark.
- (6) Pastorie Cosmo City
 - (a) Aankoopprys 2007 - R406 648-00
- (7) Achterbergh- en Nevenbergh kampterreine Chancliff,
Krugersdorp Waardasie 2006 – R62,8 miljoen
 - (a) Beide die twee kampterreine se totale aankoopprys was R5 000-00. Die sinode het 'n paar jaar gelede op aanbeveling van die destydse Sinodale Jeugkommissie toestemming verleen dat 'n gedeelte (die noordelike deel op die plato) vir eenhonderd duisend rand verkoop mag word. Gelukkig is dit nog nie op daardie stadium verkoop nie, want vandag is dit van die mees prima eiendomme aan die weste van Johannesburg met 'n gemiddelde verkoopprys van R1,2 miljoen per hektaar. Die terrein en geboue is oor die afgelope vyf jaar opgeknap teen 'n bedrag van R5 miljoen en die kostes word verhaal deur ongeveer 6 hektaar teen R7,2 miljoen te verkoop. Die verkoopsooreenkoms is in die proses om gefinaliseer te word.
 - (b) Koopkoste R5 000-00;
- (8) Kerkgebou, Saal en Pastorie in Rhodesfield, Kemptonpark
 - (a) In die lig van watter rol eiendomme in ons beleggingsportefeuilje behoort te speel, het beide die SDK en SKA geoordeel dat ons die sinodale kantoorruimtes moet afskaal en meer doelmatige kantore in 'n veiliger, toegankliker en groeiende markomgewing behoort te bekom. Die hele gebouekompleks van die gemeente Kemptonpark-Suid is op baie gunstige voorwaardes bekom. Rhodesfield is aangrensend aan die OR Tambo Internasionale lughawe en hierdie gebied is een van die snelgroeende eiendomsmarkte aan die Oos-Rand.
Aankoopprys 2007: R2,1 miljoen
- (9) EIENDOMME VERKOOP.
 - (a) Die pastorie in Valeriedene is in 2006 verkoop vir R1,4 miljoen.

4.1.1.5.3 EIENDOMME IN DIE PROSES OM VERKOOP TE WORD.

(1) Pastorie Aucklandpark

Met die emeritaat van Ds. PES Smith is hierdie eiendom nie meer noodsaaklik in ons portefeuilje nie.

(2) Sinodale Kerkkantoor Braamfontein

Hoewel die eiendomsmark die afgelope tyd baie gesond in die Braamfontein-omgewing was, is ons van mening dat dit binnekort 'n versadigingspunt gaan bereik. Die sinode het ook reeds by 'n vorige geleentheid toestemming verleen om die gebou te verkoop. Gelukkig is ook dit nie op daardie stadium verkoop nie aangesien die eiendomsmark in die laaste 4 jaar baie gesond was.

Hoewel dit 'n goeie gebou is, is dit wat eie behoeftes betref heeltemal te groot en behoort daar binnekort baie geld aan elektrisiteit, riool, hysbakke, algemene voorkoms en veiligheid bestee te word. Dit is strategies nou die regte tyd om só 'n transaksie af te handel. Dit sal gedoen word met die inagneming van die huidige huurkontrakte en die minimum ontwrigting van ons eie sinodale werkzaamhede.

(3) Kerkgebou Sterrewag

Hierdie gebou wat op 'n stadium die kantore van die Vrouediens gehuisves het, is deel van 'n groter eiendom waarop die Maria Klopper Kinderhawe en Uitkoms geleë is. Dit maak geen ekonomiese sin om die gebouekompleks langer in die portefeuilje te hou nie aangesien die huurinkomste kwalik die lopende uitgawes kan dek.

(4) Ongeveer 6 hektaar van Achterbergh/Nevenbergh

In die lig van die feit dat ons nie primêr in die eiendomsbedryf is nie en ons verdere ontwikkelinge en opgradering nie uit eie reserwes wil finansier nie, is ons van mening dat ons van die onbenutte grond kan vervreem sonder om afbreek te doen aan die unieke karakter en omgewing van die kampkompleks.

Daar is 'n ooreenkoms met 'n eiendomsontwikkelaar aangegaan om op eie koste 'n ontwikkelings-plan van die hele terrein op te stel met 'n opsie om dan 'n minimum van 6 hektaar te koop.

4.1.1.5.4 EIENDOMME IN DIE RESES AANGEKOOP

- Kerkgebou en Saal Rhodesfield
- Pastorie Rhodesfield
- Pastorie Cosmo City

4.1.1.5.5 HUIDIGE EN TOEKOMSTIGE BENUTTING VAN SINODALE EIENDOMME

(1) Sinodale Kerkkantoor-gebou Braamfontein

Ongeveer 'n 30% van die kantore word deur die Sinodale Kerkkantoor en die NGBD benut. Die res word aan die Uniting Presbyterian Church in Southern Africa (UPCSA) en The Theological Evangelical Alliance of South Africa (TEASA) verhuur.

(2) Kerkgebou Braamfontein

Die kerkgebou word aan 'n onafhanklike evangeliese kerkgenootskap verhuur.

(3) Kerkgebou Sterrewag

Die Sterrewag word aan Grace Family Church verhuur.

(4) Kerkgebou en Saal Rhodesfield.

Die kerkgebou sal vir 'n periode van minstens 10 jaar aan die gemeente Kempton-Suid of aan die groter bediening van die ringe van Kemptonpark en Birchleigh beskikbaar gestel word.

(5) Pastorie Rhodesfield

Die pastorie sal of verhuur word of in funksionele kantoorruimtes omgeskakel word.

(6) Pastorie Aucklandpark

Die pastorie word beskikbaar gestel vir Ds. Ben Klut wat verantwoordelik is vir die studentebediening in die gemeente Melville.

(7) Pastorie Aucklandpark

Die pastorie word beskikbaar gestel aan Ds. Piet Smith wat tot September 2008 as pastorale hulp gekoppel sal wees aan die gemeente Johannesburg en ook werksaam is by MES.

(8) Pastorie Cosmo City

Die pastorie word beskikbaar gestel aan die gemeente Fontainebleau vir die vestiging van 'n missionêre bediening in Cosmo City.

(9) Achterbergh- en Nevenberghkampterreine

Die kampterreine word as kamp- en konferensiefasiliteite benut en genereer goeie inkomste vir die kerk.

4.1.1.5.6 KONSOLIDERING VAN DIE EIENDOMSPORTEFULJE

Uit bogenoemde kan duidelik afgelei word dat dit dringend noodsaaklik is om 'n volledige eiendomstrategie daar te stel, eiendomme wat nie funksioneel is nie te verkoop en eiendomme wat 'n bo-gemiddelde groeipotensiaal het, aan te koop.

4.1.1.6 AANBEVELINGS – SINODALE EIENDOMME:

- (1) Die sinode keur die eiendomstrategie (1) goed.
- (2) Die sinode keur die optrede van die SKA goed met die verkoop van die pastorie in Valeriedene.
- (3) Die sinode keur die verkoop van die een Aucklandpark pastorie goed.
- (4) Die sinode keur die verkoop van die Sterrewag-kerkgebou goed.
- (5) Die sinode keur die verkoop van die Sinodale Kerkkantoorgebou in Braamfontein goed.
- (6) Die sinode verleen toestemming aan die SKA om die moontlike verkoop van die kerkgebou in Braamfontein te ondersoek en verleen volmag aan die Sinodale Dienskommissie om die transaksie in die reses af te handel.
- (7) Die sinode keur die optrede van die SKA goed met die verkoop van 'n gedeelte van die Achterbergh/Nevenbergh-kampterrein.
- (8) Die sinode keur dit goed dat die opbrengs uit die verkoop van 'n gedeelte van die kampgrond in die Reservewfonds geplaas moet word.
- (9) Die sinode keur die optrede van die SKA met die aankoop van die pastorie in Cosmo City goed.
- (10) Die sinode keur die optrede van die SKA met die aankoop van die Kemptonpark-Suid kompleks goed en verleen volmag aan die SKA om, in samewerking met die Sinodale Dienskommissie, die kompleks as 'n doelmatige sinodale kantoorcomplex in te rig.

4.1.1.7 HERBEREKENING VAN SINODALE BYDRAES - VIR GOEDKEURING.

4.1.1.7.1 Agtergrond:

Aangesien al hoe meer stemme opgaan oor die berekening van gemeentes se sinodale bydraes is daar weer verskeie werkessies deur die Dagbestuur gehou om na alternatiewe te kyk.

4.1.1.7.2 'n Paar realiteite het telkens na vore gekom, naamlik –

- (1) Die sinode behoort slegs dit te doen wat 'n gemeente of 'n ring nie kan doen nie en dan verder op voorwaarde dat dit binne fokus-areas van die sinode val en/of die breë kerkverband versterk.
- (2) Gemeentes is toenemend besig met werkzaamhede wat in die verlede deur die kerkverband behartig is.
- (3) Sinodale bydraes behoort nie ten koste van gemeentes se eie voortbestaan gehef te word nie, want sinodale werkzaamhede bestaan ter wille van gemeentes en nie andersom nie.
- (4) Die sinodale begroting behoort die bogenoemde te reflekter en daarom is 'n prioritisering van sinodale werkzaamhede dringend noodsaaklik.

4.1.1.7.3 Implementering van begrottingsbeginsels

Die SKA het in die reses baie aandag gegee om die bogenoemde realiteite (wat ook as beginsels behoort te geld) in moontlike nuwe praktyke om te skakel.

4.1.1.7.4 Barmhartigheid

- (1) Daar is veral aandag gegee aan die koste van barmhartigheidswerk wat 'n beduidende deel van die sinodale begroting uitmaak. Terselfdertyd het gemeentes die afgelope twee jaar 'n uiteensetting ontvang van hoe die sinodale bydraes aangewend is. In hierdie geval is gemeentes ingelig watter deel van hulle bydraes vir Abraham Kriel Kindersorg en die CM Rade aangewend sal word.
- (2) Hierdie praktyk kon desnoods verder uitgebrei word na ons eie Administrasie, eie leierskap, die Bedieningsfonds (wat ondersteuning aan predikante en gemeentes verskaf), bydrae tot die breë kerkverband (d.i. bydrae tot die Algemene Sinode, koste van die vergadering van die Algemene Sinode en teologiese opleiding) en ou ooreenkomste van die verlede.

4.1.1.7.5 Christelike Maatskaplike Rade

Die SKA het na 'n lang onderhandelingsproses die instemming van die onderskeie ringsverteenwoordigers vir Fondse verkry dat die ringe voortaan self die tradisionele CM Raad bydraes via hulle ringsbegrottings by gemeentes sal vorder. Die gewone item CM Rade sal dan van die sinodale begroting afgehaal word. Daar is egter enkele ringe wie se bydraes nie voldoende sal wees om hulle CM Rade te ondersteun nie. Daarvoor sal 'n spesiale CMR Ondersteuningsfonds geskep moet word wat deur die SKA en SKDB - in samewerking met die onderskeie ringsverteenwoordigers vir Fondse en Barmhartigheid - bestuur sal word.

4.1.1.7.6 Abraham Kriel Kindersorg

- (1) Abraham Kriel Kindersorg het, na onderhandelinge met die SKA-dagbestuur ingestem dat hulle jaarlikse toekenning (die grootste van al die toekennings) van die begroting afgehaal kan word. Dit word vervang met 'n orde-syfer wat die SKA jaarliks aan elke gemeente sal deurgee met die versoek om die bepaalde bedrag te betaal. Dit mag verkiekslik selfs hoër wees.
- (2) Die Sinodale Kerkkantoor sal hierdie oorengekome bedrag namens Abraham Kriel van die gemeentes hef en vorder. Abraham Kriel sal mettertyd self die invordering oorneem. Die beginsel agter hierdie reëling is om die ontvanger (Abraham Kriel) en die skenker (gemeente) nader na mekaar te bring.

4.1.1.7.7 Ander begrotingsitems

Daar is nog ander items op die begroting wat ook moontlik op hierdie wyse hanteer kan word (bv Effata, Sending in Swaziland, Trans Oranje Instituut vir Buitengewone Onderwys), maar hiermee sal die sinode moet help.

4.1.1.8 PRIORITYSERING - DIE SINODE BEHOORT:

- (1) deur 'n proses van prioritisering aan te dui watter sake is noodsaaklik vir die voortgang van sinodale werksaamhede, die ontwikkeling van die strategiese fokusse, en die instandhouding van die kerkverband. Hierdie items behoort dan ons 1ste vlak van finansiële verantwoordelikheid te wees.
- (2) aan te dui watter sake belangrik is om by betrokke te raak of om te ondersteun, hoewel dit nie noodsaaklik is nie. Hierdie items behoort dan ons 2de vlak van finansiële verantwoordelikheid te wees.
- (3) aan te dui watter sake is die verantwoordelikheid van of gemeentes of ringe.
- (4) aan te dui watter sake nie deel is van ons verantwoordelikheid as kerkverband of andersyds ook nie deel is van ons strategiese fokusse is nie

4.1.1.8.1 Konklusie

- (1) Noodsaaklike uitgawes vorm die basis waarvolgens toekomstige verpligte sinodale bydraes bereken sal word en die % word dienooreenkomsdig aangepas.
- (2) Die SKA onderhandel jaarliks afsonderlik of kollektief met gemeentes oor hulle ondersteuning vir 'belangrike sake'. Slegs die onderhandelde bedrag word dan aangewend of uitgegee.
- (3) Uitgawes waarvoor gemeentes of ringe self kan instaan (soos o.a. CM Rade en Abraham Kriel Kindersorg) word van die begroting afgehaal.
- (4) Uitgawes wat nie deel is van ons verantwoordelikheid as kerkverband of andersyds ook nie deel is van ons strategiese fokusse is nie, word van die begroting afgehaal.

4.1.1.8.2 AANBEVELINGS – SINODALE BYDRAES:

- (1) Die sinode herbevestig die realiteit/beginsels in punt 1.
- (2) Die sinode keur dit goed dat ringe self verantwoordelikheid sal aanvaar vir die invordering van dié CM Raad bydraes wat tradisioneel deur die sinode gevorder is.
- (3) Die sinode keur die stigting van 'n CM Raad Ondersteunings-fonds goed.
- (4) Die sinode keur dit goed dat die CM Raad Ondersteunings-fonds deur die SKA en SKDB gesamentlik bestuur sal word.
- (5) Die sinode keur dit goed dat die bydrae vir Abraham Kriel Kindersorg van die begroting afgehaal word en vervang word met 'n vrywillige bydrae waartoe gemeentes ingestem het.
- (6) Die sinode prioriteer haar sinodale werksaamhede aan die hand van die fokus-areas en die noodsaaklike instandhouding van die kerkverband.
- (7) Die sinode gee opdrag aan die SKA om die %-basis vir die berekening van sinodale bydraes in die lig van 9.2, 9.5 en 9.6 afwaarts aan te pas.

- (8) Die sinode versoek die SKA om vroegtydig met gemeentes te onderhandel oor finansiële ondersteuning vir belangrike (2de vlak) sake en/of werksaamhede.
- (9) Die sinode besluit dat slegs dié fondse wat deur onderhandelinge bekom is, aangewend sal word.
- (10) Die sinode besluit dat die nuwe reëling vanaf 1 Maart 2008 sal geld.

4.1.1.9 BEGROTING 2007/2008 - VIR GOEDKEURING

Aangeheg die begroting vir 2007/2008. Hierdie begroting is ter wille van die voortgang van sinodale werksaamhede en ons gesamentlike verpligtinge voorlopig deur die Sinodale Diens-kommissie hanteer en goedgekeur.

ITEM	TOTALE	%	Sinodale	%	Eie
	KOSTE	Verdeling	Bydraes	Verdeling	Bronne
Reserwefonds	34,770	0.27%		0.00%	* 34,770
Sinodale fonds	1,390,549	10.76%	1,390,549	17.23%	
Admin-gebou	328,492	2.54%	158,959	1.97%	*169,533
Pastorieë	103,800	0.80%		0.00%	*103,800
Rentefonds	664,596	5.14%		0.00%	*664,596
Kerkkantoor	1,587,872	12.29%	1,366,772	16.94%	*221,100
Moderatuur	235,280	1.82%	235,280	2.92%	
SDK	159,540	1.24%	159,540	1.98%	
Diensverhoudinge	10,953	0.08%	10,953	0.14%	
SKA	62,832	0.49%	62,832	0.78%	
Regskommissie	14,253	0.11%	14,253	0.18%	
Ex Gratia Medies	120,000	0.93%	120,000	1.49%	
Meubels en Toerusting	66,000	0.51%	66,000	0.82%	
Achterbergh	348,840	2.70%		0.00%	*348,840
Nevenbergh	317,040	2.45%		0.00%	*317,040
Kampkomitee	7,560	0.06%	7,560	0.09%	
Ekumene	16,500	0.13%	16,500	0.20%	
Achterbergh Verversings	796,634	6.17%		0.00%	*796,634
SKDB Sekretariaat	26,704	0.21%	24,604	0.30%	* 2,100
SKDB Siekesorg	8,300	0.06%	7,600	0.09%	700
SKDB Seniorbediening	38,550	0.30%	38,550	0.48%	
Jeugbediening	174,672	1.35%	102,672	1.27%	*72,000
Bedieningsfonds*	565,095	4.37%	373,095	4.62%	*192,000
Bedieningsfonds ekstra	66,200	0.51%		0.00%	* 66,200
Getuienis	304,368	2.36%		0.00%	304,368
Gevangenisbediening	25,000	0.19%		0.00%	25,000
Vrouuediens Administrasie	69,583	0.54%		0.00%	69,583
Vrouedag	20,820	0.16%		0.00%	* 20,820
Kommunikasie	105,360	0.82%	63,360	0.79%	42,000
Leer en Aktueel	9,000	0.07%	9,000	0.11%	
Projek NCD	6,000	0.05%	6,000	0.07%	
Noordelike Konvent	12,000	0.09%	12,000	0.15%	
Projek Bosberaad	14,000	0.11%	14,000	0.17%	
Projek Gay christene	7,200	0.06%		0.00%	R 7,200
Subtotaal	7,718,363	59.75%	4,260,079	52.79%	3,458,284
TOEKENNINGS					
Emeriti Subsidie	1,762,787	13.65%	1,762,787	21.85%	

NGBD Administrasie	413,000	3.20%	413,000	5.12%	
CM Rade	955,000	7.39%	955,000	11.83%	
Abraham Kriel Kindersorg	1,260,000	9.75%		0.00%	*1,260,000
Johanna Malan	48,852	0.38%	48,852	0.61%	
Studentebediening	357,000	2.76%	357,000	4.42%	
Trans Oranje Instituut	57,960	0.45%	57,960	0.72%	
Prof AS van Niekerk	34,766	0.27%	34,766	0.43%	
MES	216,000	1.67%	180,000	2.23%	36,000
Swaziland sending	94,472	0.73%		0.00%	94,472
Subtotaal	5,199,837	40.25%	3,809,365	47.21%	1,390,472
GROOTTOTAAL	12,918,200	100%	8,069,444	100.00%	4,848,756

4.1.1.9.1 Enkele opmerkinge verdien aandag:

- (1) Die begroting word nie ten volle deur sinodale bydraes gefinansier nie, maar slegs R8,069 miljoen uit 'n totale bedrag van R12,918 miljoen;
- (2) R4,849 miljoen word verhaal uit eie inkomstes en reserwes. Die syfers in laaste kolom wat met * gemerk is, is selfgenererende inkomste uit onder meer rente, huur, kampgelde en dienste wat gelewer word.
- (3) Indien hierdie bronne nie beskikbaar sou wees nie, sou die sinodale bydraes merkbaar verhoog moes word.
- (4) Wanneer die begroting volgens sinodale werksaamhede en fokus-areas rangskik word, sien dit as volg daaruit.
- (5) Die % in die 3de kolom is die % van die totale koste van die begroting.
- (6) Die % in die 4de kolom dui aan hoe die sinodale bydraes die bepaalde item finansier.
- (7) Die syfer in die 5de kolom gee 'n aanduiding van hoe 'n lidmaat se R100 bydrae (6.5% van R100 = 650 c) dmv die sinodale bydrae aangewend sal word.

Item	%	Sinodaal	650 c
Leierskap	3.16%	5.07%	32.93 c
Kerkverband	10.76%	17.23%	112.01 c
Bedryf van die Sinode	17.38%	21.60%	140.41 c
Bates	12.18%	0.09%	0.61 c
Stabiliseer	5.41%	0.00%	0.00 c
Versorging (bedieningsfonds)	5.09%	4.70%	30.54 c
Emeriti	13.65%	21.85%	141.99 c
<u>SUB-TOTAAL</u>	67.63%	70.54%	458.49 c
Fokus-Areas			
1 Verstaan die Wêreld	4.24%	5.81%	37.75 c
2 Wees Missionêr	5.03%	2.66%	17.30 c
3 Genees die Land	22.86%	20.64%	134.16 c
4 Kerkhereniging	0.09%	0.15%	0.97 c
5 Ekumene	0.13%	0.20%	1.33 c
<u>SUB-TOTAAL</u>	32.65%	29.46	191.51 c
<u>TOTAAL</u>	100%	100%	650.00 c

4.1.1.9.2 Leierskap

(3.16% van die totaal en 5.07% van sinodale bydraes)

Hierdie is die administratiewe en bedryfskostes verbonde aan die leierskap van ons sinode.

4.1.1.9.3 Kerkverband

(10.76% van die totaal en 5.07% van sinodale bydraes)

(1) Dit is bydraes tot gesamentlike werksaamhede en sluit die volgende items in:-

- (a) Ons bydrae tot die werksaamhede van die Algemene Sinode.
- (b) Die kostes om afgevaardigdes na die sitting van die Algemene Sinode te stuur.
- (c) Oris bydrae vir die instandhouding van die Algemene Sinode se Argief.
- (d) Ons bydrae tot Teologiese Opleiding. Die kostes om afgevaardigdes na ons eie sinode-sitting te stuur

4.1.1.9.4 Bedryf van die Sinode

(17.38% van die totaal en 21.60% van sinodale bydraes)

Dit is om die werksaamhede, fondse en bates van die sinode te bestuur – asook om effektiel met gemeentes te kommunikeer.

4.1.1.9.5 Bates

(12.18% van die totaal en 0.09% van sinodale bydraes)

Dit is die koste verbonde aan die instandhouding en opgradering van die sinode se vaste en roerende bates. Sien veral punt 8 rondom die hele eiendomsportefeuilje.

4.1.1.9.6 Stabiliseer

(5.41% van die totaal en 0.00% van sinodale bydraes)

Die SKA doen moeite om nie die begroting vir die doeleindes van sinodale bydraes te veel te laat rondskommel nie en daarom word die Reserwe- en Rentefonds aangewend om die skommelinge te stabiliseer en die druk op verhoogde sinodale bydraes te versag.

4.1.1.9.7 Versorging

(5.09% van die totaal en 4.70% van sinodale bydraes)

(1) Alle uitgawes verbonde aan die verryking van die bediening, ondersteuning van predikante en hulp of begeleiding van gemeentes word hier geplaas. Dit sluit items in soos:-

- | | | |
|----------------------------|----------------------|--|
| (a) Pastor Pastorum | (g) Pastor Emeriti | (l) en finansiële hulp aan gemeentes |
| (b) Faskom | (h) HUBS | (m) Venootskap van Gestuurde Gemeentes |
| (c) Standplaasverwisseling | (i) Predikantekring | |
| (d) Mentorskap | (j) NCD | |
| (e) Bedieningsteun | (k) Versorgingsfonds | |
| (f) Brugpastoraat | | |

4.1.1.9.8 Fokus-Areas

- | | |
|---------------------------|--|
| (1) Verstaan die Wêreld - | (4.42% van die totaal en 5.81% van sinodale bydraes) |
| (2) Wees Missionêr - | (5.03% van die totaal en 2.66% van sinodale bydraes) |
| (3) Genees die Land - | (22.86% van die totaal en 20.64% van sinodale bydraes) |
| (4) Kerkherening - | (0.09% van die totaal en 0.15% van sinodale bydraes) |
| (5) Ekumene - | (0.13% van die totaal en 0.20% van sinodale bydraes) |

4.1.1.9.9 AANBEVELINGS – BEGROTING:

- (1) Die sinode keur die begroting (2007/2008) goed.
- (2) Die sinode versoek die SKA om die nuwe begroting (2008/2009) op te stel aan die hand van punt 9 se besluite.

4.1.1.10 GEKOMPILEERDE BALANSSTAAT VANAF 2001 TOT 2007 : VIR GOEDKEURING

Aangeheg die gekompileerde balansstate van 2001 tot 2007. Die volgende opmerkings gee 'n oorsig oor ons balansstate sedert 2001 tot 2007.

(1) Toename : Grond en geboue	R73,6 miljoen
Sien die sprong van 2004 na 2005 en daarna na 2007. Die verbeterings by kampe is gekapitaliseer. Daar is 3 eiendomme deur onderhandeling bekom, naamlik die 2 pastorieë in Aucklandpark en die kerkgebou in Braamfontein. Al die eiendomme is met die goedkeuring van die vorige sinode herwaardeer om die verpligting vir die mediese subsidie van emeriti goed te maak. Sien no 22.	
(2) Toename : Motors, meubels en toerusting	R285 613
(3) Toename : Lenings aan	R157 027
Die Sinodale Kerkkantoor leen van tyd tot tyd geld aan gemeentes.	
(4) Afname : Aandelebeleggings	R4,4 miljoen
Hierdie belegging is te gelde gemaak en in ander instrumente belê.	
(5) Afname : Belang in die Sinodale Sentrum (Pretoria)	R647 500
Hierdie belegging is met die ontbondeling te gelde gemaak en in kontant aan ons uitbetaal.	
(6) TOTALE TOENAME	R68, 968 miljoen
(7) Afname : Beleggings in effekte	R7,876 miljoen
Die belegging is te gelde gemaak en op vaste deposito geplaas	
(8) Toename : Deposito's	R7,809 miljoen
Opbrengs op ander bates is op deposito geplaas.	
(9) Toename: Debiteure	R44 613
(10) Toename: Kontant en diverse	R5 645
(11) Toename : Bankrekening	R503 359
Daar word 'n gedeelte in kontant gehou ter wille van 'n gesonde kontantvloei	
(12) <u>TOTALE TOENAME</u>	<u>R486 981</u>
(13) <u>ALGEHELE TOENAME</u>	<u>R69,455 miljoen</u>
(14) Afname : Reservewefondse	R22,514 miljoen
Die volgende fondse word onder hierdie item bestuur en word vir spesifieke doeleindes gereserveer. Sien asseblief die detail uiteen-setting	

- (i) Die Bedieningsfonds (-R82 203) - waaruit die bedieningsverwante werksaamhede – asook hulp aan gemeentes – hanteer word. Hierdie fonds word jaarliks uit sinodale bydraes befonds. Alle onaangewende fondse word in die Bedieningsfonds gelos.
- (ii) Die Algemene Reserwefonds (-R21 669 047) - waaruit tekorte van die onderskeie werksaamhede aan die inkomstekant gestabiliseer word. Alle oorskotte of onaangewende geld word aan die einde van die kerkjaar na die Reserwefonds oorgeplaas en tekorte word weer uit die Reserwefonds goedgemaak. Die doel met hierdie fonds is om sinodale bydraes nie oormatig te laat styg nie. In 2004 was daar 'n dramatiese afname in hierdie fonds (van R7 744 809 na -R10 731 700). Dit was om voorsiening te maak vir die verpligting van die emeriti se mediese subsidies. Hoewel dit 'n boekinskrywing was, moes dit teen die Reserwefonds gedebiteer word. Hierdie verpligting sal gereeld waardeer word en na gelang van die waardasie aangepas word.
- (iii) Daar is die afgelope 3 jaar die volgende bedrae vir die emeriti se mediese subsidie begroot:
 - (a) 2007/2008 R1 762 787, 2006/2007 R1 626 000 en 2005/2006 R1 554 620. Hierdie uitgawes of 'n gedeelte daarvan kan moontlik - na 'n waardasie - teen hierdie verpligting gekrediteer word.
 - (b) Voorsiening Koste Eie Sinode (-R121 551) – waaruit die koste van ons eie sinode-sittings finansier word. Omdat sinode-vergaderings gewoonlik 'n groot uitgawe is, word jaarliks daarvoor begroot en hierdie geld word in hierdie fonds gestort (voorsien).
 - (c) Voorsiening Koste Algemene Sinode (R60 730) – waaruit die koste vir die Algemene Sinode se sitting finansier word. Omdat sinode-vergaderings gewoonlik 'n groot uitgawe is, word jaarliks daarvoor begroot en hierdie geld word in hierdie fonds gestort (voorsien).
 - (d) Emeriti Mediese Hulpfonds (-R718 658) – waaruit die subsidie van emeriti se mediese premies aangevul word. Hierdie fonds is ongeveer 10 jaar gelede gestig, maar is – as gevolg van die styging in subsidies – nou oortrek. Die kostes kon aanvanklik gedeeltelik uit die Rentefonds en gedeeltelik uit sinodale bydraes finansier word, maar moet nou ten volle (R1 762 786) uit sinodale bydraes befonds word.
 - (e) Meubels en Toerusting Vervangingfonds (- R124 689) – waaruit kostes vir die vervanging meubels en toerusting gefinansier word. Alle tekorte en oorskotte by die begrotingsitem 'meubels en toerusting' word hieruit goedgemaak of hierheen oorgeplaas. Die saldo is tans nul omdat daar genoeg in die fonds was en dit nie nodig was om sinodale bydraes vir dit te voorsien nie. Daar word vir hierdie nuwe jaar wel dmv sinodale bydraes vir hierdie item begroot.

(15) Versorgingsfonds

R52 675

Verskeie afgetredenes skuld die pensioenfondse geld nadat hulle mediese premies afgetrek is. Hierdie fonds is tot stand gebring

om huis in hierdie nood te voorsien en fluktueer van jaar tot jaar.
Daar word ook uit sinodale bydraes vir hierdie fonds begroot.

- (16) Toename : Herwaardasie van eiendomme R66 850 miljoen
- Sien die sprong van 2004 na 2005 en daarna na 2007. Die verbeterings by kampe is gekapitaliseer. Daar is 3 eiendomme deur onderhandeling bekom, naamlik die 2 pastorieë in Aucklandpark en die kerkgebou in Braamfontein. Al die eiendomme is met die goedkeuring van die vorige sinode herwaardeer om die verpligting vir die mediese subsidie van emeriti goed te maak. Sien no 22.
- (17) Toename : Waarde aanpassing R224 365
- Dit verteenwoordig die markwaarde van effektebeleggings.
- (18) Afname : Trustfondse R2,105 miljoen
- Hierdie is gefokusde fondse wat oor jare tot stand gekom het. Dit is befonds uit onder meer sinodale bydraes, skenkings, legate, fondsinsamelings, toekennings en kapitale wins. Dit was vroeër hoofsaaklik die 'eiendom' van die ou sinodale kommissies. Enkele van hierdie fondse is as gevolg van die ontbondelingsproses van die ou SKKK na ons oorgedra. Dit is MM Robertson, Maria Strydom bemaking, Mostert kinders, Zulu kinders, Qiqimana kinders, Voortrekker-gedenkfonds en Majozi kinders. Dit is later weer na Sanlam oorgedra. Al die verskillende getuienisfondse is na 2004 gekonsolideer en die Diensgroep Getuienis het van die Bybelomiefondse na gemeentes oorgedra. Die Nywerheidsbedieningsfondse is na IKKUM oorgedra. Omdat van die fondse etlike miljoene beloop het, is daar vir etlike jare doelbewus besluit om nie vir 'getuienis-uitgawes' uit sinodale bydraes te begroot nie. Die Vrouediens se werkzaamhede word ook so hanteer. Hierdie fondse het afgeneem met bogenoemde bedrag, maar hierdie praktyk sal een of ander tyd hersien moet word.
- (19) Afname : Verskeie fondse R795 493
- Die volgende fondse word hier groepeer, Algemene Reserwefonds, Sinodale Pastorieë, Admin-gebou, SKDB Sekretariaat, SKDB Kapitaalfonds, SKDB Hospitaalleraars, SKDB Interkerklike diakonaat, SKDB Diakonale fonds, Tehuis vir Alkoholiste, Achterbergh en Nevenbergh. Die enigste fondse waaraan die SDK tans diskresie het is Algemene Reserwefonds, Sinodale Pastorieë en die kampe. Die res lê by die SKDB. Oorskotte en tekorte op hierdie fondse word intern hanteer. Dit is weer met die doel om nie oormatige skommelinge in sinodale bydraes te veroorsaak nie.
- (20) Toename : Mediese Subsidie R22,8 miljoen

(21) Toename : Diverse lenings R3,782 miljoen

Aangesien die kerk nie 'n bankinstelling is nie, 'leen' ons geld by gemeentes teen 'n gunstige rentekoers. Ons leen weer aan gemeentes geld teen gunstige rentekoerse en die netto-wins word in die rentefonds gestort. Hierdie 'geleende geld' word teen geen risiko belê en moet verkiesslik te alle tye beskikbaar wees indien gemeentes dit aanvra. Sien no 9.

(22) Toename : Krediteure R1,203 miljoen

Dit is gewoon rekeninge en verpligtinge wat aan die einde van die boekjaar nie verreken of oorbetaal is nie.

(23) ALGEHELE TOENAME R69, 455 miljoen

(24) Enkele opsommende slotopmerkings:

- Die waarde van ons eiendomme is nou : R74, 3 miljoen
 - Die waarde van ons eiendomme was 6 jaar gelede R654 225
 - Die waarde van ons eiendomme het met R73,606 miljoen toegeneem.
- Ons het nou meubels en toerusting ter waarde van R285 615
 - Ons het 6 jaar gelede meubels en toerusting ter waarde van R2 gehad
 - Die waarde van ons meubels en toerusting het toegeneem met R285613
- Ons het nou lenings uitgegee ter waarde van R1, 678 miljoen
 - Ons het 6 jaar gelede lenings uitgegee ter waarde van R1, 522 miljoen
 - Ons lenings aan het toegeneem met R157 027
- Ons het nou RNUL in ons aandele-portefeuilje
 - Ons het 6 jaar gelede R4, 433 miljoen in ons aandele-portefeuilje gehad
 - Ons aandele-portefeuilje het afgeneem met R4, 433 miljoen
- Ons het nou RNUL se belang in die Sinodale Sentrum Pretoria
 - Ons het 6 jaar gelede R647 500 se belang in die Sinodale Sentrum Pretoria gehad
 - Ons belang in die Sinodale Sentrum het afgeneem met R647 500
- Ons het nou R830 500 in effekte
 - Ons het 6 jaar gelede R8,706 miljoen in effekte gehad
 - Ons belegging in effekte het afgeneem met R7,876 miljoen
- Ons het nou R10, 555 414 op deposito
 - Ons het 6 jaar gelede R2,746 miljoen op deposito gehad
 - Ons deposito's het toegeneem met R7,809 miljoen
- Ons het nou R404 033 se debiteure

- Ons het 6 jaar gelede R359 420 se debiteure gehad
- Ons debiteure-boek het toegeneem met R44 613
- Ons het nou R9 991 se kontant en diverse
 - Ons het 6 jaar gelede R4 346 se kontant en diverse gehad
 - Ons kontant en diverse het toegeneem met R5 645
- Ons het nou R1, 077 006 in ons tjkrekening
 - Ons het 6 jaar gelede R573 647 in ons tjkrekening gehad
 - Ons tjkrekening se saldo het toegeneem met R503 359
- Ons kontantposisie (uitgeslote ons eiendomme en toerustings) is nou R14, 556 miljoen
 - Ons kontantposisie was 6 jaar gelede R18, 992 miljoen
 - Ons kontantposisie het afgeneem met R4, 436 miljoen.
- Ons skuld nou R10 228 811 (lenings aan gemeentes en krediteure).
 - Ons het 6 jaar gelede R5 242 732 geskuld (lenings aan gemeentes en krediteure)
 - Ons skuld het dus toegeneem met R4 986 068

Indien al die gemeentes hulle lenings (R8, 906 miljoen) dadelik oproep en die krediteure betaal word, sal ons dit uit ons vaste deposito's en lopende rekening kan betaal en nog R1,403 miljoen oor hê plus die effekte en die lenings wat aan gemeentes gemaak is.

Ons is gelukkig om opgehoorte fondse te hê, maar hierdie fondse moet in kontant omgeskakel word om dit te kan gebruik.

Hoewel dit ons begrotingsbeleid is om die styging sinodale bydraes versigtig te bestuur en terselfdertyd nie geld by gemeentes te gaan haal indien daar wel in die sinode-koffer fondse is, kan hierdie beleid nie onbepaald toegepas word nie. Ons kon dit die afgelope 5 jaar wel doen, maar daarom mos ons diep in ons 'reservewes' gaan delf. Kyk gerus na *Reservewefondse, Trustfondse en Verskeie fondse* se saldo's.

(25) VERKOOP EN AANKOOP VAN GEMEENTE EIENDOMME

(a) Agtergrond:

Verskeie gemeentes het in die afgelope tyd die roete gevolg om pastorieë te verkoop en aan hulle leraars 'n behuisingsstoelaag te gee. Hoewel daar meriete is om leraars te help om 'n eiendom te bekom, behoort kerkrade baie deeglik te besin voor hulle hul pastorieë wil verkoop. Residensiële eiendomme het in die afgelope tyd skerp gestyg en dit kan in die toekoms vir gemeentes bykans onbekostigbaar word om 'n pastorie aan te koop.

Dit is vandag nie meer vreemd om tussen R1.5 miljoen en R2.5 miljoen vir 'n gemiddelde woonhuis te betaal nie. Indien 'n leraar sou verkies om eerder in 'n pastorie te woon en daar een aangekoop moet word, kan dit baie kerkrade in ernstige kontantvloei-probleme laat beland.

Indien kerkrade egter sou verkies om eerder 'n behuisingsstoelaag te betaal, behoort hulle die huidige markomgewing in ag te neem, want ook dit kan hulle baie duur te staan kom.

Die SKA is daarom van mening dat alvorens enige gemeente eiendomme (en dit sluit kerkgeboue, sale en pastorieë in) gekoop of verkoop word, behoort die advies van die Ring ingewin word alvorens só'n besluit geneem sal word.

(26) AANBEVELING – SKA: VERKOOP VAN KERK-EIENDOM:

Die sinode versoek kerkrade om eers die advies van die ring te vra, alvorens 'n vaste eiendom gekoop of verkoop word.

(27) SAKE DEUR DIE VORIGE SINODE VERWYS - Vir Kennisname

Die Sinode versoek die SKDB en die SKA om jaarliks oor die verdeling van CM Rade se toekennings te onderhandel (13.12.7.7)

Die saak is hanteer onder punt 9..

**DIE NEDERDUITSE GEREFORMEerde Kerk Suid-Transvaal
SAAMGESTELDE BALANSSTATE 2001 TOT 2006**

		2001	2002	2003	2004	2005	2006	2007	Toename oor 6 jaar
		R	R	R	R	R	R	R	
1	BATES								
2	Nie-bedryfsbates								
3	Grond en geboue	654,225	654,225	654,225	654,225	3,099,997	74,637,466	74,260,011	73,605,786
4	Motorvoertuie, meubels en toerusting	2	2	2	2	2	189,051	285,615	285,613
5	Leningsbeleggings	1,521,856	1,711,739	2,380,990	1,994,664	2,230,680	1,981,230	1,678,883	157,027
6	Aandelebeleggings	4,432,658	6,358,167	6,373,173	1,000,000	1,000,000	0	0	(4,432,658)
7	Belang in Sinodale Sentrum	647,500	647,500	0	0	0	0	0	(647,500)
		7,256,241	9,371,633	9,408,390	3,648,891	6,330,679	76,807,747	76,224,509	68,968,268
	Bedryfsbates								
8	Belegging in effekte	8,706,458	5,800,526	605,956	605,956	605,984	634,027	830,500	(7,875,958)
9	Aanvraag- en vaste deposito's	2,746,092	3,623,055	9,254,446	14,000,185	12,328,183	9,719,965	10,555,414	7,809,322
10	Debiteure	359,420	168,829	191,044	176,033	241,028	276,062	404,033	44,613
11	Kontant en diverse	4,346	4,991	4,991	6,991	6,991	9,991	9,991	5,645
12	Bankrekening	573,647	393,279	963,446	1,383,624	2,005,632	1,625,707	1,077,006	503,359
		12,389,963	9,990,680	11,019,883	16,172,789	15,187,818	12,265,752	12,876,944	486,981
13	TOTALE BATES	19,646,204	19,362,313	20,428,273	19,821,680	21,518,497	89,073,499	89,101,453	69,455,249
	EKWITEITE EN LASTE	2001	2002	2003	2004	2005	2006	2007	Toename oor 6 jaar
14	Fondse en Surplusse	R	R	R	R	R	R	R	
15	Reserwefondse	6,316,788	8,103,174	8,481,032	(10,311,694)	(10,946,760)	(12,512,054)	(16,196,823)	(22,513,611)
16	Reserve met Herwaardasie van Eiendomme	0	0	0	0	0	68,404,114	66,850,335	66,850,335
17	Reserve met Billike Waarde	0	0	0	0	0	27,964	224,365	224,365
18	Aanpassing	3,321,890	3,042,077	2,164,976	2,162,832	1,661,689	1,410,193	1,216,475	(2,105,415)
19	Trustfondse	4,764,783	2,888,600	3,375,774	3,020,870	2,976,706	2,758,871	3,969,290	(795,493)
20	Verskeie fondse	14,403,461	14,033,851	14,021,782	(5,127,992)	(6,308,365)	60,089,088	56,063,642	41,660,181
21	Langtermynverpligtinge Na aftreevoordeel - Mediese subsidies	0	0	0	18,621,000	19,800,000	19,800,000	22,809,000	22,809,000
22	Diverse lenings	5,123,854	5,130,634	5,584,614	5,491,737	6,841,057	8,079,020	8,906,177	3,782,323
23	Bedryfslaste.	5,123,854	5,130,634	5,584,614	24,112,737	26,641,057	27,879,020	31,715,177	26,591,323
24	Krediteure	118,889	197,828	821,877	836,935	1,185,805	1,105,391	1,322,634	1,203,745
25	TOTALE EKWITEITE EN LASTE	19,646,204	19,362,313	20,428,273	19,821,680	21,518,497	89,073,499	89,101,453	69,455,249

DIE NEDERDUITSE GEREFORMEerde Kerk Suid-Transvaal - RESERWEFONDSE 2001 TOT 2006

	2001 R	2002 R	2003 R	2004 R	2005 R	2006 R	2007 R	Toename oor 6 jaar
Bedieningsfonds	432,442	426,660	567,307	525,447	289,802	204,045	350,239	(82,203)
Algemene Reservewfonds	4,949,771	7,596,517	7,744,809	(10,731,700)	(11,128,408)	(12,498,026)	(16,719,276)	(21,669,047)
Voorsien Koste Eie Sinode	81,900	(31,730)	70,656	(93,456)	46,831	(128,303)	(39,651)	(121,551)
Voorsien Koste Algemene Sinode	23,065	43,065	(36,399)	(1,199)	(95,755)	(411)	83,795	60,730
Emeriti Mediese Hulpfonds	701,861	2,411	45,466	23,436	9,115	(9,640)	(16,797)	(718,658)
Ex-Gratia Mediese Hulpfonds	6,631	(25,431)	(22,514)	(39,570)	(90,831)	(122,154)	(125,716)	(132,347)
Meubel en Toerusting	124,689	91,682	108,136	0	0	0	0	(124,689)
Vervangingsfonds.								
Versorgingsfonds	(3,571)		3,571	5,348	22,486	42,435	49,104	52,675
CM Rade							221,479	221,479
	6,316,788	8,103,174	8,481,032	(10,311,694)	(10,946,760)	(12,512,054)	(16,196,823)	(22,513,611)

DIE NEDERDUITSE GEREFORMEerde Kerk Suid-Transvaal - VERSKEIE FONDSE 2001 TOT 2006

	2001 R	2002 R	2003 R	2004 R	2005 R	2006 R	2007 R	Toename oor 6 jaar
GEAKKUMULEERDE FONDSE OP LOPENDE REKENINGE								
Algemene Reservewfonds	4,134,908	2,325,817	2,788,726	2,415,495	2,383,430	2,167,709	2,054,967	(2,079,941)
Sinodale Pastorieë	252,767	295,345	336,457	362,253	338,432	266,604	1,410,392	1,157,625
Administrasiegebou	122,774	0	0	0	0	0	0	(122,774)
S.K.D.B. Sekretariaat	42,241	50,489	30,326	29,237	30,127	30,119	33,385	(8,856)
S.K.D.B. Kapitaalfonds	116,366	116,115	117,943	114,396	118,852	126,390	135,591	19,225
S.K.D.B. Hospitaalleraars	9,473	11,108	11,775	12,207	12,695	13,203	13,730	4,257
S.K.D.B. Interkerklike Diakonaat	7,028	9,740	10,324	10,703	13,359	13,893	14,449	7,421
S.K.D.B. Sinodale Diakonalefonds	3,937	3,979	3,313	1,668	1,949	2,392	4,469	532
Tehuis Alkoholiste	71,287	72,005	72,908	70,909	73,860	78,521	83,962	12,675
Achterbergh Kampterrein	2	2	2	2	2	7,525	97,804	97,802
Neverbergh Kampterrein	4,000	4,000	4,000	4,000	4,000	5,774	27,059	23,059
Administrasiegebou						46,741	93,482	93,482
	4,764,783	2,888,600	3,375,774	3,020,870	2,976,706	2,758,871	3,969,290	(795,493)

DIE NEDERDUITSE GEREFORMEerde Kerk Suid-Transvaal TRUSTFONDSE 2001 TOT 2006

	2001 R	2002 R	2003 R	2004 R	2005 R	2006 R	2007 R	Toename oor 6 jaar
JC le Roux Studiefonds		102,835	103,101	103,362	99,671	100,381	71,196	71,196
Jeugbediening Administrasie	282,409	223,182	7,008	9,590	12,315	18,163	29,891	(252,518)
Getuienisaksie Administrasie	68,807	20,219	11,846	12,675	1,333,813	1,025,749	928,535	859,728

Portefeuile ADMINISTRASIE

Arbeidsbediening - Ds. PJ Beukes	83,341	0	0	0	0	0	0	(83,341)
Arbeidsbediening - Ds. P Loving	9,756	8,619	29,418	37,056	0	0	0	(9,756)
Arbeidsbediening - Prof AS van Niekerk	(3,448)	0	0	0	0	0	0	3,448
Arbeidsbediening - Lughawe	5,370	370	370	0	0	0	0	(5,370)
Arbeidsbediening	-	-	92,417	169,073	70,350	34,454	0	0
Bybelverkope	76,445	84,900	96,680	48,580	0	0	0	(76,445)
Geestelike Werker Jeugbediening	101,364	107,445	113,892	118,068	0	0	0	(101,364)
Gevangenisbearbeiding	173,704	168,077	161,499	154,674	0	119,487	101,677	(72,027)
Godsdienstwerkers - Bybelomies	70,905	44,596	13,778	0	1	1	0	(70,905)
Moslembediening	181,608	192,564	204,325	211,817	0	0	0	(181,608)
Joodse Bediening	930	986	1,045	1,084	0	0	0	(930)
Kerkkantoor – Diverse	1,601	0	0	0	0	0	0	(1,601)
Kerkkantoor – Publikasie	28,362	30,052	32,359	34,067	0	0	0	(28,362)
Kerklike Aksie Noodhulp (KAN)	160,304	172,923	183,712	190,675	0	0	0	(160,304)
Mema	18,216	19,309	20,468	21,218	0	0	0	(18,216)
Middestad Evangelisasie Sending	9,375	10,108	10,921	11,322	0	0	0	(9,375)
Mosambiekssending	44,619	57,456	73,501	87,115	0	0	0	(44,619)
Ope Deure	353,055	349,239	346,637	301,818	2,600	0	0	(353,055)
Ouetehuifonds	164,667	174,547	185,020	191,804	0	0	0	(164,667)
Semelinkfonds	83,610	77,626	82,284	77,601	0	0	0	(83,610)
Swaziland Sending	2,915	0	0	0	0	0	0	(2,915)
Motorvervanging	131,449	143,802	161,274	167,408	0	0	0	(131,449)
M.M. Robertson	666,629	713,732	0	0	0	0	0	(666,629)
Maria Strydom Bemaking	9,442	10,601	0	0	0	0	0	(9,442)
Mostert Kinders Trust	14,613	0	0	0	0	0	0	(14,613)
Zulu Kinders Trust	67,973	0	0	0	0	0	0	(67,973)
Qiqimana Kinders Trust	47,878	0	0	0	0	0	0	(47,878)
Voortrekkergedenkfonds	64,865	72,704	0	0	0	0	0	(64,865)
Majozi Kinders Trust	130,649	0	0	0	0	0	0	(130,649)
JKJA Jeugfonds	6,783	6,783	0	0	0	0	0	(6,783)
Vrouediens Administrasie	111,134	104,006	176,624	153,478	78,575	45,255	16,041	(95,093)
Vrouediens Jeugfonds	3,046	3,046	0	0	0	0	0	(3,046)
Vrouediens Motor Vervanging	65,276	65,276	0	0	0	0	0	(65,276)
Vrouediens Toerusting Vervanging	26,081	26,081	0	0	0	0	0	(26,081)
Vrouediens Toekennings Trustfonds	5,891	5,891	5,891	5,891	5,891	5,891	5,891	0
Vrouediens Gebou Instandhouding	52,266	45,102	50,906	54,456	58,473	60,812	63,244	10,978
	3,321,890	3,042,077	2,164,976	2,162,832	1,661,689	1,410,193	1,216,475	(2,105,415)

<u>INKOMSTES</u>	2006/2007	2005/2006
Sinodale bydraes	7,685,007	7,271,019
Ander inkomste	2,755,214	992,049
Finansieringsinkomste	332,654	460,952
Admin heffing	139,000	136,866
Admin heffing Salarisse	60	
Tantieme	213,078	
Verkope snoepwinkel	11,691	
Admin heffing ontvang rekenaarlenings	0	
Aftrekorders	420	420
Diverse Inkomstes:	501,877	206,112
Transnet	0	0
Portnet	3,574	3,684
Donasies ontvang	100	5,700
Ex Gratia ontvang		
Zimbabwe	0	4,400
Gemeente skenkings	11,570	5,508
Huur ontvang	1,162,463	485,209
Inskrywingsgelde	150,960	74,295
Pinkster Dankoffer	17,682	10,217
Verkope opleidingsmateriaal	850	4,030
Verkope ete en verversings	541,889	55,608
UITGAWES		
Administratiewe uitgawes	10,597,268	9,877,686
Personnel uitgawes	1,388,453	1,019,463
Na-aftrede voordeel	Mediese	
	3,009,000	
Verlies	(4,221,846)	(2,173,129)

4.1.2 DIENSGROEP: KOMMUNIKASIE

4.1.2.1 AGTERGROND

Die voertuig waarmee die strategieë en werksaamhede van die Sinode onder die aandag van gemeentes en leraars gebring word, is 'n goed ontwerpde kommunikasiestrategie.

4.1.2.2 DIE SDK MAAK VAN DIE VOLGENDE KOMMUNIKASIEMETODES GEBRUIK:

In Sinode Hoëveld word die leraars en kerkkantore deurlopend op hoogte gehou van die jongste nuus, gebeurlikhede en suksesverhale van wat gebeur in ons sinodale gebied. Dit word hoofsaaklik gedoen deur die volgende:

4.1.2.2.1 Elektroniese omsendskrywes (E-pos)

Sinode Hoëveld is baie gelukkig dat die meeste gemeentes oor 'n e-pos fasilitet beskik. Op twee na, is al die gemeentes in die sinodale gebied elektronies bereikbaar. Dit beteken dat kommunikasie goedkoper, vinniger en meer gereeld kan plaasvind.

4.1.2.2.2 Kruis en Dwars (Nuusbrief)

Kruis-en-Dwars is die Sinode se elektroniese nuusbrief wat weekliks saamgestel en versend word met die doel om die gemeentes op hoogte te hou van gebeurlikhede in die sinodale gebied. Benewens nuus het dit ook ten doel om verhoudings te bou en te vestig.

4.1.2.2.3 SMS'e

Kort, op die mens af en baie direkte boodskappe word per SMS versend. Die Sinodale Kerkkantoor maak toenemend hiervan gebruik. Dit word van 'n elektroniese platform af gedoen teen 'n koste van 17c per SMS.

4.1.2.2.4 Slakkepos

Alhoewel mens dit graag heeltemal sou wou vermy in die elektroniese snelwêreld waarin ons onsself bevind, gebeur dit steeds nou en dan dat daar nog van die ou beproefde slakkepos metode gebruik gemaak word om inligting by gemeentes te verkry. Hiermee word natuurlik bedoel die aflewering van gedrukte of getikte materiaal in koeverte wat met spoeg en seëls voorberei en versend is.

4.1.2.2.5 Padberade en Persoonlike besoeke deur Moderatuurslede aan Ringe en Gemeentes.

In die tydperk sedert die vorige Sinodesitting, het die verkose leiers volgens vasgestelde patronen, op 'n een-tot-een basis by alle predikante probeer uitkom. By geleentheid was lidmate ook teenwoordig, soos byvoorbeeld in die geval waar Ringe besoek is om onderwerpe soos onder andere die voorgenome Kerkhereniging se vordering, prosesse en problematiek met hulle te bespreek.

4.1.2.2.6 Een tot een gesprekke

Die Moderamen – veral die Moderator en Aktuaris – is deurlopend beskikbaar vir gesprekke en adviese. Hierdie toeganklikheid is beslis besig om baie goeie vrugte af te werp in Sinode Hoëveld.

4.1.2.2.7 Webwerf

Sedert die vorige sinodesitting het daar redelike bewegings plaasgevind rondom die kwessie van webwerwe.

Eerstens is ons ou "Kerkweb" as die ideale basis beskou vir die ontwikkeling van 'n nasionale webruimte vir die NG Kerk in geheel.

Dit het toe inderdaad so verander en die nuwe webwerf vir die NG Kerk, naamlik www.ngkerk.org.za is van stapel gestuur. Op 'n goedverbeterde platform is 'n nasionale webwerf daargestel. 'n Tuiste vir alle sinodes in die land. Dit het sedertdien ontwikkel in 'n kosbare bron van inligting waarop al die jongste nuus van die kerk in die hele land met een oogopslag waargeneem kan word.

Sinode Hoëveld maak ruimskoots hiervan gebruik en al die vernaamste dokumentasie en inligting wat op ons Sinode betrekking het, is daar 24-7 te kry.

Dit dien vermeld te word dat ons HUA, ds. Dawid Venter, 'n reuse rol gespeel het in die integrering, ontwikkeling en daarstelling van dié webwerf.

Dr. GJ Kok

Ds. DAR Venter

4.1.3 VOORLEGGING VAN DIE GESAMENTLIKE KOMMISSIE VIR ARGIEF EN BESTUURSINLIGTINGSDIENSTE VAN DIE NG KERK VAN TRANSVAAL (GKABID)

4.1.3.1 INLEIDING.

- (1) GKABID verteenwoordig die Sinodes van Wes-Transvaal; Noordelike Sinode; Hoëveld; en Oos-Transvaal in ATABID. ATABID (via ABID) sien toe dat die geheue van die kerk uitgebou word en stel die kerk in staat om sy funksies op 'n logiese, verantwoordelike en konsekwente wyse voort te sit. ABID huisves gevvolglik ook die skriftelike en ander getuienis wat die kerk teen ongeregverdigde aansprake en duur eise beskerm. Die versameling, bewaring en gebruik van argief- en museummateriaal beteken die hantering van getuienissoor die handelinge van God Drie-enig in en deur Sy kerk in 'n bepaalde gebied. As dienaar van die kerk, het ABID die taak om hierdie getuienissoor die dienste van versameling, bewaring, ontsluiting, navorsing en publikasie te verwerk.
- (2) Die Taakspan (ATABID) bestuur die Argief en Bestuursinligtingsdienste van die NG Kerk in Stellenbosch en tref die nodige reëlings om argief- en museummateriaal van kerkrade, ringe, sinodes, kerklike kommissies en inrigtings vir bewaring in die argiefbewaarplek te versamel, te bewaar, te ontsluit en om belangrike theologiese (veral kerkhistoriese) geskrifte/publikasies vir die argiefbewaarplek te verkry, indien nodig by wyse van afskrifte/afdrukke/kopieë daarvan.
- (3) GKABID (via ABID in Stellenbosch) bied dus 'n wye verskeidenheid dienste aan die leraars, skribas/ saakgelastigdes/bedieninge en amptenare van die NG Kerk. Die dienste sluit ook inligting- en navorsingshulp aan lidmate en die publiek in.

4.1.3.2 EENWORDING VAN DIE KERKARGIEWE VAN KAAPLAND EN TRANSVAAL EN OORDRAG VAN DIE ARGIEF- EN BESTUURS-INLIGTINGSDIENSTE (ABID) AAN DIE ALGEMENE SINODE

- (1) Die nuwe Argief is in Stellenbosch gebou en die trekke vanaf die vorige Kerkargiewe in die Sinodale Sentrums in Pretoria [2003] en Kaapstad [2004] is afgehandel en die nuwe Kerkargiefgebou amptelik ingewy op 23 November 2004.
- (2) Die vier Transvaalse sinodes en die drie Kaapse sinodes het op 01.03.2005 die nodige ooreenkoms onderteken om een argief te word. Daar is onder andere oor die volgende ooreengekom: die regspersoon[e] van die gesamentlike Argief; ABID-personeel; oorneem van ABID deur die Algemene Sinode; begroting en befondsing en personeel- en finansiële administrasie. Intussen het Algemene Sinode in 2004 besluit "om met die Sinodes van Kaapland en Transvaal te onderhandel om die werkzaamhede van die "Eenheidsargief" as 'n werkzaamheid van die Algemene Sinode oor te neem en te bestuur as die Argief- en Bestuursinligtingsdienste van die Algemene Sinode van die NG Kerk." Verdere onderhandelinge het daartoe geleid dat hierdie eenheidsargief vanaf 01.06.2006 as 'n werkzaamheid van die Algemene Sinode onder direkte toesig van ATABID funksioneer. Die hoof "vennote" - ook wat die ABID-begroting betref - is die NG Kerk in SA, die sinodes van die NG Kerk van Transvaal en die Algemene Sinode.
- (3) 'n Direkteur, Dr. Johan Froneman, is aangewys en die ASM van die Algemene Sinode het reeds goedgekeur dat hy beroep word as APSD van die Algemene Sinode met

opdrag ABID, waarna hy as PSD van die NG Kerk van Transvaal na die Algemene Sinode sal oorgaan. Al die ABID-personeel is van hulle onderskeie sinodes se personeeldiensstate na die Algemene Sinode se diensstaat oorgeplaas met nuwe Dienskontrakte.

- (4) Sedert 01.06.2006 funksioneer ABID as 'n werkzaamheid van die Algemene Sinode onder direkte toesig van ATABID waarin die NG Kerk in SA (die SKA vir die drie NG Sinodes plus die VGK) en die NG Kerk van Transvaal (GKABID vir die vier sinodes) gelyke verteenwoordiging het.
- (5) 'n Omvattende reglement (vier dele) is opgestel en deur die Algemene Sinode van 2007 goedgekeur.

4.1.3.3 DIENSTE AAN DIE NG KERK.

- (1) Aandag is namens die NG Kerk (en al sy kommissies, ringe en gemeentes) aan die omvattende bepalings van die Wet op die Bevordering van Toegang tot Inligting [Wet 2 van 2000] gegee.
- (2) Groot vordering is gemaak met die opdragte oor sentralisering en rekenarisering van lidmaatregisters. Die Algemene Sinode het by sy sitting van Junie 2007 rigtinggewende besluite hieroor geneem.

4.1.3.3.1 HULP AAN GEMEENTES.

- (1) ABID stel talle handleidings en vorms aan gemeentes beskikbaar. Formuliere, diensooreenkomsde, Engelse attestate (om maar enkele te noem), kan alles van ABID se webblad afgelaai word of by ABID aangevra word.
- (2) ABID ontvang daagliks gemiddeld 250 e-pos, faks en telefoniese navrae deur predikante, kommissielede, lidmate en lede van die publiek. 'n Groot deel van die navorsing vir of deur kommissies en gemeentes vind nie meer fisies plaas nie, maar elektronies en ABID werk daagliks aan die ontsluiting van die massa data wat in die ABID-versamelings opgesluit lê. Hierdie databasisse word in en deur die gemeentes, ringe, sinodes en kommissies/diensgroepe van kerk gebruik om hulle navorsingsoektogte te vergemaklik. Navrae oor hierdie versamelings word per e-pos aan ABID gerig by ngkinliq@mweb.co.za. 'n Inligtingsoektog word gedoen en die resultaat word per e-pos versend.
- (3) Die Direkteur-Argivaris bied deurlopend opleidingskursusse op rings- en gemeentevlak aan.
 - (a) Die hoofdoel van hierdie kursusse is om kerkkantoorpersoneel op te lei om die gemeente-argivalia volgens voorskrifte - veral die Inligtingswet van 2000, Erfeniswet van 1999 en Ouditwetgewing reël bewaring en vernietiging van dokumente reël - plaaslik te bestuur, sodat ABID nie met onnodige argivalia oorstroom word en gemeentes nie wette oortree deur dokumente wat 'n wetlik voorgeskrewe leeftyd het, vernietig nie.
 - (b) Sedert 2000 is 197 gemeentes besoek. Die kerkkantoorpersoneel van 678 gemeentes is opgelei. Tussen September 2005 en Mei 2007 is kerkkantoorpersoneel soos volg opgelei: Wes- en Suid-Kaap (187), Oos-Kaap (71), Noord-Kaap (102), Transvaal (9 Opleidingsbesoeke aan "Transvaalse" gemeentes/ringe) 303 kerkkantoorpersoneellede uit 196 gemeentes.

4.1.3.3.2 INLIGTINGSDIENS.

ABID is nie net die 4,5 km lang rakke wat as stoorpolek vir die argivalia dien nie. Dit lewer 'n waardevolle bestuursinligtingsdiens. Besoek gerus die webblad om enige-iets van formuliere, dienskonakte, databasisse (leraars, gemeentes, skripsietemas, sinodebesluite, afkortings wat in die kerk gebruik word, NGTI-onderwerpe, Kerkbode- en Lig-artikels, ensovoorts) tot foto's en voorbeelde van dienskonakte en liasseerstelsels te kry. Ander inligting kan per e-pos aangevra word.

Webblad: <http://www.ngkerk.org.za/abid> [Of klik op Aktiwiteite en dan op ABID op die NG Kerk se webblad]

E-pos: ngkinliq@mweb.co.za

Posadres: Posbus 34, Stellenbosch, 7599

Straatadres: Kerkargiefgebou, Noordwal-Wes 1, Stellenbosch, 7600

Kantonnernummer: 021-882-9923

4.1.3.3.3 INLIG-AKTUEEL.

Teken gerus in op die weeklikse Inlig-Aktueel. Die personeel lees die belangrikste dag- en weekblaaisie vir die knipseldiens en gee weekliks 'n opsomming van kerknuus, artikels en selfs lesersbriewe se kommentaar oor die NG Kerk en godsdiens oor die algemeen, per e-pos as "Inlig-Aktueel" uit. Volledige berigte kan aangevra word by:

E-pos: ngkinliq@mweb.co.za Telefoon: 021-882-9923.

4.1.3.4 AANBEVELING – ABID: KURSUSSE VIR KERKKANTOOR-PERSONEEL.

- (1) Die Sinode vestig gemeentes se aandag op die dienste van ABID en moedig gemeentes aan om gebruik te maak van die Direkteur-Argivaris se aanbod om 'n kursus vir kerkkantoorpersoneel aan te bied, kerkkantore te besoek en hulle behulpsaam te wees met die selekteer van vernietigbare stukke; dit wat bewaar moet word; en die opstel van die inventaris om uitvoering te gee aan die Wet op Bevordering van Toegang tot Inligting.

4.1.3.5 NUWE SAKE.

4.1.3.5.1 DIGITERING VAN KERKLIKE DOKUMENTE.

- (1) Die feit dat die meerderheid van die versamelings in die Argief slegs as hardekopieë beskikbaar is, maak die ontsluiting en optimale benutting daarvan regtig moeilik. ABID se digitale vermoë is egter slegs geskik vir die skandering van teks/beelde vir kleiner navorsingsprojekte of navrae.
- (2) Groter digiteringsprojekte is te arbeidsintensief vir ABID se beperkte kapasiteit en begroting. Hulp het egter vanuit die buitenland gekom. In Maart en Augustus 1999 het eers die NG Kerk van Transvaal en toe die NG Kerk in Suid-Afrika ooreenkoms met die Genealogiese Instituut van Suid-Afrika (GISA) – en indirek met die Mormonse kerk se Genealogical Society of Utha, Salt Lake City (GSU) aangegaan vir die mikroverfilming van al die kerklike registers onder beheer van die NG Kerk van Transvaal en die NG Kerk in Suid-Afrika. Die verfilming is kort daarna begin en binne 'n jaar afgehandel. Dieselfde proses sou in die Kerkargiewe van Natal en OVS volg, maar is nie afgehandel nie.

- (3) GISA het namens die NG Kerk begin om met GSU (Salt Lake City) te onderhandel oor die gratis verwerking van die bestaande mikrofilms tot digitale beeldé wat per soekfunksie op 'n rekenaar gesoek en hanteer kan word, sowel as die digitale verfilming van alle kerklike registers onder beheer van die NG Kerk wat nog nie verfilm is nie.
- (4) Vroeg in Desember 2006 het lede van GISA en die Mormone 'n ooreenkoms wat voorsiening maak vir die beskerming van die NG Kerk se Intellectuele Eiendomsreg voorgelê. Dit was vir ATABID aanvaarbaar en is aan die Algemene Sekretaris voorgelê vir ondertekening. Dit het die deur oopgemaak sodat die digitering op Maandag 5 Februarie 2007 in alle erns in Stellenbosch kon begin. Dit sluit 'n onderneming in om ook alle gemeentenotules, wat ABID sou wou digiteer, gratis te digiteer. Die GSU het 'n splinternuwe digitale kamera (ter waarde van ongeveer R1 miljoen) in die Argief kom opstel. Die waarde van die hele digiteringsprojek – wat ABID (of die SKA) nijs kos nie – sal uiteindelik sowat R10 miljoen beloop.
- (5) Die suksesvolle verfilming en digitering van kerklike registers deur bemiddeling van GISA het as aansporing gedien om ander instansies om hulp te nader vir die digitering van ander dokumente in die Argief. Sedert 2004 is met 'n diensgroep van die NG Gemeente Stellenbosch onderhandel en saamgewerk om 'n deurlopende digiteringsprojek by ABID te vestig. Dit is befonds deur 'n skenking van die "Het Jan Marais Stigting." Hierdie projek dek egter hoofsaaklik die digitering van gemeente-argivalia van Stellenbosch en die oudste Kaapse gemeentes.
- (6) Internasionaal is daar steeds groot belangstelling in Suid-Afrika. Dit is veral die slaween-apartheid-tema wat bo-aan die lys staan. Ten opsigte van albei temas beskik ABID oor baie primêre bronne wat nog selde gebruik is. Die vereiste bly egter dat die data elektronies toeganklik moet wees vir sowel navorsers as vertalers.
- (7) Intussen is die GISA-projek weer hervat en is sowat 570 gemeentelike registers reeds gedigiteer. Die projek kan moontlik uitgebrei word om die digitering van alle gemeentelike notules in te sluit. Sodoende kan die hoofsaaklik ontoeganklike gemeentelike bronne vir die tydperk 25.01.1664 tot 1881 gratis gedigiteer en toeganklik gemaak word vir navorsers van "slawegeskiedenis."
- (8) Sedert Mei 2006 toon die DISA-Projek groot belangstelling in 'n gesamentlike digiteringsprojek van alle NG Kerk acta uit die sogenaamde "Apartheidsera" van 1910 tot 1994. DISA (Digital Imaging South Africa) is 'n nie-winsgewende inisiatief vir samewerking tussen navorsingsbiblioteke en -argiewe in Suidelike Afrika, geborg deur die Andrew W. Mellon Foundation en gekoppel aan die Universiteit van KZN. Dieselfde pad van ooreenkomste as met GISA vir die digitering van kerklike registers, sal ook geloop moet word sodra 'n projek gefinaliseer is.

4.1.3.5.2 AANBEVELINGS – ABID: DIGITERING VAN KERKLIKE DOKUMENTE.

- (1) Die Sinode neem met instemming kennis van die optrede van ATABID en die Algemene Sekretaris om die ooreenkoms soos deur die GSU (Mormone) voorberei en voorgelê – wat voorsiening maak vir die beskerming van die NG Kerk se Intellectuele Eiendomsreg – te onderteken.

- (2) Die Sinode neem met instemming kennis van die ABID se onderhandelinge met die GSU en die Disa-projek in Durban met die oog op die gratis digitering van kerklike dokumente.
- (3) Die Sinode versoek ATABID om, met die oog op toeganklikheid vir navorsingsdoeleindes, voort te gaan met 'n ondersoek na die moontlike digitering van alle kerklike dokumente/acta van die NG Kerk.
- (4) Die Sinode versoek ATABID om – in oorleg met die ASM – 'n beleid op te stel vir die digitering van dokumente wat moontlik 'n sensitiewe inhoud het.

4.1.3.5.3 TOEGANG TOT ARGIVALIA.

- 1) Die Kaapse Kerkargief het as beleid gehad dat navorsers eers brieve van toestemming vanaf die betrokke gemeente moet verkry alvorens toegang tot argivalia van die gemeente verleen kan word. Die Transvaalse gemeentes het dit aan die diskresie van die Direkteur-Argivaris oorgelaat.
- 2) ATABID het, met inagneming van die bestaande beleid ten opsigte van genealogiese navorsing en die Wet op die Bevordering van Toegang tot Inligting [Wet 2 van 2000] besluit om 'n beleid daar te stel.

4.1.3.5.4 AANBEVELINGS – ABID: TOEGANG TOT ARGIVALIA.

- (1) Alle navorsers wat vir navorsingsdoeleindes toegang tot die argivalia van gemeentes (wat in die Argief geberg word) wil verkry, moet vooraf self, met 'n duidelik gemotiveerde aansoek [doel en onderwerp] by die gemeente aansoek doen om toegang tot die argivalia.
- (2) Alle navorsers wat vir navorsingsdoeleindes toegang tot die argivalia van gemeentes wil verkry, moet 'n afskrif van die aansoek, saam met die gemeente se toestemming, aan ABID voorsien alvorens toegang tot die argivalia verleen sal word.
- (3) Alle navorsers wat 'n Wet 2 van 2000-versoek [Wet op die Bevordering van Toegang tot Inligting] wil verkry, volg die voorgeskrewe prosedure.

4.1.3.6 ARGIEF- EN INLIGTINGSWETGEWING

4.1.3.6.1 OPDRAG [ALGEMENE SINODE 2004, BESLUITERREGISTER F.1.2.4.3 ARGIEF- EN INLIGTINGSWETGEWING]

- (1) *Die Algemene Sinode bepaal dat die betrokke "PERSOON" (Inligtingsbeampte) wat ten opsigte van alle kommissies/diensgroepe van die Algemene Sinode, sinodes, ringe, kerkrade, inrigtings en alle instansies wat inligting bewaar by wie aansoek om toegang tot inligting ingediend moet word, die Argivaris van die Algemene Sinode is (tans argivaris van die Eenheidsargief: Kaapland, Transvaal en Algemene Sinode).*
- (2) *Die Taakspan Argief en Taakspan Regte kry opdrag om al die dokumente voor te berei (Handleiding en Inventaris van die NG Kerk) en voorsien aan alle kommissies/diensgroepe en kerkvergaderinge van 'n voorbeeld van 'n Handleiding, die Inventaris, Vorm B (aansoeke om toegang tot inligting) en die "Bylae" (oor kostes).*
- (3) *Die Taakspan Argief voorsien 'n inligtingstuk aan alle kerklike betrokkenes oor die rede vir die wet en die praktiese uitvoering daarvan.*
- (4) *Die Sinode neem kennis dat die Nasionale Erfeniswet (Wet 25 van 1999 en aangevul in Goewermentskennisgewing No 1313 van 25.10.2002) bepaal dat alle geboue ouer as*

60 jaar deur die wet beskerm word en dat toestemming verkry moet word voordat enige vervreemding, restourasie of verbouings mag plaasvind en versoek die Taak-span Argief om 'n inligtingstuk hieroor voor te berei.

4.1.3.6.2 UITVOERING

- (1) Die uitvoering van die besluit was omslagtig omdat baie inligting eers met die Suid-Afrikaanse Menseregtekommisie uitgeklaar moes word.
- (2) Die proses is ook met die Algemene Sekretaris bespreek en die inligtingstuk oor die Inligtingswet – deur ABID voorberei – is in Augustus 2005 deur die ASM goedgekeur. Voor die teikendatum van 31.08.2005 is hierdie inligtingstuk na die kantore van die Algemene Sinode en elk van die streeksinodes gestuur vir verspreiding na hulle kommissies, ringe en gemeentes. 'n Handleiding met die amptelike Inventaris – ook deur ABID voorberei volgens die voorskrifte van die Suid-Afrikaanse Menseregtekommisie – is by dieselfde geleentheid deur die ASM goedgekeur.
- (3) Hierdie Handleiding; die Inligtingstuk; die amptelike Inventaris saam met die "Jaarboek van die NG Kerke 2005" en "Die Kerkorde 2004" is voor die sluitingsdatum van Woensdag 31.08.2005 by die twee kantore van die Suid-Afrikaanse Menseregtekommisie ingedien.
- (4) Die Handleiding met al die bylaes is ook na al die Sinodale Kerkkantore versprei, wat verantwoordelik was om dit verder bekend te stel. Kort hierna – op 14.09.2005 – het ABID ook 'n inventarisvorm langs dieselfde weë na alle kerklike instansies versprei om hulle te help met die voorberei van hulle inventarisse vir indiening voor 31.12.2005.
- (5) Die Handleiding word aan persone beskikbaar gestel wat vra vir die Handleiding. Alle aansoeke om toegang tot inligting word egter slegs by die kantore van die Argief en Bestuursinligtingsdienste van die NG Kerk in Stellenbosch ingedien. Meer inligting oor die Wet op Toegang tot Inligting [Wet 2 van 2000] is op die tuisblad van Suid-Afrikaanse Menseregtekommisie beskikbaar by <http://www.sahrc.org.za>.
- (6) Die finale datum vir die indiening van sinodes, ringe en gemeentes se inventarisse is uitgestel tot op 31.12.2005. Tot op datum het slegs 415 [uit ongeveer 1,117] gemeentes en 27 [uit 144] ringe hulle inventarisvorms ingedien om te voldoen aan die bepalings van die ooreenkoms met die Menseregtekommisie [Wet 2 van 2000]. Nog nie een van die Sinodale Kerkkantore of enige kommissie/diensgroep/taakspan van enige sinode het 'n inventaris voorgelê nie.
- (7) Daar sal binnekort aandag gegee word aan die voorbereiding van 'n Inligtingstuk oor die Nasionale Erfeniswet [25 van 1999, aangevul deur Goewermentskennisgewing No 1313 van 25.10.2002] en wat op dieselfde wyse versprei sal word.

4.1.3.6.3 AANBEVELINGS – ABID: WET 2 VAN 2000.

Die Sinode versoek sinodale kommissies, ringe en gemeentes :

- (1) om dringend kennis te neem van die implikasies wat die Wet op die Bevordering van Toegang tot Inligting [Wet 2 van 2000] en die Nasionale Erfeniswet [Wet 25 van 1999 en soos aangevul in Goewermentskennisgewing No 1313 van 25.10.2002] vir plaaslike gemeentes inhoud; en
- (2) om so spoedig moontlik die ooreengekome inventaris aan ABID te besorg.

4.1.3.7 SENTRALISERING EN REKENARISERING VAN REGISTERS

- (1) Opdrag:- Die Algemene Sinode het in 2002 besluit dat die AKAI moet voortgaan met sy ondersoek ten opsigte van die sentralisering van kerklike registers en dat aan die ASK oor die alternatiewe (indirekte of direkte sentralisering) verslag gedoen moet word en dat die ASK die saak moet afhandel.
- (2) Uitvoering:- Taakspan-ABID kon eers teen die einde van 2005 by 'n werkbare oplossing ten opsigte van die sentralisering van registers uitkom en het aan die ASM-vergadering van 14 en 15 Maart 2006 hieroor verslag gedoen. Taakspan-ABID het hierdie verslag opgevolg met 'n verdere verslag aan die ASM op 19 en 20 Junie 2006. Na verdere ondersoek, op versoek van die ASM en in samewerking met lede van die ASM, het die ASM op 30 Januarie 2007 'n aantal beginsels vir die Sentralisering van Gemeentelike Registers aanvaar en die Taakspan versoek om die ASM by sy volgende vergadering met 'n finale aanbeveling te bedien.
- (3) Daar is oor die volgende besin:
 - (a) Voordele van 'n gesentraliseerde stelsel vir gemeentelike registers:
 - (i) Alle soektogte vind op net een punt plaas wat tyd, koste en frustrasie beperk.
 - (ii) Verhoogde effektiwiteit en produktiwiteit van kerkkantoor personeel wat nie meer tyd verspeel met week-en selfs maandelange soektogte na lidmaatbesonderhede.
 - (iii) Toegang tot statistiek wat vroeër nie beskikbaar was nie.
 - (iv) Géén jaarlikse registerafskrifte word meer ingedien nie.
 - (v) Duisende lidmate-sonder-adresse word gevind en verwijder van gemeente se bedryfstelsels.
 - (b) Voordele van 'n gesentraliseerde stelsel vir die NG Kerk
 - (i) Die stelsel werk met 'n dag-tot-dag opgedateerde kontakadres vir elke gemeente wat deur die Jaarboek gebruik kan word.
 - (ii) Dit kan deur sinodes gebruik word om binne minute 'n groot gedeelte van die NG Kerk met inligting te bereik.
 - (iii) Data-analise moontlikhede van dag-tot-dag opgedateerde besonderhede oor getalle/ouderdomme/ groepe vir Kerkspieël, die Jaarboek, eie bedieninge.
 - (iv) Die Algemene Sinode se kommunikasiestelsel kan hiermee verbeter word.
- (4) Die Taakspan se aanbevelings is op 15 Maart 2007 aan die ASM voorgelê, wat besluit het dat Taakspan-ABID dit aan die Algemene Sinode van Junie 2007 moet voorlê. Die Algemene Sinode het die verslag in sy geheel goedgekeur en dit na die onderskeie streeksinodes aanbeveel. Indien 'n sinode (of 'n aantal gemeentes) besluit om nie deel te neem nie, staak die proses ten opsigte van die sentralisering van gemeentelike registers onmiddellik.

4.1.3.7.1 VERTREKPUNT VIR DIE SENTRALISERING VAN DIE GEMEENTELIKE REGISTERS VAN DIE NG KERK:-

(1) Streeksinodes:

- (a) Die onderskeie streeksinodes lê die saak aan hulle gemeentes voor (desnoods by 'n sinodesitting), verduidelik die doel/voordele en verkry die gemeentes se samewerking vóór 30.06.2008 en doen daaroor aan die ASM verslag (voor 01.07.2008).
- (b) Die ASM gee voor die doeldatum vir die begin van die proses [1 Julie 2008] aan ABID opdrag al dan nie om met die projek te begin met die oog op die voltooiing van die proses. Die mikpunt vir die inwerkingstelling van die gesentraliseerde databasis en soekenjin kan dan op 1 Januarie 2009 wees.
- (c) Elke streeksinode bepaal self hoe die jaarlikse tarief vanaf die gemeentes ingevorder sal word. Dit moet aan die Algemene Sinode oorbetaal word vir die diens wat deur ABID gelewer sal word. Die koste verbonde aan die sentrale diens word soos volg gestructureer:

(2) Aanvanklike Koste:

- (a) Elke gemeente betaal vir die aanvanklike invoer/opneem van data na gelang van die huidige status van hulle register-data (op Infokerk; in ander programme; slegs handregisters)
- (b) Maandelikse koste nadat data op/in stelsel opgeneem is na gelang van grootte van die gemeente:
 - (i) Kleiner gemeentes (1 – 750 siele): R500,00 per jaar;
 - (ii) Middel grootte gemeentes (751 – 3 000 siele) R1 000,00 per jaar
 - (iii) Groot gemeentes (3 001 – 5 000 siele): R1 400,00 per jaar
 - (iv) Makro-gemeentes (meer as 5 000 siele): R1 600,00 per jaar
- (c) Verhoging van koste word volgens die inflasiekoers bestuur.

(3) Vordering van bedrae: Bedrae word as 'n gedeelte van 'n sinodale aanslag deur die streeksinodes gevorder en aan ABID via die Algemene Sinode oorbetaal.

(4) ABID gaan nou reeds voort om:

- (a) met die diensverskaffer Infokerk te onderhandel, maar geen finale ooreenkoms word aangegaan of aankope van rekenaartegnologie word gedoen voordat die ASM nie aan ABID die opdrag gee - sien 4.4.3.1 [2] hierbo – nie;
- (b) gemeentes aan te moedig om die ID-nommers van hulle lidmate-met-adresse te bekomm en om lidmate wat nog nie in hulle databases ingesleutel is nie, terugwerkend in te sleutel.

(5) ABID gaan intussen voort met verdere ondersoeke:

- (a) Ander rugsteun-moontlikhede word nog ondersoek wat verdere kostebesparing kan meebring.
- (b) Veranderde tegnologie. Vyftien maande is 'n "leeftyd" in die Informasietegnologie-wêreld. Nuwe verbeterde stelsels kan oor 'n jaar of wat beskikbaar wees.

4.1.3.7.2 Voorgestelde werking van die stelsel:-

- (1) ABID maak gebruik van 'n diensverskaffer (tans Infokerk) wat die platform skep vir die opneem van data/lidmate in die stelsel en die implementering van 'n databasis by ABID waar gemeentes wat oor die tegnologie beskik, self die aanvrae/oorplasings kan doen (via die internet). Gemeentes wat nie oor die nodige tegnologie beskik nie, doen alle aanvrae/oorplasings by/deur middel van ABID (e-pos, faks of brieve).
- (2) Alle gemeentes van die NG Kerk se lidmaatbesonderhede van doop- en belydende lidmate uit die bestaande registers (plus hulle identiteitsnommer) word elektronies opgeneem in 'n sentrale databasis wat deur ABID bestuur (ontwikkel en in stand gehou) word.
- (3) Lidmate/lidmaatbesonderhede word vir hierdie doel verdeel in:
 - (a) Lidmate-met-adresse, dit wil sê lidmate tans in die gemeente en bekend. Word almal ingevoer/opgeneem in sentrale databasis.
 - (b) Lidmate-sonder-adresse, dit wil sê lidmate wat tans nie meer in die gemeente is nie (sterftes, vertrek, kerk-/land verlaat), sonder dat lidmaatskap amptelik oorgeplaas is.
- (4) Elektroniese soektogte en -oorplasings:
 - (a) Voorbeeld: Aanvraag van 'n lidmaatskapsertifikaat.
 - (i) Die Skriba van Gemeente A teken per wagwoord in op die stelsel (soos vir 'n aanlyn banktransaksie).
 - (ii) Met die betrokke lidmaat se identiteitsnommer (soos 'n rekeningnommer) word 'n boodskap vanaf Gemeente A na ABID se databasis gestuur.
 - (iii) ABID se databasis "herken" die lidmaat en stuur outomatisies die versoek na die gemeente (Gemeente B) waar die betrokke lidmaat se lidmaatskap nog aangeteken is.
 - (iv) Gemeente B bevestig (klik) dat die lidmaatskap na Gemeente A oorgeplaas kan word.
 - (v) ABID se databasis kry die antwoord en plaas die lidmaatskap oor na Gemeente A.
 - (b) ABID bestuur alle uitsonderings, naamlik lidmate-sonder-adresse; gemeentes sonder nodige tegnologie; en gemeentes met eie/unieke lidmaatdatabasisse, lidmate sonder identiteitsnummers, data wat verkeerd ingevoer is, ensovoorts.
 - (c) Gemeentes kan self op die ABID databasis kontroleer watter lidmate se lidmaatskapsertifikate ontvang of uitstaande is.
- (5) Deurlopende opdatering van data. Alle opdaterings (dope; belydenisaflegging; sterftes; bedankings; rektifikasies) word soos volg hanteer:
 - (a) Gemeentes met die nodige toerusting: Maandeliks self afgesluit soos finansiële boeke en jaarliks gekontroleer met sertifisering deur die kerkraad se argiekommisie wat aan die Ringsargiekommisie sertificeer dat alle opdaterings elektronies by die ABID databasis op datum is.

- (b) Gemeentes sonder die nodige elektroniese toerusting: Dieselfde as hierbo, met dié verskil dat die kerkraad se argiekommissie die sertifisering doen uit die korrespondensie tussen die gemeente en ABID.

4.1.3.7.3 AANBEVELINGS – ABID: REKENARISERING EN SENTRALISERING VAN LIDMAATREGISTERS.

- (1) Die Sinode neem met dank kennis dat die Algemene Sinode in beginsel die rekenarialisering en sentralisering van lidmaatregisters goedgekeur het en besluit om heelhartig met die projek saam te werk.
- (2) Die Sinode versoek die SFK om die nodige reëlings te tref vir die invordering van gemeentes se jaarlikse tarief vir ABID se dienste ten opsigte van die sentralisering en rekenarialisering van lidmaatregisters.
- (3) Die Sinode versoek gemeentes om so spoedig moontlik seker te maak dat hulle lidmaatdatabasis volledig en korrek is (met identiteitsnummers), sodat die stelsel op 1 Januarie 2009 in werking gestel kan word.
- (4) Die Sinode versoek ATABID en GKABID om gemeentes op hoogte te hou van die vordering met die proses en om gemeentes van hulp te wees met die vereistes van 'n gemeentelike databasis.

4.1.3.8 PROBLEME MET DIE ARGIEFGEBOU

Die vloer (Vlak 1) van die nuwe argiefgebou se Kluis 1 is so skeef dat sommige rakke nie meer kan skuif sonder om brute krag te gebruik nie. Dit was veronderstel om glad op wiele te kan rol. Ander rakke moet met meubels gekeer word om nie vanself afdraand te skuif nie. Dit is 'n baie ernstige probleem met groot implikasies vir ABID se dienslewering. Die ergste scenario is dat die groot kluis vir 'n paar maande ontruim sal moet word met die oog op die lê van 'n nuwe vloer – met alles wat dit impliseer vir ABID se dienslewering. Dit kan met baie groot kostes gepaard gaan.

Daar is ook steeds probleme met die beveiliging van Kluis 1. Die vertrek waar die lugreëling en brand- bestrydingstoerusting staan, het geen sekuriteit nie en word steeds as 'n bouers-pakkamer gebruik. Dit is maklik om via hierdie vertrek toegang tot die kluis te kry. Die lugreëling in Kluis 1 (wat ook die vogtigheid in die kluis moet beheer) gee gereeld in. Die brandbestrydingstoerusting funksioneer ook nie korrek nie. Hierdie faktore hou 'n ernstige bedreiging vir die ABID se effektiewe funksionering in.

In Kluis 2 word 'n vogprobleem ondervind wat muf op die argivalia laat groei. Die klammigheid slaan van buite deur die mure as gevolg van verstopte geute en water wat teen die binnekant van die spoumuur afloop.

4.1.3.8.1 AANBEVELING – ABID: ARGIEFGEBOU.

- (1) Die Sinode neem met kommer kennis van die onopgeloste probleme in die argiefgebou en versoek die eienaar (NG Kerk in SA) om dringend aandag te gee aan die gebreke – veral ten opsigte van die kluise se vloere, beveiling en klimaatbeheer.

4.1.3.9 REGLEMENTWYSIGINGS

- (1) Opdrag [Algemene Sinode 2004, Besluiteregister F.2.4.3 Argief en Inligtingsdienste]
 - (a) "Die Taakspan Argief lê hersiene "Riglyne: Argief- en Museumbeleid" aan die Taakspan Regte voor, waarna dit na die Algemene Diensgroep Leiers verwys word vir afhandeling."

- (2) Uitvoering:- Die Algemene Taakspan Regte het vir Dr. Hannes Theron aangewys om saam met ATABID die Reglement te hersien en die hersiene Reglement is op 02.03.2006 saam met Dr. Hannes Theron deurgewerk en aan hom oorhandig om aan die ATR voor te lê vir afhandeling. Hierdie Reglement is deur die Algemene Sinode op 8 Junie 2007 goedgekeur.

4.1.3.9.1 AANBEVELING – ABID REGLEMENTE:

- (1) Die Sinode neem kennis dat die Algemene Sinode 2007 die vier reglemente vir die Argief en Bestuursinligtingsdienste van die NG Kerk ("Reglement vir die Algemene Sinodale Taakspan vir Argief en Bestuursinligtingsdienste (ATABID)"; "Reglement vir die hantering van Argief- en Museummateriaal"; "Reglement vir die Direkteur-Argivaris van die NG Kerk" en "Reglement vir die hantering van registers") goedgekeur het.
- (2) Die bestaande Argief-reglemente (4.6.3.1) word in hul geheel met hierdie nuwe vierledige reglement (Reglemente vir Argief en Bestuursinligtingsdienste van die NG Kerk) vervang.
- (3) Hierdie Reglement word in die Kerkorde van 2007 opgeneem, alhoewel dit reeds in die Algemene Sinode se Kerkorde (met Reglemente) van 2007 word.
- (4) Die Sinode versoek die SRK om alle bestaande verwysings na vorige Argiefreglemente in die Sinode se Kerkorde te wysig na die spesifieke nommer van die vier reglemente.

4.1.3.10 PERSONEEL

- (1) ABID se agt personeellede is sedert 01.06.2006 vir diens by die Algemene Sinode oorgeplaas.
- (2) ABID is bevoorreg om kundige personeel met baie jare se ervaring te hê: Direkteur-Argivaris: Dr. Johan Froneman (sedert 1994); Assistent-direkteur: Mev Dienkie Froneman (sedert 1995); Hoof-Argivaris: Mev Marlene Schoeman (Termynpos vanaf 01.11.2006 tot 06.04.2013); Senior Argivaris: Mev Alta Vrey (sedert 2004); Argivaris: Susan Marais (sedert 1983); Twee Argiefbeamptes: Angeline Brooks (sedert 1998) en Marsha Conning (Sedert 2004) en die Algemene Diens-werker: Julia Daniels (sedert 2006).
- (3) ABID het op 31 Julie 2006 van.mnr Patrick van Wyck afskeid geneem wat in 1988 as 'n argiefbeampte by die Kaapse Kerkargief begin werk het. Met sy bedanking in 2006, was hy die Hoof-Argivaris.
- (4) Met die eenwording van die Kaapse en die Transvaalse Kerkargiewe op 01.11.2004 het Dr. Johan Froneman die Direkteur-Argivaris geword. Dr. Ben du Toit het sy 50% pos as Argivaris (Kaapse Argief) verruil vir 'n 50% pos by die Algemene Sinode as Parlementêre verteenwoordiger. ABID is groot dank verskuldig aan al die personeel veral vir die reuse werk rondom die oprig van die nuwe argiefgebou, die trek na die nuwe gebou op die terrein van die Kweekskool te Stellenbosch, die integrering van die twee Kerkargiewe en die voortgesette goeie diens aan so'n groot deel van die NG Kerk.

DIREKTEUR-ARGIVARIS
DR JOHAN FRONEMAN

GKABID VERTEENWOORDIGER
DS GIDEON DU TOIT

AFKORTINGS GEBRUIK:
ASM Algemene Sinode Moderamen

ABID	Argief en Bestuursinligtingsdiens. Dit verwys na die Argief. ABID word dus in die plek van "Argief" gebruik, aangesien ABID veel meer as'n bewaarplek is.
ATABID	Algemene Taakspan Argief en Bestuursinligtingsdienste.
DISA	Digital Imaging South Africa
GISA	Genealogiese Instituut van Suid-Afrika
GSU	Genealogical Society of Utha, Salt Lake City
SKA	Sinodale Kommissie vir die Argief
SKABID	Sinodale Kommissie vir Argief en Bestuursinligtingsdienste

4.1.3.11 BYLAAG 1: REGLEMENTE VIR ARGIEF EN BESTUURSINLIGTINGS-DIENSTE VAN DIE NG KERK.

4.1.3.11.1 Reglement vir die Algemene Sinodale Taakspan vir Argief en Bestuursinligtingsdienste (ATABID)

1. NAAM

1.1 Algemene Taakspan vir Argief en Bestuursinligtingsdienste van die Algemene Sinode (ATABID).

2. SAMESTELLING

2.1 Die Taakspan word soos volg saamgestel (13 lede)

2.1.1 Sinodale Kommissie vir die Argief van die NG Kerk in Suid-Afrika (SKA): 4 verteenwoordigers met sekundi [1 per deelnemende sinode] – begroot deur Algemene Sinode.

2.1.2 Gesamentlike Kommissie vir Argief en Bestuursinligtingsdienste van die NG Kerk van Transvaal (GKABID): 4 verteenwoordigers met sekundi [1 per deelnemende sinode] – begroot deur Algemene Sinode.

2.1.3 OVS, Natal en Namibië: een verteenwoordiger elk met sekundi – begroot deur Algemene Sinode.

2.1.4 Direkteur-Argivaris van die Argief en Bestuursinligtingsdienste van die NG Kerk – begroot deur die Algemene Sinode.

2.1.5 Een Kerkgeschiedenisdosent – begroot deur die Algemene Sinode.

2.1.6 Die Taakspan het die reg tot koöptering van 'n addisionele lid indien nodig – begroot deur Algemene Sinode

2.2 Die Dagbestuur van die Taakspan word soos volg saamgestel (3 lede) – begroot deur die Algemene Sinode

2.2.1 Voorsitter van Taakspan-ABID;

2.2.2 Ondervoorsitter van Taakspan-ABID; en

2.2.3 die Direkteur-Argivaris as skriba.

2.3 Vergaderings

2.3.1 Een gesamentlike Taakspan-vergadering word jaarliks so ver moontlik in Maart van elke jaar gehou.

- 2.3.2 Die jaarlikse SKA- en GKABID-vergaderings vind nie meer afsonderlik plaas nie; maar val saam met die Taakspan se vergadering, met eie byeenkomste soos self gereël wanneer nodig.
- 2.3.3 Een Dagbestuursvergadering word jaarliks so ver moontlik in November gehou met die oog op die jaarlikse begroting. Indien noodsaaklik word 'n tweede Dagbestuursvergadering en/of telefoonvergaderings gehou.

3. KONSTITUERING

- 3.1 Die Taakspan konstitueer ná 'n gewone vergadering van die Algemene Sinode en kies 'n voorsitter en ondervoorsitter uit die lede. Die Direkteur-Argivaris van die Argief en Bestuursinligtingsdienste is ampshalwe skriba van die Taakspan.
- 3.2 By die konstituering word 'n dagbestuur saamgestel (Sien 2.2 hierbo).
- 3.3 Die Taakspan betrek kundiges op 'n ad hoc- of permanente basis in sy werkzaamhede en benoem subkommissies volgens behoefté.

4. VERGADERINGS

4.1 Taakspan

- 4.1.1 Een vergadering word jaarliks gehou (verkieslik in Maart). Bykomende vergaderings kan elektronies of telefonies gehou word.

4.2 Dagbestuur

- 4.2.1 Een vergadering word jaarliks (verkieslik in November) gehou met die oog op die jaarlikse begroting. Indien noodsaaklik, word 'n tweede dagbestuursvergadering gehou. Bykomende vergaderings kan elektronies of telefonies gehou word.

5. OPDRAG

5.1 Die Taakspan adviseer die Algemene Sinode

- 5.1.1 in verband met die bestuur van die Argief en Bestuursinligtingsdienste van die NG Kerk in Stellenbosch;
- 5.1.2 in verband met die argiefreglemente en handleidings – ook vir gebruik deur sinodes;
- 5.1.3 in verband met relevante wetgewing van toepassing op die bewaring van en toegang tot argief- en museummateriaal;
- 5.1.4 in verband met rekordbeheer en
- 5.1.5 met betrekking tot die publisering van belangrike historiese bronne en ander kerkhistoriese publikasies.
- 5.2 Die Taakspan adviseer die sinodes oor die voorsiening van doelmatige fasiliteite vir 'n argiefbewaarplek en verwante dienste; asook oor die versameling, versorging, bewaring en gebruik van argief- en museummateriaal.
- 5.3 Die Taakspan bestuur die Argief en Bestuursinligtingsdienste van die NG Kerk in Stellenbosch en tref die nodige reëlings

- 5.3.1 om argief- en museummateriaal van kerkrade, ringe, sinodes, kerklike kommissies en inrigtings vir bewaring in die argiefbewaarplek te versamel, te bewaar, te ontsluit en
- 5.3.2 om belangrike theologiese (veral kerkhistoriese) geskrifte/publikasies vir die argiefbewaarplek te verkry, indien nodig by wyse van afskrifte/afdrukke/kopieë daarvan.
- 5.4 Die Taakspan beslis finaal oor die moontlike vernietiging van wegdoenbare stukke.
- 5.5 Die Taakspan oorweeg en publiseer belangrike kerkhistoriese en ander materiaal.
- 5.6 Die Taakspan sien toe dat inligting vir in memoriam verslae volgens die prosedure in die Argief- en Museumbeleid tussen sinodes uitgeruil word.
- 5.7 Die Taakspan bestuur die personeel van die Argief en Bestuursinligtingsdienste van die NG Kerk:
- 5.7.1 bepaal behoeftes ten opsigte van personeel met posbeskrywings en -evaluering, personeelregulasies, verlofreëlings, salarisskale, aanpassings en keuring;
 - 5.7.2 stel personeel aan in bestaande poste en sien toe dat die nodige dienskontrakte op datum is en
 - 5.7.3 bepaal die werksaamhede van die Direkteur van Argief en Bestuursinligtingsdienste [sien Reglement XX] en ander personeel en hou toesig oor hulle funksionering.
- 5.8 Die Taakspan lê jaarliks 'n begroting vir sy werksaamhede voor aan
- 5.8.1 die Sinodale Kommissie vir Fondse van die NG Kerk in Suid-Afrika (SKA);
 - 5.8.2 die Gesamentlike Kommissie vir Fondse van die NG Kerk van Transvaal (GKABID) en
 - 5.8.3 die Taakspan Fondse van die Algemene Sinode van die NG Kerk (ATF).
- 5.9 Die Taakspan lê minstens een keer in twee jaar 'n verslag aangaande sy werksaamhede aan die sinodes voor.

4.1.3.11.2 REGLEMENT VIR DIE HANTERING VAN ARGIEF- EN MUSEUM-MATERIAAL

1. BEGINSELS

- 1.1 In ooreenstemming met die karakter van die kerk, het sy argief- en museumarbeid primêr 'n Skriftuurlik-teologiese grondslag. Eerstens is dit dus op teologies-wetenskaplike en daarna op sekulêr-wetenskaplike diens ingestel.
- 1.2 Hierdie arbeid bou die geheue van die kerk uit en stel die kerk in staat om sy funksies op 'n logiese, verantwoordelike en konsekente wyse voort te sit. Die kerk se argief huisves gevvolglik ook die skriftelike en ander getuienissoorhandelinge van God Drie-enig in en deur Sy kerk in 'n bepaalde gebied.
- 1.3 Die versameling, bewaring en gebruik van argief- en museummateriaal beteken die hantering van getuienissoorhandelinge van God Drie-enig in en deur Sy kerk in 'n bepaalde gebied.

- 1.4 As dienaar van die kerk, het die argief die taak om hierdie getuienisdeur die dienste van versameling, bewaring, ontsluiting, navorsing en publikasie te verwerk.
- 1.5 Die argiefbewaarplek en museum is 'n gesistematiseerde inligtingsbron in diens van die kerk en sy verskillende kennisvelde, met besondere klem op die teologie en meer bepaald die ekklesiologie.
- 1.6 Dit dien vanweë sy ryke inligting, ook ander wetenskappe, beantwoord as akademiese instansie akademiese navrae en gee aan navorsers voorligting in die metodiek van navorsing en geskiedskrywing.

2. TERMINOLOGIE EN VERANTWOORDELIKHED

- 2.1 Argief- en museummateriaal beteken die dokumente of alle ander materiaal wat inligting oor gemeentes, ringe, sinodes en hulle kommissies, sowel as moontlike kerklike inrigtings binne hulle grense, bevat. Dit behels alle inligting deur alle middele oor die kerklike lewe in sy nouste en breedste verband binne 'n bepaalde gebied.
- 2.2 Vir doelmatige argief- en museumdienste het kerkrade, ringe, sinodes en ander argief- en museumleverende instansies die volgende verantwoordelikhede ten opsigte van kopieë vir bewaring:
 - 2.2.1 die voorsiening van verstaanbare, noukeurige en taalkundig goed versorgde en gedokumenteerde inligting, sowel as die gevraagde museummateriaal;
 - 2.2.2 duidelike rekenaaruitdrukke met hoë letterkwaliteit (verkieslik laserdrukwerk) of goeie tikwerk met 'n helder swart tikitlint waar tikmasjiene nog gebruik word;
 - 2.2.3 netjiese en leesbare skrif in 'n ink wat nie maklik verbleik of uitgewis kan word nie;
 - 2.2.4 korrigeerlak (Tipp-Ex) mag onder geen omstandighede gebruik word nie;
 - 2.2.5 die gebruik van duursame argiefpapier van A4-formaat van 100 gram per vierkante meter (dun en/of aaneenlopende rekenaarpapier mag onder geen omstandighede gebruik word nie);
 - 2.2.6 tik- of skryfwerk of druk- of kopieerwerk verkieslik op albei kante van die papier met 'n oop ruimte van minstens 2,5 cm aan die binnekant van die teks met die oog op inbinding en 1,5 cm aan die oop kant;
 - 2.2.7 die volledige datering, ondertekening en/of parafering en stempel van alle dokumente soos wanneer en waar wetenskaplike en gemeenregtelike argiefbeginsels dit vereis;
 - 2.2.8 die inagneming van die noodsaaklikheid van ruimtebesparing in die argief deur die stelselmatige vernietiging van wegdoenbare materiaal soos deur die Algemene Sinode in sy beleid vir rekordbeheer beskryf en
 - 2.2.9 die inlewering van argief- en museummateriaal by die betrokke sinodale bewaarplek onder die dekking van 'n behoorlike inventaris.

3. DIE KERKRAAD

- 3.1 Elke kerkraad benoem 'n argieffommissie waarvan die saakgelastigde of administratiewe beamppte lid is.

3.2 Hierdie kommissie sien toe dat:

- 3.2.1 die gemeente oor 'n doeltreffende en wetenskaplike argiefstelsel beskik, waarby ingesluit is 'n doeltreffende leersisteem, asook die nodige geriewe daarvoor in 'n brandbestande kluis of -vertrek;
- 3.2.2 die kerkraad aan al die kerklike, juridiese, argivaliese en museumkundige vereistes vir die betrokke materiaal en dienste voldoen:
- 3.2.2.1 deur 'n inventaris wat voldoen aan die vereistes van die Wet op die Bevordering van Toegang tot Inligting [Wet 2 van 2000] op te stel en jaarliks by te hou vir deursending aan die Argief en Bestuursinligtingsdienste van die NG Kerk in Stellenbosch;
- 3.2.2.2 deur te voldoen aan die vereistes gestel in die Nasionale Erfeniswet [Wet 25 van 1999 en aangevul in Goewermentskennisgewing Nr. 1313 van 25.10.2002]
- 3.2.2.2.1 wat alle strukture – of gedeelte daarvan – wat ouer is as 60 jaar, beheer en
- 3.2.2.2.2 wat bepaal dat geen "erfenis objek". [boeke, manuskripte, dokumente, argivalia, kaarte, afdrukke, foto's, films, klankmateriaal en enige materiaal wat uniek is en wat die mondelinge geskiedenis van Suid-Afrika aanvul] sonder toestemming of 'n permit vervreem, vernietig, beskadig, bekrap, verander, gerestoureer of herstel mag word nie;
- 3.2.2.3 deur in samewerking met die Direkteur-Argivaris aan die kerkraad leiding te gee met betrekking tot die ordening, instandhouding, bewaring en uitbouing van die gemeente-argief, die vernietiging van wegdoenbare stukke, die inlewing van gemeentelike argivalia by die sinodale argiefbewaarplek en alle ander verpligte ten einde te voldoen aan die vereistes gestel in die Kerk se beleid ten opsigte van rekordbeheer soos van tyd tot tyd aangepas en by die Argief en Bestuursinligtingsdienste van die NG Kerk in Stellenbosch beskikbaar is;
- 3.2.3 die getekende en geparafeerde handelinge van die kerkraad, sy kommissies, diensaksies en ander gemeentelike vergaderings in 'n behoorlike, goed versorgde en argivalies aanvaarbare notuleboek of notulelêer aangeteken en die betrokke bylaes daarby gevoeg word;
- 3.2.4 lidmateregisters vir doop- en belydende lidmate op datum gehou en versorg word;
- 3.2.5 regstellings, wysigings of versuimde inskrywings in die registers korrek aangebring word nadat die aansoeke, met die nodige bewysstukke, deur die kerkraad en die argivaris goedgekeur is;
- 3.2.6 alle ander belangrike argivalia soos konsistorieboeke, afkondigingboeke, duplike van uitgaande briewe en die oorspronklike inkomende briewe, behoorlik versorg word;
- 3.2.7 gemeentelike verslae volgens die kerklike bepalings opgestel en op die bestemde tyd aan die ring besorg word.
- 3.2.8 jaarliks sorgvuldig gekontroleerde, gekorrigeerde, geparafeerde en ondertekende afskrifte van die lidmateregisters vir doop- en belydende lidmate

op voorgeskrewe wyse aangebring en na die sinodale argiefbewaarplek gestuur word;

- 3.2.9 alle stukke wat deur die sinodale argiefbewaarplek vir verbetering/aanvulling/vervanging na gemeentes terugverwys is, binne vier weke na die vergadering in die verlangde toestand aan die sinodale argiefbewaarplek besorg word;
- 3.2.10 alle argief- en museummateriaal waartoe ooreengekom is, vir veilige bewaring, versorging en oordeelkundige gebruik deur navorsers aan die sinodale argiefbewaarplek toevertrou word volgens besluit van die sinode;
- 3.2.11 skriftelike en mondeline oorkondes wat 'n bydrae kan lewer tot die getuenis van die handelinge van God in Sy kerk, bewaar en aan die sinodale argiefbewaarplek besorg word;
- 3.2.12 museummateriaal versamel en versorg word en
- 3.2.13 die nodige besonderhede oor dié gemeente jaarliks aan die Sinodale Kerkkantoor deurgegee word vir versending aan die hoofredakteur van die Jaarboek van die Ned Geref Kerke.

4. DIE RING

4.1 Die ring benoem 'n argiekommisie.

- 4.1.1 Die argiekommisie sien toe dat die ring oor 'n doeltreffende en wetenskaplike argiefstelsel beskik waarby ingesluit is afskrifte van die ring se behoorlik ondertekende notules, stukke in verband met die ring se administrasiefonds, ringskommissienotules en 'n doelmatige lêersisteem, asook die nodige geriewe daarvoor in 'n brandbestande kluis of –vertrek.
- 4.1.2 Die argiekommisie sien toe dat die ring aan al die kerklike, juridiese en argivaliese vereistes vir dokumentêre materiaal en dienste voldoen (sien 3.2 hierbo).
- 4.1.3 Die argiekommisie sien toe dat die ringskriba behoorlik ingelig is oor sy/haar verpligte soos beliggaam in die Argief- en Museumreglement, naamlik:

4.1.3.1 Agenda

- 4.1.3.1.1 alle verslae word voorsien van duidelike en volledige opskrifte met vermelding van die naam van die betrokke sinodale gebied, ring, gemeente, kommissie, diensaksie en dergelike meer en datum van vergadering en/of verslag;
- 4.1.3.1.2 oorspronklike verslae word behoorlik onderteken en in volgorde gebind;
- 4.1.3.1.3 volledige verduidelikings word verstrek waar verslae en ander dokumente nie volledig onderteken kon word nie;
- 4.1.3.1.4 alle oorspronklike verslae en bylaes by die ringskriba ingelewer, word vir bewaring na die argiefbewaarplek gestuur;

4.1.3.2 Ringsnotules

- 4.1.3.2.1 word korrek en deurlopend genumereer;

- 4.1.3.2.2 elke bladsy van notules word geparafeer, die laaste bladsy behoorlik onderteken deur die voorsitter en skriba en in volgorde gebind;
- 4.1.3.2.3 alle notules word voorsien van duidelike en volledige opskrifte met vermelding van die naam van die betrokke sinodale gebied, ring en datum van vergadering.
- 4.1.4 Die argiekommisie sien toe dat die ring die volgende argief- en museummateriaal van die gasheergemeente by ringsittings nagaan:
- 4.1.4.1 notules (kerkraad, kerkraadkommissies en gemeentelike aksies);
 - 4.1.4.2 verslae van kerkraadskommissies;
 - 4.1.4.3 dooplidmate- en lidmatereregisters;
 - 4.1.4.4 attestate en lidmaatbewyse;
 - 4.1.4.5 teenblaale of rekenaarinskrywings van attestate/lidmaatbewyse en doopseels uitgereik;
 - 4.1.4.6 doopaansoekvorms;
 - 4.1.4.7 huweliksregisters;
 - 4.1.4.8 konsistorieboeke en kerkraadsregisters;
 - 4.1.4.9 aankondigingsboeke of -blaale;
 - 4.1.4.10 personeellêers: dienskontrakte en verlofregisters;
 - 4.1.4.11 korrespondensie, liassing en liasseerstelsel;
 - 4.1.4.12 foto's, foto-albums en plakboeke;
 - 4.1.4.13 museumuitstallings.
- 4.1.5 Die argiekommisie sien toe dat die ring argivalia by die argiefbewaarplek inlewer.
- 4.1.5.1 Inlewer van ringstukke: die volgorde van die inventaris word gebruik.
 - 4.1.5.2 Binne twee maande na elke ringsitting word die oorspronklike handelinge van die vergadering, asook alle bylaes en alle verslae en gemeentelike stukke wat voor die ring gedien het, onder dekking van die voorgeskrewe inventarisvorm aan die betrokke sinodale argiefbewaarplek gestuur.
 - 4.1.5.3 Die notule en korrespondensie van alle ringskommissies, wat nie meer vir onmiddellike naslaan benodig word nie, moet aan die sinodale argiefbewaarplek gestuur word.
 - 4.1.5.4 Alle argiefmateriaal, insluitend korrespondensie, moet van tyd tot tyd aan die sinodale argiefbewaarplek gestuur word.
 - 4.1.5.5 Alle stukke wat vir verbetering/aanvulling/vervanging terugverwys is, moet so gou moontlik na ontvangs en noukeurige kontrole deur die ringskommissie, aan die betrokke argiefbewaarplek gestuur word.
 - 4.1.6 Die argiekommisie verleen hulp aan gemeentes. In samewerking met die Direkteur-Argivaris word kerkrade begelei met die ordening, instandhouding,

bewaring en uitbouing van die gemeente-argief; die vernietiging van wegdoenbare stukke; die inlewering van gemeentelike argivalia by die sinodale argiefbewaarplek; en alle ander verpligte ten einde te voldoen aan die vereistes gestel in die Kerk se beleid ten opsigte van rekordbeheer (Sien 6.2.7 hier onder).

- 4.1.7 Die argiefkommissie sien toe dat die nodige besonderhede oor die ring jaarliks aan die Sinodale Kerkkantoor deurgegee word vir versending aan die hoofredakteur van die Jaarboek van die Ned Geref Kerke.
- 4.1.8 Die argiefkommissie sien toe dat 'n besluiteregister tydens die ringsvergadering opgestel word en dat 'n indeks van ringsbesluite, waar moontlik, bygehoud word.

5. DIE SINODE

- 5.1 Die Algemene Sinode benoem 'n Algemene Taakspan vir Argief en Bestuursinligtingsdienste (ATABID) in ooreenstemming met die Reglement vir die Algemene Sinodale Taakspan vir Argief- en Bestuursinligtingsdienste (Reglement X:1:2.1) om die NG Kerk in ooreenstemming met die Reglement vir Argief en Bestuursinligtingsdienste van die NG Kerk tot diens te wees.
- 5.2 Elke sinode wys sy eie kommissie/taakspan vir die argief aan om, in ooreenstemming met die Reglement vir Argief en Bestuursinligtingsdienste van die NG Kerk,
 - 5.2.1 die nodige advies aan die sinode vir die voorsiening van 'n doelmatige sinodale argief en moontlike museumdiens en toereikende personeel te gee;
 - 5.2.2 die nodige leiding aan die sinode in sake die versameling, versorging, bewaring en gebruik van argief- en museummateriaal en implementering en benutting van die rekenaar in die verband, te gee;
 - 5.2.3 reëlings te tref vir die versameling van argief- en museummateriaal van kerkrade, ringe, sinodes, kerklike kommissies en -inrigtings met die oog op die bewaring daarvan in die sinodale argief;
 - 5.2.4 belangrike theologiese (veral kerkhistoriese) geskrifte of publikasies vir die sinodale argief, ook by wyse van afskrifte, afdrukke of kopieë daarvan, te verkry;
 - 5.2.5 toesig te hou oor die werk van die argivaris (as uitvoerende beampete) en die argiefpersoneel;
 - 5.2.6 'n verslag oor die werk in die sinodale argief, saam met 'n begroting van inkomstes en uitgawes, aan elke vergadering van die sinode op te stel;
 - 5.2.7 finaal te beslis oor die moontlike vernietiging van efemere stukke;
 - 5.2.8 belangrike kerkhistoriese en ander materiaal te oorweeg en te publiseer en
 - 5.2.9 'n in memoriam-verslag op te stel indien die sinode dit verlang.

6. INLEWERING VAN ARGIVALE BRONNE

- 6.1 Moderature, sinodale kommissies, ringskommissies, kerkrade en ander kerklike instansies
 - 6.1.1 Moderatuurslede, skribas van alle sinodale kommissies, sinodale amptenare wat verantwoordelikheid beklee by diensaksies, verenigings, inrigtings, institute,

byeenkomste, maatskappye, trusts, pensioenfondse, skemas, kerkkantore; rade, ensovoorts – en alle ander kerklike ampsdraers – moet van tyd tot tyd ingevolge beskikkingsmagtiging, en met eerbiediging van alle argiefvereistes soos in hierdie reglement gestel, alle argivalia en gevraagde museummateriaal by die Argief en Bestuursinligtingsdienste van die NG Kerk te Stellenbosch [of die betrokke sinodale kerkargief] inlewer of daarmee handel soos skriftelik met die Direkteur-Argivaris ooreengekom. Dit behels behoorlik ondertekende, geparafeerde, gedateerde en genumereerde agendas, notules en bylaes, stelselmatig en argivalies korrek geliasseerde korrespondensie, aktes, registers, finansiële stukke, alle stukke wat betrekking het op die interne funksionering en kronologie van werkzaamhede, statistiek en gegewens, manuskripte, aantekeninge, ensovoorts.

- 6.1.2 Die skriba van 'n sinode en die aktuaris het die verantwoordelikheid om so gou moontlik na elke sinodale vergadering die gepubliseerde (of gefotokopieerde) agenda, notule en kerkorde aan die betrokke sinodale kerkargiefbewaarplek binne die NG Kerkverband vir bewaring en navorsing te besorg. Waar sinodale kerkargiefbewaarplekke ontbrekende stukke aanvra, moet die skriba/aktuaris in die aanvraag voorsien.

6.2 Rekordbeheer

- 6.2.1 Gemeentes besik oor hulle eie argivalia en lewer dit by die betrokke argief in vir bewaring, volgens die riglyne in die Agenda van die Algemene Sinode 1998, p 142vv.
- 6.2.2 Kommissies van die kerk in breër verband lewer gereeld hulle argivalia (alle stukke ouer as tien jaar) by die betrokke argief in vir bewaring.
- 6.2.3 Waar 'n gemeente met 'n ander gemeente verenig, word alle gemeentestukke van die gemeente wat sluit, behalwe dokumente van die laaste 5 jaar en die gemeenterегистers, by die argief ingehandig vir bewaring voor datum van eenwording.
- 6.2.4 Gemeentes wat ophou bestaan, lewer voor datum van ontbinding alle argivalia by die betrokke argief in.
- 6.2.5 Argiefskeppende instansies en amptenare moet by die inlewering van argivalia, die argief adviseer met betrekking tot stukke wat gesluit behoort te word. Sulke stukke is vir navorsers gesluit en word alleen beskikbaar gestel met goedkeuring van die argiefskeppende instansie of indien die argief deur 'n hof daartoe gelas word.
- 6.2.6 Argiefskeppende instansies moet behulpsaam wees met die versameling en bewaring van ongepubliseerde verhandelinge (teologiese/historiese navorsing), gemeenteblaie, fotomateriaal en akoestiese materiaal.
- 6.2.7 Vir doeltreffende rekordbeheer word die Riglyne vir die Bewaring van Kerklike Dokumente (Agenda van die Algemene Sinode 1998, p 142vv) aanvaar as beleid wat van tyd tot tyd aangepas word in ooreenstemming met wetgewing. Inligting hieroor is by die Argief en Bestuursinligtingsdienste van die NG Kerk te Stellenbosch beskikbaar.

4.1.3.11.3 REGLEMENT VIR DIE DIREKTEUR-ARGIVARIS VAN DIE NG KERK

1. Die Taakspan Argief en Bestuursinligtingsdienste benoem 'n direkteur-argivaris (verkieslik 'n persoon wat onderleg is in die eklesiologie en rekenaargeletterd is) wat as predikant in die Algemene Sinode se diens die koördinerende en uitvoerende amptenaar in die NG Kerk se Argief en Bestuursinligtingsdiens moet wees.
- 1.1 Die Direkteur-Argivaris bestuur die Argief en Bestuursinligtingsdienste van die NG Kerk aan die hand van die bestaande en goedgekeurde reglemente met verslag aan die Taakspan (ATABID).
- 1.2 Die Direkteur-Argivaris bou alle dienste op sy terrein op 'n deeglike en wetenskaplike wyse uit.
- 1.3 Die Direkteur-Argivaris vervul alle take in verband met versameling, bewaring, ontsluiting, navorsing en publikasies, met die verantwoordelikheid of reg om:
 - 1.3.1 kerkrade, ringe, sinodes en kerklike kommissies argief- en museumbewus te maak en op die inlewering van die betrokke materiaal by die betrokke sinodale argiefbewaarplek aan te dring en
 - 1.3.2 aan te dring op die vervanging en/of verbetering van argiefmateriaal wat nie aan die voorskrifte van die Argief- en Museumreglement en/of aan die algemeen aanvaarde argiefvereistes voldoen nie.
- 1.4 Die Direkteur-Argivaris bestuur die versamelings van argivalia deur onder andere
 - 1.4.1 wetgewing wat bewaring van argivalia bepaal te bestudeer en toe te pas;
 - 1.4.2 alle aanwinste sover moontlik skriftelik te erken;
 - 1.4.3 sover moontlik alle beskadigde stukke vakkundig te laat herstel;
 - 1.4.4 mettertyd alle stukke volgens 'n aanvaarbare beginsel in te bind of te verpak;
 - 1.4.5 toe te sien dat alle bande, bundels, lêers, ander argiefstukke en museummateriaal stelselmatig genumereer, gerekenariseer en in die database opgeneem word en
 - 1.4.6 toe te sien dat die nodige vindmiddels vir alle argiefstukke en museummateriaal opgestel word.
- 1.5 Die Direkteur-Argivaris bestuur toegang tot inligting uit die versamelings
 - 1.5.1 met erkenning aan bestaande wetgewing wat toegang tot argivalia/inligting bepaal;
 - 1.5.2 met erkenning van bestaande ooreenkoms met ander instansies en
 - 1.5.3 met die toepassing van goedgekeurde navorsingsgelde/tariewe.
- 1.6 Die Direkteur-Argivaris stel volgens die beleid van die Algemene Taakspan Argief en Bestuursinligtingsdienste die argiefstukke vir navorsing en/of kopiëring beskikbaar en oefen doeltreffende kontrole uit deur onder andere
 - 1.6.1 waar moontlik, kopieë (elektronies en andersins) uit argiefstukke teen goedgekeurde tariewe te voorsien;
 - 1.6.2 leiding te gee met betrekking tot die metodiek van navorsing en kerkgeskiedskrywing;

- 1.6.3 die noodsaaklikheid van die versigtige hantering van argiefstukke by navorsers tuis te bring;
- 1.6.4 met diskresie toe te sien dat argief- en museummateriaal nie uit die argiefbewaarplek gaan nie en
- 1.6.5 binne redelike tyd gevolg te gee aan versoek in verband met kerkhistoriese publikasies as diens aan die theologiese wetenskap en middel tot getuenis oor God se dade.
2. Die Direkteur-Argivaris word as predikant by die Algemene Sinode se pensioen- en mediese fonds ingeskakel.
3. Die Direkteur-Argivaris doen verslag oor die werksaamhede van die Argief en Bestuursinligtingsdienste van die NG Kerk aan:
- 3.1 elke gewone vergadering van die Taakspan (ATABID);
- 3.2 elke gewone vergadering van die Sinodale Kommissie vir die Argief van die NG Kerk in Suid-Afrika (SKA) en
- 3.3 elke gewone vergadering van die Gesamentlike Kommissie vir Argief en Bestuursinligtingsdienste van die NG Kerk van Transvaal (GKABID).
4. Die Direkteur-Argivaris woon met adviserende stem die vergaderings by van die Algemene Sinode en die sinodes wie se argivalia deur die Argief en Bestuursinligtingsdienste van die NG Kerk (ABID) bestuur word.
5. Die Direkteur-Argivaris bly student op sy/haar arbeidsterrein en behartig of reël en beheer die nodige indiensopleiding van die personeel van die Argief en Bestuursinligtingsdienste.
6. Die Direkteur-Argivaris pas rekordbeheer (ingeslote beskikkingsmagtiging) oor alle argivalia binne sy/haar bedieningsgebied toe. Die Taakspan Argief en Bestuursinligtingsdienste bepaal die algemene beleid ten opsigte van beskikkingsmagtiging.
7. Die Direkteur-Argivaris verleen volgens die bestaande beleid hulp aan predikante, gemeentelike amptenare en kommissies – buite of binne ringsverband – met betrekking tot die kerklike argief- en museumwetenskap, kerklike administrasie en dokumentbestuur
- 7.1 deur sporadiese besoeke aan gemeentes en ringe;
- 7.2 deur kursusse vir gemeentelike amptenare aan die hand van die goedgekeurde Handleiding vir Saakgelastigdes en
- 7.3 deur besoeke van werkgroepes aan die Argief te Stellenbosch.

4.1.3.11.4 REGLEMENT VIR DIE HANTERING VAN REGISTERS

1. ALGEMEEN

1.1 Noodsaak van 'n lidmateregister

1.1.1 Elke gemeente moet 'n lidmateregister vir Doop- en Belydende lidmate hê – óf 'n handgeskrewe (of getikte) register óf 'n gerekenariseerde register óf albei.

1.2 Kontrolering

- 1.2.1 Kontroleer gegewens deeglik voor elke inskrywing in 'n register om te verseker dat name, vanne, gemeentename en datums korrek is. Die voorletters en vanne van leraars; die name en vanne van alle ander persone; die name van gemeentes; en alle datums moet volledig en korrek verstrek word.
- 1.2.2 Ten einde die juiste geboortedatum en die spelling van name vir inskrywing in die register te verseker, moet die ouer(s) by die aanmelding vir die doop die dokument toon wat by die registrasie van die kind se geboorte uitgereik is. Ongeregistreerde dooplidmate moet vóór belydenisaflegging 'n doopseel inlewer.
- 1.3 Afkortings
- 1.3.1 Die name en vanne van persone en die name van gemeentes moet volledig en korrek verstrek word. Afkortings soos BFN vir Bloemfontein en PE vir Port Elizabeth, en populér-gebruikte maar nie-amptelike name soos "Groote Kerk" vir Kaapstad en "Bosmanstraat-kerk" vir Pretoria is ontoelaatbaar. Die korrekte name verskyn in die Jaarboek van die NG Kerke. (Vergelyk Standaard Afkortings. Sien Handelinge van die Algemene Sinode 1998, p 443.)
- 1.4 Skryfwyse van datums
- 1.4.1 Datums word volgens die agtsyferstelsel, in die orde van dag, maand, jaar geskryf en met punte verdeel. [Voorbeeld: 3 April 1992 word as 03.04.1992 geskryf]
- 1.5 Geen herhalingstekens
- 1.5.1 Geen herhalingstekens of woorde soos "do" of "ditto" is toelaatbaar nie.
- 1.6 Alfabetiese inskrywings
- 1.6.1 Inskrywings geskied in alfabetiese orde. Vanne soos Van der Merwe en Van Rensburg kom onder die letter V. 'n Van soos Janse('n) van Rensburg, waar die Janse('n) 'n deel van die van uitmaak en die betrokke persoon dit self so gebruik, kom onder J.
- 1.7 Ooplaat van reëls
- 1.7.1 Ter wille van ruimtebesparing word daar normaalweg geen reël tussen twee inskrywings in die lidmateregisters vir doop- en belydende lidmate oopgelaat nie. Om dieselfde rede begin die inskrywings van elke volgende nuwe jaar of termyn nie telkens op 'n nuwe bladsy nie. Waar dit nodig geag word om 'n nuwe jaar of termyn aan te dui, kan 'n reël oopgelaat word, met toevoeging van die jaartal.
- 1.8 Opmerkingskolom
- 1.8.1 As algemene reël geld dat nikks vermeld mag word wat lasterlik is of 'n stigma dra nie. Opmerkings soos "buite-egtelik", "vader onbekend" of "enkelouer" is heeltemal ontoelaatbaar.
- 1.8.2 Inligting wat in die opmerkingskolom van die dooplidmateregister verstrek word, moet verklarend wees ten opsigte van buitengewone omstandighede wat die kerkregtelike posisie van die doopouers, dopeling of bedienaar van die doop raak, of wat op die wese en implikasie van die sakramant betrekking het.

- 1.8.2.1 Waar die vader of moeder byvoorbeeld nie 'n belydende lidmaat van 'n gemeente is nie, of om 'n ander rede nie by die doop teenwoordig is nie, moet die dooplidmateregister aandui dat die betrokke ouer nie die doopbelofte afgelê het nie. In so 'n geval word met die opmerking "Vader/Moeder lê belofte alleen af" volstaan. Waar by 'n registerinskrywing addisionele inligting van nut kan wees, mag dit – met eerbiediging van die gestelde riglyn – in die opmerkingskolom aangeteken word, selfs al maak die Reglement nie spesifiek daarvoor voorsiening nie.
- 1.8.2.2 In die geval waar iemand na belydenis gedoop, deur doopouers aangeneem, óf na ouderdom van 7 jaar gedoop word, word dit in die opmerkingskolom aangeteken met verwysing na die datum van die kerkraadsbesluit. [Voorbeeld: "Na oud 7 gedoop. KR 10.02.2006" of "Gedoop na belydenis. KR 10.02.2006"]
- 1.8.2.3 Waar die kerkraad tevreden is dat 'n lidmaatbewys onopspoorbaar is en die lidmaat 'n verklaring ingedien het, word dit in die opmerkingskolom aangeteken met verwysing na die datum van die kerkraadsbesluit. [Voorbeeld: Verklaring ingl. KR 10.02.2006]

2. WYSIGINGS EN/OF AANVULLINGS

2.1 Begripsomskrywing

- 2.1.1 Rektifikasie [regstelling] beteken om 'n fout in die register, byvoorbeeld "Johannis" tot "Johannes" of 20.04.1967 tot 21.04.1967, reg te stel.
- 2.1.2 Naamsverandering beteken om 'n bepaalde voornaam of van, byvoorbeeld "Petrus" deur "Hermanus" of "Conradie" deur "Nienaber", soos dikwels by aanneming gebeur, te vervang.
- 2.1.3 Versuimde registrasie is die aanvulling van inligting in die register vir doop- of belydende lidmate wat deur versuim direk na die gebeurtenis agterweé gebly het.

2.2 Vorms en adres

- 2.2.1 Aansoeke vir wysiging/aanvulling word in tweevoud op die voorgeskrewe vorm of in die voorgeskrewe formaat en met die nodige bewysstukke/stawende dokumente ingedien:
- 2.2.1.1 by die kerkraad van die gemeente waar die doop plaasgevind het,
 - 2.2.1.2 of in die geval van 'n belydende lidmaat, by die kerkraad van die gemeente waar die inskrywing versuim of foutief is
 - 2.2.1.3 of, wanneer die oorspronklike inskrywing nie opgespoor kan word nie, waar die belydende lidmaat tans aangeteken is.

2.3 Bewysstukke

- 2.3.1 Ten opsigte van 'n rektifikasie en naamsverandering is die vereiste bewysstukke/stawende dokumente as volg:
- 2.3.1.1 In die lidmateregister: 'n identiteitsdokument of 'n geboortesertifikaat.
 - 2.3.1.2 In die dooplidmateregister: 'n identiteitsdokument of 'n geboortesertifikaat.

- 2.3.1.3 In die dooplidmateregister vir 'n wettige aanneming: die aannemingsorder en 'n identiteitsdokument of 'n geboortesertifikaat. Die nommer en datum van die aannemingsorder moet agter die name van die aanneemouers geskryf word. Aangesien die moeder se nooiensvan nie op dié order verskyn nie, moet dit verkry en duidelik op die aansoekvorm ingevul word.
- 2.3.2 Vereiste bewysstukke/stawende dokumente vir 'n versuimde inskrywing van 'n doop:
- 2.3.2.1 Skriftelike verklarings van twee betroubare en ongesensureerde lidmate, doopouers uitgesluit, dat die betrokke persoon wel gedoop is
- 2.3.2.2 of 'n skriftelike verklaring deur die leraar wat die doop waargeneem het, vergesel van 'n afdruk van die betrokke bladsy in die doopkladboek en, indien beskikbaar, 'n doop- of lidmaatskapkaart/-boekie of 'n foto van die gebeurtenis.
- 2.3.3 Vereiste bewysstukke/stawende dokumente vir 'n versuimde inskrywing van 'n belydenisaflegging:
- 2.3.3.1 skriftelike verklarings verkry van twee betroubare en ongesensureerde lidmate dat die betrokke persoon wel belydenis van geloof afgelê het
- 2.3.3.2 of 'n verklaring deur die betrokke leraar vergesel van 'n afdruk van die betrokke bladsy in die lidmaatskapkaart/-boekie.

2.4 Prosedure

- 2.4.1 Tydens 'n kerkraadsvergadering gaan die kerkraad die aansoek na en keur dit goed.
- 2.4.2 Hierna word albei die voltooide aansoekvorms saam met die bewysstukke by die argivaris ingedien.
- 2.4.3 Die argivaris kontroleer of die aansoek aan al die vereistes voldoen, teken die wysiging/aanvulling in die betrokke registerafskrif aan en stel die kerkraad daarvan in kennis.
- 2.4.4 Die saakgelastigde van die kerkraad bring nou die goedgekeurde wysiging in die oorspronklike register aan.

2.5 Aantekening in registers

- 2.5.1 Geen skrapings in die registers is toelaatbaar nie. Die korrekte besonderhede word met rooi ink bo die foutiewe gegewens, wat in alle gevalle met rooi ink onderstreep word, ingeskryf. In die opmerkingskolom word daar, ook met rooi ink, aangeteken dat die argivaris dit goedgekeur het, met verwysing na die datum. Die amptenaar wat die wysiging aanbring, parafeer dit met vermelding van sy/haar amp. [Voorbeeld: Arg 10.02.2006 KM Saakgelastigde]
- 2.5.2 By versuimde registrasie word die inskrywing in rooi ink gedoen in die register van die jaar waarin en so naby moontlik aan die plek waar dit versuim is, met, indien nodig, 'n verwysingsnota.
- 2.5.2.1 In die opmerkingskolom word daar, ook in rooi ink, die nodige aantekening gemaak. Die amptenaar wat die wysiging aanbring, parafeer dit met vermelding van sy/haar amp. [Voorbeeld: Vers reg. Arg. 11.09.2006. ARB Saakgelastigde].

- 2.5.2.2 Indien die inskrywing nie by die spesifieke jaar waar dit versuim is, gedoen kon word nie, moet 'n verwysingsnota by die jaar waar die inskrywing moes plaasgevind het (byvoorbeeld 1983), aangebring word. [Voorbeeld: Jooste, Pieter N — sien 2006].
- 2.5.3 'n Skryffout wat in die lopende jaar begaan is, moet dadelik (sonder aansoek om rektifikasie) reggestel word deur die fout met rooi ink te onderstreep en die regstelling in rooi ink daarbo in te skryf. Die saakgelastigde parafeer dit.
- 2.5.3.1 In die registerafskrifte word die korrekte besonderhede dan sonder meer oorgeskryf.
- 2.5.3.2 'n Skryffout word gemaak wanneer die saakgelastigde wel die korrekte besonderhede ontvang het, maar 'n fout maak met die inskryf daarvan in die register en dit dadelik opmerk.
- 2.5.4 'n Naamsverandering in die lopende jaar word hanteer soos in 2.5.1 hier bo.
- 2.5.5 Waar die persoon se van verander is, moet 'n verwysing in rooi ink gemaak word by die relevante plek. [Byvoorbeeld: "Van der Merwe, Pieter N — Sien by Jooste, Pieter N" moet by die V's ingevoeg word as die persoon se van van "Jooste" na "Van der Merwe" verander is]

3. DOOPLIDMATEREGISTER

3.1 Van en voornaam

3.1.1 Die dopeling

3.1.1.1 Die dopeling word geregistreer onder die van soos dit op sy/haar identiteitsdokument verskyn met die name van die biologiese ouers voluit geskryf.

3.1.2 Die ouers

3.1.2.1 Slegs die nooiensvan van die moeder word saam met haar volle voorname ingeskryf en nie haar getroude van nie, maar as haar nooiensvan en haar getroude van dieselfde is, word "geb." duidelikheidshalwe voor haar nooiensvan geskryf. [Byvoorbeeld: Louise geb. Dippenaar]

3.1.2.2 Alle voorname van ouers en dopelinge word voluit geskrywe.

3.1.2.3 Waar die vader of moeder nie 'n belydende lidmaat van 'n gemeente is nie, of om 'n ander rede nie by die doop teenwoordig is nie, moet die lidmateregister vir dooplidmate dit aandui dat die betrokke ouer nie die doopbelofte afgelê het nie (Sien 1.7.2.1 hierbo).

3.2 Buite-egtelike kind

3.2.1 Die dopeling word langs die gewone weg geregistreer.

3.2.2 Slegs die nooiensvan en voorname van die moeder word ingeskryf. Indien dit 'n weduwee of geskeide vrou is, word haar getroude van in hakies langsaan aangebring [Byvoorbeeld: "Susan Spies (nou Nel)"]. Die reël vir die vader se naam word ooggelaat. In die opmerkingskolom word aangebring: "Moeder lê belofte alleen af" (Sien ook 1.7.2.1 hierbo).

3.3 Aangename kind

- 3.3.1 Waar 'n dopeling voor die doopbediening aangeneem is, word die dopeling onder die van van die aannemende ouers ingeskryf en word die name van die aannemende ouers voluit in die ouerkolom ingeskryf.
- 3.3.2 Indien die kind na die doopbediening aangeneem word en hy/sy 'n ander van kry, word die voorgeskrewe weg vir naamsverandering gevvolg (Sien 2 hier bo). Onder geen omstandighede mag die naam van die oorspronklike ouers geskrap word nie. Ter wille van die alfabetiese orde moet 'n verwysing in rooi ink van die nuwe van na die ou van in die betrokke register gemaak word (Sien 2.5.5 hier bo).
- 3.3.3 Indien slegs die van van die kind verander is, sonder dat die kind wettiglik aangeneem is, kan die name van die ouers nie verander word nie.
- 3.3.4 By die uitreiking van 'n doopseel of 'n dooplidmaatskapsertifikaat word die volle name van die aannemende ouers sonder meer ingevul.

3.4 Kind in pleegsorg [Sien Funksionele Besluite 12.1]

- 3.4.1 Waar die dopeling voor die doopbediening in pleegsorg geneem is, word die dopeling onder sy/haar eie van ingeskryf, terwyl die naam van die pleegsorgouers voluit in die ouerkolom verskyn. In die opmerkingsskolom word die datum van die kerkraadsbesluit aangeteken. [Voorbeeld: KR 26.02.2006]
- 3.4.2 Indien die kind na die doopbediening aangeneem word en hy/sy 'n ander van kry, word die voorgeskrewe weg vir naamsverandering gevvolg (Sien 2 en veral 2.5.5 hier bo). Onder geen omstandighede mag die naam van die oorspronklike ouers geskrap word nie.

3.5 Doop van kinders ouer as sewe jaar [Sien Besluite by Artikel 49: 49.1b.3]

- 3.5.1 In die opmerkingsskolom moet van die doop van 'n kind van sewe jaar en ouer rekenskap gegee word met vermelding van die datum van die kerkraadsbesluit. [Voorbeeld: KR 26.02.2006]

3.6 Doop van kinderhuiskinders ouer as 7 jaar [Sien Funksionele Besluite 12.2]

- 3.6.1 'n Ongedopte kinderhuiskind van 7 jaar en ouer wie se kinderhuisplasing min of meer 'n permanente vorm aangeneem het, en wat dit begeer, kan gedoop word. Die implikasie is dat 'n persoon of persone naas die eie, pleeg- of aanneemouer by die doop op die formulier kan antwoord en vir die geestelike opvoeding van 'n kinderhuiskind verantwoordelikheid kan neem.
- 3.6.2 Die kinderhuis of gemeente kan nie korporatief as pleegouer optree vir doeleinades van die afle van en die uitvoering van die doopbelofte nie. Kerkrade kan wel, nadat die biologiese ouers, waar moontlik, daaroor geraadpleeg is, lidmate van die gemeente wat bereid is om verantwoordelikheid te neem vir die verbondsopvoeding, aanwys om as doopgetuies of geestelike voogde op die formulier te antwoord by die bediening van die doop aan 'n kinderhuiskind van 7 jaar of ouer.
- 3.6.3 Die dopeling word in die Dooplidmateregister geregistreer onder die van soos dit op sy/haar identiteitsdokument/geboortesertifikaat verskyn met die name van die biologiese ouers voluit geskryf.

- 3.6.3.1 Indien die naam van een of albei van die biologiese ouers nie bekend is nie, word daar in die betrokke ouerkolom aangeteken: "Naam nie beskikbaar nie."
- 3.6.3.2 Indien die kinderhuiskind 'n buite-egtelike kind is, word slegs die voornaam en nooiensvan van die moeder ingeskryf. Indien die moeder 'n weduwee of geskeide vrou is, word haar getroude van in hakies langsaan aangebring [Byvoorbeeld: "Susan Spies (nou Nel)"]. Die reël vir die vader se naam word in hierdie geval dus oopgelaat (Sien ook 1.7 en 3.2.2 hier bo).
- 3.6.4 Die volle voorname en van van die doopgetuies wat as doopouers optree, kom voluit in die volgende twee reëls in die kolom vir die ouers. Die nooiensvan van 'n vrou word ingeskryf met haar getroude van in hakies.
- 3.6.5 In die opmerkingskolom moet van die doop van 'n kinderhuiskind ouer as sewe jaar rekenskap gegee word met vermelding van die datum van die kerkraadsbesluit. [Voorbeeld: KR 26.02.2006]
- 3.7 Onopsoorbare bewys van dooplidmaatskap
- 3.7.1 Waar geen dooplidmaatinskrywing opgespoor kan word nie, maar die dooplidmaat (of die dooplidmaat se ouers/voogde) 'n verklaring ingedien het dat hy of sy wel gedoop is en die kerkraad met die verklaring tevrede is [Gebruik 2.3.2 hier bo as riglyn], word die persoon in die lidmateregister ingeskryf. In die opmerkingskolom word aangeteken dat 'n verklaring ingelewèr is asook die datum van die kerkraadsbesluit. [Voorbeeld: Verklaring ingel. KR 10.06.2007]
- 3.8 Doop in 'n ander gemeente
- 3.8.1 In die geval waar met toestemming van die plaaslike kerkraad die doop in 'n ander gemeente bedien word, registreer die saakgelastigde van die gemeente waar die doop bedien is, die doop in die dooplidmateregister, maar reik gelyktydig 'n bewys van dooplidmaatskap uit wat aan die gemeente waar die dopeling woonagtig is, gestuur word vir registrasie in dié gemeente se dooplidmateregister.
- 3.8.2 Die saakgelastigde wat die dooplidmaatskap oorplaas, teken in die opmerkingskolom aan van watter gemeente toestemming vir die doop ontvang is. [Voorbeeld: Toest. Maitland]
- 3.9 Doop van kinders uit ander kerke
- 3.9.1 In die opmerkingskolom moet van die doop van kinders uit ander erkende kerke rekenskap gegee word deur die kerk te vermeld in die opmerkingskolom. [Voorbeeld: Van RKK Kaapstad]
- 3.10 Doop van kinders uit buiteland
- 3.10.1 As lidmate wat net tydelik in die buiteland woon, hulle kind in 'n ander gemeente as hulle tuisgemeente in Suid-Afrika wil laat doop, moet hulle die skriftelike toestemming van hulle tuisgemeente verkry. Sien verder 3.8 hier bo.
- 3.10.2 Waar lidmate wat permanent in die buiteland woon en daar by 'n gemeente inskakel, hulle kind in Suid-Afrika wil laat doop, moet hulle die skriftelike toestemming van hulle gemeente in die buiteland verkry. Die doopgesprek word deur die leraar waar die kind gedoop gaan word, gevoer en na die doop

registreer die saakgelastigde die doop in die dooplidmateregister, maar reik gelyktydig 'n bewys van dooplidmaatskap uit wat aan die gemeente waar die dopeling woonagtig is, gestuur word vir registrasie. Die opmerkingskolom word voltooi soos in 3.8.2 of 3.9.1.

- 3.10.3 Waar lidmate wat permanent in die buitenland woon en nie daar by 'n gemeente kan inskakel nie, hulle kind in Suid-Afrika wil laat doop, vra die kerkraad van die gemeente waar hulle wil laat doop, hulle attestate aan vanaf die gemeente waar hulle lidmate was voordat hulle geëmigreer het. Die doopgesprek word deur die leraar waar die kind gedoop gaan word, gevoer en na die doop registreer die saakgelastigde die doop in die dooplidmateregister.
- 3.11 Volwasse doop
- 3.11.1 Waar 'n volwassene na belydenis gedoop word, word die inskrywing in beide die dooplidmateregister en die belydende lidmateregister gedoen en word dit in die opmerkingskolom aangeteken met 'n verwysing na die datum van kerkraadsbesluit. [Voorbeeld: Gedoopt na belydenis. KR 12.03.2006]
- 3.11.2 Die name van die ouers word steeds voluit in die dooplidmateregister geskryf. Indien die name van die ouers onbekend is, word in die ouerkolom aangeteken: "Name nie beskikbaar nie." Sien ook 1.7.1 hier bo.
- 3.11.3 Die doopinskrywing van 'n getroude vrou geskied onder haar nooiensvan met die huidige van tussen hakies. [Voorbeeld: Rossouw (nou Nel)]
- 3.12 Doop na moeder se hertroue
- 3.12.1 In die geval waar 'n weduwee of 'n geskeide vrou weer trou en die kinders uit die vorige huwelik nog gedoop moet word, word die kinders geregistreer onder die van van die natuurlike (biologiese) vader. Albei die natuurlike ouers se name moet steeds in die ouerkolom aangeteken word. In die opmerkingskolom word aangeteken dat die moeder die belofte alleen afgelê het en dat die vader oorlede is of dat die egpaar geskei is. [Voorbeeld: Vader oorlede op 12.12.1981. Moeder lê belofte alleen af / Geskei op 12.12.1981. Moeder lê belofte alleen af]
- 3.12.2 Alleen indien die kind se van langs geregtelike weë verander is, kan die kind by die doop onder die nuwe van geregistreer word en slegs indien bogenoemde ouer se nuwe man of vrou die kind wettiglik aangeneem het, kan sy /haar naam, in plaas van die biologiese ouer s'n, in die ouerkolom aangeteken word. In so 'n geval moet die dokumentêre bewys (aannemingsorder in geval van wettige aanneming) aan die betrokke kerkraad voorgelê word. Verder word presies gehandel soos in 3.3.1 uiteengesit.
- 3.12.3 Indien so 'n aanneming eers na die doop plaasvind, moet langs die voorgeskrewe weg aansoek om naamsverandering in die dooplidmateregister gedoen word (Sien 2.3.1.3, asook 2.4 en 2.5).
- 3.13 Doopgetuies
- 3.13.1 Die inskrywing van die name van doopgetuies by 'n "normale doop" word ontmoedig omdat dit eintlik geen kerklike doel dien nie.

- 3.13.2 Die name van getuies wat as doopouers optree kom in die ouerkolom en wel onder die ruimte vir die ouers se name. Dit gebeur egter slegs wanneer die ouers nie self die dopeling ten doop kan bring nie. Sulke gevalle moet hoogs uitsonderlik wees en deur die kerkraad goedgekeur word en so in die opmerkingskolom aangeteken word [Voorbeeld: Doopgetuies lê belofte af. KR 26.02.2006]. Die naam van die wettige ouers word normaalweg in die ouerkolom geskryf.
- 3.13.3 Die voorname en van van die doopgetuies word voluit geskryf. Die nooiensvan van die vrou word ingeskryf met haar getroude van in hakies.
- 3.14 Oorgekom van en vertrek na 'n ander gemeente
- 3.14.1 Wanneer 'n dooplidmaat met of sonder sy/haar ouers na 'n ander gemeente vertrek, reik die saakgelastigde 'n bewys van dooplidmaatskap uit wat in die nuwe gemeente ontvang, afgelees en in die dooplidmateregister ingeskryf word. Die geboortedatum en datum van doop en die naam van die leraar wat die doop bedien het, moet ook op die uitgereikte bewys van dooplidmaatskap verskyn.
- 3.14.2 Die dooplidmateregister word verder net soos die lidmateregister voltooi. Sien 4.2.1 tot 4.2.5 hier onder.
- 3.15 Lidmaatskap oor gemeentegrense heen
- 3.15.1 Sien 4.5.1 hier onder.
4. DIE BELYDENDE LIDMATEREGISTER
- 4.1 Aflegging van geloofsbelijdenis
- 4.1.1 Die datum van belydenisaflegging en die geboortedatum van die belydende lidmaat word in die betrokke kolom ingeskryf. Wanneer die belydende lidmaat na 'n ander gemeente vertrek, moet die geboortedatum op die uitgereikte attestaat/bewys van lidmaatskap verskyn.
- 4.1.2 Wanneer 'n vrou belydenis afle, word dit onder haar nooiensvan in die register aangeteken en die van behou sy deurgaans in lidmateregisters vir belydende lidmate aan hoeveel gemeentes sy daarna ook al mag behoort en hoeveel male sy ook al mag trou. Dit kan alleen verander word as sy haar nooiensvan wettig laat verander en dan ook aansoek doen om naamsverandering in die lidmateregister vir belydende lidmate. Waar 'n vrou uit 'n ander gemeente of kerk kom en haar getroude van verskyn op die attestaat/bewys van lidmaatskap/verklaring, moet sy nogtans onder haar nooiensvan aangeteken word. Telkens word haar geldende getroude van in hakies bygevoeg. [Voorbeeld: Dippenaar (nou Odendaal)].
- 4.1.3 Sien 3.11.1 hier bo vir iemand wat na belydenis gedoop is.
- 4.2 Oorgekom van en vertrek na 'n ander gemeente
- 4.2.1 In die geval van 'n lidmaat wat by wyse van attestaat of bewys van lidmaatskap uit 'n ander gemeente kom, word die naam van die betrokke gemeente in die regte kolom ingeskryf. Die datum van inskrywing in die register geld as datum van aankoms in die gemeente.

- 4.2.2 In die geval van 'n vertrekkende lidmaat word die datum wanneer en die gemeente waarheen hy/sy vertrek, in die betrokke kolom ingeskryf op dié plek waar die naam oorspronklik in die register ingeskryf is.
- 4.2.3 Waar 'n getroude vrou by wyse van attestaat of bewys van lidmaatskap van 'n ander gemeente (Sien 4.2.1) oorkom, word haar naam en nooiensvan soos dit op die attestaat of bewys van lidmaatskap voorkom, in die register ingeskryf. Die huidige van word tussen hakies geskryf (Sien ook 4.1.2).
- 4.2.4 Aangesien 'n predikant se akte van demissie ook sy/haar attestaat is, word sy/haar bevestigingsdatum as die datum van sy/haar oorkoms aangeteken.
- 4.2.5 Wanneer 'n persoon te sterwe kom, moet dit teen sy/haar naam in die opmerkingskolom aangeteken word. [Byvoorbeeld: Oorl. 10.02.2006]
- 4.3 Oorkoms van 'n ander kerk of christelike groep
- 4.3.1 Waar 'n persoon uit 'n ander kerk wil oorkom, doen hy/sy self die nodige om te bedank/bewys van lidmaatskap van die vorige kerk te verkry.
- 4.3.2 Waar 'n persoon uit 'n ander kerk wil oorkom en – na die voorgeskrewe prosedure – lidmaat van die gemeente word (sien Reglement 21), word die korrekte naam van die vorige kerk in die kolom "VAN WAAR" geskryf en in die opmerkingskolom die datum van die kerkraadsbesluit aangeteken.
- 4.3.2.1 Lidmate uit kerke wat die Drie Formuliere van Enigheid onderskryf:
- 4.3.2.1.1 Die kerkraad besluit oor die aansoek om lidmaatskap.
- 4.3.2.1.2 In die opmerkingskolom van die register word verwys na die datum van die kerkraadsbesluit. [Voorbeeld: KR 10.06.2003].
- 4.3.2.2 Lidmate uit ander kerke:
- 4.3.2.2.1 Die aansoeker voltooï Vorm 6 (Verklaring vir ondertekening deur lidmate van ander kerkgenootskappe). Nadat daar aan die vereistes voldoen is wat vir die betrokke persoon geld of bepaal is, besluit die kerkraad oor die aansoek om lidmaatskap. In die opmerkingskolom van die register word verwys na die betrokke vorm en datum van die kerkraadsbesluit. [Voorbeeld: Vorm 6; KR 10.06.2003]
- 4.4 Vertrek na 'n ander kerk
- 4.4.1 Waar 'n persoon na 'n ander kerk wil oorgaan, bedank hy/sy self en beteken dit die beëindiging van lidmaatskap van die NED Geref Kerk. Die prosedure van 4.6 hier onder word gevolg.
- 4.5 Lidmaatskap oor gemeentegrense heen [Funksionele Besluit 16.3]
- 4.5.1 In alle gevalle waar van die "kerkraad" sprake is in die Riglyne vir Praktiese Hantering van Lidmaatskap, moet die datum van die kerkraadsbesluit in die opmerkingskolom aangeteken word. [Voorbeeld: KR 10.02.2006]
- 4.6 Verlies van lidmaatskap en herregistrasie
- 4.6.1 Aangesien die NG Kerk geen interkerklike attestaat of bewys van lidmaatskap het nie en die oorgaan van lidmate by wyse van 'n "Verklaring insake lidmaatskap"

(Vorm XX) moet geskied, moet verlies van lidmaatskap (byvoorbeeld: oorgaan na 'n nie-erkende kerk of afsnyding) en oorgaan na 'n erkende kerk (byvoorbeeld: om huweliksredes na 'n kerk met 'n gereformeerde belydenis) op presies dieselfde wyse hanteer word deur die uitreiking van 'n Vorm XX ná besluit deur die Kerkraad.

- 4.6.1.1 Indien verlies van lidmaatskap gedurende die jaar van oorspronklike registrasie geskied, word dit in die opmerkingskolom aangeteken dat die lidmaatskap verval het. Die datum van die kerkraadsbesluit word ook vermeld. [Voorbeeld: Lm verval. KR 10.02.2006.]
- 4.6.1.2 Indien verlies van lidmaatskap buite die jaar van oorspronklike registrasie geskied, word dit by die oorspronklike inskrywing in die opmerkingskolom, met verwysing na die datum van die kerkraadsbesluit, aangeteken. Met vermelding van die naam, jaar van inskrywing en datum van die kerkraadsbesluit, word die saak per brief aan die argivaris oorgedra vir aantekening in die betrokke registerafskrif.
- 4.6.1.3 Indien die naam van die kerk waarheen die persoon oorgegaan het, bekend is, moet dit ook in die opmerkingskolom aangeteken word. [Voorbeeld: Lm verval. Oor na RKK. KR 10.02.2006.]
- 4.6.1.4 Wanneer 'n persoon by wyse van belydenisaflegging of oorkoms weer lidmaat word, word dit so in die register aangeteken met verwysing na die kerk en die datum van die kerkraadsbesluit in die opmerkingskolom.
- 4.6.1.5 Waar 'n persoon 'n gemeente verlaat sonder om by 'n ander kerk aan te sluit en dan weer na berou na die kerk terugkeer, moet hy/sy weer belydenis van geloof aflê en dit moet so in die register aangeteken word. By verlating word in die opmerkingskolom aangeteken dat die lidmaatskap verval het.
- 4.7 Onopsporbare bewys van lidmaatskap
- 4.7.1 Waar geen lidmaatinskrywing opgespoor kan word nie, maar die lidmaat 'n verklaring ingedien het dat hy of sy wel belydenis van geloof afgelê het in 'n Ned Geref gemeente en die kerkraad daarmee tevreden is, word die persoon in die lidmateregister ingeskryf. In die opmerkingskolom word aangeteken dat 'n verklaring ingelewer is asook die datum van die kerkraadsbesluit. [Voorbeeld: Verklaring ingel. KR 10.06.2003]
- 5. HUWELIKSREGISTER (OPSIONEEL)
- 5.1 In elke gemeente word die huwelike wat daar bevestig word in 'n huweliksregister aangeteken (gebruik die "Kerklike Huweliksaantekeningboek", uitgegee deur Lux Verbi-BM).
- 5.2 Hierdie registers word sover moontlik ook deur die kerkraad se argiekommisie gekontroleer en kom, net soos in die geval van ander registers, na die sinodale argief wanneer dit nie meer deur die gemeente benodig word nie.
- 6. REGISTERAFSKRIFTE
- 6.1 Alle afskrifte moet 'n korrekte en getroue weergawe van die oorspronklike registerinskrywings wees. Vertrekende lidmate word nie aangeteken nie, behalwe as hulle vertrek het in dieselfde kerkjaar as wat hulle aangekom het.

- 6.1.1 As 'n register egter gebrekkig aangelê is, beteken dit nie dat die gebreke in die afskrifte herhaal moet word nie. Die gegewens in die register moet met ander woorde in hul korrekte vorm oorgeskryf of-getik word. Die kerkraad moet die afskrifte nagaan:
- 6.1.1.1 deur al die besonderhede in die lidmateregister vir dooplidmate met dié in die doopkladboek te vergelyk;
- 6.1.1.2 deur die name in die lidmateregister vir belydende lidmate met die attestate/bewyse van lidmaatskap en die lys van name van persone wat belydenis afgelê het, te vergelyk;
- 6.1.1.3 deur die teenblaie van die lidmaatsertifikaat- en attestaatboek met die lidmateregisters vir belydende lidmate te vergelyk en
- 6.1.1.4 deur die besonderhede in die afskrifte noukeurig met dié in die lidmateregisters vir doop- en belydende lidmate te vergelyk.
- 6.1.2 Die parafering en handtekening van die kommissie/persone deur die kerkraad aangewys, beteken dat die afskrifte nagegaan, waar nodig gekorrigeer en uiteindelik as korrek gesertifiseer is. Alle wysigings moet ook geparafeer word.
- 6.2 Voltooing van die registerafskrifte
- 6.2.1 Op die voorblad verskyn slegs die naam van die gemeente en die tydperk waaroor die afskrifte strek. Die naam van die gemeente en die jaartal word verder op elke bladsy aangedui.
- 6.2.2 Lé die binneblaie soos 'n boek oop. Begin met die inskrywings op die agterkant van die eerste blad en gaan dan voort soos dit in die register voorkom. Nommer die bladsy so dat wanneer die "boek" oop lê, die registrasieruimte op elkeen van die twee velle dieselfde nommer kry.
- 6.2.3 Daar mag geen bladsye tussenin oopgelaat word nie. Moet dus nie elke letter van die alfabet op 'n nuwe bladsy begin nie. Hoogstens mag daar tussen die name wat met verskillende letters van die alfabet begin, 'n reël oopgelaat word.
- 6.2.4 Geen gewone regstelling mag bo-oor 'n skryffout van die registerhouer aangebring word nie. Die fout moet met rooi ink onderstreep en die regstelling in rooi ink daarbo ingeskryf word. Alle regstellings word geparafeer. Let wel: 'n gewone regstelling of korreksie is geen wysiging of rektifikasie nie.
- 6.2.5 Op die laaste bladsy van die afskrifte en net onder die laaste inskrywing sertifiseer die kerkraad dat die afskrifte 'n korrekte en getroue weergawe van die oorspronklike register is. Elke binnebladsy word ookregs onder klein en netjies geparafeer.
- 6.2.6 Voltooide afskrifte moet nie opgerol of gevou word nie.
- 6.3 Gebrekkige registerafskrifte
- 6.3.1 Die kerkraad moet toesien dat alle stukke wat deur die argief vir verbetering, aanvulling of vervanging na hulle kerkraad terugverwys is, binne vier weke aan die Argivaris terugbesorg word. (Sien ook Reglement X.2: 3.2.9 hierbo).
- 6.4 Registersrekenaar
- 6.4.1 Waar gemeentes hulle registers en/of registerafskrifte op rekenaar doen, geld al die voorskrifte soos reeds genoem. Sien veral 1.2 tot 1.6 hierbo.
- 6.4.2 Let ook op die volgende vereistes (Sien Reglement X.2: 2.2.2 – 2.2.5):

-
- 6.4.2.1 Die papier wat gebruik word, moet duursame A4-papier wees wat 100 gram per vierkante meter weeg (ligter en/of aaneenlopende rekenarpapier mag onder geen omstandighede gebruik word nie). Die huidige papier is in ongelinieerde formaat beskikbaar by Lux Verbi-BM.
 - 6.4.2.2 Drukwerk moet met netjiese en leesbare lettertipes gedoen word met ink wat nie maklik verbleek of uitgewis kan word nie (gebruik verkieslik 'n laserdrukker). Ligte of vinnige druk ("draft" of "economy") is nie aanvaarbaar nie.
 - 6.4.2.3 Die spasiëring tussen lyne mag nie kleiner as die huidige spasiëring wees nie. Indien ongelinieerde papier gebruik word, moet lyne daarop aangebring word. Inskrywings moet steeds genommer word.
 - 6.4.2.4 Daar moet voorsiening gemaak word vir presies dieselfde kolomme in dieselfde volgorde as in die huidige registers (dit hoef nie noodwendig dieselfde wydte te wees nie). Indien ongelinieerde papier gebruik word, moet kolomlyne daarop aangebring word.
 - 6.4.2.5 Drukwerk moet op beide kante van die papier wees, met genoeg spasie vir inbinding (lê die binneblaale soos 'n boek oop — die regterkantlyn van die linkerbladsy en die linkerkantlyn van die regterbladsy moet ten minste twee sentimeter wees).
 - 6.4.2.6 Sommige van die rekenaar sagteware programme wat gebruik word om afskrifte van lidmateregisters te druk, kan nie al die vereistes van 6.4.2 hier bo nakom nie. Dit word egter wel onder bepaalde omstandighede deur die Argief aanvaar. Skakel asseblief vooraf met die Argief om te verneem of 'n bepaalde pakket se drukstukke vir die Argief aanvaarbaar is.

4.2 PORTEFEULJE BEDIENINGSTEUN.

4.2.1 VERSLAG VAN DIE DIENSGROEP BEDIENING-STEUN

Geagte Voorsitter,

4.2.1.1 VERHAAL

Sedert die vorige Sinodesitting was ons besig met die volgende:

(1) Die Samestelling van ons span:

- (a) Ons span het van tyd tot tyd verander na gelang van lede se omstandighede.
- (b) Ons werk is geïmpakteer deur die feit dat elkeen van ons se gemeentewerk eerste prioriteit is. Dit het 'n beperking geplaas op ons kapasiteit en die gevolg gehad dat ons soms momentum verloor het.

(2) Energiepunte:

- (a) Die volgende energiepunte het ons aandag gevra: die Hubkonsep, pastor pastorum, mentorprogram, fasilitering, brugpredikantskap, predikantekonferensies, gemeente-ontwikkeling.
- (b) Ons hooffokus was die implementering van die Hub-konsep. Ons het 'n scenario-beplanningsproses gevolg wat ons prosesse uiteindelik bepaal het. Ons deel graag van hierdie inligting met julle.

4.2.1.2 DIE HUB-KONSEP:

4.2.1.2.1 DESENTRALISERINGS- EN BEMAGTIGINGSPROSSES.

Die Hubkonsep gaan basies oor 'n desentraliserings- en bemagtigingsproses. In kort behels dit die volgende:

4.2.1.2.2 VENNOTE IN BEDIENINGSVREUGDE.

- (1) Ons sinodale gebied word in (5) streke/ hubs/ megaringe ingedeel. Elke Hub het 'n span(na) bestaande uit
 - (a) 'n pastor pastorum
 - (b) 'n fasiliteerdeerder
 - (c) 'n mentor.
- (2) Die naam van hierdie span(ne) is: Vennote in Bedieningsvreugde. Hierdie Span kan uitgebrei word met addisionele vennote:
 - (a) 'n Gemeente-ontwikkelingspesialis
 - (b) 'n Verteenwoordiger van die Diensgroep vir Bedieningsteun
 - (c) Ringsverteenwoordigers.
- (3) Hierdie Span Vennote in Bedieningsvreugde begelei Leraars (& Gemeentes) - in samewerking met DVK's (Diensverhoudingekommissie) en PVK's (Plaaslike Versorgingskommissie) - met die oog op maksimale bedieningsfunksionering.

- (4) Die Span het die volgende funksies:
- Begelei leraars (ringe/ gemeentes) tot maksimale Bedieningsfunksionering.
 - Dien as Verwysingsbron/ Poel van kundigheid vir DVK's en PVK's.
 - Dien as Begeleidingspan (vir leraars en gemeentes) vir die Hub.
 - Dien as forum vir die 7 jaar Bedieningsgesprek/ gesprekke oor Standplaasverwisseling/ maksimale bedieningsfunksionering.
- (5) Funksies van die lede van die Span:
- Pastor pastorum: Fokus op pastorale begeleiding.
 - Fasilitaerder: Fokus op prosesbestuur.
 - Mentor: Fokus op begeleiding van predikante.
 - Gemeente-ontwikkelingspesialis: Fokus op gemeente-ontwikkeling.
 - Verteenwoordiger van die DG vir Bedieningsteun: As bron van kundigheid/ netwerking.
 - Ringsverteenvoerdigers: Fokus op netwerke.

4.2.1.2.3 DIE MODEL:

- Ons scenario-beplanningsproses het die volgende resultate gebring:
- Ons gebruik die Algemene Sinode se Bedieningsvreugdemodel, en fokus op al die komponente daarvan.
- Ons kies vir 'n Model wat gebaseer is op vrywillige assosiasie: predikante (en gemeentes) skakel vrywillig in by die Program vir Bedieningsteun (Hubs).
- Ons kies vir 'n Kombinasie-model met 2 komponente (hierdie Model kan, maar hoef nie noodwendig nie, eventueel uitmond in 'n Sisteem-Model [as wyse waarop die sinode funksioneer]):

 - 'n Spesialiteits-Komponent: 'n Bedieningskonsultant word aangestel en vergoed deur die Sinode en werk saam met die Diensgroep vir Bedieningsteun (Ingrypende Finansiële implikasies vir die Sinode). Of: 'n Groep kundiges bied (voltyds) bedieningsteun as 'n spesialisbediening aan predikante van die hele sinode en dit word gefinansier deur die Sinode.
 - Spontane Begeleidings-Komponent: 'n Kultuur word geskep waar predikante spontaan met mekaar assosieer en verantwoordelikheid vir mekaar aanvaar. Informele strukture soos vrywillige bedieningsteunpunte (volg die Hub-konsep) word geskep.

- Koördinering word gedoen bloot as motivering vir volhoubaarheid en om toerusting te verskaf.
- Die Sinode bied ondersteuning deur die voorsiening van toerusting, die skep van geleenthede ens (soos jaarlikse predikantekonferensie).

4.2.1.2.4 DIE PROSES:

- Ons skep Gespreksgroepe vir predikante (groepe wat by wyse van vrye assosiasie saamgestel word en wat spontaan funksioneer met die klem op 'n gedeelde belewenis/ ervaring). Dit is 'n oop gesprek met 'n oop agenda:
 - Moontlike gesprekstemas: die bediening, bedieningsteun, sisteme, strukture, kerkkultuur, gemeentekultuur.

- (2) Dit is 'n oop gesprek waar bedieningsverhale gedeel kan word.
- (a) Die oop gesprek kan ook 'n luistergeleentheid vir predikante wees wat eventueel kan uitmond in persoonlike begeleiding (bv deur 'n kundige) volgens spesifieke omstandighede en behoeftes.
 - (b) Dit gee geleentheid vir Ontvriesing van predikante en gemeentes ten opsigte van die Bedieningsvreugdemodel, asook die bemarking van die Model.
 - (c) Dit skep 'n Kultuur van sosialisering/ onderlinge omgee en versorging/ bedieningsteun voordat (en indien enigsins) strukture geskep word. Sosialisering kan die moontlikheid van vertrouensverhoudinge oopmaak.
 - (d) Dit is 'n geleentheid om predikante se werklike behoeftes te belyn met die beskikbare programme (bv: skiet ons nie te hoog nie – deur bv te fokus op selfaktualisering, terwyl die behoeftes op 'n meer primêre vlak lê, soos finansies, of bedieningsuitdagings?).
- (3) Ons skep opleidingsgeleenthede:
- (a) Indien (sodra) daar belangstelling is in die Bedieningsvreugdemodel, of Bedieningsteun as sodanig, word opleiding gegee:
 - (i) Mentoropleiding vir elke predikant – wat hopelik kan lei tot spontane assosiëring/ identifisering van predikante met mekaar en onderlinge versorging/ bediening/ begeleiding van mekaar.
 - (ii) Fasiliteringsopleiding – vir predikante wat belangstel en wat later as kundiges in 'n breër verband (ring/ hub) gebruik kan word.
 - (iii) Pastor Pastorum-opleiding – vir predikante wat belangstel en wat later as kundiges in 'n breër verband (ring/ hub) gebruik kan word.
 - (iv) Opleiding geskied volgens Behoefte: bv ook brugpredikantskap, gemeente-ontwikkeling ens. – vir predikante wat belangstel en wat later as kundiges in 'n breër verband (ring/ hub) gebruik kan word.
- (4) Struktuurskepping: Indien die Bedieningsvreugdemodel sinvol begin funksioneer, kan 'n keuse gemaak word om dit ongestructureerd, op spontane wyse, of binne strukture, soos die Hub-konsep, te laat funksioneer.

4.2.1.2.5 SISTEEMBETROKKENHEID:

- (1) Die Sinode:
- (a) Die Sinode finansier die opleiding in die Bedieningsvreugdemodel (mentorskap, fasilitering, pastor pastorum, gemeente-ontwikkeling ens). Finansiële uitgawes kan met ringe gedeel word, of ander strukture wat mag ontwikkel.
- (2) Die Ring:
- (a) Akkommodeer gespreksgroepe indien hierdie roete gevolg word. Akkommodeer die Bedieningsvreugdemodel – maak ruimte vir die Hub-konsep indien hierdie roete gekies word. Word vervang met nuwe strukture indien hierdie roete eventueel ontwikkel. Geen rol indien die Bedieningsvreugdemodel spontaan en op grond van vrywillige assosiasie funksioneer – buiten funksies wat die kerkorde daaraan toeken.

(3) Die Gemeente:

- (a) Skakel in by die Bedieningsvreugdemodel, deur die DVK en die PVK, opleiding ens. Gee predikante geleentheid om betrokke te raak by Gespreksgroepe.

4.2.1.2.6 KERNWAARDES (AS RIGLYN VIR ONS PROSESSE)

- (1) Ons gebruik die Bedieningsvreugdemodel van die Algemene Sinode as riglyn, en pas dit aan indien nodig.
- (2) Ons wil 'n spesialisbediening daar stel wat predikante begelei tot maksimale bedieningsvreugde. Ten einde hierdie doel te bereik, is ons bereid om
 - (a) die nodige toerusting te gee (Emosionele Intelligenste, interpersoonlike vaardighede, leierskap, bestuursvaardighede ens)
 - (b) en ons Hulpbronne te gebruik (Learning Link, Sinodes, Fondse, HR-wêreld, Kundiges, Fakulteite, Kerk se programme).
- (3) Die motivering vir ons diens is onderlinge versorging in opdrag van die Here (en nie polisiëring of sisteemdwang nie).
 - (a) Ons wil 'n kultuur (en nie strukture nie) skep in die kerk (op sinodale, rings- en gemeenteverband, en veral onder predikante), van onderlinge ondersteuning/begeleiding ensovoorts .
- (4) Vrywillige assosiasie:
 - (a) predikante en (gemeentes) skakel vrywillig in by die Bedieningsvreugdemodel - ons wil nie (nuwe) dwangsisteme skep nie, of oorreguleer nie, maar bedieningsteunruimtes skep.
- (5) Ons skep 'n kwalitatiewe bedieningsteunruimte vir predikante:
 - (a) hierdie ruimte word binne die kerk geskep en word gehanteer deur kundiges. Hierdie ruimte kan ook buite die kerk geskep word waar nodig of op aanvraag.
- (6) Ons aanvaar dat vorm volg funksie en daarom:
 - (a) kombineer ons opsies, veral prosesgewys:
 - (b) ons kombineer die spontane begeleidingsbenadering met bv die spesialisbenadering,
 - (c) en laat ruimte vir spontane ontwikkeling van strukture, indien nodig.
- (7) Ons akkommodeer diversiteit ten opsigte van:
 - (a) predikante se persoonlikhede, spiritualiteit, konteks
 - (b) gemeentes se omstandighede, kulture, bedieningsmodelle ens
 - (c) ons wil 'n balans handhaaf tussen die predikant as individu (individuele fokus) en as deel van 'n liggaam (korporatiewe fokus).
- (8) Ons volg 'n holistiese benadering ten opsigte van die predikant:
 - (a) Ons wil fokus op die predikant se hele menswees: spiritueel, finansieel, ontwikkeling van menswees, lewensrealiteit, bedieningsrealiteit ens.
 - (b) Ons wil aansluit by die ware behoeftes van die predikant.
 - (c) Ons wil holisties kyk na die predikant in sy/ haar bediening (holisties) en die bediening van die predikant.

- (9) Ons fokus nie net op die predikant nie, maar ook op sy/ haar lewensmaat en gesin.
- (a) Ons volg 'n sisteembenadering in die sin dat al die rolspelers in die predikant se bediening betrek word: gesin, gemeente, ring, sinode.
- (10) Ons fokus op bedieningsvreugde vir die predikant ook wanneer die konteks gaan verander, bv wanneer
- (a) ons 'n independistiese kerk word (predikante [nie noodwendig uit kerkverband] word gekontrakteer deur gemeentes vir spesifieke dienste & funksies),
 - (b) of 'n gesentraliseerde kerk word (die kerkverband kontrakteer en vergoed predikante, of gebruik predikante as konsultante),
 - (c) of multi-kultureel word.

4.2.1.2.7 PREDIKANTEKONFERENSIE 2007:

- (1) Ons het doelbewus hierdie jaar, met die oog op die vestiging van 'n nuwe kultuur van bedieningsvennote, die fokus tydens ons konferensies geplaas op verhoudings en nie programme nie. Ons werk met 'n konsep van 3 bestemmings oor 3 jaar. Dit werk soos volg:
- (a) Ons werk met kleiner groepe: nie meer as 40 per groep nie (oa ter wille van beter interpersoonlike kontak).
 - (b) Oor 'n tydperk van 3 jaar kry elke predikant geleentheid om 3 bestemmings te besoek, een per jaar: Sanipas (berg-ervaring - Mrt.), Victoriabaai (see-ervaring - Apr.) en Luiperdkloof: bosveld-ervaring - Mei).
 - (c) Ons fokusse sentreer rondom die volgende: 'n besoek aan 'n spesiale bestemming, 'n intrapsigiese ervaring (herontdekking van die self en roeping), 'n interpersoonlike ervaring (saam-deel met kollegas), 'n span-ervaring (vennote in bedieningsvreugde).
- (2) Ons beplan die volgende uit hierdie konferensies: die tot stand bring van gespreksgroepe, 'n verhoudingsbou/ vertrouensbougeleentheid saam met fasilitateerders, mentoropleiding, en indien dit so ontplooи, die vestiging van hubs.

4.2.1.2.8 BRUGPREDIKANTSKAP:

- (1) Die konsep raak al hoe meer bekend, verskeie predikante is opgelei, en soms oorskry die aanvraag die aanbod. Opleidingsgeleenthede is gevestig saam met die Universiteit van Pretoria.
- (2) Sien die volgende wat bygevoeg is as bylae:
- (a) Vorderingsverslag tot die Brugpastoraat – OKT. 2007
- (3) Konsep: Brugpastoraat in die Ned Geref Kerk - Sinode Hoëveld: Beleid en Benaderingswysses – Voorlopige Formulerings

4.2.1.2.9 RETRAITE-FASILITEIT BY ACHTERBERG:

- (1) Willie Goosen is aangestel as Bestuurder by Achterbergh. Sodra hy gevestig is, gaan ons 'n retraite-geleentheid daar begin. Ons beoog ook om verskeie persone aan te stel as pastor pastorum.

4.2.1.2.10 FASILITERING:

- (1) Daar is in verskeie gemeentes op aanvraag gefasiliteer. Ons werk ook nou saam met die HUA om aandag te gee aan gemeentes wat in 'n vasgeloopte situasie gekom het. Ons het onder die indruk gekom hoe noodsaaklik 'n doelbewuste fokus op gemeente-

ontwikkeling is. Die impak van demografiese skuwe, en die uitdagings vir gemeente-wees wat gereeld verander en al hoe meer uitdagend word, vra hierdie fokus.

4.2.1.2.11 EMERITERING

Sien die aangehegde vorderingsverslag wat as bylae bygevoeg is.

4.2.1.3 VISOENERING - ONS WIL GRAAG SIEN DAT DIE VOLGENDE REALISEER:

4.2.1.3.1 KULTUUR:

Die vestiging van 'n kultuur van omgee vir mekaar en verantwoordelikheid aanvaar vir mekaar.

4.2.1.3.2 PORTEFEULJES

(1) Die herrangskikking van Portefeuilles Bedieningsteun en Leierskap sodat die volgende aandag sal kry:

- (a) PREDIKANTEBEGELEIDING - fokus globaal op predikante, volgens die Bedieningsvreugdemodel van die Algemene Sinode.
- (b) LEIERSKAP - fokus op predikante sowel as gemeenteleiers as leiers.
- (c) GEMEENTE-ONTWIKKELING - fokus globaal op gemeentes se ontwikkeling en ondersteuning. Die volgende word doelbewus hierby geïnkorporeer:
 - (i) 'n Missionêre gerigtheid,
 - (ii) post-modérne tendense,
 - (iii) 'n eietydse bediening en
 - (iv) 'n liturgiese fokus.

(2) Die bedoeling is nie om bloot patologie te hanteer nie, maar om pro-aktiewe ontwikkeling te faciliteer.

- (a) Uit die aard van die saak sal daar oorvleueling wees, maar dit sal bestuur word. Byvoorbeeld: facilitering sal beide by predikantebegeleiding en gemeente-ontwikkeling plaasvind, maar telkens met 'n eiesortige fokus.

4.2.1.3.3 KOÖRDINERING.

Bogenoemde portefeuilles sal 'n span moet hê wat strategies en operasioneel koördineer (of dit as span doen) en wat ook 'n simbiose met die portefeuille vir Navorsing moet realiseer.

4.2.1.4 AANBEVELINGS: DIENSGROEP BEDIENINGSTEUN.

- (1) Die Sinode keur die konsep van die predikantekonferensies goed en begroot daarvoor.
- (2) Die Sinode keur dit goed dat die Hub-konsep verder ontwikkel word inlyn met die proses wat tot dusver plaasvind het.
- (3) Brugpredikant:
 - (a) Die sinode keur goed dat die opleiding van die brugpredikante vir die sinode by die Sentrum vir Kontekstuele Bediening van die Teologiese Fakulteit, Universiteit van Pretoria, plaasvind.
 - (b) Die sinode beveel die brugpastoraat by die gemeentes aan as 'n besondere wyse van bediening om, waar toepaslik, gemeentes te help om kwessies en konflik uit

die verlede te hanteer, hulle identiteit te herontdek en hulle roeping vir die toekoms beter te verstaan en uit te leef.

- (4) Die sinode dring sterk by gemeentes aan om in die geval van predikantsvakatures, saam met die betrokke sinodale kommissie se taakgroep en ringskommissie oor die opsigte vir die toekoms van die gemeente en vul van die vakature te besin.
- (5) Die Sinode keur die tot standbring van 'n retraite-fasiliteit by Achterbergh deur Ds. Willie Goosen goed.
- (6) Die Sinode keur die hersamestelling van die sinodale portefeuilles goed en dra die detaillering daarvan op aan die SDK.

Dr. Neels du Randt, Dr. Christo Naude, Ds. Kobus Sandenbergh (Dagbestuur)

4.2.2 BYLAE: BRUGPASTORAAT IN DIE NED GEREF KERK, SINODE HOËVELD.

4.2.2.1 BELEID EN BENADERINGSWYSES – VOORLOPIGE FORMULERINGS

4.2.2.1.1 KONSEP

1. AGTERGROND

- (1) In 2005 het die Sinode Hoëveld (NGK) die saak van die Brugpredikant in beginsel goedgekeur en aan die Portefeuilje Bedieningsontwikkeling/steun opgedra om die konsep van Brugpredikant op 'n proefbasis te begin implementer en verder te ontwikkel (Handelinge, 3:21). In uitvoering van hierdie opdrag word hierdie beleidstuk voorgelê.
- (2) Dit is opgestel in die lig van studie, eie besinning en ervaring opgedoen o.a. deur die drie brugpredikante wat in die brugpastoraat by gemeentes staan.
- (3) Die memorandum se inhoud is uiteraard voorlopig van aard en sal verstellings moet ondergaan soos die praktyk van die brugpastoraat verder ontwikkel.

1.1. BEPLANNING TEN OPSIGTE VAN OORGANGSTYE IN 'N GEMEENTE.

- (1) Die verwisseling van 'n predikant in 'n gemeente beteken 'n belangrike oorgangstydperk in die lewe van 'n gemeente. Die sinode het 'n verantwoordelikheid om saam met die ring en gemeente te kyk na die beste opsies vir die toekoms van die gemeente. Daar moet deeglik gekyk word na die konteks van die gemeente opset, faktore wat die voortbestaan van die gemeente kan beïnvloed, finansiële lewenskragtigheid, wenslikheid van samewerking/ samesmelting met buurgemeentes, ensovoorts.
- (2) Tov die pastorale leierskap is daar allerlei opsies wat oorweeg moet word in die lig van die toekomsbeplanning van die gemeente:
 - (a) Verskillende predikante kan betrek word vir eredienste sondae. Die kerkraad en konsulent help met ander pastorale take.
 - (b) 'n Predikant kan as Pastorale Hulp of kontrakwerker aangestel word. Meesal is hierdie bediening meer op die normale gemeentewerk/ instandhouding gerig.
 - (c) Gemeentes kan direk 'n voltydse of tentmakerpredikant beroep en so die oorgangstyd beëindig wat allerweé as 'n besondere groeigeleenthed of "teachable moment" vir 'n gemeente beskou word.
 - (d) 'n Brugpredikant kan benoem word om die gemeente in sy dienswerk tydens die oorgangstyd na 'n nuwe fase in die lewe van die gemeente te begelei

2. DIE SIN EN WAARDE VAN DIE BRUGPASTORAAT

2.1. WAT IS 'N BRUGPREDIKANT?

Dit is 'n ervare predikant wat spesiaal opgelei is om gemeentes te help en te begelei om tydens 'n predikantsvakature of trauma in die gemeente opnuut hulle besondere roeping en taak te verstaan. Hulle word tydelik aangestel en is nie beroepbaar in die betrokke gemeente nie. Hulle vervul die funksies van 'n predikant en help die gemeente om behoorlik afskeid te neem van die vorige bedeling en hulle voor te berei vir 'n nuwe fase. Dit kan beteken 'n

moontlike nuwe groeifase in die gemeente of om 'n geskikte predikant te beroep wat sal inpas in die behoeftes van die spesifieke gemeente.

2.2. NADERE OMSKRYWING

- (1) Die Brugpastoraat gaan daarvan uit dat oorgangstye, met goeie leierskap, tye kan wees wanneer gemeentes daadwerklik sal kan groei in selfinsig en die vermoë om effektiel aan die gemeenskap diens te lewer.
- (2) Hierdie proses kan ook allerlei emosies ontlok. In die geval van 'n predikantsverwisseling word enersyds een verhouding tot 'n afsluiting gebring en andersyds voorberei om 'n nuwe verhouding aan te knoop. Dit raak mense op 'n heel persoonlike vlak.
- (3) Om te gou tot die beroeping van 'n nuwe predikant oor te gaan, mag die gemeente se vermoë kortwiek om die ontwikkelingstake af te handel. Die nood word verhoog waar die vertrekkende predikant 'n lang dienstydperk gehad het of waar daar ernstige onopgeloste kwessies in die gemeente bestaan.
- (4) Die brügpastoraat is 'n meganisme om die gemeente te help om smart en konflik te hanteer, probleme op te los en veranderings aan te bring wat werklik nodig is om 'n nuwe predikant te verwelkom. Dis 'n manier om hulp te verleen deur 'n tydelike predikant wat deur sy/haar opleiding en ondervinding kan help om 'n gemeente vir 'n nuwe pastorale verhouding voor te berei en 'n nuwe hoofstuk in sy verhaal van diens, getuienis en aanbidding te open.

2.2.1. Nie-Beroepbaarheid

- (1) Oor die nie-beroepbaarheid van 'n Brugpredikant na die predikantspos in die gemeente waar hy/sy werksaam was, moet daar nie onduidelikheid wees nie. Die rasional daaragter, is die volgende :
 - (a) 'n goeie Brugpredikant is nie noodwendig 'n geskikte vaste predikant nie – daar is verskillende gawes en vermoëns vir elke situasie nodig.
 - (b) As 'n beroep later 'n moontlikheid is, kan dit die Brugpredikant beïnvloed in die aanpak van sy werk.
 - (c) Meer riskante situasies kan bewustelik of onbewustelik vermy word.
 - (d) 'n Brugpredikant het verder met 'n beroeping 'n onregverdigde voordeel bo ander kandidate omdat hy/sy reeds daar is en goed bekend is.
 - (e) Dit kan verder gebeur dat 'n Brugpredikant nie beroep word nie en dan word sy werk in'n negatiewe lig geplaas en kan allerlei emosies daar rondom ontwikkel.
 - (f) Indien die Brugpredikant beroepbaar sou wees na dieselfde gemeente/pos sou sommige predikante moontlik uit verkeerde motiewe Brugpredikante wil word naamlik om 'n voet in die deur te kry met die oog op 'n moontlike beroep.
 - (g) Die besef dat die Brugpredikant net tydelik in die gemeente werk, verhoog die gemeente se kapasiteit om te verander.

2.3. WANNEER IS 'N BRUGPREDIKANT NODIG?

- (1) In 'n sekere sin behoort die meeste gemeentes tydens 'n predikants-vakature 'n Brugpredikant te betrek want die gemeentelike situasie en omstandighede in die

samelewing verander gedurig en soms baie vinnig. Na 3-5 jaar behoort elke gemeente opnuut sy bediening te evalueer en na sy unieke rol en taak te kyk.

- (2) Die situasie van gemeente-wees het heelwat ingewikkelder en meer gevarieerd as tevore in ons tyd geword. Daarom is dit meer wenslik dat gemeentes beter moet kyk en meer tyd moet gee om die regte soort predikant te beroep wat in die spesifieke gemeente sal kan inpas. Hoeveel skade en pyn kom daar nie as dit later blyk dat die verkeerde predikant beroep is nie!
 - (a) Indien daar trauma in die gemeente na vore gekom het soos die onverwagse sterwe van 'n predikant of interne konflikte in die kerkraad / gemeente. Gemeentes is emosionele sisteme en die emosies moet hanteer word. Dit is baie beter indien die Brugpredikant hieraan aandag kan gee. Lidmate kan grieve hê oor wat die ('n) vorige predikant gedoen of miskien nie gedoen het nie.
 - (b) Na 'n lang en "suksesvolle" bediening van die vorige predikant kan dit ook baie nodig wees om 'n tydsverloop te hê sodat die gemeente sy identiteit kan herontdek los van die vorige leraar.
 - (c) As daar te gou beroep word – so is deur navorsing bevind - dan word gewoonlik iemand gekies wat net soos die vorige dominee is of reg die teenoorgestelde is. Nee, 'n Brugpredikant kan help dat weer gekyk sal word na die bestaansdoel van die gemeente en gevra word waarheen die gemeente op pad is.
- (3) In ons tyd word dit opnuut raakgesien dat die kerk moet uitreik na die gemeenskap. Die Brugpredikant kan die gemeentes lei en begelei om van 'n na binne gerigte gemeente te groei na 'n gemeente wat sy taak ook in die wêreld sal verstaan en uitleef. Die 21ste eeu stel nuwe eise aan die gemeentes.

2.4. KWALIFIKASIES VIR 'N BRUGPREDIKANT.

- (1) Nie alle geordende predikante kan effektief as Brugpredikante funksioneer nie. 'n Verskeidenheid van kwalifikasies is van toepassing wat die Brugpredikant betref. Die volgende vermoëns is ter sake :
 - (a) Talle vaardighede, gawes en vermoëns wat vir die normale predikantswerk nodig is, geld by uitstek vir die Brugpredikant bv konflikhantering, organisatoriese vermoë, hantering van verandering, goeie luisterraar wees, fyn onderskeidingsvermoë, sterk roepingsbesef as predikant, doeltreffende kommunikasie, goeie menseverhouding en 'n gesindheid van leerbaarheid, kundige leierskap, oregtheid en integriteit.
 - (b) Voldoende pastorale ervaring as gemeentepredikant in verkiekslik meer as een gemeente is noodsaaklik.
 - (c) Gespesialiseerde opleiding as Brugpredikant is ook baie belangrik.
- (2) Ter wille van keuring word 'n aanbeveling van die huidige/vorige gemeente gevorg. Verwysings en die rapport van kollegas kan ook oorweeg word.

2.5. AANSTEL VAN 'N BRUGPREDIKANT

- (1) Alhoewel die kerkraad van elke gemeente die verantwoordelike liggaam is om besluite tot die bepaalde gemeente te neem, is die sinode en ring daarop ingestel om gemeentes te ondersteun en met kundige advies te bedien.

- (2) In die lig van die bostaande moet daar wanneer 'n predikantsvakature ontstaan, eers gesprek gevoer word tussen die betrokke kerkraad, die ringskommissie en die betrokke sinodale diensgroep. Die oogmerk van die gesprek is om die bedieningsbehoeftes in die gemeente te help beoordeel en die kerkraad te adviseer oor opsies wat vir die gemeente beskikbaar is waaronder o.a. die aanstel van 'n Brugpredikant.
 - (3) Indien dit uit die samespreking blyk dat 'n Brugpredikant wenslik is, kan die Taakgroep vir Brugpastoraat van die Sinode name van opgeleide Brugpredikante aanbeveel.
 - (4) Die kerkraad ontmoet die Brugpredikante en bespreek die pastorale behoeftes van die gemeente en benoem 'n Brugpredikant.
 - (5) 'n Verbondsverbintenis of kontrak word bespreek en uiteindelik in oorleg met die Brugpredikant en die Sinode se Taakgroep vir Brugpastoraat gefinaliseer en onderteken voordat die Brugpredikant in die gemeente begin. Die kontrak sluit in allerlei besonderhede, wat verderaan in hierdie Memo bespreek word.
 - (6) Goeie kommunikasie tov die Brugpredikant is noodsaaklik :
 - (a) Die plaaslike ringskommissie moet ingelig wees en goedkeuring gee vir die aanstelling van die Brugpredikant.
 - (b) Die gemeente moet vooraf kennis kry van die koms van die Brugpredikant en wat sy taak en rol is, duur van sy kontrak, ens.
 - (7) Die Brugpredikant word tydens 'n spesiale erediens ontvang en bekendgestel. Dit geld ook tov sy/haar vertrek.
- 2.6. ROLLE EN VERANTWOORDELIKHEDE VAN 'N BRUGPREDIKANT**
- (1) Die BRUGPREDIKANT word verkiekslik lid van die gemeente en lid van die kerkraad van die gemeente waar hy/sy as Brugpredikant werksaam is.
 - (2) Die Brugpredikant neem leiding tov die pastorale versorging van die gemeente maar is nie noodwendig die voorsitter van die kerkraad nie.
 - (3) Die Brugpredikant word benoem as volwaardige predikant van die gemeente en nie as blote pastorale hulp nie. Sy benoeming word ook deur die ring goedgekeur. Die Brugpredikant is bevoeg om al die funksies van 'n predikant te behartig. Die Brugpredikant kan ook vir 'n bepaalde termyn beroep word (Kerkorde, art 11b1) maar dis nie nodig nie.
 - (4) Die Brugpredikant staan uiteraard onder toesig van die ring en moet ook aan hulle verslag lewer.
 - (5) Die beroeping van die volgende predikant, indien dit die geval is, word deur die konsulent van die gemeente hanteer. Wel help die BRUGPREDIKANT om die grondwerk vir die beroeping te doen deur bv behulpsaam te wees met die opstel van die profiel van die gemeente en die daaruit voortvloeiende profiel van die nuwe predikant.
 - (6) Die Taakgroep vir Brugpastoraat wys 'n Brugpredikant aan om die Brugpredikant in 'n gemeente te ondersteun en te adviseer. Die Brugpredikant lewer gereeld verslag aan die kerkraad, ring en aan die Taakgroep vir Brugpastoraat.
 - (7) Afgesien van die "exit report" wat die Brugpredikant doen voor hy/sy vertrek, sou dit wenslik wees dat die Brugpredikant ook sal deelneem aan die induksieprogram by die

aankoms van die nuwe predikant. Tydens die storievertel van die verskillende deelnemers/leiers in die gemeentlike opset, kan die Brugpredikant 'n besondere insette lewer tov die resente ontwikkelings in die gemeente se verhaal.

2.7. FINANSIELE OORWEGINGS

- (1) Ernstige oorwaging moet daaraan gegee word om predikante wat geskik is vir die Brugpastoraat daarby te betrek vanaf 60-jarige ouderdom selfs voor aftrede. Predikante met rype ervaring kan dan vir 'n paar jare deur die predikantspesialisasie nog besondere dienste in die kerk lewer. Gemeentes betaal 'n gedeelte van die pensioenpremie en medies van die Brugpredikante.
- (2) Die vergoeding moet op die traktement en toelaes van die vorige predikant gebaseer wees. Maar die ervaring en spesiale kundigheid van die Brugpredikant moet ook in aanmerking geneem word.
- (3) Indien die aanstelling minder as voltyds is, moet die vergoeding asook die werkslading daarvolgens aangepas word.
- (4) Dit word aanbeveel om een of twee maande ekstra vergoeding aan die Brugpredikant te betaal ten einde die onsekerheid of 'n verdere pos as Brugpredikant beskikbaar sal wees.

2.8. OPLEIDING

- (1) Dit is noodsaaklik dat die Brugpredikante deeglik opgelei sal word ten einde sinvolle hulp te bied aan gemeentes wat soms erg getraumatiseerd kan wees.
- (2) Die Sentrum vir Kontekstuele Bediening (Tel 012 420 4951/2) wat deel is van die Teologiese Fakulteit, Universiteit van Pretoria, bied jaarliks 'n 9 maande kursus deur medium van Afrikaans maar ook 'n aparte kursus in Engels in Brugpastoraat aan. Koste is R550-00. Predikante van alle erkende kerke kan inskryf mits hulle keuring by hulle eie kerke/sinodes ontvang het.

2.9. TAAK EN FUNKSIE VAN DIE TAAKGROEP VIR BRUGPASTORAAT VAN DIE SINODE

- (1) Die Taakgroep van elke sinode is verantwoordelik vir keuring tov kandidate vir die Brugpastoraat, soos by 8.2 gemeld. Net die predikante wat kwalifiseer kan opgelei en beskikbaar gestel word vir die gespesialiseerde werk.
- (2) Die bemarking van die Brugpastoraat ten einde voldoende opgeleide Brugpredikante aan gemeentes beskikbaar te stel, vind hoofsaaklik deur middel van die gepubliseerde en elektroniese media plaas. Ook waar Brugpredikante in gemeentes met vrug gewerk het, word die saak goed adverteer. 'n Groter aanbod van Brugpredikante moet voorhande wees as die aanvraag as gevolg van die verskeidenheid van behoeftes en die afstande in ons land.
- (3) Die ondersteuning en begeleiding van praktiserende Brugpredikante is van groot belang. Kundige Brugpredikante moet daarvoor aangewys word. Die gereelde gesamentlike besinning van Brugpredikante saam is nodig om Brugpredikante op te skerp.
- (4) Gereelde verslag aan die Taakgroep, die Sinodale Diensgroep vir Bedieningsteun en die sinode is nodig.

- (5) Die Taakgroep het ook die verantwoordelikheid om die voortgaande ontwikkeling van die Brugpastoraat as bediening te hanteer en te bevorder.

2.10. ONTWIKKELING VAN 'n KONTRAK OF VERBONDSOOREENKOMS

- (1) Die term "verbondsooreenkoms" (covenant) is iets meer gewigting en plegtig as bloot 'n kontrak. Telkens as van kontrak gepraat word, moet dit gesien word as 'n ooreenkoms waarin dit gaan om die kerk van die Here waartoe die kerkraad en Brugpredikant geroep word om te dien.
- (2) Voordat die Brugpredikant in 'n gemeente begin, moet die kontrak afgehandel wees en die inhoud daarvan aan die gemeente bekend gemaak word.

2.11. DIE KONTRAK BEVAT DIE VOLGENDE:

- (1) Agtergrond oor hoekom besluit is om 'n Brugpredikant te benoem en die stappe om die spesifieke Brugpredikant aan te wys. Die name van die ondertekenaars word gegee.
- (2) Verklaring van verbintenis deur die kerkraad en Brugpredikant word met die instemming van die gemeente, ring en sinode, ooreenkomsdig die bedieningsbehoeftes van die gemeente opgestel.

2.12. DOELWITTE EN TAKE VAN DIE BRUGPASTORAAT.

- (1) Die vyf groot Ontwikkelingstake van die gemeente word in die algemeen beskou as die raamwerk vir die implementering van die doelwitte en take vir die brugpastoraat. Dit gaan om die selfverstaan van die gemeente en om sy eie wese en bestaansdoel goed te begryp (Malan Nel) en bestaan uit die volgende:
 - (a) Die regte perspektief op die verlede;
 - (b) Herontdekking van die gemeente se identiteit;
 - (c) Veranderings en bemagtiging van die leierskap;
 - (d) Hernuwing van kontak met die wyer kerk;
 - (e) Gereedheid vir 'n nuwe bedeling.

2.13. ROLLE EN VERANTWOORDELIGHED VAN DIE BRUGPREDIKANT:

- (1) Die BRUGPREDIKANT is verantwoordelik vir leierskap tov die twee sleutel areas :
 - (a) Die werk van die kerkraad en gemeente met die spesifieke doelwitte en take van die Brugpastoraat.
 - (b) Die gereelde verantwoordelikhede verbonde aan die predikantswerk. Dit is noodsaaklik dat die rolle, verantwoordelikhede en diensure, verlof, ens. van die Brugpredikant baie duidelik uitgespel sal word.

2.14. LENGTE VAN DIE DIENSTYD

- (1) Die dienstyd van 'n Brugpredikant kan wissel afhangende van die mate waarin die gemeente getraumatiseerd is en hoe vinnig die brugpastoraat vordering toon. Die Brugpredikant kan vir 12 maande aangestel word met die opsie om dit met 6 maande te verleng, indien nodig. Daar behoort 'n sekere aanpasbaarheid in die kontrak ingebou te word sodat dit gewysig kan word indien al die partye daartoe instem.

2.15. TRAKTEMENT EN TOELAES:

- (1) Die reëling in die kontrak tov die traktement en toelaes moet deur wedersydse instemming van die kerkraad en Brugpredikant vasgestel word. Die inhoud moet ook deur die ring na oorlegpleging met die Taakgroep vir Brugpastoraat goedgekeur word.
- (2) LW Voorbeeld uit eie kring en van oorsee kan voorsien word. Dit bly egter so dat elke gemeente uniek is en die kontrakte moet elke gemeente se eie situasie in aanmerking neem.

4.2.3 BYLAE: VORDERINGSVERSLAG TEN OPSIGTE VAN DIE BRUGPASTORAAT – OKTOBER 2007.

4.2.3.1 DIE EERSTE FASE.

- (1) Die eerste fase van die implementering van doelgerigte brugpastoraat in die NGK (en in die kerke in ons land) is o.i. bykans afgehandel. Hier word enkele momente van die ontwikkelinge rondom die bediening van die brugpastoraat weergegee:
 - (a) Sedert 2003 veral is daar begin kyk na die moontlikheid en wenslikheid om die interim ministry in die NGK te implementeer. Reeds tevore is al aandag gegee aan die begeleiding van gemeentes wat vernuwing benodig het en is intuïtief gewerk met insigte en praktyke wat eers deur die interim ministry in 'n spesifieke sin sy beslag sou kry.
 - (b) Daar is gedurende hierdie tyd met Ds. Helen Dekker 'n korrespondensie aangeknoop. Sy is 'n Nederlandse predikant wat as interim pastor by die Interim Ministry Network in die VSA opgelei is. Sy was in vier verskillende gemeentes van die Presbiteriaanse kerk in die VSA as interim pastor werksaam. Helen was twee keer op ons uitnodiging in Suid-Afrika, op haar eie koste, om hieroor eerstehandse inligting te kom gee. Haar gesprekke en inligtingstukke is uiterwaarddevol.
 - (c) Dit is ons oortuiging dat die VSA-benaderings tov die IM, nie hier net so gekopieer moet word nie maar volgens ons eie kerk- en Afrikakultuur ontwikkel sal word. Die benaming van "Brugpredikant" is deur Barry van Rensburg voorgestel en het goed inslag gevind. Verslae van predikante wat werksaam was in gemeentes van die NGK waar daar vakatures was, is aangevra en die benadering van die brugpastoraat is wyer bekendgestel. Sodoende is gepoog om hierdie bediening in die gereformeerde- en Afrikakonteks te laat wortel skiet.
 - (d) By die Sinodale Diensgroep vir Bedieningsteun van die Sinode van Suid-Transvaal (NGK) is hierdie insigte getoets en het positiewe ondersteuning gevind. Toestemming is ook deur die Sinodale Dienskommissie gegee dat die taakspan bestaande uit Howard du Toit en Barry van Rensburg, die saak op 'n proefbasis kan verder voer. In Oktober 2005 het die Sinode van Hoëveld self die groen lig gegee.
 - (e) Ons is dankbaar dat daar in hierdie fase reeds 12 predikante as brugpastors vanuit die Sinode Hoëveld opgelei kon word. Ongelukkig was die Brugpredikant nie almal direk in die hoedanigheid vir diens aan gemeentes beskikbaar nie. Tydens die beginfase was die gemeentes nog huiwerig om die opgeleide Brugpredikante aan te stel. Sommige afgetrede Brugpredikante was wel

beskikbaar, ander het by gemeentes of allerlei ander kerklike werksaamhede betrokke geraak.

- (f) Uit die 12 Brugpredikante is daar twee uit ander sinodale gebiede. In die Wes-Kaap is daar ook predikante vir brugpastoraat aangestel en opgelei. Die Ned Herv. van Afrika stel ook belang en beweeg reeds in hierdie rigting. Ook in die VGK is daar positiewe stemme hieroor. So ook in ander kerke. Die inligting word in al wyer kringe bekend gestel.

4.2.3.2 TWEDE FASE.

- (1) Met die tweede fase van die implementering van die brugpastoraat is die opleiding wat aanvanklik vanuit die Sinode Hoëveld plaasgevind het, verskuif na die Sentrum vir Kontekstuele Bediening (SKB), van die Teologiese Fakulteit, Universiteit van Pretoria.
- (2) Vanweë die klein getalle en lang afstande word die opleiding tov die brugpastoraat liefs ekumenies aangepak. Deur die SKB se 9 maande kursusaanbieding word 'n sterker teologiese inhoud aan die opleiding gegee. Die deelnemende kerke bly egter vir die keuring en begeleiding/ supervisie van die BRUGPREDIKANT verantwoordelik.
- (3) Die 'kursus behels jaarliks twee kontakweke en sluit twee werksopdragte in, asook gesprekke met elke student. Kostes is R550-00, indien 10 of meer persone deelneem. ('n Meer volledige omskrywing van die kursus is beskikbaar). Die eerste kursus in 2007 het 12 inskrywings gehad waarvan byna die helfte uit die NHK.
- (4) In die A-Z Beleid aangaande Predikante, wat aan die Algemene Sinode (NGK) van 2007 voorgelê is, word reeds plek gegee vir die aanwys van 'n brugpastor deur die kerkverband wat by die ontstaan van 'n predikantsvakature 'n gemeente kan begelei.
- (5) Tot so ver was dit die bedoeling om eers tov die Brugpredikant te eksperimenteer en daarna dit kerkordelik te reël. Die belangrikheid vir die kerkverband, sinode en ring, om saam te beplan wanneer 'n gemeente 'n predikantsvakature beleef, vra reeds om 'n kerkordelike bepaling.
- (6) Die behoefte aan 'n taakgroep wat vir ons kerk koördinerend kan optree, het na vore gekom. Die aangewese diensgroep wat die NGK betref, is waarskynlik die Algemene Diensgroep Gemeente-ontwikkeling (ADGO) en daaronder predikantebegeleiding. In die Sinode Hoëveld val die brugpastoraat onder die Diensgroep Bedieningsteun. Die lede van die Taakgroep vir Brugpastoraat is tans Dolf de Beer en Howard du Toit.
- (7) Aan die begin van 2007 is die eerste keer in ons sinodale gebied opgeleide Brugpredikant in twee gemeentes geplaas. Dr. Dolf de Beer en Ds. Johan Marais is in Evandergemeente geplaas en Ds. Jan Botha in Sundragemeente. Positiewe berigte word ontvang oor die sinvolheid van die brugpastoraat in die twee gemeentes. (Die nuutste verslae is by die diensgroep ter insae).
- (8) Daar word beplan om in 2008 die kursus ook deur medium van Engels aan te bied. Daar is aanduidings dat Engelssprekende predikante in ons land o.a. uit die VGKSA, belangstel om die kursus by die SKB te deurloop en met die brugpastoraat te begin. Hoëveld is die eerste sinode van ons kerk en ons kerk die eerste kerk in Suid-Afrika wat met die predikantspesialisasie begin het.

4.2.3.3 AANBEVELINGS :

- (1) Die sinode keur goed dat die opleiding van die Brugpredikante vir die sinode by die Sentrum vir Kontekstuele Bediening van die Teologiese Fakulteit, Universiteit van Pretoria, plaasvind.
- (2) Die sinode beveel die brugpastoraat by die gemeentes aan as 'n besondere wyse van bediening om, waar toepaslik, gemeentes te help om kwessies en konflik uit die verlede te hanteer, hulle identiteit te herontdek en hulle roeping vir die toekoms beter te verstaan en uit te leef.
- (3) Die sinode dring sterk by gemeentes aan om in die geval van predikantsvakaturen, saam met die betrokke sinodale kommissie se taakgroep en ringskommissie oor die opsigte vir die toekoms van die gemeente en vul van die vakature te besin.

4.2.4 VERSLAG : SINODALE TAAKGROEP TEN OPSIGTE VAN AFTREDE.

4.2.4.1 INLEIDING

Die Taakgroep het verlede jaar gekonstitueer in opdrag van die vorige sinode. Die taakgroep se teikengroep was nie aftrede in die algemeen nie maar was gerig op die aftrede van die emeriti en sinodale amptenare wat in diens was van die Sinode van Suid-Transvaal/Hoëveld en hulle eggenotes/weduwees. As lede het gedien di. Gert Erasmus, Willie Goosen, Howard du Toit (voorsitter), mev Lorein Winter (skriba) en br Victor Horne. Die besluite van die sinode (Handelinge 2005, 320-1) is hanteer soos in die volgende punte weerspieël word.

4.2.4.2 VOORBEREIDING VIR EN BEWUSMAKING TEN OPSIGTE VAN AFTREDE.

4.2.4.2.1 WERKSWINKEL (WW)

Die werkswinkel oor aftrede in Maart 2005 het gehandel oor voorbereiding vir en die hantering van die omstandighede van aftrede self. Die bekendmaking en bespreking van die verslag op 'n wyer front het op sigself gedien as voorbereiding vir aftrede van predikante en sinodale amptenare. Die oortuiging by die taakgroep was dat aftrede werkewer gedrewe moet wees en daarom is die Werkwinkel-verslag na die Diensverhoudingskomitees van die gemeentes verwys.

4.2.4.2.2 JONGER PREDIKANTE

Die jonger predikante was nie so goed op die WW verteenwoordig nie. Inligtingsgeleenthede moet gesoek word om hulle gereedheidsvlak vir aftrede te verhoog.

4.2.4.2.3 KORT-VOOR-AFTREDE PREDIKANTE

Hierdie groep was beter verteenwoordig op die Werkwinkel. In sekere opsigte is dit te laat om nog te beplan. Maar direk voor aftrede is die saak meer onder die aandag.

4.2.4.3 PASTORALE VERSORGING EN ONDERSTEUNING

4.2.4.3.1 Ondersteuningsgroepe

Drie groepe van emeriti, eggenotes en weduwees bestaan naamlik in Johannesburg, Kemptonpark en Heidelberg, waarvan laasgenoemde twee gereeld vergader en mekaar intensief onderskraag.

4.2.4.3.2 Nuusbriewe

Aan die nabyste groep sowel as die in ander provinsies word minstens 1x per jaar nuusbriewe uitgestuur. Emeriti en hulle eggenotes word gereeld die eerste dag van elke sinode uitgenooi om die sitting by te woon en middagete saam met die moderatuur te kom geniet.

4.2.4.3.3 Boekery en Tydskrifte

Die gedagte van 'n klein boekery vir naslaandoeleindes by die sinodale kantore in Braamfontein is bespreek en goedgekeur maar het nog nie realiseer nie.

4.2.4.4 BEMAGTIGING EN BENUTTING VAN EMERITI

4.2.4.4.1 Brugpastoraat

Daar is reeds 12 predikante as Brugpredikante opgelei en 'n hele paar is nou met hul opleiding besig, waaronder enkele predikante van die NH Kerk. Volgende jaar word ook 'n Engelstalige opleidingskursus by die Sentrum vir Kontekstuele Bediening aangebied. Die aanvraag vir Brugpredikante het die afgelope tyd die aanbod oorskry. Tans wordveral

emeriti of predikante kort voor aftrede by die brugpastoraat betrek. Die sinode het in 2005 toestemming gegee dat die brugpastoraat by wyse van 'n eksperiment implementeer kan word. Voor die sinode word vanjaar 'n beleidstuk voorgelê hoe die brugpastoraat in die praktyk werk.

4.2.4.4.2 Sinode vir Seniors

Die voorstel om 'n aparte "sinode" vir seniors of dan ouer lidmate te hou, is nie aanvaar nie. Die SDK was huiwerig as gevolg van die gevare van 'n drukgroep en verkies dat ook die emeriti langs die gewone kanale bv by gewone sinodes hul stem sal laat hoor. Vir die "Luistersinode" van 25 Augustus 2007, word spesiaal om 'n afvaardiging van ouer lidmate gevra. Immers die emeriti en ouer lidmate het ook 'n bydrae om te maak.

4.2.4.4.3 Pastorale Hulpe

Die behoefté het na vore gekom om die posisie – veral finansiële posisie – van die Pastorale Hulpe na te vors. Dit is nou aan die orde. Ongeveer 14 predikante wat as pastorale hulp in 'n gemeente in ons sinodale gebied werk, is afgetrede predikante.

4.2.4.5 MEER EFFEKTIEWE BENUTTING

Predikante word al ouer en bly gesonder. Allerlei moontlikhede vir die benutting van die emeriti bestaan bv tov die lei van eredienste, pastorale sorg o.a. by tuistes vir bejaardes, klankbord wees vir gemeentepredikant, ens.

4.2.4.6 TOEKOMSBEPLANNING

4.2.4.6.1 Nuwe Sieninge

In die besinning van die A-Z Handleiding aangaande Predikante, is nuwe sieninge ten opsigte van predikantswerk verwoord wat nog eers beter bekyk moet word.

In die aanvullende verslae voor die Algemene Sinode van 2007, het die Algemene Taakspan Regte voorgestel dat 'n emeritus, ouer as 65 jaar maar jonger as 70 jaar, vir 'n bepaalde taak en termyn van hoogstens twee jaar beroep kan word. Ook oor hierdie nuwe gesigspunte sal eers verder gesels moet word.

4.2.4.7 AANBEVELINGS: TAAKGROEP VIR AFTREDE.

- (1) Die Sinode besluit tot die voortsetting van die Sinodale Taakgroep vir Aftrede.
- (2) Die Sinode besluit dat in die samestelling van die Taakgroep vir Aftrede, moet die emeriti-groepe ook verteenwoordig word.

Dr. Howard du Toit.

4.2.5 VERSLAG VAN DIE PASTOR PASTORUM.

4.2.5.1 INLEIDING

- (1) Sedert die vorige sinodesitting kon ek met die seën en verdraagsaamheid van my gemeente, Aasvoëlkop, voortgaan met die werk as pastor pastorum. Gewoonlik is een dag in die week aan hierdie werk gewy, behalwe tye waarin die gemeenteprogram of sinodale vergaderings dit nie toegelaat het nie. Dank aan my kollegas vir hulle verdraagsaamheid ten opsigte van hierdie verpligting.
- (a) Met 'n paar uitsonderinge kon ek by al die leraars in ons sinodale gebied 'n besoek aflê. By 'n paar is herhaalde besoeke gebring. Aan almal wat my ontvang het, waardering en dank vir hulle gasvryheid, openhartigheid en eerlikheid tydens die gesprekke. Vir sommige het die afsprake moeilik gevall en moes hulle moeite doen om my te ontvang.

4.2.5.2 INDRUKKE WAT UITKRISTALLISEER:

- (1) Meeste van ons kollegas verkeer onder taamlike groot druk, enersyds vanweë gemeentes se verwagtings, andersyds vanweë hulle gesinne se behoeftes.
- (a) Te min van ons slaag daarin om fisies en geestelik gesond te leef.
- (b) Te min slaag daarin om op gereelde grondslag teologie te lees.
- (c) Te veel van ons slaag nie daarin om ons tyd reg te bestuur nie, deels as gevolg van gebrek aan prioritisering en onvermoë om nee te sê vir minder belangrike sake wat aandag en tyd oopslurp.
- (d) 'n Gemis aan voldoende toewydingstyd, stil wees om geestelik verkwik te word, en diepgaande Woordstudie te doen, behalwe met die doel om te preek.
- (e) Min van ons ontsnap die frustrasie van die gemeentebediening, bestaande veral uit administratiewe rompslomp, afsprake wat nie gehou word nie, gebrek aan verbintenis (*commitment*) van gemeentelede en vrywillige helpers.
- (f) Te veel van ons kollegas gaan gebuk onder finansiële laste, deels miskien as gevolg van 'n gebrek aan kennis en vaardigheid oor geldbestuur en volgehoud beplanning vir die toekoms. Dit was vir my opvallend dat daar nog heelwat onkunde heers oor die opsies wat pensioenvoorsiening betref. Dit ontbreek ook aan kommunikasie tussen leraars en kerkrade oor die leraar se finansiële stand.
- (g) Meer kollegas, veral aan die jonger kant, begin daadwerklik pogings aanwend om eiendom te bekom deels as voorsiening vir aftrede. Dit moet eerder vroeër as later geskied. Te min kollegas maak gebruik van die dienste wat gelewer word deur byvoorbeeld mnr Theo Smit van die pensioenkantoor in Pretoria.
- (h) By baie kollegas bestaan 'n waardering om deel van hierdie sinode te wees, maar die teendeel is net so waar. Daar is tog by heelwat kollegas 'n ongemak en selfs 'n afkeur van die sinodale besluite en werksaamhede. Veral die verafgeleë ringe verdien besondere aandag van die moderatuur en SDK. Kommunikasie bly 'n groot uitdaging.

4.2.5.3 DIE TOEKOMS VAN DIE WERKSAAMHEDE

- (1) Verwys asseblief na die aanbevelings van Bedieningsteun Diensgroep.
- (2) Tans is ek emeritus, maar in diens van die SDK as Terreinbestuurder van Achterbergh Sentrum en het ook die opdrag om retreats vir predikante daar te vestig. Derhalwe nooi ek u hartlik uit om gebruik te maak van die SDK se aanbod: kom geniet die stilte en natuurskoon van 'n baie besondere plek van ons Sinode vir u geestelike verposing of heropbou.

Willie Goosen

4.3 PORTEFEULJE: LEIERSKAP EN ONTWIKKELING

4.3.1 VERSLAG VAN DIE PORTEFEULJELEIER

4.3.1.1 VERHAAL:

- (1) Tydens die Sinodesitting van 2005 is besluit om struktuurwysiging aan te bring aan die Sinodale dienskommissie. Die bestaande vier portefeuilles is uitgebrei na vyf. So het die nuwe portefeuille Leierskap en ontwikkeling tot stand gekom.
- (2) Dr. Berni van Zijl is as die portefeuileleier aangewys en hierdie portefeuille moes hoofsaaklik aandag gee aan gemeente-en leierskapontwikkeling.
- (3) Dr van Zijl het egter gedurende die laaste deel van 2006 bedank as portefeuileleier en SDK-lid.
- (4) Daarna het die Sinodale dienskommissie vir Dr. Hugo van der Linde aangewys om die portefeuille te hanteer.
- (5) Aanvanklik moes deeglike verkenning gedoen word om te kon bepaal wat die verantwoordelikheid van die bepaalde portefeuille moet wees en op watter verskillende terreine 'n bydrae gelewer kon word.
- (6) Leierskap ontwikkeling lê ten grondslag van al die verskillende werksterreine van die Sinode en gemeentes. Daar is gepoog om 'n inset te lewer so veel moontlik op hierdie vlakke.
- (7) 'n Opleidings geleentheid is gereël saam met Dr. Kobus Neethling en Prof. Hennie Stander rondom leierskap. Dit is veral gemik op die predikant as leier. Die kursus is aanvanklik gereël vir Augustus 2007 maar moes later verskuif na vroeg 2008.

4.3.1.2 VISIOENERING

- (1) Visioenering en kontekstualisering is belangrik ten einde werklik gemeentes en meer spesifiek leiers te help in hul taak op plaaslikevlak. "Uit gemeentes vir gemeentes" kan hier sterk praktiese leiding bied.
- (2) Besinning rondom die toekomstige uitdagings ten opsigte van leierskap en die sinvolle hantering daarvan is daarom van uiterste belang.
- (3) Doeltreffende leierskap, veral geestelike leierskap, is 'n onbetwisbare behoeftie in die 21ste eeu. Geloofsgemeenskappe wat 'n verskil wil maak in 'n postmoderne wêreld het onverskrokke en doelgerigte leierskap nodig.
 - (a) Leierskap ontwikkeling moet op verskillende vlakke tot uiting kom, naamlik Sinodale, Rings en gemeentevlak. Nie net leraars sal die fokus moet wees nie, maar ook kerkrade en ander gemeenteleiers.
 - (b) Bedieningsleiers moet bemagtig word terwyl met doeltreffende ontwikkeling en toerusting voortgegaan word.
 - (c) Evaluering van die huidige leierskapstrukture sal help om maksimale leierskap potensiaal bloot te lê. Beter benutting van alle beskikbare vaardighede is uiterst belangrik.

-
- (4) Hierdie portefeuilje kan praktiese ondersteuning aan gemeentes bied om bepaalde vaardighede te ontwikkel by plaaslike leierskap deur byvoorbeeld die aanbied van opleiding en bekendstelling van leesstof en ander hulpmiddels.
- (a) Die moontlike benutting van sogenaamde "lekepredikers" moet ondersoek en moontlik uitgebrei word.

Dr. HH van der Linde

Portefeuiljелеier.

4.4 PORTEFEULJE: NAVORSING.

4.4.1 VERSLAG VAN DIE PORTEFEULJELEIER:

4.4.1.1 PROSES TOT HIERTOE:

- (1) Die portefeuilje Navorsing is nog in sy kinderskoene en hierdie jaar is daaraan gewy om die doel en werkswyse van hierdie portefeuilje te ondersoek. Die SDK het dit ter tafel geneem en goedgekeur. Dit is ter insae by die skriba van die Sinode.
- (2) Die navorsingsportefeuilje is aangevul deur:
 - (a) ds. Nati Stander
 - (b) ds. Kobus Kok
 - (c) ds. Dirk Human.
- (3) Die Luistersinode is op versoek van gemeentes later geskuif na 25 Augustus 2007.
- (4) Die eerste fokuspunt van die Sinode vir vanjaar was om te luister na mense en om ons eie tyd te probeer verstaan. Die Luistersinode se tema: *Kerk op die mespunkt van Gees en Tydsgees* was daarom in die kol. Die sprekers was dr. CJP Niemand, proff. SJ Joubert en H Lötter.
- (5) Na die Luistersinode van 25 Augustus 2007 te Kempton-Kruin sal die samevatting van die "Luistervinke" by die Sinode wat Sinodegangers se behoeftes, vrae en standpunte neergeskryf het, deur die SDK behandel word en na die Sinode deurgee vir bespreking.
- (6) Dr. DJ Malan is namens die Sinode Hoëveld benoem op die Algemene Sinode se Taakspan vir Leer en Aktuele Sake.

4.4.1.2 PROSES VOORSKOU VIR 2008:

- (1) 'n Wegbreek vir leraars in die Bosveld word beplan om oor teologie te gesels en so mekaar te verryk en 'n geestelike network te vorm. 'n Teologiese konsultant sal ons vergesel.
- (2) Huwelikskursusse vir leraars en hulle gades word beplan om leraars toe te rus om effektiewe huwelikskoling te doen en self die verryking van saamwees te ervaar.
- (3) Die Navorsingsgroep en Kerkrade sal leraars ondersteun om in te skakel vir verdere teologiese opleiding soos deur die Algemene Sinode besluit.
- (4) Kerkrade word versoek om leraars ten minste 10 ure per week geleentheid te gee vir gebed en omgang met die Woord, aangesien dit die kern van hulle werksaamhede is volgens Handelinge 6.
- (5) Een maal per kwartaal sal 'n aktuele gesprek aangebied word op drie kernpunte van die Sinode sodat almal dit met gemak sal kan bywoon.
- (6) Leraars wat studiegroepe bv Nuwe of Ou Testament of Sistematisiese teologie wil vorm, is welkom om visnette te vorm. Tydens teetyd sal daarvoor geleentheid gebied word om in sodanige belangegroepe byeen te kom.
- (7) By elke tafel sal voorstelle by hierdie Sinode gevra word vir aktuele temas wat deur navorsingsgroepes ondersoek kan word, mits daar werklik behoeftte daaraan is.

- (8) Die bestaande studiegroepe vir Leer en Aktuele sake verval en word deur die visnette vir navorsing vervang.
- (9) Die Ringe word versoek om by 'n broederkring binne die volgende ses maande die Algemene Sinode se studiestuk oor Gereformeerde Identiteit te hanteer en vra die leraars om preke daaroor te hou in elke gemeente.
- (10) Tydens die hantering van die verslag sal die portefeuiljelid vir Navorsing kort terugvoer gee oor die besoek aan Amerika met 'n powerpoint aanbieding. Dit handel o.a. oor Scott McKnight, Tom Bandy e.a. In die tafelgesprek word hieroor gesels.

4.4.1.3 AANBEVELINGS – NAVORSING: VERTEENWOORDIGERS.

Die Sinode besluit dat daar voortaan van elke Portefeuilje, Diensgroep of Visnet, 'n verteenwoordiger in die navorsingspan van die Portefeuilje Navorsing moet wees om sodoende te verseker dat die navorsing van die Portefeuilje relevant en in pas met die ontwikkelinge van die sinodale werksaamhede sal wees.

Die uwe
Dr. DJ Malan – SDK portefeuiljelieier

4.4.2 LEER- EN AKTUELE SAKE

4.4.2.1 BESLUIT VAN DIE ALGEMENE SINODE RAKENDE HOMO-SEKSUALITEIT.

4.4.2.1.1 Opdragte van Sinode Hoëveld in 2005:

Die opdragte van die vorige Sinodesitting van die Sinode Hoëveld is ten uitvoer gebring soos aan die studiekommisie opgedra. Uiteindelik het die hele nasionale gesprek na 'n hoogtepunt geloop op die 2007 Sinodesitting van die Algemene Sinode van die NG Kerk.

Tydens hierdie geleentheid, wat ook gehou is te Birchwood Konferensiesentrum, Boksburg, is 'n besluit geneem rakende homoseksualiteit. Hierdie besluit dien nou as dié amptelike standpunt van die NG Kerk rakende homoseksualiteit. Hierdie besluit vervang alle aanbevelings vanaf 5.1 op bladsy 19 tot 5.13.2 op bladsy 21 van die Agenda Deel II van die Algemene Sinode, 2007.

Die Algemene Sinode besluit . soos volg:

1. Die Bybel is ons uitgangspunt en in ons nadenke oor homoseksualiteit soek ons eerlik na maniere om die Bybelse waardes betekenisvol binne die konteks te interpreteer.
2. Ons aanvaar die liefde van Christus as die enigste geldige grondhouding waarop verhoudinge binne die geloofsgemeenskap gebaseer word. Alle mense is geskep na die beeld van God; die verlossing in Christus is vir alle mense en die Gees is uitgestort op alle gelowiges. Daarom aanvaar ons die menswaardigheid van alle mense.
3. Alle mense, ongeag hulle seksuele oriëntasie, is ingesluit in God se liefde en hulle word op grond van hulle doop en geloof as lidmate van die kerk van Christus aanvaar. Onder lidmaatskap word verstaan toegang tot die sakramente, toegang tot die ampte en onderworpenheid aan die kerklike tug.
4. Die Algemene Sinode herbevestig die besluit van 2004 dat, volgens ons verstaan van die Bybel, slegs die verbintenis tussen een man en een vrou as 'n huwelik beskou kan word.
5. Die Algemene Sinode bevestig ook die besluit van 2004 dat sowel heteroseksuele as homoseksuele promiskuititeit ten sterkste veroordeel word.
6. Die Algemene Sinode besluit dat, in die lig wat ons tans het, homoseksuele verbintenisse en huwelike nie as 'n alternatief vir die huwelik aanvaar kan word nie.
7. Die verlening van predikantsbevoegdheid is 'n funksie van die Algemene Sinode. Die sinode besluit dat homoseksuele gelegitimeerde wat 'n selibate lewenstyl beoefen tot die predikantsamp toegelaat word.
8. Die Algemene Sinode erken die diskresie van Kerkrade om die verskille oor homoseksualiteit in gemeentes in die gees van Christelike liefde te hanteer.
9. Met hierdie besluit verval alle aanbevelings van die Taakspan Homoseksualiteit.

4.4.2.2 VOORSTEL: BESLUIT VAN DIE ALGEMENE SINODE RAKENDE HOMO-SEKSUALITEIT.

- (1) Dié Sinode besluit om kennis te neem van die besluit van die Algemene Sinode rakende Homoseksualiteit.

4.4.3 NAVORSING: DIENSGROEP EIETYDSE BEDIENING

Vir die detail verslag rakende die Diensgroep: Eietydse Bediening, sien asseblief 3.1.1 op bladsy 22 van hierdie Agenda.

4.4.3.1 VOORSTEL – NAVORSING: DIENSGROEP EIETYDSE BEDIENING.

- (1) Die Sinode besluit om die opdragte aan die Portefeuille Navorsing rakende Eietydse bediening in die Sinode Hoëveld 2005 Besluiteregister (6.8.2 en 6.8.3) te herhaal, naamlik dat:
- (a) Die Sinode besluit dat die ad hoc werksgroep voortaan sal funksioneer as die Diensgroep Eietydse Bediening van die Portefeuille Navorsing.
 - (b) Die Sinode versoek die SKA om in samewerking met die nuwe diensgroep voortaan te begroot vir die werkzaamhede van die Diensgroep Eietydse Bediening.

4.5 PORTEFEULJE: NETWERKE.

4.5.1 SINODALE DIENSGROEP VIR DIE JEUG.

4.5.1.1 KAMPBEDIENING

- (1) Daar is die afgelope aantal jare drie soorte kampe gereël waarby tieners betrokke is en wat deur die sinode gesubsidieer word, nl die Skolverwisselingskamp, Skolverlaterskamp en die Survivor Avontuurkamp.
- (2) Die kampe is bygewoon deur wisselende getalle jongmense en toon 'n dalende bywoningstendens. Die Survivor-kampe toon egter 'n styging in bywoning wat dalk sprekend is aan die moderne jongmens se behoefté aan ervaring. Die getalle sluit nie die 20 studente-personeel in wat by die Skolverwisselingskamp en die Skolverlaterskamp diens gedoen het nie.

	2003/2004	2004/2005	2005/2006	2006/2007
Skolverwisselingskamp	84	75	76	77
Skolverlaterskamp	67	75	48	52
SURVIVOR-kamp	16	22	27	24

- (3) Die vrug van die kampe kan op geen manier met geld en getalle gemeet word nie!
- (4) Drie voorbeelde :
 - (a) Met die afgelope twee Skolverwisselingskampe het [by ELKE kamp] meer as 40 kinders vir die eerste keer in hulle lewens voor hulle maats getuig dat hulle kinders van die Here is.
 - (b) Die Survivor-kamp word te Grootdraaidam gehou. Aktiwiteite sluit in vlotbou, vlotresies, kettieskiet, "low rope courses" en vuurwarm kampvuurprogramme. Op die laaste aand vul elkeen wat wil 'n "commitment-boekmerk" in by die kampvuurseremonie.
 - (c) Op die laaste aand van vanjaar se Skolverlaterskamp (waar dit onder andere gesneeu het!) het die matrikulante 'n klein blokkie moes invul : *Hoe sou jy die belewenis wil beskryf vir volgende jaar se skollies ?*
 - (d) Hier is net 'n paar :
 - (i) *Amazing - die hoeveelheid liefde wat jy ervaar. Ek het nog nooit op een plek soveel liefde ervaar nie.*
 - (ii) *Ek sal'n see-vakansie opgee hiervoor.*
 - (iii) *I never really knew God and blamed Him for everything that has happened to me. Now I know that God loves me, and He will never forsake me. - like my family did...*
 - (iv) *Jy stap as een persoon in, en stap'n ander persoon uit.*
 - (v) *Die persoon wat na so'n kamp nie 'n nuwe, beter mens is nie, sal nooit kan verander nie.*
 - (vi) *Die geestelike ontwaking en verryking was net "awesome"...*

- (5) By die Skoolverlaterskamp het ons 'n hele paar kinders afkomstig van 'n Kinderhuis of van Kindersorgskole, saamgeneem. Wanneer hulle begin vertel van hulle swaarkry van kleintyd af, wek dit by die ander kinders nuwe waardering vir hulle voorregte.
- (6) Die ideaal sou wees dat meer predikante by hierdie werksaamhede sal inskakel.

4.5.1.1.1 AANBEVELING: JEUGKAMPE

- (1) Die sinode moedig leraars wat belangstel aan om by die jeug- en kampbediening betrokke te raak.

4.5.1.2 GEMEENTEJAAR

- (1) Terwyl die Diensgroep steeds oortuig is dat die konsep van die Gemeentejaar haalbaar is, het dit die afgelope twee jaar gesneuwel.
- (2) Omstandighede wat hiertoe bygedra het, was onder andere :
 - (a) die vreemdheid van die konsep [by leraars],
 - (b) vertragings in advertensie-materiaal,
 - (c) onsekerheid oor die begroting,
 - (d) traagheid in sekere prosesse, en
 - (e) uiteindelik te min kinders wat na vore kom hiervoor.
- (3) Teen die einde van die Diensgroep se termyn is daar besef dat dit krities belangrik is dat die nuutgevormde Diensgroep Jeug [as prioriteit nr. 1!] so spoedig moontlik ná die Sinode 'n werkswinkel moet hou om die visionering, opset en vooruitbeplanning te doen.

4.5.1.3 BEPLANTE KINDERBEDIENINGSWERKSWINKEL – HOËVELD SINODE

- (1) Daar word beoog om op Saterdag 20 Oktober 2007 'n kinderbedieningswerkswinkel aan te bied in die Sinode van Hoëveld.
- (2) Die oogmerk van hierdie werkswinkel is om die katekte en kinder- en kleuterkerk personeel toe te rus en te bemoedig. Hulle is die mense wat week na week met die kinders werk en die uitdagings van 'n veranderende omgewing en kind die hoof moet bied. Die idee is nie om oplossings in terme van kurrikulum en modelle te probeer bied nie, maar om toerusting te gee ten opsigte van die ontwikkelingsfases van kinders en die beginsels van kinderbediening wat op enige situasie en grootte gemeente van toepassing gemaak kan word. Die werkswinkel sal by NG Bonaero Park aangebied word. Die sprekers is op die stadium:
 - (a) Me. Karin Grobler wat 8 jaar kinderbediening ondervinding het.
 - (i) Sy het in 2002 die Paidion kinderbediening sertifikaat kursus aan Unisa met onderskeiding voltooi en is sedert 2004 betrokke by die eksaminering van die praktiese eksamen vir bogenoemde Kursus.
 - (ii) Sy was vanaf 2003-2005 voltyds die hoof van kinderbediening by Lux Mundi gemeente in Garsfontein Pretoria.

- (iii) Sedertdien is sy voltyds in diens van die NG gemeente Alberton Suid, as hoof van kinderbediening. Sy het ook in 2004 saam met haar man 'n kinderbedieningseminaar by die Willow Creek gemeente in Chicago VSA bygewoon. Sy is al die afgelope 6 jaar besig met die ontwikkeling van 'n kinderkerk en Sondagskool kurrikulum vir gemeentes wat die grootgroep – Kleingroep model van kinderbediening volg.
- (iv) Haar passie is dat kinders Jesus sal leer ken as hulle persoonlike Verlosser en dat hulle die Bybel en God se wandel met die mens kan ken en verstaan en in hulle eie geloofslewe kan integreer.
- (b) Me. Alet Beeslaar sal die kleuterafdeling van die werkswinkel hanteer.
 - (i) Sy is al die afgelope 5 jaar op 'n vrywillige basis die hoof van die kleuterbediening by die Kerk Sonder Mure in Centurion. Sy het ook die Paidion Kinderbediening sertifikaat kursus by UNISA voltooi en eksamineer al 5 jaar die praktiese eksamens van die kursus.
 - (ii) Alet het 'n passie en liefde vir kleuters en 'n besonderse gawe om die Bybel en Jesus vir hulle 'n werklikheid te maak.
- (3) Daar is reeds baie werk ingesit om die kontakbesonderhede van kategete en kinderkleiers in die onderskeie gemeentes te kry, sodat uitnodigings aan hulle persoonlik gestuur kan word. Heelwat gemeentes het egter nog nie gereageer nie. 'n Groot aantal van ons gemeentes in die Sinode het egter reeds gereageer. Die saak word weer vroeg in September verder bemark.

4.5.1.3.1 AANBEVELING: KINDERBEDIENING-WERKS-WINKEL.

- (1) Die Sinode moedig gemeentes aan om hierdie inisiatief van die Sinodale diensgroep Jeug te ondersteun en afgevaardigdes na die betrokke werkswinkel te stuur.

Groete,

Me. Karin Grobler

4.5.1.4 DIE PAD VORENTOE

1. Die Diensgroep jeug voel dat dit tyd is vir "back to the drawing board." Die tyd het gekom dat ons onself weer voor die Here wil verootmoedig en tyd in mekaar en sy teenwoordigheid spandeer om seker te maak dat ons met die regte dinge besig is.
2. Verder is dit ook vir die Diensgroep Jeug van uiterste belang om agter te kom wat gemeentes se behoeftes is. Dit help nie ons is besig met dinge wat nie grondvat in gemeentes nie.
3. Die plan is dus om so vinnig moontlik, in hierdie jaar nog as dit kan, 'n droom- of visieberaad te hou ten einde vas te stel hoe die pad vorentoe lyk. Uit die aard van die saak sal konseptualisering eers later volg.

Ds. Henri Meyer

Voorsitter: Diensgroep Jeug.

4.5.2 SINODALE DIENSGROEP VIR VROUELIDMATE.

4.5.2.1 INLEIDING:

As medewerkers in die genesing en opbou van ons land, is die vroue van Sinode Hoëveld intens bewus daarvan dat God elkeen van ons roep om onsself tot beskikking te stel met al die gawes wat Hy aan ons gee, om dinge soos armoede, VIGS, opheffingsprojekte, ensovoorts, aan te spreek en die hoof te bied.

4.5.2.2 PROJEKTE.

- (1) Die volgende projekte is in die tydperk sedert die vorige sinodesitting aangepak en suksesvol deurgevoer:
 - (a) Kalkoenfonds: Maria Klopper Kinderhawe. Spyseniering is deur die Ringe gedoen.
 - (b) Aksie Truie: Warm klere en komberse word gedurende wintermaande versprei.
 - (c) Wolmusse en kouse aan Saldanhabaai se seemanne. Hierdie projek lyk dalk na iets uit "de oude doos" maar baie positiewe terugvoer word steeds hieroor ontvang.

4.5.2.3 GEESTELIKE TOERUSTING.

- (1) Heelwat aandag word geskenk daaraan om geleenthede daar te stel vir die geestelike toerusting van ons vroue. Voorbeeld van sulke geleenthede wat goed benut word, is die volgende:
 - (a) Die Wêreldbiddag vir Vroue wat jaarliks in Maart gehou word;
 - (b) Die Nasionale Vrouedag jaarliks in Augustus.
 - (c) Die jaarlikse Sinodale Byeenkoms van Vroue:
 - (i) In Mei 2006 was die tema "Om lief te hê en vreugde te bring." Ivy Sutton was ons gasspreker wat gepraat het oor menseverhoudinge en vroulike seksualiteit in die huwelik.
 - (ii) In Mei 2007 was die tema "Luister... God roep jóú!" By hierdie geleentheid het Retha McPherson en Lindi Gouws, die redaktrise van die tydskrif "My Wêreld" oor die tema gepraat.
 - (d) Bederfdag vir die vroue van predikante. In Oktober 2006 en 2007 het hierdie unieke geleentheid plaasgevind. Tussen 30-50 vroue word sedertdien jaarliks bederf met pragtige geskenke en motiverende sprekers – 'n móét vir elke predikant se vrou om die batterye weer te herlaai.

4.5.2.4 SPESIALE PROJEKTE.

Vrouelidmate van Sinode Hoëveld het in 2006 deelgeneem aan 'n nasionale navorsingsprojek oor die geestelike behoeftes van vroue in die kerk. Die volgende gemeentes is by die steekproef betrek: Randburg-Suid, Standerton, Eendracht en Forest Hill. 'n Totaal van 74 vraelysté is terug ontvang en die resultaat van die navorsing is in die Handelinge van die Algemene Sinode te kry.

4.5.2.5 KOMMUNIKASIE.

Algemene Kommunikasie met die vroue in Sinode Hoëveld, word gereeld 2 tot 3 keer per jaar via Kruis-en-Dwars na vroue gestuur.

4.5.2.6 VERTEENWOORDIGING.

Die diensgroep vir Vrouelidmate het verteenwoordiging op die volgende:

- (1) SKDB
- (2) CMR
- (3) Bejaardebediening
- (4) Bybelgenootskap van Suid-afrika
- (5) Gevangenissorg bediening
- (6) Die Vigsprojek.

4.5.2.7 TEN SLOTTE:

Die diensgroep vir Vrouelidmate wil graag die vroue lidmate van Sinode Hoëveld inspireer en bemagtig om hul roeping en gawes voluit tot eer van God en die opbou van die liggaam van Christus, uit te leef.

Me Dominica Kok

Voorsitter: Diensgroep Vrouelidmate.

4.5.3 SINODALE KOMMISSIE VIR DIE DIENS VAN BARMHARTIGHEID (SKDB)

Verwys asseblief terug na die "VERSLAG VAN DIE SINODALE KOMMISSIE VIR DIE DIENS VAN BARMHARTIGHEID" op bladsy 55 en verder, van hierdie agenda.

4.5.4 VERSLAG VAN DIE DIENSGROEP GETUIENIS 2007

4.5.4.1 LEDE VAN DIE DIENSGROEP VIR GETUIENIS (SDG):

Diensgroep het hierdie jaar uit die volgende lede bestaan:

Ds. JD Louw (Vorsitter);

Oudl. J Gouws (Skriba);

Ds. TJ van Rensburg.

Ds. CJ Visser wat ook lid was van die SDG, het in die afgelope termyn geëmeriteer.

4.5.4.2 TER HERINNERING:

Die SDG het by die Sinode van 2005 die navorsingsresultate van Ds. CJ Visser aangaande die sendingprojekte van die gemeentes in die Sinode Hoëveld aan die Sinode voorgehou. In Belangrike komponent van die verslag het gegaan oor die invloed van die gebruik van die sogenaamde Geloofsoffer Belofte in gemeentes. Hy het bevind dat ons gemeentes se insette vir getuienis aksies, gemiddeld 8.2% van hulle totale begrotings beloop.

Ons het ook aan die Sinode verslag gedoen dat ons as Sinode nie self sendingaksies onderneem nie, maar dat ons eerder gemeentes wil help om 'n visie vir die wêreld te hê en om lidmate die geleentheid te gee om naby en ver betrokke te raak by die nood van die wêreld.

Die Sinode beskik oor 'n Sendingfonds van meer as R1 000 000, wat in die verlede opgebou is deur ons voorgangers. Die rente-opbrengs van hierdie fonds word gebruik om die lopende uitgawes van die SDG te finansier.

Die Sinode Hoëveld is saam met die Sinodes van Oos-Transvaal en Wes-Transvaal betrokke by die Swaziland Reformed Church. Ons Sinode se bydrae tot die werk in Swaziland beloop R94 000.

Die voorsitter van die SDG dien ampshalwe op die Swazilandse Sendingkommissie en op die Gekombineerde Kommissie vir die Evangelie in Frankryk. (GKEF)

4.5.4.3 VOORSTEL VIR INSPIRASIE

Gee geleentheid vir twee getuienis van leraars wat vertel van nuwe dinge wat die Here in hulle gemeentes begin doen het.

4.5.4.4 VOORSTEL VIR TAFELWERK:

Ons het by die Sinode van 2005 geknieel vir 'n gebed met die volgende bewoording:

"Ons bid dat ons in ons leeftyd sal belewe hoedat dat U die groot dade, wat U en U apostels gedoen het, in die wêreld voortsit. Neem die wêreld vir U in besit, dat die offer van U Seun Jesus Christus nie tevergeefs sal wees nie. Neem die wêreld vir U in besit sodat U Naam verheerlik mag word en die ganse aarde aan U die lof sal bring wat aan U verskuldig is. Gee blydskap in ons lewens en in ons gemeentes as ons ervaar dat ons deel is van U triomftog in die wêreld."

- (1) Vertel mekaar wat julle beleef het van Christus se triomftog in die wêreld die afgelope twee jaar (2 Kor 2:14).
- (2) Kan jy getuig van 'n nuwe betrokkenheid by die wêreld vanuit julle gemeente - plaaslik, in ons land en internasionaal?
- (3) Is daar dinge waarvoor jy nog wag en bid om te gebeur in jou gemeente?
- (4) Waarmee kan die Sinode jou help om 'n gemeente te bou wat na buite gerig is?

4.5.5 VERSLAG VAN EFFATA VIR DOWES 2007

4.5.5.1 VIR KENNISNAME

- (1) Lede:
 - (a) Ds. Andries Scholtz en kerkraad Effata
- (2) Dankie !
 - (a) Baie dankie vir u volgehoue ondersteuning

4.5.5.2 OM ONS GEHEUE TE VERFRIS

- (1) Die Sinode besluit in Oktober 2005:
 - (a) Die Sinode keur goed dat die Visnet Effata ontbind.
 - (b) Die Sinode gaan voort met die jaarlikse subsidie aan die gemeente Effata.
 - (c) Die Sinode moedig die gemeentes van Suid-Transvaal aan om die kollekte wat ingesamel word op die jaarlikse biddag vir Dowes, aan die gemeente Effata vir die Bediening van Dowes te bewerkstellig.
 - (d) Die fondse wat vir die werksaamhede van die Effata visnet toegeken is word voortaan aan die Effata werkgroep vir fondse toebedeel.

4.5.5.3 FONDSE

1. Ons inkomste groei mooi!

INKOMSTE	
Eie Inkomste	84,046.49
Fondsinsameling	134,345.14
Gemeentes	138,847.18
Sinode	57,240.00
Rente	24,374.30
	438,853.11
UITGAWES	
Salarisse	293,349.08
Gemeente Uitgawes	85,235.62
Fondsinsamelingskoste	38,672.66
	417,257.36

4.5.5.4 WAT WORD/IS GEDOEN:

- (1) Doeltreffende bestuur en noukeurige boekhouding gaan voort.
 - (a) Die gemeente het 'n nuwe administrateur en skakel persoon aangestel naamlik mev. Mara Kriel. Sy werk 5 dae 'n week vir die gemeente. Sy doen baie goeie werk. Sy het opleiding ontvang.
- (2) Fondsin sameling projekte soos, Con Amor teetuin, basaar saam met van die gemeentes van Kemptonpark is van die projekte wat plaasgevind het
 - (a) *Ons het dan ook onlangs 'n proses afgesluit waarin in samewerking met konsultante oor gegaan is tot die stigting van 'n Art.21 maatskappy caringhands wat verantwoordelik sal wees vir die befondsing van die 2 Dowe gemeentes in die noorde van die land, asook die ouetehuis vir Dowes en die ontwikkeling van 'n*

dienssentrum vir hulpbehoewende Dowes. Hierdie proses het veral, 'n kommunikasie oudit, die skep van bemarkings materiaal en korporatiewe identiteit in gesluit. Ons nuwe webblad kan besoek word by caringhands.co.za. U kan ook nou via sms donasie aan ons maak.

- (3) Biddag vir dowes bly steeds een van ons belangrike projekte en word op verskeie maniere bemark. Baie dankie!
- (4) Groter en wyer bemarking Die gemeente gaan voort om ook gemeentes in die susters kerke te nader vir fondse. Veral die gemeentes is met bemarkings ontbyte bekend gestel aan die saak. Die gemeente het ook blootstelling op die radio ontvang.
- (5) Die gemeente het debietorders ter waarde van +-R9000 per maand.
- (6) Geldblikkies is gemaak en word uitgedeel.
- (7) Daar was deputasie besoeke gedoen by talle gemeentes.
- (8) Korrespondensie soos nuusbriewe, nou 1x per kwartaal ook spesiale nuusbrief vir horendes, e-posse, kers - en dankie kaartjies word gereeld uitgestuur aan gemeentes en individue.

4.5.5.5 GEMEENTE BEDIENING

- (1) Eredienste, nagmaal, doopgeleenthede, bevestiging van huwelike en begrafnisse vind gereeld plaas.
 - (a) Emeritus Ds. Pieter Louw help nog steeds uit met eredienste veral een maal 'n maand om die beurt in Potchefstroom en Vanderbijlpark.
 - (b) Tans word lidmate vanuit Suid -Transvaal, Wes -Rand, die Vaal Driehoek en selfs so ver as Noord -Wes deur die gemeente en Ds. Scholtz bedien.
 - (c) Preek geleenthede vind om die beurt plaas in Springs, Wesrand, Germiston, Kemptonpark, Potchefstroom en Vanderbijlpark. Dankie aan elke gemeente wat oor die jare dit vir ons moontlik gemaak het om u geboue te gebruik.
- (2) Bybelstudie groepe funksioneer ook goed in verskillende gebiede en Bybelstudie leiers word deurlopend opgelei.
 - (a) Geskikte Bybelstudie materiaal vir dowes is geskryf deur die leraar, wat ook in Engels vertaal is vir Engelssprekende dowes.
- (3) Die diens van barmhartigheid werkgroep funksioneer onder leiding van sy eie voorstander en versprei kospakkies aan behoeftige dowes en samel sy eie fondse in om die werk te kan doen.
- (4) Die stigting van DCMA [Deaf Christian Mission Africa] en die inwyding het plaasgevind in April 2006 te Worcester. Daar is tans 7 tweede jaar en 2 eerste jaar studente.
- (5) 'n Pastorale spreekkamer vir dowes word deur die leraar beman en hulpverlening aan dowes op maatskaplike en ander gebiede vind gereeld plaas.
- (6) Talle huwelikskampe en kerkraad opleiding vind gereeld plaas.
- (7) Die administrasie van die Gemeente word steeds gedoen deur Oudl Paulus Frylinck en Mev Petro Frylinck.
 - (a) Die maandelikse nuusbrief is een van hul groot take.

4.5.5.6 VOORSTELLE – EFFATA VIR DOWES:

- (1) Die sinode gaan voort met die uitvoer van die besluite wat geneem is tydens die 2005 Sinode.
- (2) Die sinode verhoog die toekenning aan Effata eksponensieel.
- (3) Die Sinode gaan voort met die jaarlikse subsidie aan die gemeente Effata.
- (4) Die Sinode moedig die gemeentes van die Hoëveld aan om die kollektes wat ingesamel word op die jaarlikse biddag vir Dowes, aan die gemeente Effata vir die Bediening van Dowes te bewerkstellig.

Ons dank u!

Ds. Andries Scholtz en kerkraad.

5 KURATORIA

5.1 KURATORIUM EN EKSAMENKOMMISSIE TEOLOGIESE FAKULTEIT VAN DIE VRYSTAAT

Geagte Voorsitter en lede van die Sinode,

Ek het die voorreg om die Sinode Hoëveld te verteenwoordig by die Kuratorium en Eksamenvakkommissie van die Teologiese Fakulteit van die Vrystaat. Hierdie betrokke vergaderings het onderskeidelik gedurende November 2005 en November 2006 plaasgevind.

Dit is en bly 'n besondere voorreg om saam met ander Sinodale verteenwoordigers die belang van beide die Teologiese Fakulteit en die Universiteit op die hart te dra.

Die Gereformeerde karakter van die fakulteit asook sy evangeliese inslag word gehandhaaf.

5.1.1 PERSONEEL:

Uit die verslae is dit duidelik dat die dosente 'n besondere bydrae lewer ten opsigte van navorsing, publisering van boeke en artikels, lewering van referate by plaaslike sowel as internasionale kongresse. Verskeie van die dosente neem ook leiding by verskillende plaaslike en internasionale organisasies.

- Prof Sybrand Strauss het amptelik afgetree aan die einde van November 2006.
- Prof Rian Venter is as die nuwe hoof van die departement Dogmatologie aangestel.
- Ds Maniraj Sukdaven van die Reformed Church in Africa het diens aanvaar in die departement Bybel- en Godsdieneskundé. Hy doen ook diens in die Sendingwetenskap departement. Dit is die eerste keer dat iemand uit die RCA as permanente dosent in die Fakulteit dien.

5.1.2 STUDENTE:

- 1.1. Verskeie studente is tans besig met verdere studies onder leiding van die dosente. 'n Hele aantal doktorsgrade is gedurende 2006 toegeken.
- 1.2. Die Sentrum vir Begeleiding van die Geestelike Leiers sal voortaan onder die naam Shepherd funksioneer en sal ook die Fakulteit se "agent" vir voortgesette teologiese opleiding wees.
- 1.3. Ingeskrewe studente vir 2006 is soos volg:

B.A. (Teologie)	3
B.Th.	75
M.Th.	40
M.Div.	18
M.A.(Teologie)	39
Licensiaat in Teologie	7

- 1.4. Die mooi getal van 23 eerstejaars het in 2007 aangemeld om as predikante vir die Nederduitse Gereformeerde Kerk opgelei te word.

5.1.3 AANBEVELINGS RAKENDE DIE TEOLOGIESE FAKULTEIT, UNIVERSITEIT VAN DIE VRYSTAAT:

1. Die Sinode Hoëveld verseker die Teologiese Fakulteit, Universiteit van die Vrystaat van sy voortgesette ondersteuning en voorbidding.
2. Die Sinode spreek sy dank uit teenoor die dosente en studente van die Teologiese Fakulteit (UV) vir gehalte werk gelewer.

Dr HH van der Linde

5.2 KURATORIUM EN EKSAMENKOMMISSIE TEOLOGIESE FAKULTEIT VAN PRETORIA

5.2.1 VERSLAG VAN DIE KURATORIUM AAN DIE HOËVELD SINODE IN SITTING TE BIRCHWOOD KONFERENSIESENTRUM VANAF 25 TOT 27 OKTOBER 2007.

Geagte Voorsitter,

Die Kuratorium doen graag oor die volgende sake verslag:

5.2.1.1 DOSENTE.

(1) Die kerklike dosente is tans:

- (a) Prof. CJA Vos (Dekaan en Departement Praktiese Teologie),
- (b) Prof. JC Muller (Voorsitter NG Dosenteraad en Departementshoof Praktiese Teologie)
- (c) Prof. DJ Human (Ou Testament),
- (d) Prof. JG Van der Watt (Departementshoof Nuwe Testament),
- (e) Prof. GJ Steyn (Nuwe Testament),
- (f) Prof. CJ Wethmar (Departementshoof Dogmatiek en Christelike Etiek),
- (g) Prof. DE de Villiers (Dogmatiek en Christelike Etiek),
- (h) Prof. DJ Veldsman (Dogmatiek en Christelike Etiek),
- (i) Dr. CJP Niemandt (Departement Godsdiens en Sendingwetenskap).
- (j) Hierbenewens is dr. Alphonso Groenewald (lidmaat van die NG Kerk) deur UP aangestel in die Departement Ou Testament.

(2) Die volgende wysigings het dus die afgelope jaar in werking getree:

- (a) Prof. PGJ Meiring het aan die einde van 2006 afgetree en prof. JW Hofmeyr aan die einde van Junie 2007.
- (b) In prof. Meiring se plek is dr. CJP Niemandt beroep. Hoewel prof. Conrad Wethmar eers in 2008 aftree het die Universiteit goedgunstig ingewillig dat iemand solank op hulle volledige koste voortydig in hierdie kerklike pos benoem word. Dr. DJ Veldsman is in die pos benoem.
- (c) Die pos in die Departement Kerkreg en Kerkgeschiedenis sal DV met ingang 1 Jan 2008 gevul word.
- (d) Dr. Attie van Niekerk word op tydelike basis betrek by die Departement Godsdiens en Sendingwetenskap.

5.2.1.2 STUDENTEGETALLE

- (1) Die Kuratorium is steeds dankbaar vir die groei in studentegetalle. Die afgelope 4 jaar was daar van die NG Kerk konstant minstens 30 nuwe eerstejaars (vanjaar het dit aan die 50 geraak).
- (2) Die groei in studentegetalle is nodig om die verwagte tekort aan predikante die volgende paar jaar teen te werk. Dit is egter ook duidelik dat daar ernstige oorweging geskenk moet word om die groter getal studente finansieel te help.

5.2.1.3 UITDAGINGS VIR TEOLOGIESE OPLEIDING

- (1) Dit was vir die Kuratorium 'n moeilike tyd gewees. 'n Sekere dokument is in Junie 2005 deur 'n teologiese student versprei wat die indruk gewek het dat dit deur 46 medestudente onderteken is.
 - (a) Die Kuratorium het uiteindelik geen ander keuse gehad as om die saak dissiplinêr teen student Ferdie Mulder te hanteer nie.
 - (b) Op sy versoek is regsverteenwoordiging toegelaat.
 - (c) Die uiteinde van die saak was dat student Mulder in Maart 2006 aan oneerlikheid skuldig bevind is.
- (2) Die Universiteit van Pretoria het daarna 'n eie tugaak gemaak teen die student oor sy optrede teen drie dosente. Hy is aan die aanklagte skuldig bevind. Hy is wel toegelaat om sy bestaande graad te voltooi maar mag nooit weer by die Fakulteit Teologie vir 'n graad inskryf nie.
- (3) Die Kuratorium het ook reeds in 2005 gemeentes, lidmate en studente versoek om bepaalde sake wat tot ongelukkigheid kon aanleiding gee, onder die aandag van die Kuratorium te bring.
 - (a) Vanweë hierdie uitnodiging wat gerig is het sommige die geleentheid benut om bepaalde klagtes teen dosente te lê.
 - (b) Gevolglik het die Kuratorium geen ander keuse gehad as om die sake rakende drie dosente na die onderskeie ringe vir ondersoek te verwys nie.
 - (c) Die saak van prof. Dirk Human is na die Ring van Pretoria - Faerie Glen verwys en die van proff. Jurie le Roux en Julian Muller na die Ring van Pretoria-Oos.
 - (d) In al drie gevalle is die dosente onskuldig aan leerdwaling bevind. (Uitslae van die Ringsondersoeke is op die Internet geplaas en wyd uitgestuur).
 - (e) Die Kuratorium het vertroue dat die kerklike prosesse deeglik hanteer is.
- (4) Sedert 2005 is daar voortdurend gesprek gevoer met die dosente oor die belydenis van die kerk en hulle verbintenis aan Jesus Christus.
 - (a) Dit is bitter jammer dat oor so 'n belangrike saak soos die opstanding en lewe van Jesus Christus dit 'n geskilpunt in die kerk geword het.
 - (b) Dit word verder geïllustreer deur die DVD wat onlangs die kerk ingestuur is (Die DVD dra die titel: ' "nuwe" strominge in die teologie" en word deur 'n onbekende "Projek-Komitee" en WTL Multimedia van Florida Hills versprei. Die e-pos adres word aangedui as sarelwtl@telkomsa.net) Die Kuratorium is besig om die inhoud na te gaan en sal ter vergadering meer inligting gee.
- (5) Die uitdaging wat aan die kerk en die teologie gerig word is om steeds Bybelgetrou besig te wees. Helderheid is nodig oor hoe die gesag van die Bybel vandag verstaan moet word.

5.2.1.4 BEPLANNING.

- (1) Die Algemene Sinode het belangrike besluite oor die opleiding van predikante geneem soos duidelik blyk uit die A-Z beleid aangaande predikante. In die geheel is dit belangrik

om te let op al die positiewe aspekte soos die nouer verbondenheid tussen die tuisgemeente en die Kuratorium.

- (2) Dit is egter bitter jammer dat nuwe strukturering van teologiese grade nasionalevlak nog nie in 'n finale stadium is nie. Die voete sleep oor hierdie situasie rus nie by die Kuratorium, die Fakulteit of die Universiteit nie. In hierdie verband is dit belangrik om daarop te wys dat die kwessie op nasionalevlak sloer.

5.2.1.5 BOSBERAAD.

- (1) As deel van die beplanning met die oog op die toekoms rakende teologiese opleiding is daar ook gesprek gevoer met die Gesamentlike Sinodale Kommissie van die vier Transvaalse Sinodes. Dit is immers hierdie sinodes wat ten nouste gemoeid is met die teologiese opleiding.
- (2) Verder is 'n groot konferensie oor teologiese opleiding op 14 Augustus 2007 vir alle belanghebbendes gehou. Dit was 'n geseënde byeenkoms waar afgevaardigdes oor teologiese opleiding kon praat en verskillende standpunte oor die stand van opleiding, die leer van die dosente, die toekoms van opleiding, ens. met mekaar kon deel. Die uitvloeiisel hiervan sal aan die sinode verstrek word.

5.2.1.6 AANBEVELINGS – KURATORIUM UP:

- 1.1. Die Sinode spreek hom uit oor sy verteenwoordigers se bydrae die afgelope vier jaar.
- 1.2. Die Sinode word versoek om sy verteenwoordigers vir die volgende vier jaar op die Kuratorium te benoem.
- 1.3. Die Sinode ook versoek om aanbevelings te maak ten opsigte van persone wat geskik is om op die Proponentseksamenkommissie te kan dien (die Kuratorium stel die Proponentseksamenkommissie saam uit name voorgelê deur die vier sinodes Noord van die Vaalrivier).

Dr. PJSG du Plessis,

Ds. HS Klut,

Dr. CJP Niemandt

5.3 KURATORIUM EN EKSAMENKOMMISSIE TEOLOGIESE FAKULTEIT VAN STELLENBOSCH.

Geagte Voorsitter en lede van die Sinode,

5.3.1 INLIGTING.

- (1) Ek het Sinode by die werkzaamhede van die Eksamenskommissie en die Kuratorium van die Teologiese Fakulteit van Stellenbosch verteenwoordig op 21 tot 23 November 2005 en weer op 20 tot 22 November 2006. Die legitimasiegeleenthede het plaasgevind op 23 November 2005 en 22 November 2006.
- (2) Ek is steeds lid van die werkgroep wat die studente oor kerkreg en kerkgeskiedenis ondervra.
- (3) Elke jaar word daar terugvoersessies gehou tussen die Eksamenskommissie en dosente oor die vlak van die kennis van die teologiese studente. Omdat die dosente van die Teologiese Fakulteit ook persone uit die VGK insluit vind gesprekke met al die dosente betrokke by die opleiding van die studente van die NG Kerk gereeld plaas.
- (4) Die Kuratorium vergader soms ook saam met die kuratorium van die VGKSA by Stellenbosch om sake van gemeenskaplike belang te bespreek. Groter samewerking tussen die kuratoria word in die vooruitsig gestel met die moontlikheid dat 'n ooreenkoms tussen die twee kerke kan lei tot die vorming van 'n verenigde kuratorium.
- (5) Uit die verslae van die verskillende Departemente is dit duidelik dat die dosente deurentyd met navorsing besig is, referate by plaaslike en internasionale kongresse lewer en artikels en boeke publiseer. Verskeie studente is ook onder die leiding van die dosente besig met verdere studie. Professor E Mouton is tans Dekaan en Dr. J Cilliers is die voorsitter van die Dosenteraad van die NG Kerk.
- (6) Die studentegetalle is as volg:

	2005	2006	2007
Voorgraads	48	55	62
Nagraads	49	49	73

- (7) In 2009 vier die Teologiese Fakulteit die 150 jarige bestaan van die Teologiese Skool in Stellenbosch. Dit sal gebeur by die jaarlikse teologiese dag, teologiese lesings en konferensies, kulturele aktiwiteite en feesgeleenthede, liturgiese vieringe asook deur die publikasie van 'n gedenkbundel.

5.3.1.1 VOORSTEL VIR GOEDKEURING – KURATORIUM US:

- (1) Die Sinode Hoëveld verseker die Teologiese Fakulteit van Stellenbosch van sy voortgesette ondersteuning en voorbidding in die uitdagende en veranderende tye.

Ds. JH Windell

6 ANDER

6.1 VERSLAG VAN DIE BYBELGENOOTSKAP VAN SUID- AFRIKA (BSA) AAN DIE SINODE VAN HOËVELD IN SITTING TE BIRCHWOOD KONFERENSIE SENTRUM VAN 25-27 OKTOBER 2007.

Geagte Voorsitter en lede van die vergadering,

6.1.1 INLEIDEND

Die missie van die Bybelgenootskap van Suid-Afrika is steeds om Bybels vir almal bekostigbaar toeganklik te maak en te voorsien. Elkeen in hierdie land met sy bevolking van bykans 45 miljoen mense, waarvan ±80% Christene is, moet 'n Bybel kan bekom.

6.1.2 VERTALINGS

6.1.2.1 VERTALING VAN DIE BYBEL IN AFRIKAANS

Daar is begin met die vertaling van 'n bronsteksgeoriënteerde vertaling in Afrikaans soos deur die Afrikaanse Kerke versoek. Daar is goed gevorder met die daarstel van 'n infrastruktuur vir hierdie projek. Gedurende 2008 sal daar 'n verskeidenheid van feeste plaasvind om die 75-jarige bestaan van die Afrikaanse Bybel te vier.

6.1.2.2 AFRIKAANSE BYBEL VIR DOWES

Die finale proeflees is voltooi. Die vertaling sal die eerste volledige Bybel wees waarvan die bladuitleg ook deur die BSA self hanteer is. Daar word beplan om die bekendstelling van dié Bybel in Februarie 2008 te doen.

6.1.2.3 SUID-NDEBELE OU TESTAMENT

Die vertalers, prof APB Breytenbach, mnr P Mabena en past. D Mahlangu, het Rigters, Esra en Nehemia voltooi en is besig met die konsepvertalings van Job, Ester en Josua. Gereeld vergaderings van die Hersieningskommissie het plaasgevind om die werk van die vertalers te beoordeel. Die provinsiale regering van Mpumalanga borg die uitgawes verbonde aan dié vergaderings van die Hersieningskommissie. Die Universiteit van Pretoria huisves steeds die vertaalspan gratis. Dié twee instansies se steun word opreg waardeer. Die vertaalwerk behoort in 2011 afgehandel te wees.

6.1.2.4 OUDIOBYBELS

Die voorsiening van Oudiobybels aan luistergroepe en nie funksioneel geletterdes in die *Geloof kom deur Gehoor* program van die BSA, is op 1 Maart 2007, met die bekendstelling van die isiZulu *Geloof kom deur Gehoor*-program, amptelik in Suid-Afrika geloods. Die amptelike bekendstelling van die program in Setswana en isiXhosa het klaar plaasgevind. Gedurende September word die Afrikaanse Nuwe Testament (1983 vertaling) opgeneem en behoort vroeg volgende jaar geloods te word.

6.1.2.5 ISIZULU: VOLTOOIING VAN DIE OU TESTAMENT (1986-VERTALING)

'n Geskikte kandidaat vir die pos van Ou Testament-eksegeet is moontlik geïdentifiseer en die soektoeg na bevoegde isiZulusprekende vertalers duur voort. Die Universiteit van Zululand is bereid om met die nodige kantoorruimte te help. Die Nuwe Testament het in 1986 verskyn.

6.1.3 NUWE PUBLIKASIES

- 1.1. Ek is Sy, 'n Bybelgedeelte vir vroue wat in ses tale (Afrikaans, Engels, Noord-Sotho, Tswana, Xhosa en Zulu) verskyn het.
- 1.2. Die Bybelgedeelte "Called to Care" wat in Engels gepubliseer is.
- 1.3. 'n Kernkonkordansie in Afrikaans en 'n reeks kleurkaarte vir publikasie in sommige Bybels is voorberei.
- 1.4. Werk aan 'n Bybelgedeelte in die San-taal, !Xuhn, het begin
- 1.5. Die digitalisering van alle Bybeltekste het begin. Dié proses is nodig om die BSA in staat te stel om ons produkte 'n moderne voorkoms te gee wat onder ander lettertipe en uitleg betref
- 1.6. Die Selfoonbybel is bekendgestel, in samewerking met die firma, Christian Mobile. Twee Afrikaanse Bybels (1933/53- en 1983-vertaling) en drie Engelse weergawes (CEV, GNT en KJV) is beskikbaar vir direkte aflaai op 'n selfoon deur middel van 'n SMS-versoek

6.1.4 PRODUKSIE

Daar is met drukkers wat beter pryse, kwaliteit en tydige levering bied, oorsee gekontrakteer. Die BSA koop dus nie langer Bybelpapier en bindmateriaal self aan nie. 'n Totaal van 893 794 Bybels en Bybelgedeeltes, insluitende 502 007 Bybels en 45 623 Nuwe Testamente, is in 2006 gedruk. Van die volledige Bybels wat gedruk is, was 12 135 vir ander nasionale Bybelgenootskappe.

6.1.5 VERSPREIDING

Die verspreiding van volledige Bybels toon 'n toename van bykans 27% in vergelyking met die vorige jaar – 'n feit wat ons diep dankbaar stem. Volledige Bybels is in 78 verskillende tale versprei.

6.1.5.1 BINNE RSA:

Bybels (663 965), Testamente (49 300), Bybelgedeeltes (162 038), Nuwe Ieser Bybelgedeeltes (46 261), Seleksies (78 193) Totaal: 999 757

6.1.5.2 BUISTE RSA:

Bybels (48 201), Ander (84 185). Totaal: 132 386

Sowat 89% van die volledige Bybels wat versprei is, was Standaardbybels. Die BSA benodig 'n bydrae van R 22,00 per Standaardbybel om dit bekostigbaar beskikbaar te kan stel.

Bybels en Bybelgedeeltes ten bedrae van R 300 000,00 is aan die Departement Korrektiewe Dienste geskenk vir gratis verspreiding onder gevangenes.

6.1.6 VOLLEDIGE AFRIKAANSE BYBELS SE VERSPREIDING IN GEDRUKTE FORMAAT:

	2006	2005
1953-Vertaling Afrikaanse Bybels	50 845	43 623
1983-Vertaling Afrikaanse Bybels	82 151	78 362
Die totale aantal 1933/53 Afrikaanse Bybels versprei sedert 1934	7 110 668	
Die totale aantal 1983 Afrikaanse Bybels versprei sedert 1983	3 157 004	
TOTAAL:	10 267 672	

6.1.7 BEFONDSING**6.1.7.1 INKOMSTE**

Ons dank die Here vir elke ondersteuner wat steeds hierdie unieke geloofswerk help befonds het.

Donateurs (hoofsaaklik Kerke, Individue en Sakeondernemings) het bykans R 27 miljoen bygedra. Die opbrengs uit Boedels was R 6,1 miljoen. Bydraes was verantwoordelik vir 50 sent van elke rand wat die BSA ontvang het. Wat 'n wonderlike voorreg en seën om te kan beleef hoe ons Hemelse Vader die werksaamhede van die BSA onderhou.

6.1.7.2 UITGAWES

Die BSA het 52 sent uit elke rand aan Bybelvertaling, -produksie en -verspreiding spandeer, 35 sent aan menslike hulpbronne, 3 sent aan ondersteuningsprogramme en 10 sent aan administrasie. Die BSA het R 500 000 tot wêreldwye Bybelwerk bygedra. Die geouditeerde finansiële verslae is by die Streekkantoor te Kempton Park vir donateurs van die BSA ter insae.

6.1.8 KONTAK TUSSEN DIE BSA EN DIE NG KERK IN DIE HOËVELD SINODE

Dit bly altyd in groot voorreg om die Woord te kon bedien en belydende- asook dooplidmate tydens gemeente- en ringsbesoeke te kon inlig oor die werksaamhede van die BSA. Goeie gesindhede is deurgaans ervaar waarvoor ons net opregte dankbaarheid het.

'n Bedrag van R 14,32 per belydende lidmaat, oftewel R 1 343 357,44 (wat nie boedels ten bedrae van R 867 849,20 insluit nie) is gedurende u Kerklike boekjaar deur die gemeentes en individue van die NG Kerk in die Hoëveld Sinode vir Bybelproduksie en -voorsiening bygedra. Dit is 'n stygging van 22,76 % teenoor die vorige boekjaar se R 1 094 311,42. Elke R 22,00 stel die Bybelgenootskap in staat om 'n Standaardbybel bekostigbaar beskikbaar te stel. Die gemeente bydraes is in tabelvorm aangedui en aan die ringe versend.

6.1.9 ANDER SKAKELING

Die Uitvoerende Hoof, Ds. GS Kritzinger, dien steeds as Voorsitter van die Wêreldbond van Bybelgenootskappe (WBG). Die belangrikste funksie van dié Raad is om aandag te gee aan wêreldwye beleidsake ten einde te verseker dat Bybelgenootskappe uitvoering kan gee aan hulle gemeenskaplike taak om die Bybel so wyd, effektief en betekenisvol moontlik te versprei en om mense se interaksie met die Woord van die Here te bevorder.

6.1.10 AANBEVELINGS - BYBELGENOOTSKAP.**(1) Verteenwoordigers van Sinode Hoëveld Benoeming :**

- (a) Op 'n vergadering van die SDK Dagbestuur, gehou op 23 Julie 2007 is die volgende persone aangewys as verteenwoordigers van die Sinode Hoëveld op die BSA Gautengstreek:

- (i) Predikante: JA Conradie (prim.) en C de K du Randt (sek.)
- (ii) Nie-predikante: me. AP du Preez (prim.) en PA Froneman (sek.)

- (2) Dié Sinode neem kennis van die BSA se opregte dank en waardering vir elke bydrae wat ontvang is en versoek afgevaardigdes om dié dank aan die lidmate van die gemeente oor te dra.

- (3) Die Sinode neem kennis van die 75-jarige herdenking van die publikasie van die eerste Bybel in Afrikaans in 2008.
- (4) Die Sinode neem kennis van die versoek dat alle bydraes wat vir Bybelverspreiding ontvang word, so spoedig moontlik direk oorbetaal sal word aan die BSA sodat hierdie geloofsoffers vir die Koninkryk van die Here so gou moontlik in Bybels omgesit kan word.
- (5) Die Sinode neem kennis van die finansiële behoeftes van die Bybelgenootskap:
 - (a) Elke R 22-00 donasie stel die Bybelgenootskap in staat om een Standaardbybel bekostigbaar beskikbaar te stel. Die doelwit is dat R 22-00 per belydende lidmaat per jaar aan die BSA oorbetaal word.

6.1.1.1 SLOT EN DANKWOORD

Daar was 'n dié jaar 'n personeel verandering en Dr. Francois Sieberhagen het oorgeneem by Ds. Dirk Taljaard as organiserende sekretaris werkzaam in die sinodale gebied.

Van beide Ds. Taljaard en myself 'n groot dankie aan elkeen wat in die afgelope jaar met soveel entoesiasme met die BSA saamgewerk het om die Woord van die Here by mense uit te kry waar die behoeftes groot is. Ons maak steeds staat op die volgehoue voorbidding van elke kerkraad, gemeente en individuele lidmaat vir die groot uitdagings wat voor ons lê.

Baie dankie

Dr. Francois Sieberhagen

Organiserende Sekretaris

011 970 4010 / 083 389 0708

sieberhagen@biblesociety.co.za

7 BESKRYWINGSPUNTE ONTVANG

7.1 SINODALE BYDRAES

Die Ring van Brakpan

- (1) voel ernstig bekommerd (en toenemend ongelukkig) oor sinodale bydraes.
- (2) onderskryf steeds Kerkorde Artikel 35.4.
- (3) erken die Sinode se reg om fondse op te bou in gevolge van hierdie artikel.
- (4) verstaan dat die uitdrukking "aanvaarbare formule" die belang van beide die sinode en die plaaslike gemeentes beskerm, daarom interpreteer ons die uitdrukking as volg:
 - (a) dat die gemeentes en kerkrade nie bloot kennis sal kry van hulle sinodale bydrae nie, maar dat die Sinodale Fondse Kommissie in konsultasie sal gaan met kerkrade wanneer die Sinodale aanslag bepaal word;
 - (b) dat sinodale aanslag nie as afdwingbaar beskou kan word nie, maar dat gemeentes die keuse sal hê om met die gepaste gesindheid van blymoedigheid en verantwoordelikheid teenoor die werk van die Here in breër verband, self te besluit hoeveel hulle kan gee ingevolge die sinodale riglyn.
- (5) Dit impliseer verder dat:
 - (a) gemeentes nie nodig sal hê om oortrokke fasiliteite by die bank aan te gaan om Sinodale aanslag te betaal nie;
 - (b) gemeentes nie aan hulle eie bedieninge tekort sal doen in 'n poging om die Sinodale aanslag te betaal nie;
 - (c) "agterstallige Sinodale aanslag" nie as skuld teen gemeentes gehou sal word nie.
 - (d) Besef dat daar jare lange verbintenisse en gesamentlike ondernemings is waartoe die Sinode (gemeentes) ingestem het.

7.1.1 BESKRYWINGSPUNT – SINODALE BYDRAES, DIE RING VAN BRAKPAN (VOORSTEL: SH PIENAAR; SEKONDANT: J NEL)

- (1) Die sinode besluit dat:
 - (a) alle gesamentlike projekte en ondernemings van die sinode indringend hersien moet word; en
 - (b) dat alle gesamentlike projekte en ondernemings van die sinode ingrypend beperk sal word; en
 - (c) dat waar hierdie ondernemings voortgesit word, dit afgewentel word na Ringe en Gemeentes wat volgens hulle visie/passie/behoefte kan en wil inkoop in hierdie ondernemings.

7.2 LIGGAAMLIKE OPSTANDING VAN JESUS.**7.2.1 BESKRYWINGSPUNT – LIGGAAMLIKE OPSTANDING VAN JESUS (VOORSTEL: KERKRAAD NG KERK KEMPTON-KRUIN)**

Die kerkraad van die NG Kerk Kempton-Kruin versoek die Sinode Hoëveld om:

1. die Bybelse belydenis van die liggaamlike opstanding van Jesus opnuut te bely (1 Pt 3:15).

7.3 GESAG VAN DIE BYBEL.**7.3.1 BESKRYWINGSPUNT – GESAG VAN DIE BYBEL (VOORSTEL: KERKRAAD NG KERK KEMPTON-KRUIN)**

Die kerkraad van die NG Kerk Kempton-Kruin versoek die Sinode Hoëveld om:

- (1) die Bybelse belydenis van die liggaamlike opstanding van Jesus opnuut te bely (1 Pt 3:15).

7.4 KOMMUNIKASIE OOR EN GELEENTHEID TOT INSETTE TEN OPSIGTE VAN BELANGRIKE SAKE**7.4.1 BESKRYWINGSPUNT - KOMMUNIKASIE OOR EN GELEENTHEID TOT INSETTE TEN OPSIGTE VAN BELANGRIKE SAKE (VOORSTEL: J NEL, SEKONDANT: JB SPIES)**

- (1) Die Ring van Brakpan vra dat die Sinode in die toekoms, belangrike sake soos byvoorbeeld homoseksualiteit, ensovoorts, :
 - (a) eers aan die kerkrade van gemeentes en aan die Ringe sal deurgee sodat kerkrade, gemeentes en ringe dit deeglik kan bepreek en besluite daaroor kan neem,
 - (b) wat dan weer teruggestuur kan word aan die Sinode.

7.5 HOMOSEKSUALITEIT**7.5.1 BESKRYWINGSPUNT - HOMOSEKSUALITEIT (Voorstel: DJ le Roux, Sekondant: CJ Stander)**

Die Ring van Brakpan spreek sy ontevredenheid uit teenoor die besluit van die Algemene Sinode oor homoseksualiteit omdat dit doelbewuste dubbelsinnigheid weerspieël, om onder ander nie te sê dat homoseksualiteit sonde is nie.

8 INDEKS

A

- AANBEVELING3, 7, 11, 15, 135, 144, 151, 152, 202, 203
 AANBEVELINGS10, 11, 24, 28, 40, 50, 54, 82, 92, 106, 120, 124, 126, 129, 145, 146, 147, 151, 181, 191, 193, 198, 210, 213, 217
 Aanbidding 28, 41, 42, 59, 99, 184
 ABID se database 150
 Abraham Krielliv, 27, 63, 70, 72, 73, 74, 76, 78, 125, 126, 128
 Accra-Verklaring 91
 Achterbergh13, 84, 88, 99, 122, 123, 124, 127, 132, 137, 180, 182, 194
 Achterbergh II-byeenkoms 88
 Administrasiev, 9, 11, 24, 33, 73, 102, 110, 115, 121, 125, 127, 128, 137, 138
 Administratiewe Kantoor ii
 Afgevaardigdes 4, 5, 6, 64, 84, 129, 203, 213, 217
 AFKONDIGINGS 6
 Ds. CA du Plessis 6
 Afkortings iv, 152
 aftrede48, 77, 118, 120, 121, 139, 187, 192, 193, 194
 Agenda ii, 5, 13, 20, 102, 158, 161, 199, 200
 As gelese beskou 5
 Aksie Truie 204
 Aktes van bevestiging 14
 Aktuarius 5, 8, 11, 14, 15, 161
 Algemene Reserwefonds 131, 132, 137
 Algemene Sinodeii, 14, 16, 61, 89, 105, 106, 125, 131, 142, 146, 148, 151, 152, 197, 199, 204
 Algemene Sinodesitting ii, 8, 20
 Amendemente 5
 Appèl 16, 17
 Appëlsake 16
 Approbasie 102, 103, 104, 105, 106
 Argief- en Museumbeleid 151, 155
 Argief in Stellenbosch 142
 Argief te Stellenbosch 163
 argiefgebou 151, 152
 argiekommissie 150, 151, 156, 158, 159, 160, 173
 argivalia143, 144, 145, 146, 151, 157, 159, 160, 161, 162, 163
 Argivaris143, 144, 146, 152, 153, 154, 157, 159, 161, 162, 163, 174
 Armoede 61, 62, 83, 85, 95, 98, 204
 Armoede verligting 74, 75, 98
 ASM 84, 142, 146, 147, 148, 149, 152
 Assessor 8, 11
 ATABID 142, 143, 145, 146, 151, 152, 153, 160, 162, 163
 A-Z Handleiding 17, 193

B

- Barmhartigheidsdiens iv, v, 63, 64, 65, 68, 72, 75
 Bediening i, 1, 2, 3, 10, 12, 13, 22, 25, 26, 27, 29, 48, 49, 50, 54, 57, 58, 79, 80, 83, 88, 89, 90, 102, 123, 124, 129, 168, 177, 178, 179, 180, 181, 183, 185, 188, 189, 191, 200, 205
 Bedieningsfonds 111, 125, 127, 131, 137
 Bedieningskonsultant 10, 177
 Bedieningskoördineerde 25, 29, 38
 BEDIENINGSTEUN 8, 10, 11, 63, 111, 129, 176, 177, 178, 181, 187, 189, 190, 194
 Bedieningsvennote 180
 Bedieningsvreugdemodel177, 178, 179, 181
 Begeleidingspan 177
 Begroting 32, 48, 101, 102, 116, 125, 126, 127, 128, 129, 142, 144, 154, 155, 160, 202
 Behuisingsstoelaag 134
 Bekering 59, 99
 Belharbelydenis 86, 88, 98, 99
 Belydenisaflegging 150, 164, 166, 171, 173
 Belydenisse i, 12
 Beraders 39, 68, 70, 72, 75, 76
 Beroeping 184, 186
 Beskrywingspunt 219, 220
 Beskrywingspunte 17
 Besluiteregister 5, 105, 151, 200
 Bestuurshandleiding SKDB 65
 Birchwood Konferensiesentrum 4, 20, 199
 Boiler room 38
 Boiler Room 47
 Brian McLaren 13, 55
 Brugpastoraat129, 180 - 184, 186, 187, 188, 189, 190, 191, 192, 193
 Brugpredikant181, 183, 184, 185, 186, 187, 188, 189, 190
 Taakgroep vir Brugpastoraat 186
 Wat is 'n Brugpredikant? 183
 Brugpredikante181, 183 184, 185, 186, 187, 189, 190, 191, 192
 Brugpredikantskap 176, 178, 180
 Bybel i, 12, 43, 44, 51, 52, 58, 85, 96, 97, 99, 199, 203, 210, 212, 215, 217, 218
 Bybelgenootskap 205, 215, 217, 218
 Bybelse opdragte 38, 85, 86
 Bybelskool 49
 Bybelstudies 79
 C
 CAD iv, 63, 70, 80, 81
 CAD groepe 80
 Christene 46, 59, 61, 96, 99, 215

Christusi, ii, iii, 6, 8, 12, 21, 48, 53, 58, 59, 60, 62, 83, 85, 87, 88, 95, 96, 97, 99, 199, 205, 206, 212	Ds. JH Windell	15, 17, 214
CM Radeiv, 63, 64, 66, 67, 71, 72, 74, 75, 76, 78, 115, 125, 126, 128, 135, 137	Ds. Johan Krige	27, 50
Cosmo City	Ds. Kobus Sandenbergh	182
	Ds. Nico Mostert	9, 10
D	Ds. Piet Smith	48, 124
DAG EEN Formele Werksaamhede	Ds. PM Strydom	83
DAG DRIE Visoeneer en Prioritiseer	Ds. T Danzfuss	17
DAG TWEE Ontdek die uitdagings	Ds. Theo Danzfuss	15
Dagbestuur	Ds. Willie Goosen	180, 182, 192, 194
Diakonale Konferensie	E	
Diensgroep Jeug	Effata	114, 126, 207, 209
Diensgroep Kerkhereniging	Effata vir Dowes	
Dienskommissies	Biddag vir dowes	208
Diensverhoudinge	DCMA [Deaf Christian Mission Africa]	208
Digitering van kerklike dokumente	Deputasie besoekе	208
Diversiteit	Ds. Pieter Louw	208
Dowes	Oudl Paulus Frylinck en Mev Petro Frylinck	208
Dr André Bartlett	Visnet Effata	207
Dr HH van der Linde	Effata vir Dowes Leraar	
Dr Johan Froneman	Ds. Andries Scholtz	207, 209
Dr. André Bartlett	Eiendomsporfeulje	121, 129
Dr. Berni van Zijl	Eiendomstrategie	124
Dr. Christo Naude	Eietydse	13, 22, 23, 45, 200
Dr. CJP Niemandt	Ekumene	i, 12, 13, 84, 107, 108, 127, 128, 129
Dr. Danie Malan	Ekumeniese werksaamhede	9, 107
Dr. Francois Sieberhagen	Elektroniese nuusbrief	140
Dr. Frederick Marais	Emeriti	1, 7, 130, 131, 132, 192, 193
Dr. Gideon Kok	Emeriti mediese hulpfonds	131
Dr. H. du Toit	Epic	22, 23, 24
Dr. Hugo van der Linde	Epic beginsel	22
Dr. Johan Froneman	E-pos	39, 140, 143, 144, 150, 212
Dr. Neels du Randt	Erediens	28, 38, 42, 43, 103, 186
Portefeuilleier Bedieningsteun	Eredienste	22, 23, 28, 39, 49, 92, 103, 183, 193, 208
Dr. Nelus Niemandt	Etienne Schoeman	41
Dr. PJSG du Plessis	Excelsus	22
Dr. Willem Pretorius	F	
Ds B Klut	Fasiliterdeur	176
Ds GS Kritzinger	Fasiliteringv	10, 24, 52, 68, 74, 83, 176, 178, 180, 181
Ds. Braam van Wyk	Faskom	v, 129
Ds. CJ Visser	Finansiële boeke	150
Ds. Danie le Roux	Finansiering	64, 65, 72, 111, 112
Ds. DAR Venter	Fokus-Areas	128, 129
Ds. Dawid Venter	Fondse	v, 11, 125, 136, 155, 179, 207, 219
Ds. Dirkie Enderstein	Formele barmhartigheidsbediening	64, 82
Ds. Elise Klut	Formele welsynsdienste	82
Ds. Evert Bergh	G	
Ds. FAJ Ströh	Gaste	7
Ds. Hannes Windell	Gauteng Raad van Kerke	13, 107
Ds. Henning Jacobs	Gebed	ii, 5, 39, 41, 46, 56, 96, 197, 206
Ds. Henry Meyer	Gekompileerde Balansstate	130
Ds. Hettie van Niekerk	Gemeenteleiers	i, 12, 13, 22, 55, 181, 195
Ds. HJ Jacobs	GEMEENTE-ONTWIKKELING	181
Ds. HS Klut		
Ds. JAC Badenhorst		

Gemeentesi, iv, 1, 2, 3, 4, 6, 11, 12, 13, 14, 23, 24, 25, 27, 37, 38, 39, 40, 43, 44, 49, 50, 51, 53, 54, 55, 56, 57, 58, 59, 60, 61, 62, 66, 68, 75, 76, 77, 78, 79, 81, 82, 83, 84, 86, 87, 88, 89, 90, 92, 93, 94, 95, 98, 99, 101, 102, 103, 104, 105, 106, 107, 108, 109, 110, 111, 112, 113, 114, 115, 116, 121, 122, 124, 125, 126, 127, 129, 130, 131, 132, 133, 134, 143, 144, 145, 146, 147, 148, 149, 150, 151, 156, 158, 159, 161, 163, 164, 171, 174, 176, 177, 178, 179, 180, 181, 182, 183, 184, 185, 187, 189, 190, 191, 192, 194, 195, 196, 197, 199, 203, 204, 206, 207, 208, 209, 212, 217, 219, 220	
Genesing van ons land	i, 12, 13, 51, 62, 83
George Barna	13
Geregtigheid	85, 86, 92, 95, 96, 97, 99
Gesamentlike Projekte	86, 90, 93, 219
Gestuurde Kerk	i, ii, 6, 12, 13, 60, 82
Gestuurdheid	ii, 47, 56, 57, 60
Getuienis	10, 19, 92, 115, 127, 132
GETUIENIS DIENSGROEPLEIER	
Ds. JD Louw	206
GETUIENISDIENSGROEP	
Geloofsoffer Belofte	206
SDG	206
Sendingfonds	206
Gevangenes	63, 70, 79, 83
Geweld	39, 40, 61, 81, 86, 93
GHK	99, 100, 101
GKABID	v, 142, 143, 151, 152, 153, 154, 155, 163
God	i, ii, 6, 8, 12, 21, 26, 27, 28, 37, 38, 39, 41, 43, 45, 46, 51, 52, 53, 54, 56, 57, 58, 59, 60, 61, 79, 83, 85, 87, 88, 95, 96, 97, 98, 99, 101, 142, 155, 158, 163, 199, 201, 203, 204, 205
H	
Handves vir Godsdiensregte	17
Heilige Gees	ii, 41, 51, 53, 59, 62, 96
Herenigingskommissie	94, 99
Hoëveld	i, ii, iii, 1, 2, 6, 7, 9, 12, 14, 16, 20, 54, 56, 60, 61, 62, 63, 66, 68, 69, 70, 72, 75, 76, 77, 78, 79, 80, 81, 83, 84, 108, 142, 197, 199, 202, 204, 205, 206, 209, 210, 214, 217, 220
HOMOSEKSUALITEIT	
Verskille oor homoseksualiteit	199
AS Besluit oor homoseksualiteit	199
Beskrywingspunt	220
Homoseksualiteit	199, 220
homoseksuele gelegitimeerde	199
Hoop	i, 6, 12, 25, 27, 81, 86, 87, 90
HUA	ii, 4, 180
Hubkonsep	176
HUBS	129
Hulpverleningsprosesse	71
Huwelikskursusse vir leraars	197
I	
Infokerk	149, 150
Inkomste	29, 30, 31, 32, 33, 36, 67, 72, 75, 112, 114, 116, 117, 118, 124, 128, 139, 207
inventarisse	147
J	
Jaarboek	147, 148, 158, 160, 164
Jesus	i, 8, 12, 36, 44, 46, 47, 48, 52, 58, 59, 60, 62, 79, 88, 96, 97, 99, 203, 206, 212, 220
Jeug	2, 10, 27, 37, 38, 39, 40, 46, 47, 81, 93, 116, 203
Gemeentejaar	202
Kinderbedieningswerkinkel	202
Ontwikkelingsfasies van kinders	202
JEUG DIENSGROEPLEIER	
Ds. Henri Meyer	203
Jeug- en kampbediening	202
Jeugaksies	38
Jeugsinode	27, 46, 47
Jeugwerk	47, 115
K	
Kalkoenfonds	204
Kampbediening	201
Kerkhereniging	i, ii, 12, 13, 39, 40, 84, 87, 88, 90, 91, 92, 107, 128
Kerklike Registers	144, 145, 148
Kerklike Tradisies	i, 12
Kerklike Tribunale	17
Kerkorde	14, 18, 20, 38, 89, 90, 93, 102, 103, 104, 105, 106, 147, 152, 186, 219
Kerkordeboek	16
Kerkordes	89, 90, 104
Kerkraad	18, 38, 52, 80, 102, 103, 105, 106, 150, 151, 156, 157, 159, 165, 166, 169, 170, 171, 172, 173, 174, 183, 185, 186, 188, 189, 207, 208, 209, 218, 220
Kerkrade	18, 38, 44, 84, 94, 100, 101, 102, 103, 104, 105, 106, 108, 118, 120, 121, 134, 135, 142, 146, 155, 156, 159, 160, 162, 168, 194, 195, 197, 199, 219, 220
Kerkspieël	148
Kerkverband	8, 62, 88, 89, 90, 104, 106, 125, 126, 180, 190
Kerkweb	140
Kombinerig	102
Kommunikasie	11, 40, 89, 127, 194, 205
Kommunikasiemetodes	140
KOMPILASIEVERSLAG	112
Konferensiesentrum	4
Konstituerig	5, 154
Konteks	i, 8, 12, 43, 45, 53, 56, 94, 105, 179, 180, 183, 199
Koördineerder	4, 9, 10, 11, 111
Korrespondensie	20, 151, 159, 161, 189

Koste Algemene Sinode	131	Mentorprogram	176
Koste eie sinode-sittings	131	Mentorskap	40, 129
Kreatiwiteit	i, 12	MES v, 13, 27, 48, 49, 50, 68, 74, 76, 124, 128	
Kruis-en-Dwars	140, 205	MIV/VIGS v, 61, 68, 69, 70, 72, 73, 75, 76, 83, 85, 89, 93, 98	
<i>L</i>		Mnr. Mike du Bruyn	111
Laat stukke	5	Mnr. FA Swanepoel	83
Elektronies inhandig.	5	Moderamen	6, 84, 152
Leiers	7, 11, 25, 38, 57, 59, 60, 61, 93, 181, 187, 195, 208	Moderator	5, 8, 10, 11
Leierskap	8, 9, 10, 11, 21, 39, 40, 42, 45, 59, 68, 85, 86, 125, 128, 179, 181, 183, 184, 185, 188, 195, 196	<i>N</i>	
Bedieningsleiers	195	Nasjonale Erfeniswet	146, 147, 157
LEIERSKAP PORTEFEULJELEIER		Navorsing	94
Dr. HH van der Linde	196	9, 11, 22, 24, 56, 57, 142, 143, 146, 156, 161, 162, 181, 185, 197, 198, 200, 204, 210, 214	
Leonard Sweet	13, 22	Navorsing Portefeuileleier	
Leraars	1, 3, 6, 7, 14, 15, 52, 55, 75, 80, 83, 84, 88, 100, 102, 118, 134, 142, 144, 164, 177, 194, 195, 197, 198, 202, 206	Dr. DJ Malan	197, 198
Nuwe Leraars	14	NC	v, 127, 129
Lidmaatbesonderhede	148, 150	NG Kerk	ii, iv, 2, 8, 9, 12, 17, 20, 25, 26, 27, 38, 44, 46, 47, 51, 53, 54, 61, 62, 63, 64, 65, 76, 79, 82, 84, 85, 86, 87, 88, 94, 95, 96, 97, 98, 99, 102, 104, 105, 106, 108, 109, 121, 142, 143, 144, 145, 146, 148, 150, 151, 152, 153, 154, 155, 157, 160, 161, 162, 163, 172, 199, 211, 214, 217, 220
Lidmaatregister	143, 151	NG Kerk Kempton-Kruin	220
Lidmate	i, 2, 6, 12, 18, 25, 26, 27, 28, 29, 37, 38, 39, 40, 41, 43, 44, 45, 51, 52, 54, 55, 58, 60, 62, 68, 77, 80, 82, 83, 85, 86, 87, 88, 91, 95, 96, 97, 102, 103, 104, 105, 106, 113, 114, 142, 143, 148, 149, 150, 157, 163, 164, 165, 166, 168, 169, 170, 171, 172, 173, 174, 193, 199, 205, 206, 208, 212, 217	NGBD v, 4, 61, 63, 64, 67, 69, 70, 74, 82, 108, 123, 128	
Likiditeitsanalise	111	NGKA iv, 64, 68, 84, 87, 88, 94, 95, 98, 99, 100, 107	
Lofprysing	41	Nood	i, 12, 13, 37, 39, 43, 44, 51, 53, 62, 63, 66, 70, 71, 75, 76, 77, 82, 101, 111, 115, 132, 184, 206
Ioodsgemeentes	91, 93	Notule	6, 16, 17, 145, 158, 159, 161
Luistergeleenthede	38	Notulekommissie	5
Luisterseisoen	ii, 6	Notulespan	ii, 20
Luistersiklus	51, 52, 54	Notuletafel	5
Luistersinode	37, 40, 41, 193, 197		
<i>M</i>			
Maatskaplike diens	62	<i>O</i>	
Maatskaplike hulpwerkers	65, 68, 71	Omgewing en Tydsgees	i, 12, 13, 22, 55
Maatskaplike werker	65, 67	Ondersteuning	6, 15, 27, 28, 40, 50, 63, 81, 82, 83, 86, 87, 125, 126, 127, 129, 177, 179, 181, 187, 189, 196, 207, 210, 214
Maatskaplike werkers	71	Ontwerpspan	ii, 4, 5, 6, 7, 40, 57, 108
Maatskaplike Werkers	67	Opening	5
Me Seloma Palmer	111	Opleidingsgeleenthede	178
Me. Adri Cheesman	9, 10	Ouderlinge	9
Me. Alet Beeslaar	203	Oudl. Esmé Arnott	9
Me. AM Viljoen	83	oudl. Izak de Villiers	9, 110
Me. Bettie Liebenberg	9, 10	Oudl. Piet Klut	9
Me. Hannie Harmse	ii, 4, 9, 10, 41, 111	Oudl. Susan Goosen	9
Me. Karin Grobler	202, 203		
Me. L. Winter	192	<i>P</i>	
Me. Zerilda Nel	107, 108	Padberade	140
TEASA	108, 123	Pastor Pastorum	iv, 10, 129, 176, 178, 180, 194
Melville Kruis Gemeente	25	Pastorale Begeleiding	177
Memoriam	1		
Menseregtekommisie	147		

Pat Keifert	13, 21, 57	Sinodale Dienskommissie	iv, 8, 9, 10, 11, 12, 13, 14, 20, 65, 124, 189	
Paulus	96, 98	Sinodale Kerkkantoor	9, 110, 121, 122, 123, 125, 130, 140, 158, 160	
Pleegsorg	72, 168	Sinode	i, ii, iii, 1, 3, 4, 5, 6, 7, 8, 9, 10, 11, 12, 14, 15, 16, 17, 20, 21, 22, 23, 24, 36, 38, 39, 40, 48, 50, 51, 53, 54, 55, 56, 60, 61, 62, 63, 64, 66, 68, 69, 70, 72, 75, 76, 77, 78, 79, 80, 82, 83, 84, 88, 89, 90, 95, 99, 102, 104, 105, 106, 107, 108, 116, 125, 128, 129, 131, 135, 137, 142, 143, 144, 145, 146, 147, 148, 149, 151, 152, 153, 154, 155, 156, 160, 161, 162, 163, 164, 177, 178, 179, 180, 181, 182, 183, 186, 189, 190, 192, 193, 194, 195, 197, 198, 199, 200, 202, 203, 204, 205, 206, 207, 209, 210, 212, 213, 214, 217, 218, 219, 220	
Portefeuilje Netwerke	10	Sinode Hoëveld	i, ii, 3, 9, 10, 14, 56, 77, 84, 200, 206, 217	
Portefeuiljeleiers	8, 12	Sinodegangers	ii, 4, 197	
Predikante Pensioenfonds	iv, 110, 121	SKA	v, 29, 110, 111, 120, 121, 122, 124, 125, 126, 127, 129, 135, 143, 145, 153, 154, 155, 163, 200	
Predikantebegleiding	181	Skakeling met die Pers	6	
Predikantekring	129	SKDB	v, 9, 61, 62, 63, 65, 66, 67, 68, 69, 70, 79, 82, 83, 84, 108, 125, 126, 127, 132, 135, 205	
predikantsvakature	183, 186, 190	Skriba	iii, 5, 6, 8, 11, 20, 21, 24, 110, 150, 206	
Prediking	1, 23, 24, 38, 43	Slakkepos	140	
Pro-Ekklesia Nuts-Behuisingsmaatskappy	76	SMS	v, 39, 140, 216	
Prof. Malan Nel	80	Standplaasverwisseling	10, 129, 177	
Programme	35, 71	Sterftes	150	
Promiskuititeit	199	Steunspan	5	
Prosesse	37, 40, 54, 85, 87, 88, 90, 93, 98, 176, 202, 212	Stemtellers	5	
R		Strategiese Doelwitte	ii, 8, 49	
RCA	iv, 64, 68, 84, 88, 107, 210	Strategiese Fokusareas	6, 13, 22, 126	
Reglement vir die Hantering van Registers	163	Strategiese Prosesse	11, 12	
Regskommissie	iv, 14, 15, 16, 17, 127	Streeksinodes	87, 89, 90, 92, 93, 98, 99, 147, 148, 149	
Reiskoste Eisvorms	4	Struktuurskepping	178	
Rekordbeheer	154, 156, 157, 160, 161, 163	Student Ferdie Mulder	212	
Regskommissie		Studente-Kerk	25, 26, 27, 28, 29, 32, 35, 36 Studenteleraar	29
Adv. Jl du Toit S.C.	15	Stukke voor die Sinode	6	
Retraite	180, 182	T		
RFK's	111	Tema	6, 41, 82, 145, 197, 204	
Ring	4, 13, 16, 17, 18, 64, 103, 108, 115, 116, 117, 135, 178, 212, 219, 220	'N KERK WAT WERK	6	
Ring van Brakpan	219, 220	Teologiese Fakulteit van die Vrystaat	210	
Ringe	66, 84, 107, 108, 109, 112, 140, 198, 204, 219, 220	Teologiese Fakulteit van Pretoria	211	
Ringsnotules	158	Teologiese Fakulteit VAN Stellenbosch	214	
Roeping	ii, 1, 3, 6, 7, 25, 53, 56, 57, 58, 59, 60, 83, 85, 86, 180, 182, 183, 191, 205	Terapeutiese dienste	70	
Roschen de Villiers	4	Toerustingsgeleenthede	26, 68, 79	
S		Tuistes vir Bejaardes	63, 64, 70, 71, 74, 75, 76	
SARK	iv, 108	Tydsgees	22	
SDK	iv, 5, 6, 7, 8, 9, 10, 11, 12, 13, 20, 21, 29, 37, 38, 40, 48, 55, 84, 107, 122, 127, 132, 182, 193, 194, 195, 197, 217	U		
SDK Dagbestuur	217	Uitgawes	32, 33, 102, 111, 114, 115, 117, 123, 126, 129, 131, 132, 139, 160, 178, 206, 215	
Seisoen van Luister	9, 51, 53, 54			
sekretariaat	91, 93			
Sekretariaat	91, 127, 132, 137			
Seniorbediening	63, 70, 76, 77, 78, 79, 127			
Seniors	71, 76, 77, 78, 193			
Sentralisering van Gemeentelike Registers	148			
Sentrum vir Kontekstuele Bediening	181, 187, 190, 191, 192			
Siekebesoek	77			
siekessorg	68, 79			
Siekessorg	63, 68, 70, 80, 83, 127			
Sinodale aanslag	219			
sinodale bydraes	13, 110, 111, 118, 124, 125, 126, 128, 129, 131, 132, 134, 219			

Uitkomstehuis	63, 70, 74	Versorgingsfonds	129, 131, 137
Uitreike	26, 28, 29, 32, 35, 36, 49, 60	VGKSA v, 27, 64, 68, 82, 84, 85, 86, 87, 88, 94, 95, 98, 99, 100, 107, 108, 109, 143, 190, 214	
Uitreikgeleenthede	26	Vigsangeleenthede	63, 68, 75
Uitreikspanne	26	Visioenering	53, 181, 195
Universiteit van Pretoria v, 1, 2, 10, 180, 181, 187, 190, 191, 212, 215		Voorkomingsprogramme	69, 71
V		Voorstelle	5, 46, 54, 93, 100, 101, 105, 197
Vennootskap van Gestuurde Gemeentes	129	Afskrifte	5
Vennootskapsreis		Voorstelregister	5
Bou van kapasiteit	60	Voorstelvorms	5
Church Innovations	57	Vroue	10, 93, 204, 205, 216
Gestuurde Gehoorsaamheid	58	Bederfdag vir Predikante se vroue	204
Gestuurde Gemeente	58, 59	Nasionale Vrouedag	204
patrone	58	Sinodale Byeenkoms	204
Patrone van Gestuurdheid	57	Wereldbiddag	204
Vier fasies	57	Vroue Diensgroepleier	
Vennootskapsreis	56	Me Dominica Kok	205
Vennote in Bedieningsvreugde	176	Vrouediens	121, 123, 127, 132, 138
Verbondsverbintenis	85, 86, 87, 99	Vrouelidmate	204, 205
Verkiesing van Moderatuur	5	Wolmusse en kouse	204
Verlof	6	W	
Dr. HH van der Linde	6	Waarheid	51, 58, 59, 95, 96, 97, 99, 101
Verlofaansoeke en Personeelwysigings	6	Webwerf	141
Versoening	87, 96, 97, 98	Werkskepping	48, 70, 98
Versoeningsproses	86, 94, 95, 99, 100, 101	Werkswinkels	23
Versoeningstaakspan	95		